










S V M M V L A  
REVERENDISSIMI  
DOMINI CATANEI

EPISCOPI CHIEMENSIS.  
*CASVS CONSCIENTIAE*

*Singulari breuitate atque faci-  
litate complectens,  
Omnibus praesertim Ecclesiasticis peruti-  
lis & necessaria.*


QVARTA EDITIO AB EODEM  
Authore nuper aucta.

*Erudimini, qui iudicatis terram. Psal. 2.*



B R I X I A E,  
Ex Societate Brixiana. M D C.  
*Consensu Superiorum.*





ILLVSTRISSIMO  
ET REVERENDISS.

DOMINO D.


CINTHIO ALDOBRANDINO  
Senogallienſi S. R. E. Cardinali  
Ampliſſimo, Domino ſuo  
colendiſſimo.

F. SEBASTIANVS CATANEVS  
à Mediolano Episcopus Chie-  
menſis S. P. D.



*V* M iuxta vo-  
cationis, profeſſio-  
niſque meæ ſta-  
tum, Cardinalis  
Ampliſſime, quàm plures libros  
de Caſibus conſcientiæ conſcri-  
ptos euoluerem, ut multorum





ILLVSTRISSIMO  
ET REVERENDISS.

DOMINO D.

CINTHIO ALDOBRANDINO  
Senogallienſi S. R. E. Cardinali  
Ampliſſimo, Domino ſuo  
colendiſſimo.

F. SEBASTIANVS CATANEVS  
à Mediolano Episcopus Cbie-  
menſis S. P. D.



*V* M iuxta vo-  
cationis, profeſſio-  
niſque meæ ſta-  
tum, Cardinalis  
Ampliſſime, quàmplures libros  
de Caſibus conſcientiæ conſcri-  
ptos euoluerem, ut multorum

commodo ac utilitati, præser-  
tim illorum, quibus magna vo-  
lumina perlegere non vacat,  
consulerem; desiderio iuuandi  
Ecclesiam Christi Saluatoris  
nostri pro mea mediocritate, du-  
ctus, eandem materiam tra-  
ctandam, & explicandam,  
Deo duce, communem Docto-  
rum sententiam sequendo, tot ci-  
tationibus, allegationibus, dispu-  
tationibus, & confutationibus  
quæ sepe nedum sensum obscu-  
rant, sed etiam pium lectorem  
aliquando perturbant, ne di-  
cam confundunt, omissis: decre-  
ta tamen sacri Concil. Trid. sin-  
gulari studio pro rerum qualita-  
te semper attendendo, sumpsi.



Quanta autem præstantia, uti-  
litatis ac necessitatis sit hæc do-  
ctrina de Casibus conscientie  
dicta, non est mihi tanta dicen-  
di; aut scribendi copia, neq; id  
tam breui præfatiuncula com-  
plecti possum: Ne tamen om-  
nino hic taceam, unicum sal-  
tem in laudem eius adducam.  
Qui non videt studio hoc subla-  
to, conscientiam quinimo ani-  
mam; cuius salus nobis adeo  
chara esse debet, in summo peri-  
culo versari? hoc vero retento  
etiam Iudices maximè Eccle-  
siasticos in utroq; foro iuste, san-  
cte, ac rectè in populo sibi diui-  
nitus commisso iudicare facile  
posse, sicq; Dei Omnipotentis ubi

tionem euitare; qui uti legitur,  
Cum acceperit tempus iustitias,  
actionesque nostras iudicabit :  
Huic lectioni atque studio Pa-  
rochi, & cæteri qui animarum  
curam sustinent, pro Officij sui  
munere, diligenter, & assidue  
incumbant; ipsis enim fidelium  
animæ, quas sanguine in ara  
crucis profuso, Christus Domi-  
nus redemit, in eam sollicitudi-  
nis curam traditæ sunt, ut illas  
& recte custodiant, & saluari  
pabulo ad æternitatem alant,  
quia scriptum est : Maledictus  
qui facit opus Domini negligen-  
ter. Verum humanissime Præ-  
sul, ne conatus laboresq; isti mei  
ad gloriam Omnipotentis Dei  
susce-

suscepti, patrocinio essent desti-  
tuti, tutelare tuum nomen præ  
reliquis selectum, eos Illustrissi-  
mæ, & Reuerendissimæ Domi-  
nationi tuæ tanquam Mæcena-  
ti optimo, & patrono meo colen-  
dissimo, cuius humanitatẽ om-  
nes mirantur, quam ego ipse tũ  
Romæ, tum Ferrariæ expertus  
sum ( ut alias præclarissimas  
animi tui dotes, quibus singula-  
ri Dei dono exornaris, taceam )  
dico, dedico & consecro. Quĩ etsi  
in omnia Christianæ Reipubli-  
cæ negotia perpetuò sis intentus,  
& ita omnibus uti singulis pro  
animi tui magnitudine, singu-  
larique in rebus agendis dexte-  
ritatẽ consulas: tamen pietatis

sacrarumq; literarum studia,  
omnibus alijs pro tua insigni pie-  
tate, anteferre soles. Quare Car-  
dinalis Amplissime, ut hoc meū  
opusculum, veluti pignus meæ  
obseruatiæ, ac perpetui obsequij,  
erga Illustrissimam, & Reue-  
rendissimam Dominationē tuā  
accipias, boniq; consulas, affe-  
ctum potius offerentis, quam  
rei oblatae quantitatem atten-  
dens, iterum atq; iterum rogo.  
Atq; hisce Vale diu fœlix in  
Domino, qui te dignissimum,  
firmissimumq; suæ sanctæ Ro-  
manæ Ecclesiæ Cardinem diu-  
tissimè nobis incolumem seruet,  
meq; ut soles, beneuolè comple-  
ctere. Tridenti ipso die Conuer-  
sionis

*sionis Diui Pauli Apostoli, An-*  
*no reparate salutis Millesimo*  
*sexcentesimo.*





AD REVERENDISSIMVM D.  
Cataneum Episcopum Chie-  
mensẽ operis

Authorem T.Cros.Bomp.  
Trident.



*Ifficles Anima cau-  
sas casusq; disertans  
Dum struis hĩc metho-  
dos, quĩ sine labe mi-  
cet;*

*Relligio Christi exul-  
tans vultuq; sereno  
Astitit, & sacris deueneranda cõ-  
mis;*

*Iam non paruus (ait) summator ma-  
ximus ornat*

*Cataneus spartam, quam Caetanus  
amat.*





DE REVERENDISSIMO D.  
Episcopo Chiemenſe &c.

Nicolai Inamiij Tri dent.  
Epigramma.



*Diuis Auspiciſibus libelle pro  
di  
In lucem, & bene cum Deo  
volente,  
Clarorum volita virum  
per ora.*

*Annorum ſeriem abſq; fine vinces;  
Immortale feres vtranque ſolis  
Nomen Catanei Domum, inuidente  
Parca; ergo auſpiciſibus libelle diuis,  
Prodi iam bene cum deo volente,  
ſeculis complaciturus eruditis,  
Maximi Titulis verendus **ALDO**  
**BRANDINI**, procerum ſacratus ordo,  
Atq; Eccleſia quem velut ſerenum  
Sidus Tota colit, polumq; ſupra  
Terrarum vehit orbe gens in omni.*



De parvitate re-  
verenda princeps

adignata cathedra di-  
gnisq; sedet;  
Qua iuncta exemplis


Qua iuncta exemplis  
Qua iuncta exemplis  
Qua iuncta exemplis

Qua iuncta exemplis  
Qua iuncta exemplis

Qua iuncta exemplis  
Qua iuncta exemplis

Qua iuncta exemplis  
Qua iuncta exemplis





# SVMMVLAE

REVERENDISSIMI

Domini Episcopi Chic-  
mensis

*Casus conscientiae complectentis  
initium.*

DE ABBATE.



Bbas regularis debet  
esse professus expres-  
se, & sacerdos legiti-  
me ordinatus: quia  
cura animarum, &  
sanctissimorum sacra-  
mentorum admini-  
stratio ei incumbit, consequenter de-  
bet esse ætatis viginti quinque anno-  
rum, quæ ætas in promouendis ad gra-  
dum presbiteratus iuxta decretum sa-  
cri Concil. Trid. sess. 23. de reform. ca.  
12. requiritur. Quare professio tacita  
non

non sufficit vt aliquis sit eligibilis in Abbatem proinde Nouitij ab actu electionis actiue & passiuè excluduntur. Abbas ordinariè debet eligi de proprio monasterio: at quando ibi persona idonea non haberetur, eo casu de alio monasterio eiusdem tamen ordinis, seruata forma Trid. synod. sess. 25. de regul. & monial. cap. 6. nempe per vota secreta, ita vt singulorum eligentium nomina nunquam publicentur. Ab Episcopo deinde Diocesano Dominicis diebus, vel alijs diebus festiuis in quibus ordines minores conferri possunt, gratis benedici debet: nihil enim pro tali benedictione absq; labe Symoniæ exigì potest: Abbatisa vero omni die benedici potest.

Abbas benedictus vsum mitræ, & baculi pastoralis habens, primam tonsuram, & quatuor minores ordines suis subditis conferre potest: non autem ijs qui sibi subiecti non sunt, sicut decreuit sacrosancta Trid. Synodus sess. 23. de reformat. cap. 10. nec potest sine consensu Capituli clericos ad Ecclesias, ad quas habet Ius patronatus presentare, minus suos monachos à Censuris, & peccatis alteri à Iure specialiter reseruatis absolvere, nec illos ex

Mo-

Monasterio pro arbitrio expellere, sed potius fugitivos & Apostatas requirere, eosque vt ad illorum Cœnobium redeant, opportunis medijs cogere, infra sess. 25. de regul. & monial. cap. 19.

Abbas confirmatus, & benedictus multa potest præstare, quæ simplex sacerdos perficere nequit: primo in Ecclesijs sibi subiectis potest post Missarum, Vesperarum, & Matutinorum officia solenniter benedicere populo, alibi non. secundo potest sibi subiectis primam tonsuram, & minores ordines conferre, eosq; ab omnibus peccatis & Censuris absolvere, nisi aliter in Iure expressè habeatur. tertio potest cum monachis sibi subiectis dispensare super Irregularitate contracta per acceptionem ordinum in excommunicatione, intellige si res est occulta, & tales in ordinibus sic susceptis se non exercuerint. quarto potest cum eisdem in votis factis ante ingressum religionis dispensare; vota vero facta post ingressum religionis eorundem, potest etiam irritare & annullare. quinto potest omnia Ecclesiæ, & Altaris ornamenta, excepto Calice, benedicere, & generaliter potest omnia benedicere, quæ cum sacra vñctione non sunt,  
& in

& in quibus est benedictio tantum verbalis. sexto Abbas vsum mitræ & baculi pastoralis ex priuilegio Apost. habens, potest in defectum Episcoporum interesse degradatione uerbalis & actuali, etiam si degradandus sit presbyter, vt habetur in Concil. Trid. sess. 13. decreto de reform. cap. 4.

Abbas non potest præfici duobus Monasterijs, nisi vnum dependeat ex altero, minus potest præfici diuersis Ecclesijs, Curam animarum habentibus, tenetur synodum adire, si habet populum, vel Ecclesias cum cura, etiam si ipse sit exemptus: quia in tali casu exemptio ad populum, vel Ecclesias non extenditur. Ad nuptias ire, aut filios de sacro fonte in baptismo leuare, ei non licet, vti sancitum est in Concil. Maticensensi can. 24. & 25.

Abbatissæ, & alię superiores quomodo, & qua ætate eligendæ sint eadem sacrosancta Trid. Synodus decernit sess. 25. de regul. & monial. capit. 7. sub istis verbis: Abbatissa, & Priorissa, & quocunque alio nomine præfecta, vel præposita appelletur, eligatur non minor annis quadraginta, & quæ octo annis post expressam professionem laudabiliter vixerit. Quod si his qualitatibus  
non

non reperiatur in eodem monasterio, ex alio eiusdem Ordinis eligi possit. Si hoc etiam in commodum superiori qui electioni præest, videatur ex ijs, quæ in eodem monasterio annum trigessimum exceßerint, & quinque saltem annis post professionem rectè vixerint, Episcopo, vel alio superiore consentiente eligatur. Duobus verò Monasterijs nulla præficiatur, & si quæ duo vel plura quocunque modo obtinet cogatur, vno excepto intra sex menses cætera resignare, post id vero tempus, nisi resignauerit, omnia ipso iure vacent. Is vero, qui electioni præest, Episcopus siue alius superior claustra monasterij non ingrediatur, sed ante cancellorum fenestrellam vota singulorum audiat, vel accipiat. In reliquis seruentur singulorum ordinum, vel Monasteriorum constitutiones.

## DE ABORSU.

**A**Borsus immaturi foetus editio, est graue peccatum, inter maleficia computatur, ex quo est contra bonum prolis generandæ, & contra naturam: quia etiam bruta foetum expectant.

Aborsus si sequatur effectus, est casus

ius episcopalis de consuetudine generali: si verò effectus non sequitur, est quidem peccatum mortale, non tamen Episcopo est reservatum. Quærenti vtrum procurare aborsum semper sit peccatum? Respondetur quod procurare aborsum, quando fœtus est animatus, etiam si fiat liberandi gratia mulierem prægnantem à mortæ, semper est peccatum mortale, ad Rom. 3. Non faciamus mala, inquit Apostolus, vt veniant bona: procurare autem aborsum antequam fœtus sit animatus, ne prægnans moriatur, nō est peccatum mortale, licet animatio impediatur: quia inde non mors, sed potius vita hominis sequitur, secus si res esset dubia.

Tempus animationis in masculo secundum communem opinionem Doctorum, est spacium quadraginta dierum: in foemina autem octuaginta dierum computando à die conceptionis, vel circa: Vnde procurans aborsum ante hoc tempus notabiliter, præterquam in casu supradicto, peccat quidē mortaliter, tamen neque homicida dici potest, neque fit irregularis: procurans verò aborsum post prædictum tempus, vel paulò antè, si sequatur effectus, peccat mortaliter, est homicida, & incurrit

rit irregularitatem, vt docet D. Thom. 4. sentent. distinct. 31. talis secundum iura ciuilia debet capite puniri, quia verus homicida, vel parte bonorum omissa est relegandus, vel si est pauper, condemnatur ad metalla: secundum autem ius canonicum huiusmodi reis, penitentia quinque, vel septem annorum imponitur, aut trium annorum ad minus, vbi culpa leuis præcessit.

Virum verò censerī debeat homicida si dubitatur de fœtus animatione? dico quod in foro contentioso, vbi agitur ad pœnam interpretatio in partem mitiorem fieri debet: sed in foro animæ, vbi agitur ad placandum Deum, & ad emendationem, debet se quis homicidam reputare: nam in talibus viatior est eligenda.

## DE ABSOLUTIONE.

**A**bsolutio est duplex, à peccatis; & à censuris. prima est ordinis, secunda est iurisdictionis. prima solis Sacerdotibus competit, secunda etiam Diacono, quinimo & inferioribus clericis committi potest: prima requirit potestatem ordinis & iurisdictionis, secunda solam potestatem iurisdictionis



AD REVERENDISSIMVM D.  
Cataneum Episcopum Chie-  
mensem operis

Authorem T. Crof. Bomp.  
Trident.



*Ifficiles Anima cau-  
sas casusq; disertans  
Dùm struis hìc metho-  
dos, quìs sine labe mi-  
cet;*

*Relligio Christi exul-  
tans vultuq; sereno*

*Astitit, & sacris deucneranda co-  
mis;*

*Iam non paruus (ait) summator ma-  
ximus ornat*

*Cataneus spartam, quam Caetanus  
amat.*







DE REVERENDISSIMO D.  
Episcopo Chiemenſe &c.

Nicolai Inamij Tri dent.  
Epigramma.



*D*ivis Auspicibus libelle pro  
di  
In lucem, & bene cum Deo  
volente,  
Clarorum volita virum  
per ora.

Annorum ſeriem abſq; ſine vinces;  
Immortale ſeres vtrunque ſolis  
Nomen Catanei Domum, invidente  
Parca; ergo auſpicibus libelle diuis,  
Prodi iam bene cum deo volente,  
Seclis complaciturus eruditis,  
Maximi Titulis verendus **ALDO**  
**BRANDINI**, procerū ſacratus ordo,  
Atq; Eccleſia quem velut ſerenum  
Sidus Tota colit, polumq; ſupra  
Terrarum vehit orbe gens in omni.



Aliud eiusdem.



Ille sacrum gestat ve-  
neranda fronte tia-  
ram,

Augusta cathedra di-  
gnus & ille sedet;

Qui sanctæ exemplis

vix & sophia q̄, nitescit

Lumine sidereæ, qui studet vsq̄ gre-  
gem

Doctrinis formare pium, atq̄ inducere  
cælo

Electas animas, Maximus iste mihi,  
Cataneus titulo hoc; decorant insignia  
honoris

Hunc tanti meritum. hic nomina  
dignus habet.

Cataneo similes vtinam indulgentia do-  
net

Hoc auum summi sapè videre pa-  
tris.



SVMMVLAE  
REVERENDISSIMI  
Domini Episcopi Chic-  
mensis

*Casus conscientiae completentis  
initium.*

DE ABBATE.



Bbas regularis debet  
esse professus expres-  
se, & sacerdos legiti-  
me ordinatus : quia  
cura animarum, &  
sanctissimorum sacra-  
mentorum admini-  
stratio ei incumbit, consequenter de-  
bet esse ætatis viginti quinque anno-  
rum, quæ ætas in promouendis ad gra-  
dum presbiteratus iuxta decretum sa-  
cra Concil. Trid. sess. 23. de reform. ca.  
12. requiritur. Quare professio tacita  
non

non sufficit vt aliquis sit eligibilis in Abbatem proinde Nouitij ab actu electionis actiue & passiuè excluduntur. Abbas ordinariè debet eligi de proprio monasterio: at quando ibi persona idonea non haberetur, eo casu de alio monasterio eiusdem tamen ordinis, seruata forma Trid. synod. sess. 25. de regul. & monial. cap. 6. nempe per vota secreta, ita vt singulorum eligentium nomina nunquam publicentur. Ab Episcopo deinde Diocesano Dominicis diebus, vel alijs diebus festiuis in quibus ordines minores conferri possunt, gratis benedici debet: nihil enim pro tali benedictione absq; labe Symoniæ exigì potest: Abbatisa vero omni die benedici potest.

Abbas benedictus vsum mitræ, & baculi pastoralis habens, primam tonsuram, & quatuor minores ordines suis subditis conferre potest: non autem ijs qui sibi subiecti non sunt, sicut decreuit sacrosancta Trid. Synodus sess. 23. de reformat. cap. 10. nec potest sine consensu Capituli clericos ad Ecclesias, ad quas habet Ius patronatus præsentare, minus suos monachos à Censuris, & peccatis alteri à Iure specialiter reseruatis absolvere; nec illos ex  
Mo-

Monasterio pro arbitrio expellere, sed potius fugitiuos & Apostatas require-re, eosque vt ad illorum Cœnobium redeant, opportunis medijs cogere, in-  
fra sess. 25. de regul. & monial. cap. 19.

Abbas confirmatus, & benedictus multa potest præstare, quæ simplex sacerdos perficere nequit: primo in Ecclesijs sibi subiectis potest post Missarum, Vesperarum, & Matutinorum officia solenniter benedicere populo, alibi non. secundo potest sibi subiectis primam tonsuram, & minores ordines conferre, eosq; ab omnibus peccatis & Censuris absoluerè, nisi aliter in Iure expressè habeatur. tertio potest cum monachis sibi subiectis dispensare super Irregularitate contracta per acceptionem ordinum in excommunicatione, intellige si res est occulta, & tales in ordinibus sic susceptis se non exercuerint. quarto potest cum eisdem in votis factis ante ingressum religionis dispensare; vota vero facta post ingressum religionis eorundem, potest etiam irritare & annullare. quinto potest omnia Ecclesiæ, & Altaris ornamenta, excepto Calice, benedicere, & generaliter potest omnia benedicere, quæ cum sacra vñctione non sunt,

& in

& in quibus est benedictio tantum verbalis. sexto Abbas vsum mitræ & baculi pastoralis ex priuilegio Apost. habens, potest in defectum Episcoporum interesse degradationi verbali & actuali, etiam si degradandus sit presbyter, vt habetur in Concil. Trid. sess. 13. decreto de reform. cap. 4.

Abbas non potest præfici duobus Monasterijs, nisi vnum dependeat ex altero, minus potest præfici diuersis Ecclesijs, Curam animarum habentibus, tenetur synodum adire, si habet populum, vel Ecclesias cum cura, etiam si ipse sit exemptus: quia in tali casu exemptio ad populum, vel Ecclesias non extenditur. Ad nuptias ire, aut filios de sacro fonte in baptismo leuare, ei non licet, vti sancitum est in Concil. Matisconenfi can. 24. & 25.

Abbatissæ, & alię superiores quomodo, & qua ætate eligendæ sint eadem sacrosancta Trid. Synodus decernit sess. 25. de regul. & monial. capit. 7. sub istis verbis: Abbatissa, & Priorissa, & quocunque alio nomine præfecta, vel præposita appelletur, eligatur non minor annis quadraginta, & quæ octo annis post expressam professionem laudabiliter vixerit. Quod si his qualitatibus  
non

non reperiatur in eodem monasterio, ex alio eiusdem Ordinis eligi possit. Si hoc etiam in commodum superiori qui electioni præest, videatur ex ijs, quæ in eodem monasterio annum trigessimum exceßerint, & quinque saltem annis post professionem rectè vixerint, Episcopo, vel alio superiore consentiente eligatur. Duobus verò Monasterijs nulla præficiatur, & si quæ duo vel plura quocunque modo obtinet cogatur, vno excepto intra sex menses cætera resignare, post id vero tempus, nisi resignauerit, omnia ipso iure vacent. Is vero, qui electioni præest, Episcopus siue alius superior claustra monasterij non ingrediatur, sed ante cancellorum fenestrellam vota singulorum audiat, vel accipiat. In reliquis seruentur singulorum ordinum, vel Monasteriorum constitutiones.

## DE ABORSU.

**A**Borsus immaturi foetus editio, est graue peccatum, inter maleficia computatur, ex quo est contra bonum prolis generandæ, & contra naturam: quia etiam bruta foetum expectant.

Aborsus si sequatur effectus, est casus

sus episcopalis de consuetudine generali: si verò effectus non sequitur, est quidem peccatum mortale, non tamen Episcopo est reservatum. Quærenti vtrum procurare aborsum semper sit peccatum? Respondetur quod procurare aborsum, quando fœtus est animatus, etiam si fiat liberandi gratia mulierem prægnantem à mortæ, semper est peccatum mortale, ad Rom. 3. Non faciamus mala, inquit Apostolus, vt veniant bona: procurare autem aborsum antequam fœtus sit animatus, ne prægnans moriatur, nō est peccatum mortale, licet animatio impediatur: quia inde non mors, sed potius Vita hominis sequitur, secus si res esset dubia.

Tempus animationis in masculo secundum communem opinionem Doctorum, est spacium quadraginta dierum: in foemina autem octuaginta dierum computando à die conceptionis, vel circa: Vnde procurans aborsum ante hoc tempus notabiliter, præterquam in casu supradictō, peccat quidē mortaliter, tamen neque homicida dici potest, neque fit irregularis: procurans verò aborsum post prædictum tempus, vel paulò antè, si sequatur effectus, peccat mortaliter, est homicida, & incur-



rit irregularitatem, vt docet D. Thom. 4. sentent. distinct. 31. talis secundum iura ciuilia debet capite puniri, quia verus homicida, vel parte bonorum omissa est relegandus, vel si est pauper, condemnatur ad metalla: secundum autem ius canonicum huiusmodi reis, penitentia quinque, vel septem annorum imponitur, aut trium annorum ad minus, vbi culpa leuis præcessit.

Virum verò censerī debeat homicida si dubitatur de fœtus animatione? dico quod in foro contentioso, vbi agitur ad pœnam interpretatio in partem mitiorem fieri debet: sed in foro animæ, vbi agitur ad placandum Deum, & ad emendationem, debet se quis homicidam reputare: nam in talibus viatior est eligenda.

## DE ABSOLVTIONE.

**A**bsolutio est duplex, à peccatis; & à censuris. prima est ordinis, secunda est iurisdictionis. prima solis Sacerdotibus competit, secunda etiam Diacono, quinimo & inferioribus clericis committi potest. prima requirit potestatem ordinis & iurisdictionis; secunda solam potestatem iurisdictionis

nis exigit. prima requirit determinatam formam verborum, quæ est ista: Absoluo te à peccatis tuis, secunda nõ exigit determinatam formam verborum: quia ipsa verba habent efficaciam secundum intentionem dicentis, seu absoluentis, propterea non refert, quibus verbis vtatur ad exprimendam suam intentionem, Vt si dicat benedico te siue absoluo te, siue vade in pace, absolutio à censuris tenet, vbi accedit intentio superioris: tamen etiam hæc secundum communem vsum habet determinatam formam verborum.

Forma absolutionis ab excommunicatione, quæ vsitatur, est ista: Absoluo te à vinculo excommunicationis, quam incurristi propter tale factum, & restituo te sanctis Sacramentis Ecclesiæ, communioni, & vnitati fideiũ, in nomine Patris, & Filij, & Spiritus Sancti.

Forma absolutionis à suspensione est hæc, Absoluo te à vinculo suspensionis, quam incurristi propter N. & restituo te executioni ordinum, & officiorum tuorum, in nomine Patris, & Filij, & Spiritus sancti, eadem per omnia est forma absolutionis ab interdicto.


Forma absoluendi ab irregularitate est

est ista. Dispenso tecum super irregularitate, quam contraxisti propter N. & restituo te ad actus legitimos, in nomine Patris, & Filij, & Spiritus sancti.

Forma absoluendi à peccatis, quæ sola est sacramentalis, his verbis exprimitur: Absoluo te à peccatis tuis præmittitur Misereatur &c. ne effectus Sacramenti ex parte pœnitentis impediatur, postponitur In nomine Patris, & Filij, & Spiritus sancti, vt ostendatur, quòd Sacerdos non propria authoritate, sed vt minister absoluit: Verùm nec preces præcedentes, nec inuocatio sanctissimæ Trinitatis, nec manuum impositio, nec signum crucis, sunt de necessitate Sacramenti: his enim omissis absolutio tenet.

Absolutio ab excommunicatione, semper debet præcedere absolutionem à peccatis: quia excommunicatio maior priuat reum participatione Sacramentorum actiuè, & passiuè. Quare aliquis quamdiu est excommunicatus, non potest recipere rem Sacramenti, etsi talis sit Sacerdos, sicque tenet absolute à peccatis, absolutio est nulla. nam absolutio à peccatis potestatem ordinis, & iurisdictionis, qua excom-

mu-



municatus est priuatus, simul necessarium requirit.

Absolutio à peccatis, siue fiat ante iniunctionem satisfactionis, siue post, tenet: Verum melius est vt fiat post, q̃ si confitens satisfactionem iniunctam recuset, adhuc tamen venit absoluehdus, ne per desperationem in infernū ruat. Item quia licet Sacramentum Penitentiae absque satisfactione non sit perfectum, quoad partes integrales sue materiae: tamen absque ipsa, essentialia Sacramenti saluantur, ideo etiamsi in hac vita desit satisfactio: nihilominus Sacramentum tenet, & habet suā vim: quia si non hic, in purgatorio satisfiet.

Ab excommunicatione minori, qui liber Sacerdos ad sacras Confessiones audiendas expositus, potest absolvere: secus non: quia excommunicatio minor est vinculum ecclesiasticum, propterea in absolvente de necessitate exigit potestatem iurisdictionis ecclesiasticae: potest tamen Sacerdos ordinatus & non expositus, à venialibus absolvere: quoniam ad hanc remittenda sufficit potestas ordinis.

Absolutio ab excommunicatione, siue à peccatis facta sub conditione de futuro, puta dicendo si satisfeceris, vel fece-

feceris talem eleemosynam, absoluo te, &c. non tenet, propterea à tali est abstinentum: quandoquidem non est Sacerdotis absoluentis conferre nunc Sacramentum, & suspendere effectum illius: Absolutio verò facta sub conditione de preterito, tenet, vt si dubitatur de absolutione & dicatur. Si non es absolutus, ego te absoluo, &c. nam illa suspendit actum, hæc verò non.

In absolutione à peccatis reseruatiss duplex est via procedendi ipsi Confessario, non habenti talem auctoritatē: vna est, vt penitens omnia peccata vni Sacerdoti approbato confiteatur, vt Confessio sit integra, (conditio Confessioni sacramentali necessaria, vt suum effectum sortiatur) quàm à quibus poterit, illum absoluet, & pro reseruatiss remittet illum ad Superiorem, cui tantum reseruata debet confiteri, & ab eis petere absolutionem, altera via est, vt Confessarius in tali casu accedat Ordinarium, siue scribat pro licentia absoluenti, ab huiusmodi reseruatiss, non nominando personam & hæc via est longè melior, qua in re Ordinarij non debent se præbere difficiles.

## DE ABSTINENTIA.

**A**Bſtinentia eſt ſubtractio ciborū ad rationem relata, quæ ſi referatur ad ſanitatē corporis, pertinet ad artem medicam, quæ præſcribit quibus cibis in qua quātitate, & quo tempore infirmus vti debeat: ſi verò referatur ſecundum quòd ſit ex fide & dilectione Dei ad reprimendas concupiſcentias carnales, ad peccatorum deletionem, & mentis eleuationem in Deum, pertinet ad regnum Dei, & eſt virtus, 2. Petr. 1. Miniſtrate, inquit in fide veſtra virtutem, in virtute ſcientiam, in ſcientia autem abſtinentiam. Ad hanc virtutem Chriſtus ſuos fideles hortatur, Luc. 21. Attendite, ait, ne grauentur corpora veſtra crapula, & ebriitate. Hanc virtutem D. Paulus amplexus eſt 1. Cor. 9. Caſtigo corpus meum, & in ſeruitutem redigo.

Abſtinere à quibuſdam cibis tanquā de ſe malis, vel quia in lege Mōyi prohibeantur, eſt quidem peccatum, & contra Chriſti doctrinam, iuxta illud ad Colof. 2. Nemo vos iudicet, inquit Apoſt. in cibo, aut potu, aut in parte diei feſti, aut neomeniæ, aut ſabbathorum,

## Acceptio personarum: 29

rum, quæ sunt vmbra futurorum, quia illa euacuata sunt; Abstinere verò à quibusdam cibis, propter causas superius adductas, & vt melius cōmodiusque fructus ieiunij acquiramus, est bonum, & procedit ex doctrina Christi Rom. 14. Bonum est non manducare carnem, & non bibere vinum.

Abstinētia siue subtractio ciborum ordinata, & discreta, est virtus, quia pars temperantiæ, quod si fuerit inordinata, & indiscreta, ita vt sit contra valetudinem, & notabile detrimētum inferat naturæ, eo casu est peccatum. Rom. 12. Exhibeatis, inquit Apostolus, corpora vestra hostiam viuētem, sanctam, Deo placentem, rationabile obsequium vestrum.

## DE ACCEPTIONE personarum.

**A** Cceptio personarum est vitium, quo id, quod ex debito iustitiæ vni est conferendum, alteri exhibetur. Hoc homini est prohibitum in sacris literis; Deuter. 1. Non accipietis cuiusquam personam. Prouerb. 18. Accipere personam in iudicio non est bonū. Et Iacob. 2. Nolite in personarum ac-

26 *Acceptio personarum.*

ceptione habere fidem. Quare acceptio personarum non cadit in ijs, quæ gratis dantur: quilibet enim de suo potest dare vni, & non alteri, cum non teneatur, secus autem si ex debito distribueret, D. Thomas prima secundæ quæst. 93. art. 1. ad secundum, unde cum Deus nulli sit debitor, acceptio personarum in eo locum non habet.

Datio duplex vna quæ pertinet ad iustitiam, & in hac, acceptio personarum, locum habet: altera quæ pertinet ad liberalitatem, & in hac, acceptio personarum non habet locum, quia de suo homo potest dare cui vult, & quantum vult, iuxta illud Matth. 20. An non licet mihi facere de meo, quod volo? Exempli gratia. Si duo reperiuntur pauperes, & quis eleemosynam faciat pauperi non constituto in extrema necessitate, & non faciat pauperi constituto in articulo necessitatis talis dicitur acceptor personarum, & hoc scienter faciens peccat: si verò neuter est constitutus in extrema necessitate, & quis magis vni, quàm alteri faciat eleemosynam, eo casu non committit peccatum acceptionis personarum.]

Acceptio personarum vitium iustitiæ commutatiuæ oppositum scienter facta



facta in re spirituali, est grauius peccatum, quàm sit acceptio personarum facta in re temporali: quia maius bonum offenditur, exempli gratia: Si Episcopus confert beneficium indigno, & non digno, grauius peccat quàm iudex, qui super re temporali iudicat pro paupere & non pro diuite, ratione tantum paupertatis ductus, quæ tamen iudicem mouere non debet, Exod. 23. Pauperis quoque non misereberis in iudicio.

Acceptio personarum in re parua, qua proximus non grauatur, est peccatum veniale: in re verò notabili, qua proximus notabiliter grauatur, acceptio personarum est peccatum mortale, ideo euitanda ad imitationem omnipotentis Dei nostri, de quo scriptum est, Rom. 2. Non est acceptio personarum apud Deum. Item Act. 10. Non est personarum acceptor Deus, sed in omni gente qui timet eum, & operatur iustitiam, acceptus est illi.

## DE ACCEDIA.

**A**ccidia secundum D. Thomam secunda secundæ quæst. 35. art. 2. est tristitia de bono spirituali; & semper est peccatum: quia contrariatur

charitati, cuius proprius effectus est gaudere de bono diuino, & spirituali. Quandoque accidia est peccatum veniale, & quando est solum in motu sensuali, propter imperfectionem actus, vel quia est de bono spirituali, ad quod quis non tenetur de necessitate: quandoque est mortale, ut quando accedit consensus rationis, & omittuntur ea, ad quæ homo tenetur de necessitate. Vnde ad hoc, quod accidia sit peccatum mortale, duo requiruntur. Primò, quod sit de bono spirituali, quod quis tenetur facere de necessitate, propter Deum & ad salutem animæ. Secundò, quod adsit plenus consensus rationis: nam imperfectio actus excusat à mortali.

Accidia, quæ propriè contrariatur præcepto de sanctificatione sabbati, ut notat Diuus Thomas loco citato, nendum est peccatum mortale ex genere suo, sed etiam vitium capitale, quia ex ipsa multa alia vitia oriuntur præcipuè sex, scilicet Malitia, qua bona diuina homo contemnit, & est mortale. Rancor quo displicent alicui homines inducentes ad spiritualia, & est veniale, nisi superueniat odium. Pusillanimitas, qua homo se retrahit à bonis quæ pos-

set præstare timore deficiendi, & est veniale, nisi bona essent de præcepto. Desperatio, quæ est disidentia de assequenda beatitudine propter defectum gloriæ Dei, & propriorum meritorum, & mortale est. Negligentia agendorum, quæ si est circa opera misericordiæ, vel discendi necessaria ad salutem, vel procurandi Sacramenta necessaria familiæ, vel circa correctionem fraternam quandoque peccatum mortale est. Evagatio mentis in oratione, quæ est veniale peccatum: tamen in eo qui tenetur ad officium, seu horas canonicas, puta beneficiati, sacris initiati, & religiosi professi, potest esse peccatum mortale.

## DE ACCVSATIONE.

**I**N criminibus indagandis puniendisque, tribus modis, canonicè atque iuridicè procedi potest, videlicet: inquisitione, denunciatione, & accusatione. Inquisitio super crimine fit præcedente infamia: Denunciatio verò, & Accusatio fiunt præcedente delatione: unde iudex, qui aliter procedit in indagandis, ac puniendis criminibus in foro contentioso, peccat utpote, quia præ

ter ordinem iuris facit.

Accusatio differt à denunciatione potissimum in quatuor. Primò q̄ accusatio principaliter intendit punitionē peccantis ad iustitiam conseruandam: denuntiatio autem principaliter intendit emendationem peccantis. Secundo, q̄ accusatio saltem in foro contentioso potest fieri absque præcedente admonitione: denuntiatio verò nō potest fieri, nisi monitione præmissa, iuxta præscriptum Euangelicum Mat. 18. quia in ea principaliter intenditur emendatio proximi delinquentis. Tertiò q̄ accusatio debet fieri in scriptis: denuntiatio autem vocetenus. Quarto, quòd accusatio includit pœnam talionis, hoc est eandem retributionem mali: denuntiatio verò non includit pœnam talionis, etiam si denuncians deficiat in probatione, vnde accusatio non debet esse nisi de re certa. Homo tenetur accusare crimen, alterius sub pœna peccati, vbi tria simul concurrunt. Primò, quòd crimen vertat in detrimentum spirituale, seu corporale Reipublicæ: nam si crimen est priuatum, regulariter solus ille, cuius interest potest reum accusare. Secundò, quòd sufficienter probare possit. Tertiò, q̄

crimen aliter emendare non possit: quia iuxta mandatum Domini, processumq; euangelicum, prius oportet procedere ad emendationem peccantis, quàm ad iustitiam conseruandam.

Accusatio criminis alterius, vt fiat absque peccato, debet esse vel propter bonum commune, vt inde ceteri quietè & honestè viuant, vel propter suum interesse: vnde si quis alia intentione proximum suum accuset in foro contentioso, peccat. Clericus ad vindictã publicam proximum accusare non debet, etiam si pœna sanguinis non venit imponenda: si verò prosequitur iniuriam propriam, potest proximum suum accusare, etiam si ratione criminis imponenda esset pœna sanguinis, dummodò præcedat protestatio, quòd non ea intentione accuset, & sic non incurrit irregularitatem.

Accusatus seruato ordine iuris tenetur sub reatu lethalis criminis dicere veritatem, secus autem si contra formã iuris procedatur, exempli gratia: si accusatus non sit subiectus, vel crimen sit occultum, cuius solus Deus est iudex, ita vt non præcesserit infamia super crimine, neque semiplena probatio, neque appareant indicia, & eo ca-

municatus est priuatus, simul necessario requirit.

Absolutio à peccatis, siue fiat ante iniunctionem satisfactionis, siue post, tenet: Verum melius est vt fiat post, q̃ si confitens satisfactionem iniunctam recuset, adhuc tamen venit absoluehdus, ne per desperationem in infernū ruat. Item quia licet Sacramentum Pœnitentiæ absque satisfactione non sit perfectum, quoad partes integrales sue materiæ: tamen absque ipsa, essentialia Sacramenti saluantur, ideo etiam si in hac vita desit satisfactio: nihilominus Sacramentum tenet, & habet suā vim: quia si non hic, in purgatorio satisfiet.

Ab excommunicatione minori, quilibet Sacerdos ad sacras Confessiones audiendas expositus, potest absolvere: secus non: quia excommunicatio minor est vinculum ecclesiasticum, propterea in absolvente de necessitate exigit potestatem iurisdictionis ecclesiasticæ: potest tamen Sacerdos ordinatus & non expositus, à venialibus absolvere: quoniam ad hæc remittenda sufficit potestas ordinis.

Absolutio ab excommunicatione, siue à peccatis facta sub conditione de futuro, puta dicendo si satisfeceris, vel  
fece-

feceris talem eleemosynam, absoluo te, &c. non tenet, propterea à tali est abstinentum: quandoquidem non est Sacerdotis absoluentis conferre nunc Sacramentum, & suspendere effectum illius: Absolutio verò facta sub conditione de preterito, tenet, vt si dubitatur de absolutione & dicatur. Si non es absolutus, ego te absoluo, &c. nam illa suspendit actum, hæc verò non.

In absolutione à peccatis reseruatis duplex est via procedendi ipsi Confessario, non habenti talem auctoritatē: vna est, vt pœnitens omnia peccata vni Sacerdoti approbato confiteatur, vt Confessio sit integra, (conditio Confessione sacramentali necessaria, vt suum effectum sortiatur) quàm à quibus poterit, illum absoluet, & pro reseruatis remittet illum ad Superiorem, cui tantum reseruata debet confiteri, & ab eis petere absolutionem, altera via est, vt Confessarius in tali casu accedat Ordinarium, siue scribat pro licentia absoluenti, ab huiusmodi reseruatis, non nominando personam & hæc via est longè melior, qua in re Ordinarij non debent se præbere difficiles.



## DE ABSTINENTIA.

**A**bſtinentia eſt ſubtractio ciborū ad rationem relata, quæ ſi referatur ad ſanitatē corporis, pertinet ad artem medicam, quæ præſcribit quibus cibis in qua quātitate, & quo tempore infirmus vti debeat: ſi verò referatur ſecundum quòd ſit ex fide & dilectione Dei ad reprimendas concupiſcentias carnales, ad peccatorum deletionem, & mentis eleuationem in Deum, pertinet ad regnum Dei, & eſt virtus, 2. Petr. 1. Miniſtrate, inquit in fide veſtra virtutem, in virtute ſcientiam, in ſcientia autem abſtinentiam. Ad hanc virtutem Chriſtus ſuos fideles hortatur, Luc. 21. Attendite, ait, ne grauentur corpora veſtra crapula, & ebriitate. Hanc virtutem D. Paulus amplexus eſt 1. Cor. 9. Caſtigo corpus meum, & in ſeruitutem redigo.

Abſtinere à quibuſdam cibis tanquā de ſe malis, vel quia in lege Moÿſi prohibeantur, eſt quidem peccatum, & contra Chriſti doctrinam, iuxta illud ad Colof. 2. Nemo vos iudicet, inquit Apoſt. in cibo, aut potu, aut in parte diei feſti, aut neomeniæ, aut ſabbathorum,



rum, quæ sunt umbra futurorum, quia illa euacuata sunt; Abstinere verò à quibusdam cibis, propter causas superius adductas, & ut melius cōmodiusque fructus ieiunij acquiramus, est bonum, & procedit ex doctrina Christi Rom. 14. Bonum est non manducare carnem, & non bibere vinum.

Abstinētia siue subtractio ciborum ordinata, & discreta, est virtus, quia pars temperantiæ, quod si fuerit inordinata, & indiscreta, ita ut sit contra valetudinem, & notabile detrimentum inferat naturæ, eo casu est peccatum. Rom. 12. Exhibeatis, inquit Apostolus, corpora vestra hostiam viuētem, sanctam, Deo placentem, rationabile obsequium vestrum.

## DE ACCEPTIONE personarum.

**A** Cceptio personarum est vitium, quo id, quod ex debito iustitiæ uni est conferendum, alteri exhibetur. Hoc homini est prohibitum in sacris literis; Deuter. 1. Non accipietis cuiusquam personam. Prouerb. 18. Accipere personam in iudicio non est bonū. Et Iacob. 2. Nolite in personarum ac-

26 *Acceptio personarum.*

ceptione habere fidem. Quare acceptio personarum non cadit in ijs, quæ gratis dantur: quilibet enim de suo potest dare vni, & non alteri, cum non teneatur, secus autem si ex debito distribueret, D. Thomas prima secundæ quæst. 93. art. 1. ad secundum, vnde cum Deus nulli sit debitor, acceptio personarum in eo locum non habet.

Datio duplex vna quæ pertinet ad iustitiam, & in hac, acceptio personarum, locum habet: altera quæ pertinet ad liberalitatem, & in hac, acceptio personarum non habet locum, quia de suo homo potest dare cui vult, & quantum vult, iuxta illud Matth. 20. An non licet mihi facere de meo, quod volo? Exempli gratia. Si duo reperiuntur pauperes, & quis eleemosynam faciat pauperi non constituto in extrema necessitate, & non faciat pauperi constituto in articulo necessitatis talis dicitur acceptor personarum, & hoc scienter faciens peccat: si verò neuter est constitutus in extrema necessitate, & quis magis vni, quam alteri faciat eleemosynam, eo casu non committit peccatum acceptationis personarum.]

Acceptio personarum vitium iustitiæ commutatiuæ oppositum scienter facta

facta in re spirituali, est grauius peccatum, quàm sit acceptio personarum facta in re temporali : quia maius bonũ offenditur, exempli gratia : Si Episcopus confert beneficium indigno, & nõ digno, grauius peccat quàm iudex, qui super re temporali iudicat pro paupere & non pro diuite, ratione tantum paupertatis ductus, quæ tamen iudicem mouere non debet, Exod. 23. Pauperis quoque non misereberis in iudicio.

Acceptio personarum in re parua, qua proximus non grauatur, est peccatum veniale : in re verò notabili, qua proximus notabiliter grauatur, acceptio personarum est peccatum mortale, ideo euitanda ad imitationem omnipotentis Dei nostri, de quo scriptum est, Rom. 2. Non est acceptio personarum apud Deum. Item Act. 10. Non est personarum acceptor Deus, sed in omni gente qui timet eum, & operatur iustitiam, acceptus est illi.

## DE ACCEDIA.

**A**ccidia secundum D. Thomam secunda secunda quæst. 35. art. 2. est tristitia de bono spirituali, & semper est peccatum : quia contrariatur

charitati, cuius proprius effectus est gaudere de bono diuino, & spirituali. Quandoque accidia est peccatum veniale, & quando est solum in motu sensualis, propter imperfectionem actus, vel quia est de bono spirituali, ad quod quis non tenetur de necessitate: quandoque est mortale, ut quando accedit consensus rationis, & omittuntur ea, ad quæ homo tenetur de necessitate. Unde ad hoc, quod accidia sit peccatum mortale, duo requiruntur. Primò, quod sit de bono spirituali, quod quis tenetur facere de necessitate, propter Deum & ad salutem animæ. Secundò, quod adsit plenus consensus rationis: nam imperfectio actus excusat à mortali.

Accidia, quæ propriè contrariatur præcepto de sanctificatione sabbati, ut notat Diuus Thomas loco citato, nendum est peccatum mortale ex genere suo, sed etiam vitium capitale, quia ex ipsa multa alia vitia oriuntur præcipuè sex, scilicet Malitia, qua bona diuina homo contemnit, & est mortale. Rancor quo displicent alicui homines inducentes ad spiritualia, & est veniale, nisi superueniat odium. Pusillanimitas, qua homo se retrahit à bonis quæ pos-

set præstare timore deficiendi, & est veniale, nisi bona essent de præcepto. Desperatio, quæ est disidentia de assequenda beatitudine propter defectum gloriæ Dei, & priorum meritorum, & mortale est. Negligentia agendorum, quæ si est circa opera misericordiæ, vel discendi necessaria ad salutem, vel procurandi Sacramenta necessaria familiæ, vel circa correctionem fraternam quandoque peccatum mortale est. Evagatio mentis in oratione, quæ est veniale peccatum: tamen in eo qui tenetur ad officium, seu horas canonicas, puta beneficiati, sacris initiati, & religiosi professi, potest esse peccatum mortale.

## DE ACCVSATIONE.

**I**N criminibus indagandis puniendisque, tribus modis, canonicè atq; iuridicè procedi potest, videlicet: inquisitione, denunciatione, & accusatione. Inquisitio super crimine fit præcedente infamia: Denunciatio verò, & Accusatio fiunt præcedente delatione: vnde iudex, qui aliter procedit in indagandis, ac puniendis criminibus in foro contentioso, peccat vitiose, quia præ

ter ordinem iuris facit.

Accusatio differt à denunciatione potissimum in quatuor. Primò q̄ accusatio principaliter intendit punitionē peccantis ad iustitiam conseruandam: denuntiatio autem principaliter intendit emendationem peccantis. Secundo, q̄ accusatio saltem in foro contentioso potest fieri absque præcedente admonitione: denuntiatio verò nō potest fieri, nisi monitione præmissa, iuxta præscriptum Evangelicum Mat. 18. quia in ea principaliter intenditur emendatio proximi delinquentis. Tertiò q̄ accusatio debet fieri in scriptis: denuntiatio autem vocetenus. Quartò, quòd accusatio includit pœnam talionis, hoc est eandem retributionem mali: denuntiatio verò non includit pœnam talionis, etiam si denuncians deficiat in probatione, vnde accusatio non debet esse nisi de re certa. Homo tenetur accusare crimen, alterius sub pœna peccati, vbi tria simul concurrunt. Primò, quòd crimen vertat in detrimentum spirituale, seu corporale Reipublicæ: nam si crimen est priuatum, regulariter solus ille, cuius interest potest reum accusare. Secundo, quòd sufficienter probare possit. Tertiò, q̄

cri-

crimen aliter emendare non possit: quia iuxta mandatum Domini, processumq; euangelicum, prius oportet procedere ad emendationem peccantis, quàm ad iustitiam conseruandam.

Accusatio criminis alterius, vt fiat absque peccato, debet esse vel propter bonum commune, vt inde ceteri quietè & honestè viuant, vel propter suum interesse: vnde si quis alia intentione proximum suum accuset in foro contentioso, peccat. Clericus ad vindictã publicam proximum accusare non debet, etiam si pœna sanguinis non venit imponenda: si verò prosequitur iniuriam propriam, potest proximum suum accusare, etiam si ratione criminis imponenda esset pœna sanguinis, dummodò præcedat protestatio, quòd non ea intentione accuset, & sic non incurrit irregularitatem.

Accusatus seruato ordine iuris tenetur sub reatu lethalis criminis dicere veritatem, secus autem si contra formã iuris procedatur, exempli gratia: si accusatus non sit subiectus, vel crimen sit occultum, cuius solus Deus est iudex, ita vt non præcesserit infamia super crimine, neque semiplena probatio, neque appareant indicia, & eo ca-



si reus celando veritatem, atque crimen proximi, à fortiori suum, non peccat: sed bene iudex, qui vsurpat sibi iudicium diuinum, de occultis enim nō habemus iudicem, nisi Deum.

## DE ADIVRATIONE.

**A**Diurare est personam, siue rem inducere ad aliquid faciendum, vel non faciendum ex inuocatione alicuius rei sacræ: vnde adiuratio est actus latriæ, quia per eam intenditur reuerentia diuini nominis.

Adiurare contingit dupliciter, videlicet: obsecrando, & imperando. Primo modo Diuus Paulus adiurauit Romanos, vt habetur in Epistola ad eos scripta, ca. 12. Secundo modo Caiphas Christum Dominum adiurauit, vt legitur Matth. 16. Adiurare primo modo, est inferioris: adiurare vero secundo modo, est superioris.

Adiurare Deum per modum deprecationis, licet, vt facit Ecclesia in Letanijs, non autem sic dæmones: quia talis adiuratio includit amicitiam, & societatem, quam habere cum dæmonibus prohibitum est 1. Corint. 10. Nolo vos, Apostolus inquit fieri socios dæ-



moniorum sed eos licet adiurare imperando, atque per modum compulsionis, puta vt exeant à corporibus humanis, & quòd non inferant nocumētum creaturæ rationali, non tamen ad aliquid consequendum, puta diuitias, vel scientias, hoc modo Necromantici vtuntur adiurationibus, & inuocationibus dæmonum, nempe ad aliquid addiscendum, vel adipiscendum ab eis, & hoc est mortale peccatum. Adiurare creaturas irracionales, secundum se nō licet, in ordine verò ad Deum à quomouentur, licet eas adiurare per modum deprecationis, vt ad facienda miracula. Item licet eas adiurare in ordine ad dæmones per modum compulsionis, vt fit in exorcismis, per quos potestas dæmonum ab irrationabilibus creaturis excluditur.

Adiuratio quinque modis est illicita. Primo, si fiat imperatiuè ad non subditum, & est peccatum mortale. Secundo, si fiat ad dæmones deprecatiue, & est peccatum mortale. Tercio, si fiat ad dæmones imperatiuè ad aliquid discendum, vel per eos consequendum, & est peccatum mortale. Quarto, si fiat ad irracionales creaturas secundum se: quia tales ab alio aguntur ad proprias ope-

rationes, & est peccatū veniale. Quinto, si fiat Deum, vel homines, vel Angelos, non ex necessitate, sed ex leuitate: quia est contra præceptum secundum Decalogi in ordine, & est peccatum veniale.

## DE ADOPTIONE.

**A**doptio est personæ extraneæ in filium, siue nepotem, vel deinceps assumptio, quæ duobus modis fit, nempe autoritate principis, seu magistratus, & propria voluntate, siue autoritate priuata. Adoptatus primo modo succedit patri ab intestato in hæreditate, nec eum sine causa admissa in iure, quarta parte hæreditatis priuare potest: adoptatus verò secundo modo, nō succedit parenti ab intestato, neque ei pater aliquid in testamento tenetur relinquere.

Adoptare secundum iura nequeunt. Primò, qui habent naturale impedimentum ad generandum. Secundò, qui non sunt sui iuris, sed constituti in potestate aliena, vt filij familias. Tercio, qui sunt minores viginti quinque annis: nam adoptans debet excedere adoptatum octodecim annis, ita vt natura-

aturaliter possit esse pater adoptati. Adoptare in fratrem, sororem, vel patrem, nullus potest: quia contra naturā. Item adoptari, consanguineis non competit. D. Thom. 4. sentent. quia tales naturaliter sunt hæredes.

Adoptionis effectus secundum ius civile, & canonicum, est impedire matrimonium inter aliquas personas simpliciter, vel ad tempus, & etiam dirimere secundum communioem opinionem: ratio autem huius prohibitionis fuit cohabitatio quæ solet esse inter tales, si enim ad eas liceret copula, facile pateret aditus concupiscentiæ.

Huius cognationis legalis, ut docet D. Thomas, tres sunt species. Prima, est inter adoptantem, & adoptatos, quæ indistinctè impedit in perpetuū, etiam soluta adoptione: nunquam enim adoptans potest contrahere cum filia adoptata. Secunda est inter filiam naturalem adoptantis, & adoptivum, quæ impedit quamdiu durat adoptio: soluta autem per mortem patris, vel per emancipationem, non impedit. Tertia est inter patrem adoptantem, & uxorem filij adoptivi, & inter filium adoptivum & uxorem patris adoptantis, quæ perpetuò impedit, et post emancipationem.

## DE ADVLATIONE.

**A**dulatio est excessiua laus alterius verbis, vel factis in præsentia ad delectandum ordinata, propterea ex genere suo peccatum est, Eccl. 11. Non laudes virum in specie sua. Item 1. ad Thessal. 2. Neque enim aliquando fuimus in sermone adulationis, sicut scitis. Hoc vitium adulationis Deo summo opere displicet, iuxta illud, Psal. 52. Deus dissipauit ossa eorum, qui hominibus placent, confusi sunt, quoniam Deus spreuit eos.

Adulatio tribus modis potest esse peccatum mortale. Primo ratione materiae, vt si quis laudet aliquem de actu peccati mortalis, puta de blasphemia, de fornicatione, hoc genere adulationis vtitur iam mundus, Ps. 9. Laudatur peccator in desiderijs animæ suæ, & iniquus benedicitur. Secundo ratione finis, vt si quis laudet alium animo nocendi, siue decipiendi spiritualiter, aut corporaliter; quo genere adulationis vsi sunt Iudæi erga Christum, Marc. 12. Magister, scimus quia verax es, & non cures quenquam, nec enim vides in faciem hominum, sed in veritate viam Dei doces, & virum Dominus detegens, dixit illis: Quid

me tentatis? sciens versutiam illorum. Tertiò, adulatio est peccatum mortale, vt qñ quis laudat alium, vt inde præbeat ei occasionem peccandi mortaliter, hoc genere adulationis vsus est dæmon in Paradyso terrestri, erga prothoparentes nostros, Gene. 3. Aperientur oculi vestri, & eritis, sicut dii, scientes bonum & malum.

Adulatio qñq; est peccatū veniale, vt si delectandi gratia alios tātū sit, vel ad euitandum aliquod malum, vel ad consequendum aliquod bonū in necessitate, intellige, si non sit occasio ruine, neq; de materia mortali. Quinimò si quis alium laudat non ea intentione, vt alteri præbeat occasionem peccandi mortaliter, & det operam rei licitæ, nō est ei imputandū: abstineñdū tñ est, quātū fieri pōt ne nimis pñtes laudemus Ecc. 11. Ante mortē ne laudes hominē.

#### DE ADULTERIO.

**A**dulterium quod nil aliud est, quā alieni thori violatio, tripliciter cōmittit. Primò, qñ vir coniugatus accedit ad coniugatā mulierē. Secundò, qñ solutus accedit ad coniugatā. Tertiò, qñ coniugatus accedit ad mulierē solutam: vnde adulteriū qñque dicitur simplex, quandoque dicitur duplex.

Sim.

Simplex, vbi alter tantum est coniugatus. duplex, vt cum vtraque pars est coniugata, & tunc est grauius peccatum.

Adulterium est prohibitum lege naturæ, Tob. 4. & Matth. 7. lege scripta, Exodi 20. & Leuit. 20. lege euangelica, Matth. 19. & 1. Corinth. 6. lege canonica adulteris secundum iura antiqua imponebatur poenitentia septem annorum, & iam tales nisi resipiscant, veniunt excommunicandi. Lege civili, vxor adultera perdit dotem, vir perdit donationes factas propter nuptias, & filij nati ex adulterio priuantur hereditate, ac omnibus dignitatibus, vt ad eas promoueri nequeant. Mulier committens adulterium, simpliciter loquendo, plus peccat quam vir, propter incertitudinem prolis, quæ non sequitur ex adulterio viri, propter scandalum, & quia ipsa mulier plura retrahentis se à tali peccato habet, nempe timorẽ Dei, & timorem viri, cui, est subiecta, & non è contra, quam habeat vir: quo verò ad dominium rationis, plus peccat vir adulterando quam vxor, sed quantum ad fidem matrimonij, æqualiter peccant, D. Thomas 4. sent. distin. 25. art. 4.

Adulterium non soluit Matrimonium  
quo

quo ad vinculum essenziale, sed solum  
quo ad thorum, & cohabitationem.  
Matt. 5. Quicumque dimiserit uxorem  
suam, excepta fornicationis causa facit  
eam mœchari, & qui dimissam duxe-  
rit, adulterat: ergo adulterium ex Chri-  
sti doctrina, non soluit vinculum Ma-  
trimonij, ita vt alter possit cum alia cō-  
trahere, sed solum soluit Matrimonium  
quo ad thorum, & actum conjugalem.

Vinculum Matrimonij si est ratum,  
non dissoluitur, nisi per ingressum reli-  
gionis approbatæ secuta professione:  
quod si est consummatum, vinculum  
eius non dissoluitur, nisi per mortem  
alterius coniugis. Roman. 7. Mulier vi-  
uente viro, vocabitur adultera, si fue-  
rit cum alio viro, si autem mortuus fue-  
rit vir eius, liberata est à lege viri: vn-  
de si coniugatus mortuus suscitaretur,  
de nouo deberent contrahere, vt esset  
inter illos Matrimonium, secus de Ba-  
ptismo, & de Ordine: quia hæc impri-  
munt characterem, Matrimonium ve-  
rò non.

Casus in quibus vxor propter adul-  
terium commissum non potest accusa-  
ri, minus dimitti, communiter ponun-  
tur septem. Primò, si maritus uxorem  
prostituit, vel sciuit, & non prohibuit,  
cūm



cum tamen potuerit: secundo, si vxor credens maritum defunctum, alteri nupsit, eo casu maritus rediens, tenetur eam recipere: tertio si fuit cognita ab alio latenter, quem credebat proprium virum: quarto, si fuit vi oppressa: quinto, si vir eam sibi reconciliauit post adulterium: sexto, si etiam maritus conuincitur de adulterio: septimo, si infidelis vxorem infidelem dimittat, & illa alteri nubat, si postea vterque conuertatur ad fidem, maritus tenetur eam recipere.

## DE AFFINITATE.

**A**ffinitas est quedam personarum propinquitas ex carnali copula, vel ipsius potestate proueniens, omni carens parentela: vnde affinitas ex tribus oritur, nempe ex copula carnali matrimoniali, ex copula carnali fornicaria, & ex Matrimonio rato, & si non consummato.

Affinitas proueniens ex copula matrimoniali, siue ex Matrimonio rato impedit, & dirimit Matrimonium de facto contractum vsq; ad quartum gradum



dum inclusiue, sicut consanguinitas: nam ratione huius omnes consanguinei vxoris efficiuntur affines marito, & è contra in eodem gradu, quo erant consanguinitate iuncti: Affinitas autem proueniens ex copula fornicaria, impedit, & dirimit solùm in primo, & secundo gradu, vt habetur in sacro Cõc. Trid. sess. 24 de reform. cap. 4.

Affinitas cum sit multiplicis generis, sola illa quæ est primi generis, impedit, & dirimit Matrimonium de facto contractum, si precedat, prout supra. Affinitas primi generis est illa, quæ cadit inter consanguineos viri, & vxorem, & inter consanguineas vxoris & virum, inter quas personas vsque ad quartum gradum inclusiue contrahere Matrimonium prohibitum est: affinitas verò secundi generis est illa, quæ cadit inter consanguineos coniugum, & hæc in nullo gradu impedit, minus dirimit: exempli gratia: frater non potest ducere vxorem fratris defuncti: potest tamen ducere sororem vxoris fratris: quia cum vxore fratris est in primo gradu affinitatis primi generis, cum sorore autem vxoris fratris, est in primo gradu affinitatis secundi generis, quæ in nullo gradu impedit.

Ex

Ex sponsalibus legitimè celebratis, causatur iustitia publicè honestatis; quæ modo, vt habetur in Conc. Trid. sess. 24 de reform. cap. 3. ad solum primum gradum se extendit, verbi gratia: si inter Petrum, & Margaretham fuerunt celebrata sponsalia canonicè, deinde Petrus contrahat cum Vrsula sorore Margarethæ, Matrimonium est nullum; ex Matrimonio verò siue consummato, siue rato oritur impedimentum, quod se extendit vsque ad quartum gradum inclusiue inter consanguineos viri & uxorem, & inter uxoris consanguineas & virum, ita vt nullus consanguineus viri vsque ad quartum gradum possit contrahere cum eius uxore ipso mortuo, neque è contra.

## DE ALCHIMIA.

**A**lchimia est ars transmutandi metalla, quo ad substantiam, & qualitates, seu proprietates naturales, verè, vel apparèter. Vtrum autem per artem possit fieri verum aurum, seu argentum, doctissimi viri dubitant, & potius tenent, quòd nō quantum ad essentiam, & quo ad omnes proprietates auri, vel argenti, licet quo ad aliquas possit con-

tin-

tingere, hoc est apparenter, non autem  
existenter: ratio est ista, quia ars præci-  
sè nō potest vnā speciem naturalem  
mutare in aliam speciem, sed benè in-  
terueniente aliqua operatione naturæ,  
vt pistor inducit formam panis, & figu-  
lus formam lateris per operationem  
ignis: modò forma substantialis auri,  
& argenti non est per calorem ignis,  
quo vtuntur Alchimistæ, sed per calo-  
rem Solis, & in loco determinato vbi  
virtus mineralis viget: Vnde mihi vi-  
detur, q̃ dantes operam tali arti hau-  
riant, vt dicitur, aquam cribro, & sepe  
non plumbum in argentum, neque al-  
liud genus metalli in aurum conuer-  
tunt, sed potius argentum, & aurum in  
fumum, taliter, vt ex Alchimistis la-  
chrymistæ fiant.

Ars alchimix secundum aliquos, vi-  
detur esse licita, dummodò non fiat  
per artem magicam, sed virtute elemē-  
torum & herbarum, nam metalla om-  
nia procedunt ex eodem principio, vi-  
delicet: ex sulphure, & argento viuo, ac  
in habentibus symbolum, facilius est  
transitus ab vno in aliud, propterea ar-  
te alchimix, vna species metalli pote-  
rit mutari in aliam speciem metalli,  
etiam auri, quod est omnium metallo-  
rum

rum perfectissimum, quantum ad aliquas qualitates, & proprietates, non tamen quantum ad substantiam; & omnes eius proprietates naturales, p quo Alchimistæ sudant quærentes Calendas græcas. Quare consultius est abstinere à tali artæ, quæ vel est impossibilis, vel præ se fert amicitiam, & societatem dæmonum, cuilibet Christiano prohibitum D. Thomas 2.2. quæst. 77. art. 2. ad 1. in 2. distinct. 7. quæst. 3. ar. 1. de po. quæst. 6. art. 1. ad 18. videtur sentire, quod neque verum aurum, neque verum argentum per artem fieri possit. propter suam perfectionem, licet possit fieri aliquid propinquum auro & argento, vnde vendere illud quod fit per artem alchimix pro auro vero, vel argento, est illicitum & peccatum: quia venditur id, quod non est pro eo quod in rei veritate est, sicque proximus decipitur: propterea summa Ange. habet quòd hæc ars sit simpliciter damnanda, & reiicienda.

## DE ALIENATIONE.

**A**lienatio est omnis actus, per què dominium transfertur. In iure prohibentur alienare. Primò amens

res & furiosi. secundò prodigus. tertio minores viginti quinque annis. quartò filij familias, nisi habeant peculium castrense. quintò serui & monachi, qui nihil proprii habent. sextò vxores, si non habent vltra dotem. septimò prælati, bona Ecclesiæ tam mobilia, quam immobilia alicuius conditionis, alienare nequeunt, nisi in casibus & modis in iure expressis. octauò qui crimen læsæ maiestatis humanæ commiserunt: nonò qui crimen læsæ maiestatis diuinæ commiserunt, vt hæretici, quorum bona ipso facto sunt confiscata.

In alienatione rerum ecclesiasticarum, vt sit canonica, & teneat, quinque requiruntur. Primò, tractatus an expediat, vel non: secundò consensus Capituli: tertio vtilitas Ecclesiæ: quarto authoritas superioris: quintò subscriptio manu notarij, quæ forma seruanda est in alienatione rerum immobilium Ecclesiarum cathedralium & collegiatarum, non autem in alienatione Ecclesiarum inferiorum: quia, in huiusmodi consensus Superioris sufficit.

Causæ alienandi bona Ecclesiastica, communiter à sacris doctoribus quatuor

tuor ponuntur, videlicet: Necessitas, ut si debita urgeant, & de fructibus Ecclesiæ nō possint satisfieri. Utilitas ut si melior res habetur. Pietas, ut pro redemptione captiuorum apud Turcas, vel alimonia pauperum in extrema necessitate constitutorum. Incommoditas, ut si res magis sit damnosa, quàm utilis.

Episcopus regulariter circa administrationem, & alienationem rerum temporalium, sine quibus spiritualium dignitas non facile consistere potest, aliquid absque consensu, vel consilio Capituli statuere nequit: ex quo Prælatus ita se habet ad Capitulum, velut caput ad membra. In eo autem videtur esse consensus Cap. cui maior, & sanior accesserit sententia.

Prælatus rerum ecclesiasticarū procurator est, non Dominus: unde conditionem Ecclesiæ, meliorem quidem facere potest, deteriore non potest. Quod si secus factum fuerit, gesta non tenent, & contrafacientes, canonum pœnas incurrunt: Alienationis autem nomine venit hoc loco venditio, permutatio, hypotheca, donatio, conductio, emphyteusis, & omnis conuentio, per quàm dominium rei trans-

fer-

sfertur, vel pro semper, vel ad longum tempus: ita ut propter temporis longitudinem, iuris ecclesiastici pereat memoria: quia proventus ecclesiastici ad modicum tempus, & ad præcariam vendi, & concedi possunt, sic ut venditiones, & præcariæ de quinquennio in quinquennium renouentur, ut etiam notat Lancellotus in suis institutionibus iuris canonici.

Ecclesiam sibi commissam nullus pro alienis debitis potest grauare, aut literas alicui, vel sigillum concedere, quibus Ecclesia possit obligari, & qui tale quid fecerit, à spiritualium, & temporalium administratione, iuxta sacrorum canonum dispositionem, est suspendendus, nec Ecclesia ad talium debitorum solutionem tenetur: debita tamen à prædecessore suo pro Ecclesiæ necessitate contracta, soluere proculdubio tenebitur.

## DE ALIMENTIS.

**A**limentorum nomine veniunt et vestimenta, calciamenta, medicina, & huiusmodi. Similiter nomine alimoniarum veniunt omnia vitæ necessaria nempe cibus potus, vestes, medicina, &



næ & alia id genus, non autem appellatione cibariorum.

Ad alimenta præstanda primo tenentur parentes erga liberos suos, & è contra liberi erga suos parentes: fallit autem quando filij possunt sibi sufficere, vel ex bonis, vel ex artificio. Idem de filiis erga parentes suos, censeri debet, nec distinctio illa habet locum, an sit mancipatus vel ne, an legitimus vel non: quia parentes de iure canonico, etiam spurios alere tenentur. Secundò vir tenetur alere vxorem, & vxor virum, intellige quando vir est inops, & vxor locuples. tertio frater tenetur alere fratrem suum etiam naturalem, si egeat. quartò Dominus tenetur alere seruum suum. quintò socer nurum suam. sexto tutor tenetur alere matrem pupilli, & sororem egentes: alimenta tamen prout Doctores communiter notant debent præstari secundum consuetudinem regionis, & facultatem debentis Bar. in tract. de duobus fratribus.

Parentes tenentur filios suos alere præter quam in quinque casibus. primò si filius patrem, & matrem accusauit. Secundò si parentes ipsi egent. tertio si filius crimen ingratitudeis contra patrem, vel matrem commisit. quar

to si



tò si filius habet artem, vel aliud vnde honestè viuere potest. quinto quoties subest aliqua causa, ob quam pater iure filiū exheredare posset: in his enim Casibus parentes liberantur ab onere præstandi alimenta filijs suis.

## DE ALTARE.

**A**ltare tam stabile, quàm portatile, non debet esse ligneum, sed lapideum, ratione mysterij: nam in ipso Christus immolatur, qui lapis dicitur, vt habetur ad Eph. 2. primi qui ædificauerunt altaria, fuerunt Noe, Isaac, Abrahaam, & Iacob, vti legitur Gene. 8. 12. & 33. cap.

Instituere altare tam stabile, quàm portatile, quo ad consecrationem, est solius Episcopi: Vnde in Ecclesia consecrata, nullus potest erigere altare, neque erectum destruere sine licentia Episcopi. Altare non consecratur absq; reliquijs Sanctorum: tamen appositio sacrarum reliquiarum, non est de necessitate consecrationis altaris, tenet enim si fiat sine his.

Altare in Ecclesia Dei fit propter tria. Primò, ad Sacramentum, & sacrificium Deo offerendum, Genes. 8.

AEdificauit Noe altare Domino, & tollens de cunctis volucribus & pecoribus mundis, obtulit super altare: nunc autem in ipso corpus & sanguis Domini nostri Iesu Christi offeruntur. Secundo, ad inuocandum nomen Dei, Gen. 12. AEdificauit Abraham altare Deo, qui apparuit ei, & inuocabit tibi nomen Domini, nunc hæc inuocatio dicitur Missa, quæ ad altare fit. Tertiò, ad cantandum, & laudandum Deum. Eccl. 47. Dedit illi contra inimicos patientiam, & stare fecit contra altare cantores, & in sono eorum fecit dulces modulos: nunc horæ canonicæ ante altare in choro decantantur.

Altare stabile quatuor modis excratur, seu violatur, ita vt tunc licite in eo celebrari non possit, nisi prius fuerit reconsecratum. Primò, si contingit ænormis fractura in altari. Secundo, si amoueantur lapides, quibus altare est compaginatum, ita vt ex tali amotione formam altaris amittat. Tertiò, si mota fuit iunctura, qua mensa stipiti adhæret: quia in coniunctione præcipue est consecratio altaris. Quarto, si frangatur vel amoueatur, vel minuat signum sepulchri, vbicunque sit sigillū: Altare verò portatile tribus modis

dis violatur. Primò, per remotionem lapidis à ligno. Secundo, quando mouetur sigillum sepulchri existentis in lapide. Tertiò, si lapis notabiliter frangatur, non autem execratur per hoc, quod excommunicatus, vel degradatus in eo celebrauerit.

Ecclesia execrata, non execrantur altaria, neque execratis altaribus, execratur ecclesia: quia diuersæ sunt consecrationes altaris, & Ecclesiæ: vnde si cadât parietes, Ecclesia debet reconsecrari non autem altaria, licet polluta Ecclesia per effusionem sanguinis, vel per effusionem seminis humani polluantur altare stabile (portatile non) & indigeat reconciliatione. Item polluta Ecclesia, pollutum est, & cœmeterium, polluto tamen cœmeterio, non est polluta Ecclesia: quia ignobilius, non trahit ad se nobilius.

## DE APPELLATIONE.

**A**ppellatio est à minori iudice ad maiorem prouocatio, quæ est adinuenta vt defensio, seu præsidium quoddam innocentiae, duplicemque effectum operatur, scilicet, deuolutionem, ac suspensionem causæ; vnde si iudex à quo

appellationem legitimam non admittit, deponitur secundum iura ab officio, quod si dubium sit, utrum sit legitima nec ne, eo casu iudex à quo debet dicere, Admitto si & in quantum de iure debeo.

Appellatio si fit in continenti, iudice in eadem figura iudicij existente, sufficit ut fiat viva voce, quod si non fit illicò debet esse in scriptis per libellum appellatorium intra decem dies, computando à die sententiæ, qui quidem libellus debet continere nomen appellantis, aduersarij, iudicis à quo & iudicis ad quem est appellatum. Appellatio secundum leges, ac propriè fit tantum post definitiuam sententiam, ab interlocutoria enim, & à grauamine, quod per sententiam definitiuam reparari potest, non appellatur.

Terminus prosequendæ appellationis triplex ponitur in iure. Primus qui statuitur ad iter capiendum. Secundus qui statuitur ad se præsentandum iudici, ad quem est appellatus. Tertius qui statuitur ad prosequendum coram iudice ad quem. Primus, & secundus terminus potest præfigi, & limitari à iudice, & appellans tenetur huiusmodi præfixos terminos seruare, secus appellatio  
vide:

videtur deserta : tertius verò terminus statuitur à lege, & est annus, vel biennium ad summum : Appellans tamen debet Apostata petere intra triginta dies, secus appellatio videtur deserta.

Appellatio in multis casibus rejicitur, & est nulla. Primò, si non est interposita infra decem dies à sententia lata. Secundò, si est ab interlocutoria, vel ab aliquo grauamine ante sententiam definitiuam, per quam tale grauamen potest reparari, secus de grauamine, quod per sententiam definitiuam reparari non potest, puta tortura. Tertiò, si est à mero executore (nisi modum excedat, vel citius exequatur, quàm habeat in mandatis.) Quartò, si est à criminibus enormibus. Quintò, si res dilationem non patitur, verbi gratia : vt testamentum non aperiatur, vel hæres inscriptus in possessionem, non mittatur, & in alijs casibus, qui celeritatem requirunt, appellatio rejicitur, ita vt illa non obstante iudex ad executionem sententiæ procedat. Sextò, si reus est conuictus, & confessus de crimine. Septimò, si appellatio deficit in forma, quia scilicet non continet à quo, aduersus quem, à qua sententia, & ad quem.

## DE APOSTASIA.

**A**postasia communiter à sacris Doctoribus ponitur triplex, scilicet: Perfidia, Inobedientia, & Irregularitas, Perfidia, vt quando quis recedit spontè à fide Catholica, quam semel est professus ex toto: quia si ex parte recedit à fide, hæreticus dici debet, Inobedientia, vt quando quis Superiori, cui tenetur obedire, renuit. Irregularitatis, quæ duplex est, vna, qua quis à statu clericatus recedit: altera, quia quis à statu assumptæ religionis approbatæ recedit. Omissis itaque apostasia à fide & ab inobedientia, iam principaliter de apostasia tertij generis sermo erit.

Apostasia à statu clericatus propriè competit solum Clericis constitutis in sacris, non autem Clericis constitutis in minoribus: nam tales possunt impunè seculariter viuere, & in totum ordini clericali verbo vel facto renunciare, sed in tali casu amittunt beneficiũ, si quod habent, & priuilegium clericalis fori: constituti enim in minoribus, habentes beneficium, possunt cogi, & debent ab Ordinarijs, vt gestent habitum, & tonsuram clericalem.

Cle-

Clerici constituti in sacris sunt apostatae, per solam dimissionem habitus clericalis, animo viuendi laicaliter: scilicet si alia ratione, ut puta propter paupertatem, vel animo euadendi pericula, in tali casu Clericus constitutus in sacris, qui non fert habitum, & tonsuram, quibus à laicis Clerici distinguuntur, non dicitur apostata, neque mortaliter peccat. Apostasia à statu assumptæ religionis approbatæ, non conuenit novitio constituto in probatione: quia talis potest exire sine peccato, sed solum in professo cadit, ita ut ille religiosus dicatur apostata, qui professus exijt temere à monasterio, cum intentione non reintrandi illud vel aliud, sed viuendi irreligiosè, puta clericaliter, seu laicaliter, seu inobedienter.

Apostatae à fide sunt excommunicati, & eorum subditi à dominio, iuramentoque fidelitatis sunt absoluti, ut eorum bona sunt confiscata, & accedente pertinacia, morte veniunt afficiendi Apostatae ab obedientia excommunicantur, deponuntur, & ubi nolunt resipiscere, brachio sæculari traduntur. Apostatae à clericatu sunt infames, ideo ab accusatione, & à testimonio in iure repelluntur, & sunt privati privilegio

gio clericalis fori, quod si admoniti nō se emendauerint, sunt deponendi. Apostata à religione, si habitū dimiserint, sunt excommunicati, & si in apostasia sacros Ordines recipiunt, executionē non habent, & cum ipsis solus Papa dispensat, similiter quantum ad hoc cum Clericis, tales religiosi apostatae sunt compellendi à suis superioribus, vt ad religionem, seu ordinem redeant, inuocato etiam auxilio brachij secularis, si opus fuerit, vt habetur in Concil. Trident. sess. 25. cap. 19. de regul. & monial.

## DE AQVA BENEDICTA.

**A**qua benedicta siue sancta in noua lege duplex est, vna quæ benedicitur à solo Episcopo cum vino, & cinere: altera quæ à simplici Sacerdote benedicitur cum sale, illa est ordinata ad reconciliationem Ecclesiæ pollutæ sanguine, vel semine humano, ista est ordinata ad remouenda ea, quæ effectum Sacramētorum imprimere possunt, puta peccata venialia, & nequitiam dæmonum: vnde exorcismus datur contra impugnationem dæmonum interiorem, aqua verò benedicta datur



tur contra eorundem impugnationem  
exteriorem.

Aqua non benedicta, adiuncta aquæ  
benedictæ, si sit minor in quantitate,  
efficitur benedicta in infinitum, idem  
dicendum, venit de oleo non consecra-  
to, si addatur oleo consecrato: si verò  
aqua addita sit maior, vel æqualis in  
quantitate, neutra erit benedicta. Qua-  
renti autem, quare aqua non benedi-  
cta, addita benedictæ, efficitur tota be-  
nedicta, & tamen vinum additum san-  
guini in calice, non efficitur sanguis?  
Respondetur: quia benedictio aquæ  
est longè diuersa à benedictione vini,  
quæ fit in sacrificio Missæ. nam illa fit  
sine transubstantiatione rei benedi-  
ctæ, aqua enim benedicta remanet a-  
qua, similiter oleum consecratum, re-  
manet oleum: sed vinum cōsecratum,  
non remanet vinum propterea non est  
mirum, si aqua addita efficiatur benedi-  
cta, & quod vinum appositum san-  
guini, non fiat sanguis. Quinimò, si tan-  
tum vini apponeretur, quòd acciden-  
tia illa prima eadem numero, non re-  
manerent, desineret ibi esse sanguis  
Christi.

Aquæ benedictæ, siue sanctæ, com-  
muniter à sacris Doctoribus triplex

ponitur effectus. Primus est remissio peccatorum venialium. Secundus est auersio insidiarum diaboli. Tertius est defensio à malis phantasmatibus nocturnis.

## DE ARCHIDIACONO.

**A**rchidiaconi officia de iure communi sunt ista: Primo iurgia minora clericorum audire, ac punire: maiora autem referre: Secundò, examinare, & præsentare Clericos ad Ordines promouendos. Tertiò, installare, seu in possessionem Prælatos, Abbates, & Abbatissas inducere. Quartò, singulis tribus annis, si Episcopus non potest, Clericos visitare. Quinto habere curam cleri, tam in vrbe, quàm in parochijs: nam Archidiaconus Ecclesiæ cathedralis, de iure communi post Episcopum, est Vicarius in omnibus. Sextò, absente Episcopo, potest dare literas commendatitias, seu dimissoriales promouendis ad Ordines. Prædicta ergo potest Archidiaconus Ecclesiæ Cathedralis, nisi consuetudo præscripta (cui statuitur) aliter disponat.

Archidiaconus non debet esse necessariò Sacerdos, sed sufficit, q̃ sit Diacono

**mus:**

nus: vnde ipse ratione officij, etiam si non sit Sacerdos, potest habere curam animarum in foro exteriori, non tamen potest habere curam animarum in foro pœnitentiæ: non enim possunt absoluerè, neque alia Sacramenta per se conferre, sed huiusmodi munera Archidiaconi possunt Sacerdotibus demandare.

Institutio ad curam animarum in iure ponitur triplex, autorizabilis, corporalis, & collativa. Prima spectat ad solum Episcopum: vnde nullus præsentatus, neque is, cui est collata Ecclesia, debet administrare ante talem institutionem, secus secundum iura, talis venit admouendus: secunda de iure communi, pertinet ad Archidiaconum: ipsius enim est institutos in possessionem inducere: tertia de consuetudine etiam Archidiacono competit. Verùm secunda & tertia institutio ad curam animarum exercendam, sine prima sunt inualidæ, nullæ, ac surreptitiæ.

## DE ARCHIEPISCOPO.

**A**Rchiepiscopi secundum iura antiqua poterant Diœceses suorum

Episcoporum Prouincialium visitare, Pontificalia exercere, & cognoscere in causis ipsorum Episcoporum pro criminis obiecti qualitate, non tamen de finire, minus ad illorum depositionem procedere: secundum verò iura noua maximè sacri Concilij Tridentini decreta, Archiepiscopi non possunt Cathedralis Ecclesias, aut Dioceses suorum comprouincialium visitare, nisi causa cognita, & probata in Concilio Prouinciali, vt habetur sess. 24. de reform. capit. 3. Item nec Pontificalia in aliena Diocesi absque licentia Episcopi Diocesani exercere, minus cognoscere in causis suorum Episcoporum Prouincialium, sicut decernitur sess. 13. de reform. capit. 8. vbi legitur: causæ Episcoporum cum pro criminis qualitate comparere debeant, coram Pontifice maximo referantur, ac per ipsum terminentur. Et infra sess. 24. de reform. capit. 5. sacrosancta œcumenica & generalis Tridentina Synodus sic decernit: causæ criminales grauiores contra Episcopos etiam hæresis: (Quod absit) quæ depositione, aut priuatione dignæ sunt, ab ipso tantum Summo Romano Pontifice cognoscantur, & terminentur. Quod si eiusmodi sit causa, quæ

necessario extra Romanam curiam sit  
 committenda nemini prorsus ea com-  
 mittatur nisi Metropolitanis, aut Epi-  
 scopis à Beatissimo Papa eligēdis : hæc  
 verò commissio, & specialis sit, & ma-  
 nu ipsius Sanctissimi Pontificis signa-  
 ta, nec vnquàm plus his tribuat, quàm  
 vt solam facti instructionem sumant,  
 processumque conficiant quem statim  
 ad Romanum Pontificem transmit-  
 tant, reseruata eidem Sanctissimo sen-  
 tentia diffinitiuæ: Minores vero Cri-  
 minales causæ Episcoporum in Conci-  
 lio tantum prouinciæli cognoscantur,  
 & terminentur, vel à deputandis per  
 Concilium Prouinciale: Vnde iam ne-  
 dum definitio, sed nec cognitio causa-  
 rum Episcoporum, Archiepiscopus per-  
 mittitur.

Episcoporum vnus est Ordo, quam-  
 quam inter ipsos sit aliqua graduum  
 differentia, ita vt aliqui Patriarchæ, ali-  
 qui Primates, aliqui Archiepiscopi, &  
 aliqui Episcopi simpliciter dicantur,  
 quorum diuisio, mera apostolica tradi-  
 tio est, & non diuina: Hinc potestas Pa-  
 triarcharum, Primatum, & Archiepi-  
 scoporum non est alterius generis à  
 potestate Episcopi: ac per consequens  
 inter ipsos est sola differentia præmi-

gentiæ, & non ordinis, aut diuinæ potestatis, secus autem inter Episcopos, & simplices sacerdotes inter quos, nō solum est differentia præminentie, sed etiam ordinis, & diuinę potestatis, quā Episcopus præ sacerdote simplici habet: Ratio quia ordo sacerdotum est bipartitus constitutione diuina, scilicet in Episcopos, & præbyteros & non vnus, sicut est ordo Episcoporum, qui solum Constitutione apostolica diuiditur in Patriarchas, Primates, Archiepiscopos, & Episcopos: Proinde ipsorum est eadem consecratio, idem Ordo, & eadem diuina potestas. Hinc Summus Pōtifex Romanus, Iesu Christi Vicarius, & Beati Petri Apostolorū Principis successor in Bullis Pontificijs, Episcopum & seruum seruorū Dei se nominat.

Archiepiscopi, seu Metropolitanī per se ipsos Synodum Prouincialem conuocare debēt; vel illis legitimè impeditis Coepiscopus antiquior, quę vti mandat sacrosancta Tridentina Synodus, sess 24 de reform. cap. 2. pro moderandis moribus, corrigendis excessibus, controuersijsq; componendis, quolibet saltem triennio post octauam paschæ Resurrectionis Domini nostri Ie-

fu Christi, seu alio commodiori tempore pro more Prouinciæ celebrari debet, ad quam Episcopi omnes, & alij qui de iure, vel consuetudine interesse debent, conuenire omninò tenentur. Archiepiscoporum etiam est curare, & promouere seminariorum erectionem atque conseruationem, tam in propria, quàm in suorum Episcoporum Prouincialium diœcesi: At si in hoc Archiepiscopi essent negligentes, eo casu Synodus Prouincialis iuxta sanctionem Concilij Tridentini acriter eos corripiet, & hoc sanctum, ac piũ opus promoueri studiosè curabit, sess. 23. dec. de reform. cap. 18.

Archiepiscopi gaudent quibusdam gratijs, & prærogatiuis, quibus Episcopi ordinariè non potiuntur, vt puta facere, quod crux porteretur ante ipsos tã in diœcesi, quàm in Prouincia, gestare Pallium quando solenniter celebrant, ornamentum Archiepiscoporum personale ideo, cum eo quisque est sepeliendus. Item recipere appellationes à sententijs latis per suos Episcopos Prouinciales, siue per illorum Vicarios generales, sicque cognoscere, & definire, si causæ deferantur ad eos per appellationem iuræ interpositam, secus non.



## DE ARCHIPRESBYTERO.

**A**rchipresbyter, quasi aliorum Presbyterorum Princeps, duplex est, ruralis, & urbanus, siue Ecclesiæ Cathedralis, qui alio nomine dicitur Decanus, cuius officia sunt ista. Primò, absente Episcopo in Ecclesia vice eius Officium inchoare. Secundò confessiones Sacerdotum audire, quod si ob Cleri multitudinem solus non sufficit, talem functionem alijs Sacerdotibus committere potest. Tertiò, omnes qui sunt de Episcopatu in Ecclesia Cathedrali, in Confessione sacramentali audire, eosque absoluerè præterquam à casibus Episcopo reservatis, potest, nec non illis Sacramenta administrare: Archipresbyter verò siue Decanus ruralis eos tantum audire in confessione, & absoluerè potest, qui sunt sub suo Dec.

Archipresbyter Ordine est maior Archidiacono, quia ille est sacerdos, hic est Diaconus: dignitate verò & administratione, seu iurisdictione, Archidiaconus est maior Archipresbytero, nam de iure communi, Archipresbyter est sub Archidiacono Ecclesiæ Cathedralis.



thedralis, eiusque præceptis obtemperare debet, & non è contrà, ex quo Archidiaconus secundum ius commune, post Episcopum est eius Vicarius in omnibus, Archipresbyter verò solum in diuinis.

## DE AVARITIA.

**A**varitia vt est appetitus accipiendi, vel retinendi alienum, opponitur iustitiæ commutatiuæ, secundum verò, quod est inordinatus appetitus pecuniæ, opponitur liberalitati, & ex genere suo peccatum mortale est, Luc. 12. Cauete ab omni Auaritia. Item 1. Cor. 6. Neque auari regnum Dei possidebunt. Quinimò auaritia est vitium capitale, quoniam ex ipsa multa alia vitia oriuntur, vt proditio, fraus fallacia, periurium, violentia, inquietudo, & obduratio.

Auaritia consistit in tribus, nempe in appetendo, in acquirendo, & in retinendo inordinatè diuitias. Auaritia consistens in appetendo, potest esse peccatum mortale tripliciter. Primò appetendo aliquid notabile alienum illicito modo, quia contra vltimum præceptum Decalogi. Secundo, appetendo

do aliquid illicitum sibi met appeten-  
ti, vt beneficium ecclesiasticum, cum  
sit indignus. Tertiò, appetendo cum  
animo deliberato potius committen-  
di aliquod mortale, quàm non conse-  
qui aliquid diuitiarum. Auaritia confi-  
srens in acquirendo, duobus modis po-  
test esse peccatum mortale, vno modo,  
si acquisitio diuitiarum sit per iniusti-  
tiam, puta iurando, scenerando, & alia  
id genus, alio modo, quando sit per a-  
ctus, qui ex se habet, vt sit peccata mor-  
talia, vt committendo symoniam, vel  
cognoscendo mulierem turpiter diui-  
tem, vt aliquis diueretur. Auaritia confi-  
srens in retinèdo, tripliciter potest esse  
peccatum mortale. Primò, cum quis  
retinet, quæ tenetur restituere, & po-  
test. Secundò, quando quis retinet su-  
perflua suæ necessitati, sed non decen-  
tiæ, & non occurrit proximo extrema  
necessitate laboranti. Tertio, dum quis  
retinet superflua, non solum suæ  
necessitati, sed etiam decen-  
tiæ sui status, & proxi-  
mo indigenti non  
succurrit.



D E

## BAPTISMO.



Baptismus communi-  
ter triplex ponitur,  
sanguinis, de quo Io-  
ann. 12. fluminis, de  
quo Act. 2. fluminis,  
de quo Ioann. 3. Pri-  
mus est communis a-  
dultis, & pueris. Secundus adultis tan-  
tum competit. In primo, & secundo nō  
imprimitur character, neque sunt sa-  
cramentum: in tertio verò fit impres-  
sio characteris, & est vnum ex septem  
Sacramentis nouæ legis.

Tria sunt de substantia Baptismi, sci-  
licet: materia elementi, forma verbi, &  
intentio ministri, Accedit, inquit D.  
Augustinus, verbum ad elementum, &  
fit Sacramentum, intellige de verbo  
vocali, & non mentali, vt Sacramentū  
teneat. Ad certitudinem de Sacramen-  
tis susceptis, sufficit intentio Ecclesiæ  
expressa per verba ministri, ad perfe-  
ctio-

tionem Verò integritatemq: Sacramenti, propria intentio mentalis ministri requiritur, si non actualis, saltem habitualis, qua minister seruatis seruandis, intendat facere, quod Ecclesia ipsa in tali actu intendit.

Materia Baptismi, est aqua naturalis, puta fluminis, fontis, siue putei, unde à materia Baptismi omnis aqua artificialis reijcitur. Item aqua elementaris requiritur, propterea neque in nite, neque in glacie, neque in grandine Baptismus fieri potest: quia nomine aquæ propriè intelligimus id, quod habet substantiam aquæ, & est sub forma aquæ, talia non sunt prædicta, ex consequenti, nomine aquæ non veniunt. Forma verò Baptismi secundum Græcos est ista: Baptizetur seruus Christi N. in nomine Patris, & Filij, & Spiritus Sancti, Amen. Secundum autem Ecclesiam Latinam, forma Baptismi est ista: Ego te baptizo in nomine Patris, & Filij, & Spiritus Sancti. Amen. Vtraque tenet, tamen forma Latina est conuenientior Græca, tum quia in eadem exprimitur causa principalis, quæ est Trinitas, sed etiam instrumentalis, quæ est homo, tum quoniam magis consonat Euangelio, Matth. ultim. quod

quod baptizantes ministres dicit.

In forma Baptismi tria sunt de substantia, ita ut aliquo illorum omisso, Baptismus non teneat. Primò inuocatio Trinitatis. Secūdò, expressio actus baptizandi. Tertiò, expressio personæ baptizatæ. Similiter tria non sunt de substantia formæ Baptismi. Primò expressio causæ instrumentalis. Secūdò pronomen illud Ego: quia intelligitur ex vi verbi Baptizo. Tertiò dictio illa Amen. Primum & secundum licet non sint de necessitate Sacramenti, sunt tamen de præcepto Ecclesiæ: sed tertium neque est de substantia Sacramenti, neque de præcepto Ecclesiæ.

Subtrahitio vel corruptio verborum, siue additio circa formam si sit tanta, ut sensus eius auferat, facit quod Baptismus sit nullus: si verò per subtractionem, seu additionem verborum circa formam, non auferatur debitus eius sensus, Baptismus tenet, & in dubijs præmissa diligentia, infans debet baptizari sub ista forma: Si non es baptizatus, ego te baptizo in nomine Patris, &c. Transpositio verborum circa formam Baptismi, pariter si est talis, ut tollat eius sensum, facit quod Baptismus sit nullus, ut si diceretur: Baptizo  
in te

in te nomine Patris. Vel: Baptizo in nomine te Patris: si verò per ipsam nõ auferretur sensus formæ, Baptismus tenet, vt si dicatur: In nomine Patris, & Filij, & Spiritus Sancti ego te baptizo. Variatio vocum, vnde forma Baptismi, siue Hebraice, siue Græcè, siue Latine, siue vulgariter proferatur, habet suum effectum: variatio verò vocum circa formam Baptismi, & quo ad voces, & quo ad significata simul, tollit Baptismum.

Ad susceptionem Baptismi, omnes post Christi passionem ex præcepto diuino tenentur, Ioann. 5. ita vt nullus Baptismo vel in re, vel in voto, saluari potest, Matth. ult. Qui crediderit, & baptizatus fuerit, saluus erit: tamen pueri infidelium, ante vsum rationis, inuitis parentibus, non sunt baptizandi, respectu autem vsum rationis, triplex ponitur gradus in homine. primus, cū quis nec per se intelligere, nec ab alio capere potest. Secundus, cū quis per se intelligere nequit, sed ab alio capere potest. Tertius, cum quis per se, & ab alijs intelligere valet. Primum statum homo habet ante primum septennium, ad secundum, homo incipit venire in fine primi septennij, ad tertium in fine

secundi septennij Quare quando dicitur, quòd pueri infidelium non sunt baptizandi inuitis parentibus ante vsum rationis, intellige quantum ad tertium gradum, hoc est. ante finem secundi septennij. filij infidelium ipsis inuitis baptizandi non veniunt.

Effectus Baptismi præcipui sunt quinque. Primus est infusio gratie. Secundus est deletio peccati originalis in pueris, & actualium in adultis. Tertius est absolutio ab omni pœna culpæ præteritæ, ita vt sic morientes ad cœlum euolent. Quartus est impressio characteris indelebilis in anima, quo homo fit capax aliorum Sacramentorum, & fideles ab infidelibus distinguuntur. Quintus est apertio regni cœlestis, Matth. 3. Aliqui addunt sextum, quia Baptismus tollit irregularitatem prouenientem ex peccato, & ex homicidio qualitercunque proueniente, & septimum, qui est cognatio quædam spiritualis inde causata, quæ impedit, & dirimit Matrimonium cōtractum, vt habetur in Concilio Triden. sess. 24. de reform. Matrim. cap. 2. inter baptizantes & baptizatum, parentesque baptizati, item inter leuantes, & leuatum ex sacro fonte parentesque leuati.

Minister baptismi propriè, cui de iure ac potestate ordinaria baptizare cōpetit. est Episcopus & Sacerdos, ex concessione est Diaconus, & urgente necessitate, quilibet potest esse minister Baptismi, ob eius summam necessitatem ad salutem eternam consequendam: in alijs verò Sacramentis, non quilibet potest esse minister, quia nullum aliud Sacramentum est tantæ necessitatis, quantæ est Baptismus in quo Baptizās solum ministerium exterius adhibet, iuxta illud Ioannis 1. Super quem videris Spiritum sanctum descēdentem, & manentem, hic est qui baptizat.

Sacramentalia quæ fiunt in Baptismo, numero ponuntur quinque, nempe exsufflatio, insufflatio immissio salis, saliuæ, & vñctio olei. Exsufflatio expulsionem spiritus immundi, qui per peccatum regnat in homine, designat. Insufflatio, introductionem boni spiritus innuit. Immissio salis, gratiam, quæ est præservatio à putredine peccatorum, significat. Saliva, quæ auribus, & naribus exhibetur, apertionem sensuum spiritualium designat. Vñctio olei in pectore, & inter scapulas, diuinæ legis amorem, ac deuotam subiectionem significat atque repræsentat. Vide de hac



hæc materia, si placet, meum Enchir-  
dion.

## D E B E L L O.

**B**ellum duplex, spirituale & corpo-  
rale. De bello spirituali, Iob cap. 5  
Militia est vita hominis super terrâ.  
Et ad Thim. 2. Labora ut bonus miles  
Iesu Christi. Hoc bellum cuilibet Chri-  
stiano ad vitam æternam consequen-  
dam necessarium est, 2. ad Thim. 3.  
Non coronabitur, nisi qui legitime  
certauerit. Huius author est Christus,  
Matt. 10. Non veni mittere pacem in  
terris, sed gladium. Arma, quibus in  
hoc bello uti debet, non sunt carnalia,  
ut docet D. Paul. 2. Cor. 10. sed spiritua-  
lia. Galea huius militie, est spes salutis.  
Lorica est fides. Gladius est verbum  
Dei. Scurum est veritas, ut habetur ad  
Ephes. 6. Hostes cum quibus nobis pu-  
gnandum est in hoc bello, non sunt pro-  
ximi; quia scriptum est, cum omnibus  
hominibus pacem habentes, sed sunt  
caro, mundus, dæmon, ad Ephes. 6. Nō  
est nobis colluctatio aduersus carnē,  
& sanguinem; sed aduersus mundi prin-  
cipes, & potestates, aduersus mundi re-  
tores tenebrarum, contra spiritualia

74 Bellum.  
nequitiae in cœlestibus.

Bellum corporale, quod passim habetur in sacris literis secundum se; nō est illicitum, tum quia in veteri lege viri Dei in eo se exercuerunt, vt Iosue, David, Iudas Machabæus, tum quoniam D. Ioannes Baptista, Luc. 3. illud non prohibuit, minus damnauit: verū ad hoc, quod bellum corporale sit iustum, & absque peccato, quinque necessario requiruntur. Primò, auctoritas suprema in Principe bellum indigente: nam personæ priuatæ, non licet mouere bellum, quia talis potest ius suum prosequi iudicio Superioris. Secundò requiritur causa iusta, vt puta tuendi, siue recuperandi propria, seu coercendi gratia rebelles. Tertiò, requiritur recta intentio bellantium, nempe vt gerant bellum, non cupiditate lucri, ac prædæ, siue crudelitate ducti: sed studio pacis, vt inde mali coerceantur, & boni subleuentur. Quartò, requiritur status laicalis: Clericis enim hoc genus belli est prohibitum, Matthæi 26. Conuerte gladium tuum in vaginam, 2. ad Thimoth. 2. cap. Nemo militans Deo, implicet se negotijs secularibus. Item 1. Paralip. cap. 22. Deus dixit Dauidi, quia multum sanguinem fudisti, & mul-

& multa bella bellaſti, non poteris ædificare domum nomini meo. Quintò, requiritur debitum tempus, vt non fiat die feſto: quia ſic ſabbathum viola-  
tur, tamen aggreſſis etiam diebus feſtiuis licet bellare, vt habetur 1. Mach.

2. Cogitauerunt laudabiliter Iudæi dicentes: omnis homo quicunque uenerit ad nos in bello, in die ſabbathorū, pugnemus aduerſus eum.

In bello iuſto licet uti inſidijs, Ios. 8. Mandauit Dominus Iosue, vt inſidias poneret habitatoribus ciuitatis Hai. In bello iuſto licet dare auxilium, in dubio ſubditi excuſantur: extranei uerò nequaquam.

In bello iuſto milites non tenentur de damnis illatis, etiam innocentibus durante bello, at in bello iniuſto omnes tenentur ad reſtitutionem. Verum ſecundum iura, quædam perſonæ in omni bello ſiue iuſto, ſiue iniuſto ſunt exemptæ, ita vt milites ſemper teneantur de damnis eis illatis, & tales ſunt Clerici, Monachi, conuerſi, peregrini, & oratores, qui illic tunc reperiuntur.

## DE BENEDICTIONE.

**B**enedictio duplex, vna quæ fit à pu-  
ro homine, sicut merente per pro-  
prium actum: altera quæ fit ab homine  
Ecclesiæ ministro, ex merito Christi.  
Prima potest fieri à quolibet bono, &  
sancto viro, in quo Dominus habitat  
per gratiam: secunda verò solum po-  
test fieri ab habentibus characterem  
Ordinis. Prima requirit maioritatem  
bonitatis, & sanctitatis in benedicen-  
te: secunda verò requirit maioritatem  
Ordinis, & non sanctitatis in benedi-  
cente: vnde qui benedicit, semper de-  
bet esse maior eo, qui benedicitur, vti  
legitur He. 7. vel maioritate bonitatis,  
vel ordinis.

Benedictio quæ est ministrorum Ec-  
clesiæ, duplex ponitur, vna rerum; puta  
aque, vestium & vasorum: altera per-  
sonarum, quæ alio nomine benedictio  
super populum dicitur, & hæc duplex  
est, sollemnis quæ fit dicendo Adiuto-  
rium nostrum, &c. ista Episcopis com-  
petit, & Abbatibus: simplex, quæ Sacer-  
dotibus in Missa competit. Benedi-  
ctio rerum pariter duplex est, vna cum  
sacra Vnctione, & hæc solis Episcopis

com-

competit: Altera verbalis tantum, & ista inferioribus Clericis, Episcopo conuenit.

Episcopo aliqua conueniunt tripliciter, quædam ratione ordinis Episcopalis, vt Clericos ordinare, conficere chryisma, consecrare Virgines, Ecclesias, Altaria, & confirmare, quædam ratione iurisdictionis Episcopalis, vt iudicare, excommunicare, conferre beneficia, & ad illa inuestire. Quædam demum conueniunt Antistiti ratione dignitatis Episcopalis, vt publicas penitentias imponere, cognoscere de causa matrimoniali, & dare indulgentias, modò quæ conueniunt primo modo Episcopo, simplici Sacerdoti conuenire nequeunt: quæ verò conueniunt Episcopo secundo, & tertio modo, etiam simplici Sacerdoti possunt committi: quia huiusmodi sūt potius iurisdictionales, quàm ordinis: vnde licet potestas Ordinis, non possit cuicunque delegari, tamen potestas iurisdictionis, quia à nuda voluntate Superioris depēdet, ideo cuicunque potest delegari.

Benedictio calicis, corporalium, & ornamentorum, secundum communem opinionem Doctorum de iure, vel de consuetudine, sunt ordinis Episcopalis.

lis: propriè tamen sola benedictio rerum cum sacra vñctione, est ordinis Episcopalis: vnde calices, Altaria, & Ecclesiæ, neque à simplici Sacerdote, neq; ab Abbatibus benedici possunt, licet Abbates, & Sacerdotes ordinis Minorum, & Prædicatorum ex indulto Sixti IV. omnia ornamenta Ecclesiæ, Altaria, ac vestes sacerdotales, corporali excepto, benedicere possint: Talia si resarciantur, vbi forma mutatur, iterum veniunt benedicenda, secus si ratione huius formam non amiserint, vetustate autem consumpta, ita vt sacro vsui amplius apta esse nequeant, eo casu sunt comburenda, & cineres in coemiterio reponendi.

## DE BENEFICIO.

**B**eneficium Ecclesiasticum communiter duplex ponitur, scilicet: regulare, & seculare. Beneficium tam regulare, quàm seculare duplex est, aliud electiuum, & aliud collatiuum. Electiuum dicitur, quod per electionem, & confirmationem Superioris cõfertur: Collatiuum verò dicitur, quod per solam confirmationem Superioris cõfertur. Beneficium electiuum, vacans:

in Ecclesia cathedrali, seu regulari, electores, secundum iura, tenentur infra tres menses cessante legitimo impedimento eligere, secus prouisio ad proximum superiorem deuoluitur: alia uero beneficia ecclesiastica si vacant, & infra sex menses illis non prospiciatur, prouisio ad proximiorum Superiorem pariter deuoluitur, puta si collocatio pertinet ad Capitulum, in tali casu deuoluitur ad Episcopum, si ad Episcopum, deuoluitur ad metropolitanum, si ad metropolitanum, demum deuoluitur ad Papam.

Ad hoc ut aliquis sit aptus ad acquirendum beneficium ecclesiasticum, in iure multa in eo desiderantur. Primo requiritur, quod sit Clericus: laicus. n. neque potest habere beneficium ecclesiasticum, neque potest esse Vicarius Episcopi. Secundo requiritur, quod non sit coniugatus: nam si Clericus beneficiatus contrahat Matrimonium, & sit in sacris, secundum iura venit priuandus: si autem sit in minoribus ipso facto est priuatus. Tercio requiritur, quod sit debitæ ætatis. Ad beneficium simplex, cui non est annexa cura animarum, sufficit ætas septem annorum, ad beneficium curatum, siue illud sit re-



gulare, siue seculares, desideratur ætas viginti quinque annorum: quia talis debet esse Sacerdos, ad Episcopatum autem exigitur ætas triginta annorū. Quarto requiritur, quod sit legitimus: illegitimi enim absque dispensatione non possunt habere beneficia ecclesiastica, siue cum cura, siue sine cura: tamen in beneficio simplici cum illegitimis Episcopus potest dispensare: in beneficio verò curato, & ad dignitates, solus Papa dispensat. Quinto requiritur, quod institutione canonica obtineat, ad quam tria pertinent, primò, quod conferatur ei ab illo, qui id iure potest, puta à magistratu ecclesiastico: quia recipiens beneficium à laico, ipso iure est ineligibilis, cum tali tamen Episcopus potest dispensare. Secundò, vt conferatur ei per modum debitum, ac iuridicum, & non per symoniam, neque per intrusionem. Tertiò, vt sit habilis ad hoc, puta quod non sit irregularis, vel infra legitimam ætatem. Unus propter multa inconuenientia, quæ inde sequuntur, multa beneficia habere non potest: nam hinc primò sequitur diuini cultus diminutio. Secundò defraudatio voluntatum piolum testatorum. Tertiò inæqualitas,

dam



dum vnus plura, & alius nec vnus habere potest, ita vt possit iam dici, vnus esurit, & alter ebrius est, vnus ergo iure, & tuta conscientia, plura beneficia, maxime quæ habent annexam curam animarum, atque necessario residentiam postulant, habere simul non potest, verum legitima causa interueniente, in pluribus simplicibus, item in vno curato, & alio simplici, Episcopus potest dispensare in diuersis Ecclesijs, & in vna si huiusmodi beneficia sint simplicia disformia, vt quod habeat canonicatum, & Altare, non autem si sint conformia, puta vt quis habeat in vna, & eadem ecclesia duos canonicatus, vel duo altaria, Episcopus dispensare non potest.

## DE BIGAMIA.

**B**igamia est defectus ex secundis nuptijs proueniens, quæ inducit irregularitatem, id est inhabilitatem ad suscipiendos Ordines ecclesiasticos, verum irregularitas non est adiuncta bigamiae de iure naturali, sed de iure positivo, neque est de essentialibus Ordinis, quod quis non sit bigamus, quod patet ex eo, quod si bigamus ordina-

tur, recipit characterem, ordinatio tenet. Papa potest dispensare in tali irregularitate, quo ad omnes Ordines; Episcopus verò solum quo ad minores.

Quatuor ponuntur modi bigamiæ.

Primus, cum quis habet plures vxores de iure successiue. Secundus, cum quis simul habet plures vxores, vnam de iure, & alteram de facto, vel ambas de facto, quibus se commiscuit. Tertius, cum quis plures habet successiue, vnam de iure, alteram de facto, vel ambas de facto. Quartus cum quis viduam duxit in vxorem, & circa istum quartum modum bigamiæ diuersimode aliquis bigamiam incurrit. Primò, quando aliquis contrahit cum aliqua vidua, quæ à primo fuit cognita. Secundò, quando aliquis contrahit cum aliqua, quæ fuit cognita ab alio extra Matrimonium, & cognoscit eam. Tertiò, quando aliquis contrahit cum Virgine, quam consummato Matrimonio, ab alio cognitam, iterum cognoscit, siue scienter, siue ignoranter: unde multi sunt bigami, qui tamen hæc ignorant. Omnibus ergò his modis homo, fit bigamus, ex consequenti irregularis, siue inhabilis ad suscipiendos Ordines. Quod si quis contrahat cum aliqua,

qua, quæ prius contraxerat cum alio per verba de præfenti, non secuta copula carnali, non fit bigamus. Item si aliquis contrahit cum virgine, & consummat, postea ipsa cognoscatur ab alio si talis non amplius eam cognoscit, non fit bigamus.

Tres assignantur causæ, quare bigamus promoueri non possit ad sacros Ordines suscipiendos. Prima est dignitas Ordinum; Secunda est incontinentiæ signum. Tertia est defectus Sacramenti in significando Matrimonium Christi, quod est inter vnum, & vnâ. Bigami facti, constituti in minoribus, ipso iure sunt priuati priuilegio clericali: qui verò facti sunt bigami, constituti in maioribus Ordinibus, nō sunt priuati priuilegio clericali, ratio est, quia constituti in minoribus, possunt liberè redire ad seculum, secus autem constituti in maioribus.

## DE BLASPHEMIA.

**B**laspheemia est derogatio diuinæ bonitatis, cuius quatuor ponuntur species siue modi. Primus est, quando attribuitur Deo, quod ei non conuenit, puta esse peccatorem, esse impoten-

tem. Secundus est, quando remouetur ab eo, quod ei conuenit, puta dicendo, ipsum non esse iustum, non esse misericordem. Tertius est, quando attribuitur creaturæ, quod est proprium Deo, puta esse summum bonum, esse creatorem. Quartus, quando remouetur à Sanctis, quod Deus illis tribuit, vel tribuitur Sanctis, quod Deus ab eis remouet, puta dicendo, ipsos esse miseros, non esse amicos Dei, non esse intercessores in cœlis apud Deum pro nobis. Quare blasphemix peccatum, respicit Deum, & Sanctos eius, propriè tamen ac principaliter respicit Deum, secundariò Sanctos: quia eorum derogatio aliquo modo redundat in Deum, quatenus laudatur & glorificatur in Sanctis, Psal. 38. Deus glorificatur in consilio Sanctorum. Item Lucæ 10. Qui vos audit me audit: & qui vos spernit, me spernit.

Blasphemia ex genere suo peccatum mortale est Leuit. 24. Qui blasphema-uerit nomen Domini, morte moriatur. Et Matth. 15. Blasphemix sunt, quæ coinquinant hominem; quandoque tamen potest esse veniale, vt si procedat subito ex passione, sine deliberatione, non considerando significationem ver-

borum, secus autem, si considerata significacione verborum, siue ex consuetudine blasphemia proueniat; nam eo casu non excusatur a mortali, qui blasphemat.

Peccatum blasphemiae est grauius periurio: quia blasphemus asserit, vel sentit aliquid falsum de Deo, secus autem periurus, qui neque dicit, minus sentit aliquid falsum de Deo, item, quia peccatum blasphemiae nedum opponitur secundo praecepto decalogi, sicut periurium: sed etiam opponitur primo praecepto decalogi. Peccatum blasphemiae ratione obiecti, in quod peccatur, est maius homicidio: quia obiectum blasphemiae est Deus, obiectum homicidij est proximus; tamen secundum quid, hoc est quantum ad effectum operis, quantum ad nocumētum illatum, homicidium potest dici maius peccatum, quàm sit blasphemia, sed simpliciter loquendo, blasphemia est longè grauius peccatum ipso homicidio.

Blasphemia occulta potest absolui à simplici Sacerdote: publica verò de consuetudine generali secundum aliquos Doctores, est casus reseruatus Episcopo, dicitur publica, non quia co-


tam pluribus personis commissa : sed  
 quia iuridice per accusationem Epi-  
 scopo delata est. Poena blasphemian-  
 tis publicè secundum antiquos cano-  
 nes, erat, stare præ foribus Ecclesiæ se-  
 ptē Dominicis, & ultimo die sine pal-  
 lio, calceamentis, & ligatus corrigia in  
 collo, item ieiunare in pane, & aqua se-  
 ptem sextis ferijs præfatarum Domini-  
 carum, ei que ingressus Ecclesiæ inter-  
 dicitur, & sepultura ecclesiastica nega-  
 tur, intellige, si quis ex iniusta causa  
 blasphemauerit, puta si ludendo ami-  
 sit, secus si prouocatus ex iusta  
 causa, vel ex calore iracun-  
 diæ, vel ex ebrietate, eo  
 casu canon non  
 habet lo-  
 cum.





D E

## C A L I C E.



Alices, in quibus sanguis Christi consecratur, debent esse ex auro, vel argento, vel stanno, & non ex alia materia, sicut sanctum est in Concilio Remensi, ut docet D. Thomas 3. par. quæst. 83. art. 3 ac Petrus de Pal. in 4. senten. dist. 23. quæst. 2. art. 5. Calices non debent esse ex cupro, neque ex auricalco; quia tales virtute vini contrahunt æruginem. Non ex ligno; quia cum sit porosum, sanguis in eo remaneret. Non ex vitro, neque ex lapide: quia tales sunt fragiles: Verum non est de essentialibus consecrationis, siue Sacramenti, quod calix non si ex cupro, neque ex auricalco, neque ex vitro, neque ex ligno, neque ex lapide: quia si in huiusmodi calicibus, non obstante prohi-

bi-



bitione, sanguis Christi cōsecraretur, consecratio teneret.

Calix, in quo Christi sanguis est cōficiendus, debet esse cōsecratus, & perunctus chrismate ab Episcopo, vel ab Abbate vtente insignis pontificalibus, qui hoc habet ex consuetudine, seu priuilegio, nam cōsecratio calicis potius est dignitatis Episcopalis, quàm ordinis: propterea illud ex priuilegio: quibusdam Abbatibus est concessum: calix ergo debet esse consecratus, quod si Sacerdos vteretur calice non consecrato scienter, conficeret quidem, sed peccaret mortaliter.

Calix semel consecratus, in tribus casibus iterum necessario venit benedicendus. Primò, quando calix conflatus destruitur, & iterum fit. Secundò quando fit amotio formæ principalis, vt si pes à scipho totaliter separetur: quia vnum absque altero consecrari non potest, secù: si modica pars pedis, aut sciphi refectione indiget, siue amotione formæ principalis. Tertiò, quando calix deauratur, debet de nouo consecrari, secus si deauratio cadat propter

vsu.



## DE CAMBIIS.

**C** Ambium propriè est commutatio vnius rei pro alia : secundum verò vsurpationem vulgi, est omnis contractus pecuniæ pro pecunia, non gratuitus, siue sit permutatio, siue emptio, siue depositum, & diuiditur in reale, & siccum. Cambium siccum est, quo Cāpsor prius dat, quàm accipiat : Reale verò è contrà, quo Campsor prius accipit pecuniam quàm det. Verùm hac & alijs diuisionibus omissis, septem possunt dici genera Cambiorum. Primum ratione officij mutuandi. Secundum per minutum, quo presens pecunia pro præsentì commutatur. Tertium per litteras. Quartum per translationem realem. Quintum ob interesse. Sextum pro custodia. Septimum per commutationem pecuniæ præsentis pro absente. Ad cuius doctrinæ euidentiā tria noto. Primò, quòd secundum communem sententiā permutatio est antiquior emptione, quæ cœpit post inuentam pecuniam: inuenta autem fuit pecunia, vt esset pretium, quo necessaria vitæ emerentur, & vt rerum venalium esset mensura quædam publica: deinde

sequuta est permutatio pecuniæ pro pecunia, & ars cambiandi quæ est ars negotiandi pecunijs vtrò citroque dādis, & accipiendis, quæ ordinata ad querendam sustentationem, vel alium finem honestum, est licita, ex mente D. Thomæ. Secundò noto, quòd licet primus finis pecuniæ sit emptio, & venditio: sunt tamen alij secundarij, in quos ea licitè vtimur, ita vt excepto mutuo, & accommodato licitè præbens eam, potest capere pretiū pro eius vsu. Qui autem mutuatur, & fingit se locare in aliquem vsu prædictorum, sicque aliquid pro vsu eius accipit, peccat corā Deo cordium scrutatore. Tertiò noto, quòd in commutatione, & cambio pecuniæ, non potest accipi aliquid ultra iustum valorem pecuniæ, quam dat ratione cambij, quatenus est permutatio, nisi accedat alia iusta ratio accipiendi: Vnde qui dat nūc vnā pecuniam pro alia maiore, post vnum vel duos menses reddenda, iniuste facit: quia talis vult accipere rem maioris valoris, pro re minoris valoris, via permutationis, quod minimè licet, & secundū Hostien. usura est. His ergo stantibus, ponuntur sequentes conclusiones, quarum prima est: Primum Cambium, vo-

eatum officium mutandi, secundum  
communioem opinionem Doctorū,  
licitum est: nam à Republ. potest con-  
stitui officium mutuandi egentibus  
constituto aliquo paruo lucro reddendo  
à mutuarijs vltra sortem pro labo-  
re, & salario ministrorum, ad instar  
mōtium pietatis, vti suprà dictum est.  
Secunda conclusio: Secundum Cam-  
bium in ordine vocatum per minu-  
tum quo quis præsentem pecuniā pro  
præsenti commutat, puta quadrantes  
pro Iulijs, vel Iulios, siue Reales in Co-  
ronatos, aut è contrā, Iulios in qua-  
drantes, florenos in cruciferos, vel co-  
ronatos in florenos, est iustum, modo  
fiat ex officio cum moderato lucro as-  
signato. Tertia conclusio: Tertium Cā-  
bium vocatum per literas, est licitum,  
& Reipublicæ necessarium: quia per  
illud virtualiter transfertur pecunia,  
de vno loco in alium quantumlibet re-  
motum virtute literarum, quibus effi-  
cit Campsor, vt tradatur tanta pecunia  
in alio loco, quanta ei datur in loco,  
vbi ipse dat literas, & aliquid amplius  
pro iusta mercede, ad eius tamen iusti-  
tiam, primò requiritur, vt seruetur æ-  
qualitas valoris inter pecuniam da-  
tam, & accipiendam: Secundò, quòd  
Cam-

Campfor non accipiat plus iusta mercedē. Tercio requiritur, quòd Cāpfor, qui dat pecunias soluendas in alijs remotis locis, sciat vel probabiliter credat, quòd persona, cui dat, habeat pecunias, vel fidem, & voluntatem satisfaciendi literis, quas de soluendis illis sibi tradit. Quarto, ad iustitiam Cambij per literas, requiritur vt locus, in quo est soluenda pecunia, longè distet à loco, in quo dantur literæ; alioquin esset Cambium de tempore, ad tempus, quod non licet, & non de loco, ad locum, quod licet. Quarta conclusio; Quartum Cambium per translationē realem, quod fit prius emendo, vendēdo, permutando, vel alio modo quærendo pecuniam valentem, minoris in aliqua prouincia, quàm in alia, & transferendo, postea illam realiter ad aliā prouinciā, vbi aliquo respectu pluris valet, licitum est, & si aliqui contrarium dicant. Quinta conclusio: Quintum Cambium ob interesse, quo Campfor recipit aliquid vltra sortem, ratione damni emergentis, vel lucri cessantis, quod Campfor incurrit, est iustum, & licitum, quia & mutuare sic liceret, vt suprà dictum est, dummodò iuxta extra extranagantem Pij V. non à principio

capio certum interesse præfigatur in Cambijs. Sexta conclusio: Sextum cambium, quo quis lucratur ob custodiam pecuniarum, sicut lucentur Argentarij, siue Bancarij, autoritate publica constituti, ad custodiendas pecunias, quas iudices iubent, apud eos deponi ea lege, ut habeant eas paratas ad reddendum simul, ac pecunia fuerint, & librum rationum depositarum, & reddituum pecuniarum, salua iusta mercede pro tempore, quo penes eos fuerint, est licitum, quia utile Reipubl. & per consequens, tale officium est dignum salario publico, vel privato. Septima conclusio: Septimum Cambium, quod fit per commutationem præsentis pecunie pro absente, est etiam licitum, siue fiat per emptionem, siue fiat per permutationem, ut quando Campsor dat vel accipit pecuniam in vno loco, ut det, vel accipiat eandem cum lucro in alio loco: nam pecuniam, secundum D. Thomam, & receptam sententiam, quatenus pecunia est, commutari potest, & ex eius commutatione, lucrum queri: Octo enim possunt esse in causa, quare vna moneta potest valere pluris, vel minoris, quam alia. Primum, diuersas metalli: secundum, diuersi-

tas bonitatis eiusdem metalli . tertium, diuersitas formæ, & ponderis . quartum, diuersitas locorum . quintum, reprobatio totalis, vel partialis . sextum, diuersitas temporum . septimum, copia, vel defectus . octauum, absentia, vel præsentia: quandoquidem præsens pecunia pluris valet ex se, quàm absens præfenti, cæteris paribus, eò quòd ex se requirat laborem, impensam, & periculum in traducendo .

## DE CANONIZATIONE.

**C**anonizare nihil aliud est, quàm aliquem per summum Pontificem canonicè, catalogo Sanctorum ascribere, decernere, ac declarare. Aliquem non canonizatum pro sancto colere, publicè faciendo de eo Officium, & celebrando Missam, non licet: colere vero aliquem non canonizatum pro Sancto secretè, & priuatim, quem credit esse beatum, ut puta porrigendo ad eum preces, non est peccatum; nam Deus respicit fidem orantis, propterea etiam si ille non esset bonus, apud quem emittuntur preces Deus illas acceptaret.

Quòd Ecclesia in canonizatione Sanctorum errare non possit, piè creden-

dendum est: nam iudicia, seu sententię Ecclesię sunt in duplici differentia, quędam quę pertinent ad particularia facta, particularium hominum, puta vt dum agitur de promotionibus, de possessionibus, vel de criminibus: quędā verò, quę pertinent ad vniuersalem statum totius Ecclesię, vel quantum ad fidem, vel quantum ad mores. In actionibus primi generis iudicium Ecclesię errare potest: quia in his vtitur medio incerto atque fallibili, nempe attestationibus hominum, quibus sepæ falsum subest: in actionibus autem secundi generis, iudicium Ecclesię non fallit, nec fallitur: in his enim innititur diuinę prouidentię, quę Ecclesiam suam Spiritu sancto regit, vt habetur Ioann. 14. modo canonizatio Sanctorum, vt sacri Doctores docent, inter quos D. Thom. quolibet. 9. quęst. vult: mediat inter prædicta, partim illa pertinet ad primum genus actionum: quoniam Ecclesia in canonizatione Sanctorum innititur medio fallibili, scilicet hominum testimonio, partim pertinet ad secundum genus actionum: quia honor, quem exhibere debemus Sanctis, est quędam professio fidei. quę credimus gloriam Sanctorum. Quare



cùm Ecclesia in his, quæ sunt fidei, nullo modo errare possit, pie credendum venit, quod neque in canonizatione Sanctorum erret, maximè cùm semper precedat diligentissima inquisitio super Vita, & miraculis.

## DE CAPITULO.

**C**apitulum est congregatio Ecclesiasticorum, & succedit Episcopo in iurisdictione, licet, non succedat Episcopo in gratijs, indultis, ac priuilegijs: quia priuilegium non debet excedere personam priuilegiati. Capituli ergo authoritas, sede vacante, ad multa se extendit. Primò, potest absolvere ab excommunicatione à iure, & ab homine, à qua Episcopus absolvere potuisset. Secundò, potest dispensare in casibus, in quibus Episcopo permittitur dispensatio. Tertiò, potest absolvere à casibus reservatis Episcopo. Quartò potest dare potestatem alienandi ex causa legitima bona alicuius Ecclesiæ, non tamen bona Episcopatus. Quintò, potest instituere visitationem specialem, necessitate occurrente: non tamen generalem. Sextò, potest facere statuta, quibus tota diocesis obstricta sit, quæ



quæ tamen Episcopus reuocare potest. Septimò, potest dare indulgētiās, quas Episcopus de iure dare potest.

Capitulum, sede vacante, beneficia, quæ ad collationem Episcopi pertinent, conferre non potest, præsentatos tamen à patronis, si fuerint reperti idonei, admittere, & instituere potest. Itē Capitulum, sede vacante, vt habetur in Concil. Trident. sess. 7. de reformat. cap. 10 infra annum, à die vacationis, ordinandi licentiam, aut literas dimissoriales alicui, qui beneficij ecclesiastici recepti, siue recipiendi occasione ætatis non fuerit, concedere nequit: Quod si secus factum fuerit Capitulum contraueniens, ecclesiastico; subiacerit interdicto, & sic ordinati, si in minoribus ordinibus constituti fuerint, nullo priuilegio clericali gaudebunt; in maioribus Verò ab executione Ordinū, ad placitum futuri Prælati, erunt ipso iure suspensi.

Capitulum, sede vacante, iuxta decretum sacri Concilij Trident. sess. 24. de reformat. cap. 16 æconomum vnū, vel plures fideles, ac diligentes habet decernere, qui rerum ecclesiasticarum, & prouentuum curam gerunt, quorum rationem ei, ad quem pertinebit, erunt

redditori. Insuper Officialem seu Vicarium, infra octo dies post mortem Episcopi, constituere, vel existentē cōfirmare: secus ad Metropolitanum deputatio huiusmodi deuoluitur. Quod si Ecclesia ipsa Metropolitana fuerit, aut exempta, eo casu antiquior Episcopus ex Suffraganeis in Metropolitana, & propinquior in exempta, Oeconomum & vicarium idoneos constituere potuerit.

Consensus Capituli requiritur potissimum in tribus casibus. Primò, in omnibus concernentibus præiudicium Ecclesiæ cathedralis, secundo in alienatione bonorum cathedralis Ecclesiæ, tertio in his, quæ sunt communia Episcopo & Capitulo, necnon in concernentibus præiudicium ipsius Capituli: in cæteris verò non requiritur consensus Capituli, consensus, autem, & potestas Capituli consistit in maiori parte, quæ semper intelligitur sanior, nisi probetur in contrarium: fallit tamen hæc doctrina in tribus casibus. Primò, quando aliquid est commune pluribus, non vt collegiatis, sed vt singulis: nam eo casu non sufficit, vt maior pars Capituli consentiat, sed oportet singulos ex Capitulo consentire, pu

ta si tota authoritas eligendi transferenda sit in commissarios : vno enim de Capitulo contradicente, non valet. Secundo, quando maior pars Capituli deliquit, vt si excommunicati, vel suspensi, eo casu tota Capituli potestas residet in minori parte, quæ non deliquit. Tercio, fallit in electione summi Pontificis, vbi non sufficit, quod maior pars electorum consentiat, sed requiritur, quod duæ partes electorum consentiant, vt electio teneat, verbi gratia, si sunt triginta, vt habeatur Papa, viginti, debent eundem eligere, secus electio est nulla.

## DE CHARACTERE.

**C**haracter ex communi doctrina Theologorum, est quædam potestas spiritualis indelebilis, quæ traditur homini in collatione, & susceptione quorundam Sacramentorum, siue est potestas recipiendi, vel conferendi Sacramenta : vnde quidam character est potentia passiva, vt character Baptismi, & Confirmationis; vt potè, qui est ad suscipiendum alia Sacramenta: quidam verò est potètia actiua, vt character Ordinis ad consecrandum, ab-

soluendum, & ad conferendum, seu administrandum alia Sacramenta.

Character tantum in tribus Sacramentis imprimitur, scilicet: in Baptismo, Confirmatione, & Ordine: nam homo per hæc tria solum mancipatur ad aliquod Sacramentum exercendum æctiuè vel passiuè, per Baptismum & per Confirmationem homo mancipatur ad suscipiendum alia Sacramenta: diuersimodè tamen, per Baptismum de necessitate, per confirmationem de decentia, & ad benè esse, per ordinem homo mancipatur ad tractandum & administrandum alia Sacramenta: per Eucharistiam autem, Pœnitentiam, Extremam Vñctionem, & Matrimonium, homo non deputatur ad aliquid agendum vel recipiendum in Sacramentis, propterea in his character nō imprimitur.

Character & gratia Sacramentalis, in quatuor potissimum differunt. Primò, quòd gratia est effectus communis omnium Sacramentorum nouæ legis: character verò ē effectus proprius trium Sacramentorum. Secundò, quòd gratia sacramentalis est amissibilis: character autem est indelebilis. Tertiò, quòd gratia sacramentalis non stat

cum

cum peccato mortali : character verò stat cum mortali, vt si aliquis existens in mortali, fiat Sacerdos, recipit quidem characterem, non tamen gratiam sacramentalem. Quariò, quòd gratia subiectiuatur in essentia animæ : character autem in intellectu, seu in anima, secundum partem intellectiuam.

## DE CHARITATE.

**C**haritas est virtus à Deo infusa, qua diligitur Deus propter se, & proximus propter Deum. Charitas in sacris literis bifariam sumitur, essentialiter, & participatiuè. Charitas primo modo accepta, est quid increatū, 1. Ioan. 4. Deus charitas est : charitas verò secundo modo accepta, est quid creatum, & iuxta hunc sensum præsens littera procedit, nempe de charitate, vt est habitus quidam creatus, qui in hac vita augeri & minui potest extensiuè, hoc est, quātū ad numerū obiectorū : & intensiuè, id est, quo ad intensiōē actus, vt magis ac minus aliquid diligatur : in patria verò cœlesti, neq; potest augeri, neque potest minui : quia ibi charitas est perfecta, & in termino.

Item charitas in hac vita persequens, peccatum mortale amittitur: in patria autem cœlesti, charitas amitti non potest: quia ibi peccatum locū nō habet.

Quatuor à nobis ex charitate veniunt diligēda, scilicet: Deus, nos, proximus, & corpus nostrum: reliqua verò veniunt quidem diligenda, non tamē ex charitate; quia charitas est quædam amicitia fundata super communicatione beatitudinis, quæ Deo, Angelo, homini, & corpori humano tantū competit, Deo per essentiam, Angelo & homini per participationem, corpori humano per quandam redundantiam; ynde ista ex charitate diligere debemus, alia verò communi & vulgari amore.

Damnati & dæmones habentes naturam deformatam à nobis, non sunt diligendi ex charitate; quia non sunt capaces æternæ beatitudinis, super cuius communicatione charitas est fundata. De peccatoribus autem, in quibus duo veniunt considerata, nempe natura & culpa, quantum ad culpam, peccatores in hac vita sunt odiō habēdi, iuxta illud Psalm. 118. Iniquos odio habui: quantum verò ad naturam, peccatores existentes in hoc seculo, sunt

sunt diligendi ex charitate; quia sic sunt capaces æternæ beatitudinis.

In charitate est ordo seruandus, Cantic. 2. Introduxit me Rex in cellam uenariam, & ordinauit in me charitatē. Primo, homo debet super omnia diligere Deum. secundò, seipsum. tertio, proximum. quartò, magis animam proximi, quam proprium corpus. quinto, magis vitam propriam, quam vitam proximi. sexto, magis vitam corporalem proximi, quam irrationalia & bona temporalia. septimò, magis propinquiores Deo, & sibi coniunctiores. octauò, magis parentes, quam filios. nonò, magis patrem, quam matrem. decimò, magis patrem quam uxorem: vnde in casu necessitatis, secundum ordinem charitatis, homo potius parentibus quam filiis, patri quam matri, patri quam uxori, de alimentis prouidere debet.

## DE CASV.

**S**icut in iure nomine censuræ intelligitur quædam pœna spiritualis, quæ reo propter crimen infligitur, ita nomine casuum propriæ veniunt peccata: vnde si Episcopus absolutionem



à casibus sibi reſeruatis concedit, talis concessio non se extendit ad censuras, secus autem, quando summus Pontifex in bullis, indultis & gratijs absolutionem, à casibus sibi reſeruatis, concedit, tunc talis concessio se extendit etiam ad censuras: quia licet Episcopo quædam peccata sint reſeruata, secundum se, & non ratione censuræ: tamen Papæ nullum peccatum, quantūcunq; graue, est reſeruatum, nisi ratione censuræ illi annexæ, propterea quando summus Pontifex dat authoritatem absoluedi à casibus sibi reſeruatis. dat etiam à censuris, non tamen ab irregularitate: quoniam irregularitas propriè non est censura, cū absque peccato contrahi possit.

Casus reſeruati sunt in duplici differentia, quidam dicuntur papales, & quidam episcopales. Casus communiores Papæ reſeruati, vltra contentos in Bulla Cœnæ Domini, sunt qui sequuntur.

1. Translatio Episcopi electi ac confirmati, & idem videtur de translatione Abbatum exemptorum.
2. Depositiō Episcoporum, & idē videtur de Abbatibus perpetuis exēptis.
3. Acceptio renūciationis Episcoporum

tum



rum & Abbatum, qui immediatæ subsunt Sedi Apostolicæ.

4. Exemptio Episcoporum, vt Archiepiscopis non subsint, & idem de Clericis, siue Religiosis existentibus in Diœcesi, vt iurisdictioni diœcesani non subsint.

5. Mutatio sedis episcopalis, conueniunt, & locorū acceptorum per ordinem mendicantium.

6. Constitutio nouæ sedis episcopalis, siue nouæ religionis.

7. Subiectio vnius Episcopi alteri, vel diuisio vnius episcopatus in duos, aut vnio duorum in vnum, & idem de ecclesijs, monasterijs, & conuentibus exemptis.

8. Dispensatio vt non agens trigessimum annum ætatis, fiat Episcopus, vel ante vigesimum quintum annū habeat ecclesias, aut dignitates curatas, & ante vigesimum annum dignitates non curatas.

9. Restitutio depositorum ab ordine actualiter & solenniter, secus in deposito verbaliter, qui per Episcopū potest restitui.

10. Commutatio aliquorum votorum Hierosolymitani S. Iacobi, & liminum Apostolorum, à fortiori voti

- religionis, & voti solennizati per  
suspensionem sacri Ordinis, in quo  
etiā Papa dispensare non consuevit.
11. Dispensatio super irregularitati-  
bus contractis ex criminibus enor-  
mibus, vt ex bina rebaptizatione  
scienter, ex bina receptione eiusdē  
Ordinis, & ex retentione beneficij,  
seu dignitatis symoniacè obtentæ.
  12. Dispensatio cum bigamo, vt pos-  
sit promoueri ad sacros Ordines.
  13. Dispensatio cum Clerico non or-  
dinato, ministrante in ordine sacro,  
quem non habet.
  14. Dispensatio cum corpore vitiatō,  
si vitium corporis impediāt Ordinis  
executionē, vel generet notabili-  
lem deformitatem.
  15. Dispensatio cum homicidis volū-  
tariè, siue cum peccato, siue absque  
peccato. vt possint promoueri ad  
Ordines.
  16. Dispensatio cum excommunica-  
to maiori excommunicatione, su-  
spenso vel interdicto, ministrante in  
aliquo Ordine sacro.
  17. Dispensatio cum excommunica-  
to maiori excommunicatione, reci-  
piente Ordines.
  18. Dispensatio cum illegitimis, quā-

tum ad susceptionem sacrorum Ordinum, vel beneficiorum curatorū, vel dignitatum.

19. Dispensatio, vt quis habeat duo beneficia, vel plura cū cura, nisi sint vnita, vel vnum alteri annexum.

20. Dispensatio super defectum ætatis cum ijs, qui ad Ordines volunt promoueri.

21. Dispensatio in gradibus consanguinitatis & affinitatis prohibitis, quo ad Matrimonium contrahēdū.

22. Dispensatio cum simplici Sacerdote, vt possit confirmare, Ordines minores conferre, & consecrare ecclesias ac virgines.

23. Dispensatio cum laico, vt possit iudicare in spiritualibus, & excommunicare.

24. Dispensatio in Matrimonio rato, & non consummato, secundum Canonistas, secus secundum Theologos: In his enim casibus solus Papa potest.

Casus verò Episcopo reservati, sunt duplicis generis, & quidam de iure, & quidam consuetudine generali. Casus reservati Episcopo de iure sunt isti, videlicet;

1. Percussio Clerici violenta, si est le-

uis; quia si est grauis, Papæ reser-  
uatur.

2. Peccatum Clerici propter quod in-  
currisset irregularitatem.
3. Incēdium malo animo factum an-  
te denunciationem, & qui damni  
vel iniuriæ causa, vites, vel arbores  
alienas inciderint.
4. Peccatum, propter quod indicen-  
da esset solennis pēnitentia, sed iam  
non est in vsu.
5. Excommunicatio maior, quam cō-  
ditor canonis nec sibi nec alteri re-  
seruat,

Casus Episcopo reseruati de consue-  
tudine generali sunt isti, scilicet:

1. Homicidium volūtarium, actu ex-  
teriori perpetratum.
2. Crimen falsarij.
3. Violatio ecclesiasticę libertatis, sed  
iam est papalis.
4. Sacrilegium, quod tria respicit, per-  
sonas, loca, & res.
5. Sortilegia, diuinationes, & incan-  
tationes. Alij verò his nonnullos  
casus addunt, videlicet:
1. Inceſtus in primo & secundo gra-  
du consanguinitatis vel affinitatis.
2. Defloratio virginum vi oppressa-  
rum, vel seductarum.

3. Matrimonium clandestinum, seu cōtra interdictū Ecclesię contractū.
4. Coitus cū brutis, & contra naturā.
5. Blasphemia publica Dei & Sancto-  
rum.
6. Oppressio puerorum.
7. Cognoscens carnaliter baptizatā,  
vel eam, cuius Confessionem sacra-  
mentalem audiuit.
8. Baptizans filios suos, extra casum  
necessitatis.
9. Tenentes ad Baptismum, siue Con-  
firmationem filios suos, extra casum  
necessitatis.
10. Exercentes vsuram publicam.
11. Percussores parentum suorum. Isti  
enim sunt casus, à quibus nullus in-  
ferior Episcopo absolvere potest,  
nisi suffultus speciali indulto, & in  
articulo mortis, quo casu quilibet  
Sacerdos ritè ordinatus plenitudi-  
nem potestatis, & quo ad peccata, &  
quo ad censuras habet.

## D E C E N S U .

**I**N constitutione cuiuscunque cen-  
sus, vt seruetur iustitia, & vsura eui-  
tetur, octo veniūt obseruanda: Primò,  
quòd venditor certum quid, puta do-  
mum

mum siue prædium, in quo census cō-  
 stituatur, assignet, secus erit census fi-  
 ctitius, & non realis: Secundò, quòd  
 illud solum illius solutioni obligatum  
 remaneat, & non ipse, neque alia sua  
 bona: Tertio, quòd pretium iustum  
 solvatur: Quarto, quòd statim illud  
 totum tradatur: Quintò, quòd vendi-  
 tori optio detur, totum aut partē, quan-  
 do aut quomodò melius sibi videbitur  
 redimendi: Sextò, quòd venditor ad  
 redimendum censum non obligetur:  
 Septimò, quòd prædio pereunte, cen-  
 sus pereat: Octauò, quòd prædium,  
 in quo census constituitur, reddat sal-  
 tem tantum, quantum census vēditus  
 valet. Quòd si constitutioni noui cē-  
 sus aliqua istarum conditionum defue-  
 rit, præsumptione vsuræ non carebit:  
 Census autem constituitur super re vē-  
 dentis, & non ementis, nam vendens  
 debet designare rē aliquam, super qua  
 imponat censum, & alius emat illum,  
 illi rei impositum.

Hæc materia de venditionibus, &  
 emptionibus censuum, facilius per se-  
 quentes conclusiones intelligetur, Pri-  
 ma ergo conclusio est, Venditores cē-  
 suum, pereunte re censuali puta præ-  
 dio, siue domo super qua fuerant im-  
 positi,

positi, non tenentur ad restituendum pretia pro ea accepta; neque obligantur amplius ad soluendum cēsus; quia pereunte re censuali, cui census inhæret, ipse quoque census perit, cessante enim causa, cessat, & effectus. Secunda conclusio, Res illa sola, super qua census imponitur, obligatur ad id, & non persona, neque alia eius bona: quia contra naturam est venditionis & emptio- nis, vt venditor se, & sua bona, ad perpetuam securitatem rei venditæ obliget. Cū res empta periens post traditionem, emptori, & non venditori pereat. Tertia conclusio. Venditor census iustè potest se suaque obligare, ad asscurandum, quòd res censualis, puta domus, siue prædium, super quo imponitur census, sit suum, & possit super illo imponere illum censum; non tamen sequitur, quòd se debeat obligare ad soluendum censum illi prædio impositum, quamuis illud pereat, cū id iniustum sit; Quarta conclusio, qui emit prædia aut pecora ab his, qui nō habent, aut plura, quàm habent, & ea eisdem locat, vsurarius est. Similiter, qui emit censum super prædio, quod non est, aut non tantos proventus affert, quantus est census, vsuram cōmittit.

tit. Quinta conclusio, Qui sua bona onerant huiusmodi censibus, ad quædam minus necessaria, siue ad superflua, vel interdum etiam ad noxia, vel turpia, grauiter peccant, & inde sepe contingit, vt dum census constitutos, soluere nequeunt, facile fidem fallant, & decoquant, relictisque vxoribus ac liberis cum magno detrimento publicæ, priuatęque rei, solum mutant, & aufugiant. Quare, quamuis emptio nouorum censuum licita esse possit: tamen securius est ab illa, quantum fieri potest abstinere, nisi octo conditiones superiùs numeratæ concurrant. Sexta conclusio, Census super sola persona constitutus, sine designatione aliquorum bonorum, est illicitus, & usura palliata, ideo talis contractus, siue census personalis a Christiana Reipublica est explodendus, & vti usurarius verè vel præsumptiuè censendus, & iudicandus.

## DE COEMETERIO.

**C**OEEmeterium est locus, in quo mortuorum corpora sepeliuntur, & habet eandem immunitatem, quam habet Ecclesia, quia benedicatur, violatur,



latur, atque reconciliatur ab eodem, & eodem modo sicut Ecclesia, fallit tamen in tribus casibus: Primò, quòd in Ecclesia nullus debet sepeliri. Secundò, quòd laici in choro esse non debent: vtrumque tamen iam de consuetudine non obseruatur. Tertiò, quòd polluta Ecclesia, pollutum est & cœmeterium, intellige, quando Ecclesia est illi coniuncta; secus si cœmeterium sit remotum ab Ecclesia: non tamen è contrà, polluto cœmeterio est polluta Ecclesia: quia minus dignum, non trahit ad se maius dignum.

Ecclesia tribus modis polluitur, scilicet: effusione sanguinis, effusione seminis humani, & hæretico sepulto: cœmeterium autem quatuor modis polluitur, effuso sanguine, effuso semine, sepulto hæretico, siue excommunicato, siue infideli, & polluta Ecclesia. Hic sciet lector, quòd ecclesia & cœmeterium non polluantur per quamcunque sanguinis, vel seminis humani effusionem: sed solum per effusionem sanguinis & seminis, magnam & iniuriosè factam, secus si exigua, vel præter intentionem facta sit, neque animo iniuriandi.

## DE CIRCVMCISIONE.

**C**ircumcisio professio fidei, & Sacramentum veteris legis, figura Baptismi, vt docet D. Paulus 1. Corinth. 10. fuit instituta a Deo, vt habetur Genes. 27. & fuit data solis masculis: quia erat instituta ad delendum peccatum originale, quod principaliter trahitur à patre: nam si Adam non peccasset, & Eva peccasset, peccatum non transisset in posteros. Circumcisio fuit figura Baptismi: quia sicut illa erat in remedium labis originalis, & imprimebat characterem in corpore, ita Baptismus imprimit characterem in anima, & eius præcipuus effectus est deletio peccati originalis.

Circumcisio iussu Dei sic erat administranda: Primò, octauo die, vt habetur Genes. 17. secundò, cum gladio lapideo, Iosue 5. tertio, in membro virili, octauo die ratione mysterij, nempe ad designandum, quòd omnis culpa atque pœnalitas in octaua ætate, quæ erit ætas resurgentium, auferetur, qui octauus dies in circumcissione fuit de necessitate præcepti: Vnde si octauus dies fuisset sabbathum, ne præceptum

ptum Dei violaretur, circumcisio fiebat, Ioan. 7. Circumcisionem accipit homo in sabbatho, vt non soluatur lex Moyfi. Quod si mares ante octauum diem moriebantur, sine circumcissione saluabantur in fide parentum, sicut fœminæ. Cultro lapideo, ad insinuantium duritiem cordis Iudæorū, Exod. 32. & Matth. 19. In membro virili: quia erat in remedium peccati originalis, quod per actum generationis traducitur, cuius principium actiuum est mas, & non fœmina.

Circumcisio in vteri lege conferebat gratiam, non in genere causæ efficientis, sed in genere signi, ad Rom. 4. Abraham accepit signum circumcissionis, signaculum iustitiæ fidei. Circumcisio dabat gratiam, & auferebat peccatum originale ex parte personæ, non tamen auferebat impedimentum intrandi regnum cœlorum ex parte totius naturæ, quod per passionem Christi postea fuit remotum: Baptismus vero confert gratiam in genere causæ efficientis, delet peccatum originale, & cœlum nobis aperit. Quare copiosior gratia modò confertur in Baptismo, ea, quæ olim conferebatur in circumcissione.

cum Eccl  
lo modo e  
venit, qu  
Sanctorum  
precedat  
per vita,

D

**C** Apic  
fiasti  
in iurisdic  
piscopo in  
gijs: quia  
dere per  
ergo auct  
ta se exten  
ab excom  
mine, à  
tuisset. S  
casibus,  
ur disper  
re à casib  
tò potest  
causa legu  
non tamen  
tò, potest  
cialem, no  
men gen  
ista, quib

Circumstantiæ peccati sunt in duplici differentia, quædam non aggrauantes peccatum, & istæ non sunt confitendæ, quædam aggrauantes, & istæ adhuc sunt in duplici differentia, quædam sunt aggrauantes, non in infinitum, vt commisisse furtum die festo, & istæ non sunt confitendæ de necessitate, sed solùm ad benè esse, & tales sunt omnes illæ circumstantiæ, quæ nouam speciem peccati non faciunt: quædam vero sunt aggrauantes peccatum in infinitum, vt commisisse furtum in templo, vel fornicationem, cum persona Deo dicata, & tales sunt omnes illæ circumstantiæ, quæ nouam speciem peccati faciunt, quæ necessario veniunt confitendæ, vt quis effectum absolutionis consequatur.

## DE CLAVIBVS ECCLESIAE.

**N**omine clavis Ecclesiæ, venit potestas ligandi atque soluendi, hoc est, recipiendi dignos, & excludendi indignos à regno cœlorum: quam potestatem Christus tradidit & reliquit suæ Ecclesiæ, Matthæ. 16. Hæc potestas essentialiter principaliterque est in Trinitate, p excellentiâ est in Christo,

sto, per meritum in eius passione, & per ministerium est in Sacerdote.

Clavis Ecclesiæ communiter ponitur triplex, scilicet: essentialis, excellentiæ, & ministerialis. prima competit Deo. secunda Christo. tertia Sacerdoti, Clavis ministerialis duplex, ordinis & iurisdictionis. prima competit solis Sacerdotibus, secunda etiâ alijs clericis inferioribus. Clavis Ecclesiæ est vna & plures, est vna in essentia, & plures in effectu. Vna & eadem est clavis spiritualis, qua aperitur homini cælum, & clauditur infernus: tamen non dicitur clavis inferni, sed cæli, quia denominatio fit à nobiliori, aperitur cælum homini à Sacerdote, dum illū à peccatis absoluit. clauditur cælum homini à Sacerdote, dū peccatum hominis ob eius inpcenitentiam retinet, siue excommunicat. Verūm non licet Sacerdoti, vti clauibus Ecclesiæ pro sua voluntate, quia non est agens principale, sed solus minister, & instrumentum: vnde si Sacerdos vtatur clauibus pro arbitrio, dimissa rectitudine diuinæ motionis, peccat, & effectum non consequitur, vt puta excommunicando, vel non absoluendo, quem deberet absolvere.

## D E C L E R I C O .

**C**lericus vox Græca , Latinè fors :  
 unde Clerici idem est quod ele-  
 cti ad sortem Domini . In materia fa-  
 vorabili appellat one Clericorum in-  
 telliguntur omnes cuiuscunque ordi-  
 dinis , siue dignitatis sint , etiam reli-  
 giosi , & habentes solum primam ton-  
 suram : in materia verò odiosa , nomi-  
 ne Clericorum neque Episcopi , neque  
 alij Prælati , neque Canonici Ecclesia-  
 rum cathedralium , neque religiosi cō-  
 prehenduntur : quia in istis est quali-  
 tas super alios , quæ in simplicibus Cle-  
 ricis non reperitur . Similiter in ma-  
 teria favorabili , nomine Ecclesiæ etiā  
 monaster. veniunt : secus autem in ma-  
 teria odiosa . Item appellatione popu-  
 li in materia favorabili venit etiā Cle-  
 ricus , non tamen in materia odiosa .

In Clerico octo potissimùm de-fide-  
 rantur : Primò , quòd sit literatus : nam  
 Clericorum est alios docere . & maior  
 eruditio requiritur in Episcopo , quam  
 in simplici Sacerdote , Episcopus enim  
 ut sit tutus in conscientia , debet ha-  
 bere scientiam noui , & veteris testa-  
 menti , & iuris canonici , præcipuè in  
 causis

causis matrimonialibus, de quibus ipse habet iudicare. secundò, quòd sit hospitalis. tertio, quòd sit sobrius in cibo, potu, in incesu, & habitu. quartò, quòd sit castus, non tantum verè, sed etiam apparenter, viuendo continenter, non contrahendo, neque cohabitando mulieri suspectè. quinto, quod sollicitè horas canonicas persoluat, si est in sacris, siue beneficiatus, siue religiosus professus. sextò, quòd resideat in suis beneficijs & in Ecclesijs. septimò, quòd sit amator pacis. octauò requiritur, quòd sit absque peccato mortali: quia existens in mortali, celebrās & Sacramenta ministrans, lætaliter peccat.

Clericis in iure multa sunt prohibita, inter quæ præcipua sunt sequentia: primò, arslanionis, cauponis, & histrionis. secundò, inservire laicis dominis. tertio, portare arma. quartò, ire ad publica hospitia, nisi ibi sint itinerantes. quinto, sequi venationes, alere accipitres, & canes ratione venationis. sextò conducere agros à laicis. septimò, ludere aleis & taxillis. octauò, mercantias exercere. nonò, habitare cum mulieribus, præterquàm cū matre, sorore & amita. decimò, Clericis



eis prohibetur color viridis & rubeus, nisi eis competat ratione officij, seu dignitatis, vt Episcopis color viridis ac violaceus, & Cardinalibus rubeus violaceusque.

A Clerico existente in mortali, si est toleratus à superioribus, subditis nedū licet, sed etiam tenentur recipere Sacramenta: malus minister dicitur toleratus, qui non est priuatus per sententiam, neque conuictus per propriam confessionem factam in iudicio: vnde Clericus fornicarius notorius notorietate facti tantum, licet sit suspensus quo ad se, non tamen quo ad alios, ita vt debeat euitari in diuinis officijs, sed requiritur, vt Clericus sit concubinari-  
us notorius, etiam notorietate iuris, hoc est, per sententiam, vel per spontaneam confessionem factam in iudicio, ad hoc vt in diuinis à populo sit euitandus, & ipse celebrando fiat irregularis, super qua irregularitate tunc solus Papa dispensat.

Clerici de bonis acquisitis, intuitu Ecclesiæ, de iure non possunt testari; sed huiusmodi bona. siue mobilia, siue immobilia, post illorum obitum, remanent apud eandem Ecclesiam: de his verò, quæ aut paternæ successionis

vel cognationis intuitu, seu consanguineorum vel amicorum munere, respectu non habito ad Ecclesiam, ad eos peruenerint, liberè testari poterunt.

Quòd si discesserint intestati, nec aliqui fuerint inuenti, qui iure cognationis ipsis succedere valeant, eo casu Ecclesia in integrum succedet, nec cuiquam ex rebus eorum aliquid præsumere licebit.

## DE COGNATIONE.

**C**ognatio còmuniter à sacris Doctoribus triplex ponitur, carnalis, spiritualis, & legalis. Carnalis duplex consanguinitatis & affinitatis. Cognatio consanguinitatis, est vinculum personarum ab eodem stipite descendentium, quæ impedit & dirimit Matrimonium contractum, vsque ad quartum gradum inclusiue, in linea transversali & collateralium; in linea enim ascendentium & descendentium, est perpetua prohibitio, quia tales se habent, vt parentes, & filij, qui de iure diuino à Matrimonio repelluntur, vt habetur Genes. cap. 2. Cognatio affinitatis est propinquitas personarum ex carnali copula proueniens, & hæc duplex

plex est, vna quæ oritur ex copula matrimoniali, & hæc impedit & dirimit Matrimonium contractum vsque ad quartum gradum inclusiuè: altera, quæ prouenit ex copula fornicaria, & hæc ultra secundum gradum, vt habetur in Concil. Trident. sess. 24. de reformat. cap. 4; non se extendit.

Cognatio spiritualis, quæ oritur ex duobus Sacramentis, Baptismo & Cōfirmatione, dirimit Matrimonium inter baptizantem & baptizatum, siue confirmantem & confirmatum, baptizatiq; siue confirmati patrem & matrem; item inter leuantem & leuatum, siue inter tenentem & confirmatum, leuatiq; siue confirmati patrem & matrem, ultra quas personas iam talis cognatio non se extendit, vt habetur in Concil. Trident. sess. 24. de reformat. Matrimonij, cap. 2.

Cognatio legalis, est propinquitās personarum ex adoptione proueniens, quæ impedit & dirimit Matrimonium contractum inter aliquas personas propter necessitatem cohabitandi, vt honestas seruetur. Primò, inter patrem adoptantem & filiam adoptatam, & inter patrem adoptantem & filiā adoptati. Secundo, inter filiam adoptatā

## DE CIRCVMCISIONE.

**C**ircumcisio professio fidei, & Sacramentum veteris legis, figura Baptismi, vt docet D. Paulus 1. Corinth. 10. fuit instituta a Deo, vt habetur Genes. 17. & fuit data solis masculis: quia erat instituta ad delendum peccatum originale, quod principaliter trahitur à patre: nam si Adam non peccasset, & Eva peccasset, peccatum non transisset in posteros. Circumcisio fuit figura Baptismi: quia sicut illa erat in remedium labis originalis, & imprimebat characterem in corpore, ita Baptismus imprimit characterem in anima, & eius præcipuus effectus est deletio peccati originalis.

Circumcisio iussu Dei sic erat administranda: Primò, octauo die, vt habetur Genes. 17. secundò, cum gladio lapideo, Iosue 5. tertio, in membro virili, octauo die ratione mysterij, nempe ad designandum, quòd omnis culpa atque pœnalitas in octaua ætate, quæ erit ætas resurgentium, auferetur, qui octauus dies in circumcissione fuit de necessitate præcepti: vnde si octauus dies fuisset sabbathum, ne præceptum

ptum Dei violaretur, circumcisio fiebat, Ioan. 7. Circumcisionem accipit homo in sabbatho, vt non soluatur lex Moyfi. Quod si mares ante octauum diem moriebantur, sine circumcissione saluabantur in fide parentum, sicut foeminae. Cultro lapideo, ad insinuantium duritiem cordis Iudæorū, Exod. 32. & Matth. 19. In membro virili: quia erat in remedium peccati originalis, quod per actum generationis traducitur, cuius principium actiuum est mas, & non foemina.

Circumcisio in vteri lege conferebat gratiam, non in genere causæ efficientis, sed in genere signi, ad Rom. 4. Abraham accepit signum circumcissionis, signaculum iustitiæ fidei. Circumcisio dabat gratiam, & auferabat peccatum originale ex parte personæ, non tamen auferabat impedimentum intrandi regnum cœlorum ex parte totius naturæ, quod per passionem Christi postea fuit remotum: Baptismus vero confert gratiam in genere causæ efficientis, delet peccatum originale, & cœlum nobis aperit. Quare copiosior gratia modò confertur in Baptismo, ea, quæ olim conferebatur in circumcissione.

## DE CIRCVMSTANTIA.

**C**ircumstantia peccati est accidēs actus humani, attingens ipsum extrinsecè, & communiter à sacris Doctoribus ponuntur octo, videlicet: quis, quid, vbi, quibus, cur, quomodò, quando, & quoties. Quis supple est qui fecit: quia varietas status, & personæ aggrauat peccatum. Quid supple fecerit, vel circa quid fecerit, vtrū illud sit mortale vel veniale, vtrum illud sit publicum vel occultum. Vbi, de loco, vtrum illud fecerit in loco prophano, vel in loco sacro. Quibus supple medijs, seu auxilijs, seu instrumentis illud fecerit atq; vsus fuerit ad peccandum. Cur, supple id fecerit, an ex ignorantia, an ex infirmitate, vel ex electione & malitia. Quomodò, vtrū fortiter vel leuiter, vtrum naturali modo, vel innaturali. Quando, de tempore, an in die festo, vel in die profesto, vtrum in ætate adulta, vel puerili. Quoties, de numero, vtrum bis, ter, vel quater, siue vtrum semel, vel sæpè: istæ sunt circumstantiæ; super quibus pœnitentes prudenter à Confessarijs examinandi veniunt.

Circumstantiæ peccati sunt in duplici differentia, quædam non aggrauantes peccatum, & istę non sunt confitendæ, quædam aggrauantes, & istę adhuc sunt in duplici differentia, quædam sunt aggrauantes, non in infinitum, vt commisisse furtum die festo, & istę non sunt confitendæ de necessitate, sed solùm ad benè esse, & tales sunt omnes illę circumstantiæ, quę nouam speciem peccati non faciunt: quædam verò sunt aggrauantes peccatum in infinitum, vt commisisse furtum in templo, vel fornicationem, cum persona Deo dicata, & tales sunt omnes illę circumstantiæ, quę nouam speciem peccati faciunt, quę necessario veniunt confitendæ, vt quis effectum absolutionis consequatur.

## DE CLAVIBVS ECCLESIAE.

**N**Omīne clavis Ecclesiæ, venit potestas ligandi atque soluendi, hoc est, recipiendi dignos, & excludendi indignos à regno cœlorum: quam potestatem Christus tradidit & reliquit suę Ecclesiæ, Matthæ. 16. Hęc potestas essentialiter principaliterque est in Trinitate, p̄ excellentiā est in Christo,

sto, per meritum in eius passione, & per ministerium est in Sacerdote.

Clavis Ecclesiæ communiter ponitur triplex, scilicet: essentialis, excellentiæ, & ministerialis. prima competit Deo. secunda Christo. tertia Sacerdoti, Clavis ministerialis duplex, ordinis & iurisdictionis. prima competit solis Sacerdotibus, secunda etiâ alijs clericis inferioribus. Clavis Ecclesiæ est vna & plures, est vna in essentia, & plures in effectu. Vna & eadem est clavis spiritualis, qua aperitur homini cælum, & clauditur infernus: tamen non dicitur clavis inferni, sed cœli, quia denominatio fit à nobiliori, aperitur cœlum homini à Sacerdote, dum illū à peccatis absoluit. clauditur cœlum homini à Sacerdote, dū peccatum hominis ob eius inpenitentiam retinet, siue excommunicat. Verūm non licet Sacerdoti, vti clauibus Ecclesiæ pro sua voluntate, quia non est agens principale, sed solus minister, & instrumentum: vnde si Sacerdos vtatur clauibus pro arbitrio, dimissa rectitudine diuinæ motionis, peccat, & effectum non consequitur, vtpote excommunicando, vel non absoluendo, quem deberet absolvere.



## D E C L E R I C O .

**C**lericus vox Græca , Latinè fors :  
 unde Clerici idem est quod ele-  
 &ti ad sortem Domini . In materia fa-  
 vorabili appellat one Clericorum in-  
 telliguntur omnes cuiuscunque ordi-  
 dinis , siue dignitatis sint , etiam reli-  
 giosi , & habentes solum primam ton-  
 suram : in materia verò odiosa , nomi-  
 ne Clericorum neque Episcopi , neque  
 alij Prælati , neque Canonici Ecclesia-  
 rum cathedralium , neque religiosi cō-  
 prehenduntur : quia in istis est quali-  
 tas super alios , quæ in simplicibus Cle-  
 ricis non reperitur . Similiter in ma-  
 teria favorabili , nomine Ecclesiæ etiā  
 monaster. veniunt : secus autem in ma-  
 teria odiosa . Item appellatione popu-  
 li in materia favorabili venit etiā Cle-  
 ricus , non tamen in materia odiosa .

In Clerico octo potissimū dēfide-  
 rantur : Primò , quòd sit literatus : nam  
 Clericorum est alios docere . & maior  
 eruditio requiritur in Episcopo , quam  
 in simplici Sacerdote , Episcopus enim  
 ut sit tutus in conscientia , debet ha-  
 bere scientiam novi , & veteris testa-  
 menti , & iuris canonici , præcipuè in  
 causis

causis matrimonialibus, de quibus ipse habet iudicare. secundò, quòd sit hospitalis. tertio, quòd sit sobrius in cibo, potu, in incessu, & habitu. quartò, quòd sit castus, non tantum verè, sed etiam apparenter, viuendo continenter, non contrahendo, neque cohabitando mulieri suspectè quinto, quod sollicitè horas canonicas persoluat, si est in sacris, siue beneficiatus, siue religiosus professus. sextò, quòd resideat in suis beneficijs & in Ecclesijs. septimò, quòd sit amator pacis. octauò requiritur, quòd sit absque peccato mortali: quia existens in mortali, celebrās & Sacramenta ministrans, lætaliter peccat.

Clericis in iure multa sunt prohibita, inter quæ præcipua sunt sequentia: primò, ars lanionis, cauponis, & histrionis. secundò, inferuire laicis dominis. tertio, portare arma. quartò, ire ad publica hospitia, nisi ibi sint itinerantes. quintò, sequi venationes, alere accipitres, & canes ratione venationis. sextò conducere agros à laicis. septimò, ludere aleis & taxillis. octauò, mercantias exercere. nonò, habitare cum mulieribus, præterquàm cū matre, sorore & amita. decimò, Clericis

eis prohibetur color viridis & rubeus, nisi eis competat ratione officij, seu dignitatis, vt Episcopis color viridis ac violaceus, & Cardinalibus rubeus violaceusque.

A Clerico existente in mortali, si est toleratus à superioribus, subditis nedū licet, sed etiam tenentur recipere Sacramenta: malus minister dicitur toleratus, qui non est priuatus per sententiam, neque conuictus per propriam confessionem factam in iudicio: vnde Clericus fornicarius notorius notorietate facti tantum, licet sit suspensus quo ad se, non tamen quo ad alios, ita vt debeat evitari in diuinis officijs, sed requiritur, vt Clericus sit concubinarijs notorius, etiam notorietate iuris, hoc est, per sententiam, vel per spontaneam confessionem factam in iudicio, ad hoc vt in diuinis à populo sit euitandus, & ipse celebrando fiat irregularis, super qua irregularitate tunc solus Papa dispensat.

Clerici de bonis acquisitis, intuitu Ecclesiæ, de iure non possunt testari; sed huiusmodi bona. siue mobilia, siue immobilia, post illorum obitum, remanent apud eandem Ecclesiam: de his verò, quæ aut paternæ successionis

vel cognationis intuitu, seu consanguineorum vel amicorum munere, respectu non habito ad Ecclesiam, ad eos peruenerint, liberè testari poterunt.

Quòd si discesserint intestati, nec aliqui fuerint inuenti, qui iure cognationis ipsis succedere valeant, eo casu Ecclesia in integrum succedet, nec cuiquam ex rebus eorum aliquid præsumere licebit.

## DE COGNATIONE.

**C**ognatio cōmuniter à sacris Doctoribus triplex ponitur, carnalis, spiritualis, & legalis. Carnalis duplex consanguinitatis & affinitatis. Cognatio consanguinitatis, est vinculum personarum ab eodem stipite descendentium, quæ impedit & dirimit Matrimonium contractum, vsque ad quartum gradum inclusiue, in linea transuersali & collateralium; in linea enim ascendentium & descendentium, est perpetua prohibitio, quia tales se habent, vt parentes, & filij, qui de iure diuino à Matrimonio repelluntur, vt habetur Genes. cap. 2. Cognatio affinitatis est propinquitas personarum ex carnali copula proueniens, & hæc duplex

plex est, vna quæ oritur ex copula matrimoniali, & hæc impedit & dirimit Matrimonium contractum vsque ad quartum gradum inclusiue: altera, quæ prouenit ex copula fornicaria, & hæc ultra secundum gradum, vt habetur in Concil. Trident. sess. 24. de reformat. cap. 4. non se extendit.

Cognatio spiritualis, quæ oritur ex duobus Sacramentis, Baptismo & Confirmatione, dirimit Matrimonium inter baptizantem & baptizatum, siue confirmantem & confirmatum, baptizatique siue confirmati patrem & matrem; item inter leuantem & leuatam, siue inter tenentem & confirmatum, leuatique siue confirmati patrem & matrem, ultra quas personas iam talis cognatio non se extendit, vt habetur in Concil. Trident. sess. 24. de reformat. Matrimonij, cap. 2.

Cognatio legalis, est propinquitas personarum ex adoptione proueniens, quæ impedit & dirimit Matrimonium contractum inter aliquas personas propter necessitatem cohabitandi, vt honestas seruetur. Primò, inter patrem adoptantem & filiam adoptatam, & inter patrem adoptantem & filiã adoptati. Secundo, inter filiam adoptatã

& filium naturalem adoptatis. Tertiò, inter patrem adoptantem & uxorem adoptati, & inter filium adoptatum & uxorem adoptantis. Prima & tertia cognatio est perpetua, etiam soluta adoptione: secunda verò, secuta morte naturali adoptantis, non amplius impedit, vide suprà in titulo de Adoptione fol. 17.

## DE COMMVNIONE.

**C**ommunionis nomine secūdum sacros Theologos, sumptio corporis Christi venit, quæ homini est necessaria necessitate finis simpliciter: nam nullus potest saluari, nisi Christū manducet, vel manducatione sacramentali, vel manducatione spirituali, hoc est in voto, seu desiderio, quod contingit dupliciter, vel in voto proprio, vel in voto alieno, sic pueri sumunt Sacramentum altaris, sic pueri Christum spiritualiter manducant: vnde Sacramentum Eucharistiæ est homini de necessitate salutis, quia nullus absque eius sumptione, aliquo modo vitam æternam consequi potest. Adultis est necessaria sumptio Christi saltem in voto proprio, si non sacramentalis: pueris

ris verò est necessaria in voto alieno, nempe Ecclesiæ, in Baptismo enim dicuntur sumere Sacramentum Eucharistiæ, ex quo Christo incorporantur effectus huius Sacramenti.

Sacra Communio non datur infidelibus, neque catechumenis, neque pueris: quia ad sacramentalem sumptionem Eucharistiæ tria requiruntur, fides, Baptismus, & actualis deuotio. Defectu primi, non datur infidelibus; defectu secundi, non datur catechumenis; & defectu tertij, non datur pueris.

Ætas quæ desideratur ad sumptionem sacramentalem Eucharistiæ, est decem, aut undecim, aut duodecim annorum, ubi apparent signa discretionis, ita ut aliquis distinguere valeat inter cibum spiritualem & corporalem, & signa deuotionis in eo videantur, & ut satisfiat præcepto Ecclesiæ; Christiani debent communicare in Paschate, hoc est, à Dominica in ramis palmarum, usque ad octauam Paschatis inclusiue, & tales debent esse ieiuni: excipiuntur tamen infirmi, ubi dubium est, an possent expectare usque mane, & Sacerdos, qui per errorem cōsecrasset aquam loco vini, & sumeret, credens esse vinum, eo casu debet de nouo

consecrare & sumere, non obstante, quod non sit ieiunus: quia maius est præceptum de perfectione Sacramenti, quàm sit præceptum de ieiunio,

Duo sunt modi communicandi, Sacramentaliter & spiritualiter. Manducare Sacramentaliter, est Christum per fidem recipere sub speciebus panis & vini: manducare autem spiritualiter, est coniungi Christo per fidem & charitatem, credendo ipsum contineri sub Sacramento, cum proposito sumendi Sacramentaliter. Angeli manducant Christum spiritualiter, iuxta illud: Panem Angelorum manducauit homo, non tamen sacramentaliter, quia non manducant per fidem, sicut fit in hoc Sacramento, sed per apertam visionem. Sancti patres in veteri lege manducauerunt Christum spiritualiter, ut habetur 1. Cor. 10. fuerunt enim ipsi vniti per fidem & charitatē, & aliquo modo magis manducauerunt quàm Angeli: quia fuerunt incorporati Christo in vnitate specifica, & nō solum per fidem & charitatem, sicut Angeli Christo vniuntur: non tamen manducauerunt sacramentaliter, quia hoc Sacramentum nondum erat institutum. Peccatores manducant Christum



stum sacramentaliter, ex quo habent fidem, & intendunt sub hoc Sacramēto Christum recipere: non tamen māducant spiritualiter quia Christo non vniuntur, imò magis ab eo separātur, sicut docet D. Paul. 1. Corinth. 11. Qui manducat & bibit indignè, iudicium sibi manducat & bibit.

Sacræ communionis duo sunt effectus præcipui, vnus est augmentatio gratiæ habitualis, alter est nutrimentum vitæ spiritualis, quo in homine deuotio conseruatur, & incentiua peccatorum debilitantur. Pollutio nocturna considerata secundum se, non est peccatum, quia in somnijs homo non habet vsum liberi arbitrij, ex consequenti neque est in statu merendi, neque peccandi. Pollutio nocturna quantum ad suam causam, quandoq; procedit à causa extrinseca spirituali, puta à dæmonibus; quibus fiūt apparitiones mulierum, ac si illæ essent præsentēs & veræ, quæ illusio aliquando prouenit ex mera nequitia dæmonum, & tunc pollutio nocturna non impedit Communionem: aliquando prouenit ex præcedente consensu expresso, vel interpretatiuo, & talis impedit sacram. Communionem, quandoque prouenit

ex causa spirituali intrinseca, puta ex præcedētib; cogitationibus lasciuīs, quæ si fuerunt causa disputationis, seu prædicationis, seu cōfessionis, sunt absque peccato: si verò fuerunt cum concupiscentia, & delectatione, tunc sunt peccatum, & pollutio nocturna inde secuta, impedit sacram communionē, quandoq; procedit à causa intrinseca corporali, puta ex superfluitate cibi, & potus, tunc est peccatum, & per consequens pollutio inde secuta, impedit sacram Communionem.

## DE CONCILIO.

**C**oncilium propriè est congregatio Prælatorum ecclesiasticorum sub vno capite ad tractandum de his: quæ ad salutem animarum spectant, & communiter triplex ponitur, generale, prouinciale, & diœcesanum. Generale, quod solius Papæ autoritate celebrari potest. Prouinciale, quod à Metropolitano cum suis Suffraganeis prouincie celebratur. Diœcesanum, quod ab Episcopo cum curatis, Rectoribus, & Clericis ciuitatis, ac diœces. celebratur.

Primum Concilium Ecclesiæ Christi  
 ri

sti fuit celebratum Hierosolymis sub  
D. Petro, vt habetur Actor. 12. deinde  
multa alia, inter quæ quatuor dicun-  
tur cæteris solenniora & antiquiora,  
videlicet; Nicænum, Constantinopo-  
litanum, Ephesinum, & Chalcedonense,  
quæ rotam nostram fidem complectū-  
tur, quasi quatuor Euangelia. Conci-  
lium Nicænum fuit celebratum sub  
Syluestro, anno Domini 300 cui inter-  
fuerunt trecenti decem & octo Episco-  
pi, & fuit damnata hæresis Arriana.  
Concilium Constantinopolitanū fuit  
celebratum sub Damaso, anno Domi-  
ni 371. cui interfuerunt centū & quin-  
quaginta Patres, & fuit damnata hære-  
sis Macedonij, dicentis: Spiritum san-  
ctum esse minorem Patre & filio. Con-  
cilium Ephesinum fuit celebratū sub  
Celestino, anno Domini 438. cui in-  
terfuerunt ducenti Patres, & fuit dama-  
nata hæresis Nestorij, dicentis: in Chri-  
sto duas esse personas. Conciliū Chal-  
cedonense fuit celebratum sub Leone,  
anno Domini 448. cui interfuerunt  
sexcenti & triginta Episcopi, & fuit  
damnata hæresis Euticetis, dicentis: in  
Christo vnā tantū esse naturam.

Concilium generale autoritate sū-  
mi Pontificis congregatum, celebratū,

& confirmatum in his, quæ sunt fidei, nullo modo errare potest: quia scriptum est Matth. 28. Ero vobiscum vsq; ad consummationem seculi. Ioan. 14. Rogabo, inquit Christus, Patrem, & aliud Paracletum dabit vobis, vt maneat vobiscum in æternum. Item quia ab ipsa Veritate dictum est Petro, eiusque successori Lucæ. 22. Rogavi pro te, Petre, vt non deficiat fides tua.

Papa est supra Concilium generale, tam in his, quæ pertinent ad fidem, quam in alijs: nam Concilia auctoritate Papæ congregantur, secundo confirmantur. tertio, Papa exponit & interpretatur statuta Conciliorum: ergo auctoritas Papæ est maior auctoritate Concilij, nec obstat hic, quod Concilium generale possit indicare Papam in causa hæresis: quia eo casu non est Papa, nam Papa hæreticus pertinax, ipso iure est depositus, ita vt in tali casu non Concilium deponat Papam hæreticum, sed ius, quod fuit institutum auctoritate Papæ, vnde absolutè Concilium non habet auctoritatem super Papam.

# DE CONFESSIONE iudiciali.

**C**onfessio delicti in foro contentioso est facienda iudici interroganti sub pœna lethalis criminis. quâdo factum est notorium, vel infamia flagrat, vel quando semiplene est probatum: secus non, nec obstat etiam si iurasset dicere veritatem: quia occulta non sunt publicanda, sed soli Deo relinquenda D. Tho. 2 2. quæst. 59. artic. 1.

Confessio Iudicialis præiudicat cōfidenti quando hæc simul concurrunt, nempe si confitens sit maior viginti quinque annis, si fiat spontè, ex certa sciëntia & causa expressa coram suo iudice, & sit Iuribus consona: Secus non præiudicat inconfidenti.

Confocius criminis non potest esse idoneus testis in iudicio: vnde si inquisitus interrogatur de confocijs criminis, non ea ratione interrogari debet vt sit testis, sed vt per eius dicta & confessionem veritas ab alijs facilius haberi possit. Et quia omne iudicium vt sit rectum per duos saltē testes probari debet, hinc fit quod interrogatus

vel sua sponte dicens, non facit iudicium contra socios: nam ex quo talis confessus est crimen suum, est factus infamis, infamia facti saltem, & per consequens nullo modo facit iudicium contra socium, licet verum sit, quod vnus testis omni exceptione maior, quando deponit directè super ipso facto principali, de visu, pro qualitate criminis, faciat indicium sufficiens, etiam ad torturam.

Testes singulares duo vel tres, nulla ratione possunt coniungi ad faciendū iudicium contra tertium, nisi sit testis omni exceptione maior, multo, minus ad faciendum plenam probationem; quia vniuscuiusq; dictum per se sumptum, est imperfectum, Quare si duæ mulieres dicerent se peccasse cū aliquo, non possunt coniungi vti ex dictis patet, ad faciendum iudicium perfectum, nec arctandum ad veritatem dicendam, aliquibus etiam coniecturis accedentibus, præsertim cum tales de delicto perpetrato in suo corpore deponat Bart. in l. si quis.

## DE CONFESIONE

mutuæ Sacramentali.

**C**onfessio peccati tripliciter fit, scilicet: in foro animæ coram Deo,

in

in foro Pœnitentiæ coram Sacerdote Dei Vicario, & in foro contentioso coram iudice. Confessio secundo modo facta, de qua sermo est futurus, pars Sacramenti Pœnitentiæ, est manifestatio peccati coram Sacerdote legitima, & hec ponitur duplex, generalis, qua aliquis; confitetur sua peccata Sacerdoti in genere, & specialis, qua homo omnia peccata memoriæ occurrentia, Vicario Dei confitetur: Confessio generalis nō valet ad remissionem peccatorū mortalium, quæ memoria tenentur, sed solum ad remissionem peccatorū mortalium oblatorum, ac venialium: ad remissionem verò mortalium, de quibus homo conscientiam habet, necessario post Baptismum requiritur Confessio sacramentalis, facta in specie.

Confessio peccatorum sacramentalis Sacerdoti facienda, est de iure diuino, Ioan. 20. Accipite Spiritum sanctum, quorū remiseritis peccata, remittuntur eis; & quorum retinueritis, retenta sunt: quæ autem veniant remittenda, & quæ retinenda, nō potest sciri à Sacerdote nisi per Confessionem, ergo in authoritate citata, includitur præceptū de confitendis peccatis Sacerdoti. Accedit hic præceptū Ecclesiæ super

per

per tempore, quo huiusmodi Confessio peccatorum Sacerdoti est faciēda, nempe semel in anno, circa festum Paschatis: ante tamen hoc tempus ab Ecclesia taxatum, ad eam homo tenetur in duobus casibus, ut ratione Sacramēti Eucharistiæ sumendi, qua ducti Sacerdotes, debent crebrò confiteri, & ratione periculi mortis, quo casu Confessio sacramentalis non est differēda, usque ad tempus paschale.

Confessio peccatorum debet reiterari in quinque casibus. Primò, quando quis scienter tacuit aliquod, quod est mortale, vel ex verecundia, vel ex alia causa. Secundò, quando quis nō implevit iniunctam pœnitentiam, vel ex contemptu, vel ex notabili negligētia, & illius est oblitus. Tertiò, quando quis scienter, & ex electione accedit Confessarium notabiliter ignorantem: vnde inquit D. Augustinus: Qui vult confiteri, ut inueniat gratiam, Sacerdotem quærat scientem soluere & ligare. Quartò, quando quis confessus est Sacerdoti, non habenti auctoritatem, & illi constat, secus si ignorāter. Quintò, quando quis fuit excommunicatus, & non prius fuit absolutus ab excommunicatione, quàm à pecca-



tis: in istis enim casibus homo, ut effectum absolutionis consequatur, Confessionem reiterare debet.

Sigillum Confessionis nil aliud est, quàm quædam obligatio ad celandum audita in Confessione sacramentali, quæ quidem obligatio sequitur de necessitate ad sacramentalem Confessionem, sicut propria passio ad suum subiectum. Sigillum seu celatio Confessionis sacramentalis est de iure diuino, nam Deus tegit peccatum illius, qui se subijcit per pœnitentiam, Psal. 31. Beati, quorum remissæ sunt iniquitates, & quorum tecta sunt peccata: tunc sic Confessio, qua quis Sacerdoti se subijcit, est signum interioris Confessionis, qua subijcitur Deo: ergo ut signum correspondeat suo signato, & Sacerdos Confessionem celare debet, ad quod tenetur, siue absolutio sic secuta, siue non, & in hoc Sacerdos nulli est subiectus, per consequens, ut reuelet audita in Confessione, nulli tenetur obedire: quia est contra præceptum diuinum, contra præceptum nature, & contra charitatem proximi, si tamen Sacerdos audiuit peccatum ante vel post Confessionem, necessitate imminente, potest in iudicio deponere, & dicere

dicere peccatum illud : quia per hoc Sacerdos non est factus deterioris conditionis , nempe vt non possit dicere quod possit , si Confessionem non audiuiſſet .

Sub sigillo Confessionis non cadūt peccata secundū se neque persona confitens per se, vnde si quis dicat, audiui peccata in Confessione, vel audiui talem in Confessione, non ob id potest dici violator sigilli Confessionis : sed sub sigillo Confessionis directē cadunt peccata in relatione ad peccatorem, vt si quis dicat : talem commiſiſſe tale peccatum quod ipse per ſolam Confessionem ſcit , reuelat Confessionem : indirectē verō sub sigillo Confessionis sacramentalis, cadunt omnia , per quæ peccator potest manifestari per ſe, vel per accidens, directē vel indirectē . Item, omnia, per quæ potest generari Confessio magis odioſa. Pœna reuelantis Confessionē, vltra quod mortaliter peccat, & pœnam æternam incurrit, talis, secundū iura , debet deponi, & in arctum monasterium ad omnes dies vitæ ſuæ intrudī. Caueant igitur Sacerdotes , ne tam nefandum ſacrilegium committant.

## DE CONFESSORE.

**C**onfessor, cui sacramentalis Confessio de peccatis facienda venit, est solus Sacerdos, qui in articulo mortis ab omnibus peccatis, & censuris absolueret potest, & de facto absoluit: citra autem mortis articulum, iuxta potestatem illi limitatam, atque à Superiore concessam: Verum Sacerdoti heretico siue excommunicato, nullus confiteri debet etiam si nullus alius Sacerdos detur, & pœnitens constitutus sit in periculo mortis, quia in tali casu sufficit Confessio in foro animæ, hoc est, Deo facta, & est, ac si copiam Sacerdotis non haberet, propterea tunc contritione data, summus Sacerdos, qui est Christus Iesus, suppleret.

In Confessario quinque communiter desiderantur, videlicet: potestas, scientia, prudentia, bonitas, & sigillum. Primò, in Confessario requiritur potestas, nedum characteris, siue ordinis, vt sit Sacerdos: sed etiã iurisdictionis, siue ordinaria, siue delegata: quia materia Sacramenti Confessionis est homo subditus: vnde sicut prolati verbis consecrationis panis super lapide,

Sacer-

Sacerdos nihil efficeret, ita si tentet absol-  
uere hominem non subditum, ab-  
solutio est nulla, & pœnitens conscius  
tenetur alteri confiteri. Secundò, in  
Confessario, requiritur scientia, quæ  
in eo debet esse tanta, ad hoc, vt tanto  
munere absque detrimento, propriæ  
animæ fungatur, vt sciat distinguere  
inter peccatum, & non peccatum, in-  
ter mortale & veniale, inter casus &  
censuras, & qui casus sint episcopales,  
& qui sint Papales, secus talis Sacramē-  
tum Pœnitentiæ administrans, nō est  
tutus in conscientia. Tertiò, in Con-  
fessario requiritur prudentia: quia Sa-  
cerdos imprudens, circa hoc Sacramē-  
tum, in multis casibus posset, vel pœ-  
nitentem vel se, vel vtrunq; simul præ-  
cipitare. primò debet esse prudens im-  
ponendo pœnitentias, quas confiten-  
tes spontè ferre velint, ne propter ma-  
gnas satisfactiones, vel factu difficiles  
iniunctas, peccatores cadant in dispe-  
rationem. secundo, debet esse prudens,  
non exigendo iuramētum, neque pro-  
missionem à peccatore de abstinendo  
in posterum ab aliquo peccato, vel fa-  
ciendum aliquid iniunctum, si vult ab-  
solui: sed sufficit ostendere gravitatem  
peccati, hortari peccatorem, vt in po-  
sterum

sterum abstineat, & habeat propositū  
 cauendi de cætero. tertio, debet esse  
 prudens interrogando pro qualitate,  
 & statu personarum, absolviendo sine  
 conditione; tamen significare pœni-  
 tenti, quòd si non restituat, vel si satis-  
 factionem iniunctam ex contemptu  
 omiserit, effectum Sacramenti non  
 consequetur. Quarto, requiritur in  
 Confessario bonitas vitæ: quia verifi-  
 mile est, quòd qui non curat propriam  
 salutem minus alienam curabit. Item,  
 quia Confessarius existens in mortali  
 audiendo sacras Confessiones, peccat  
 mortaliter quia in eo, qui se exhibet  
 ministrum Christi & Ecclesiæ, vt di-  
 gnè suum officium peragat in Eucha-  
 ristia semper requiritur Confessio, vbi  
 de mortali conscientiam habet: in  
 alijs verò Sacramentis sufficit contri-  
 tio, cū proposito confitendi &c. Quin-  
 tò, requiritur in Confessario sigillum,  
 hoc est, quòd sit secretus, ita vt quo-  
 cunque casu dato, nunquam audita in  
 Confessione reuelare debeat: sed po-  
 tius propriam vitam profundere, ad  
 quod Sacerdos tenetur, priusquàm si-  
 gillum Confessionis sacramentalis vio-  
 laret.

Confessarius debet interrogare cō-  
 fitentem,

ſtentem, quem animaduertit, ex ignorantia deficere, iuxta hunc modum: Primò, de excommunicationibus, an ſit excommunicatus, nec ne: quia ſi eſt excommunicatus, & habeat authoritatem, prius abſoluendus eſt ab excommunicatione, deinde à peccati. Secundò. de decem præceptis, quæ dicuntur Decalogi. Tertiò, de ſeptem vitijs capitalibus, & eorum circumſtantijs. Quartò, de articulis fidei, de Sacramētis Eccleſiæ, de operibus pietatis, & de abuſi ſenſuum, tam exteriorum, quàm interiorum, iilumq; inſtruendo poſiſſimùm de hoc, quod quilibet Chriſti fidelis adultus prima rudimenta Chriſtianæ, religionis, vt articulos fidei, orationem Dominicam, & præcepta Decalogi, ſub reatu lethalis criminis ſcire tenetur: Verum circa interrogationes faciendas in Confefſione ſacramentali, tria à Confefſario præcipuè ſunt obſeruanda. Primò, vt quilibet interrogetur de peccatis; iuxta conditionem ſuam: Secundò, vt de peccatis omnibus manifeſtis pœnitens interrogetur explicite: de alijs verò propter ſcandalum, q̃ inde poſſet oriri, interrogandus eſt à longinquo. Tertiò, nō nimis deſcendere ad particulares circumſtantias,

tias, maximè circa venerea, ne inde cōtingat, nocumentum ac damnum tam confitenti, quàm Confessario. Vide infra in titulo de Interrogatione.

## DE CONFIRMATIONE.

**C**onfirmatio diuina, de qua nunc intendimus, ex vnum est septem Sacramentis nouæ legis, per quod homo idoneus efficitur ad Christum cōfitendum, confirmatur in pugna contra vitia ac dēmonem, & ad huius mūdi prælia agonesque arimatur atq; instruitur. Huius Sacramenti quinque sunt de substantia, duo ex parte Sacramenti, duo ex parte ministri, & vnum ex parte suscipientis. Ex parte Sacramenti duo sunt de substantia, scilicet: Chryσμα, hoc est oleum oliuarum cū balsamo consecratum ab Episcopo, & forma præscripta verborum, quæ est ista: Consigno te signo crucis, & confirmo te chrysmate salutis, in nomine Patris, & Filij, & Spiritus sancti. Ex parte ministri, duo, scilicet dignitas pontificalis: solus enim Episcopus huius Sacramenti est proprius minister, & intētio eius saltē habitualis, quæ ad perfectionem Sacramenti necessario requi-

requiritur, licet ad certitudinem Sacramenti suscepti sufficiat intentio Ecclesiæ, quæ semper adest, ubi minister seruat seruanda, nempe debitam materiam & formam. Ex parte suscipientis, vnum est de substantia Sacramenti Confirmationis, videlicet, quod in fronte, & non alibi chrysinetur.

Confirmationis Sacramentum Christus nobis insinuauit, Matth. 19. promisit Ioan. 16. exhibuit Actor. 4. Verum sacramentum Confirmationis non est de necessitate salutis simpliciter, vt patet in pueris, qui solo Baptismo saluantur, sed est de necessitate salutis ad benè esse: vnde contemnens suscipere hoc Sacramentum, peccat mortaliter, contemptor autem dicitur, qui potest suscipere, & negligit. Confirmationis Sacramentum requiritur in eo, qui vult suscipere Ordines ecclesiasticos, non quidem de necessitate: quia si non confirmatus ordinetur, collatio tenet, sed requiritur de congruitate.

In collatione Sacramenti Confirmationis, sex præcipuè veniunt obseruanda. Primò, à ieiunis debet dari, & à ieiunis debet suscipi: sed hoc neque est de necessitate Sacramenti, neque est de necessitate præcepti, ita vt etiam  
à prandio



à prandio absque peccato conferri & recipi possit. Secundò, confessis debet administrari, si confirmandi sunt adulti, & hoc non est de præcepto, sed de cōsilio; in Eucharistia enim si quis est in peccato mortali, est præceptum, cōfiteri antequàm sumatur; in hoc verò Sacramento & in alijs, est præceptū conteri de mortalibus, & est consiliū confiteri. Tertiò debet dari in f. òte, ad insinuādum, quòd homo audacter, sine timore, & rubore Christum confiteri debeat. Quartò, caput à lotionem septem diebus seruari debet. Quintò, debet administrari in Diœcesi, subditis tantùm & in Ecclesia. Sextò confirmandus debet teneri ab aliquo cōfirmato, nō quidem de necessitate Sacramenti, sed præcepti.

Sacramenti Confirmationis triplex ponitur effectus. Primus est gratia sacramentalis distincta à gratia, quæ in Baptismo confertur: quia gratia baptismalis datur ad remissionem peccati, ista verò datur ad corroborationem & confessionem fidei. Secundus effectus est impressio characteris, qui est distinctus à caractere impresso p Baptisum; nam per caractere Baptismi homo fit capax aliorum Sacramentorum,

torum, & fideles ab infidelibus distinguuntur; per characterem autem Confirmationis, perfecti Christiani ab imperfectis distinguuntur. Tertius effectus est cognatio quædam spiritualis, quæ oritur ex hoc Sacramento, & impedit dirimitque Matrimonium contractum inter aliquas personas, sicut suprà dictum est in titulo de Baptismo, fol. 46.

## DE CONFIRMATIONE Canonica.

**E** Lectores, iuxta institutionē Gregorianam, in Concilio Lugdunensi, quàm primùm commodè possunt, debent dare operam, ut ad actum Electionis procedant, & electi consensum habeant, quem si infra mensem sine causa legibus cognita, electus dare distulerit, iure quod ei ex tali electione est acquisitum, statim carere debet; & per consequens Electores ad aliam electionem liberè cōvolare possunt. Electus post consensum electioni præstitum, si nullum iustum impedimentum, puta locorum distantia, obsistat, infra tres menses confirmationem à Superiore petere debet: secus

trimestri spatio elapso, electio est penitus irritanda, cassanda, & annullanda: hæc enim & alia sunt statuta, quibus Ecclesiarum periculosis vacationibus, malignantium subterfugijs electorumque incommodis facillè occurratur, quæ nedum in electionibus, sed etiam in postulationibus obseruari debent.

Quam diu quis confirmatus non est, res Ecclesiæ administrare non potest. Quod si negotijs Ecclesiæ, ad quam vocatus est, se temerè ingesserit, omni iure, quod per electionem ei acquisitum fuerit, ipso facto est priuatus, nullo, neque œconomatus, nec procurationis prætextu excusandus. Quare, electo, nisi literis Confirmationis exhibitis & ostensis, non est obediendum, neque aliquis absque dictarum litterarum ostensione, eum recipere tenetur.

Confirmatio non conceditur, nisi cum cognitione causæ: propterea is, ad quem munus confirmandi pertinet, & electionis processum, & personam electi diligenter examinare debet, & cum omnia ritè concurrunt, tunc potest Superior tuta conscientia electum confirmare: quod si secus factum fuerit, promotus indignè erit deijciendus,

& sic promouens puniendus: nam nihil est, quod Ecclesiæ Dei magis officiat & noceat, quàm indigni ad regimen animarum assumantur: Verùm si fortè eligentium vota in duas se diuiserint partes, eo casu is præferendus erit, qui maioribus studijs & meritis iuuatur.

Vacante Ecclesia, si vnus fuerit electus & alter postulatus, præponitur electus æquè idoneus, nisi postulantium numerus sit eligentium duplo maior quia in tali casu postulatio esset admitenda; Quod si postulantes ignoranter indignum postulauerint, tunc nec postulatio, nec electio rata habenda erit: si verò postulantes scienter indignum postulauerint, in tali casu electio erit confirmanda, non obstante, quòd numerus postulantium sit eligentium duplò maior.

In confirmatione facienda citandi sunt, quorum interesse potest, ne Superior contra doctrinam Apostolicam, nimia celeritate, vtendo, proprium affectum, iuri, & æquitati præponat.

Quòd si nemo apparet, qui futuræ confirmationi velit opponere, termino assignato peremptorio elapso, proceditur ad actum confirmationis. Quæ

omnia

omnia locum habent, siue electio concorditer fuerit celebrata, siue non. Sciant tamen ij, qui calumniosè opponunt, si probationibus destituti fuerint, se legitimis pœnis esse subiiciendos.

Confirmato, & nondum consecrato, est permessa libera tractatio eorum, quæ sunt iurisdictionis, ut puta corrigendi, excommunicandi, iuramentum exigendi, conferendi, confirmandi, & alia idgenus, ea verò, quæ sunt Ordinis, ut Clericorum ordinationes, benedictiones virginum, depositiones actuales, Ecclesiarum & altarium consecrationes, & his similia, Confirmatus in Episcopum, & non consecratus, præstare nō potest, quandoquidem ratio non suadet, ut quis in alios conferre possit, quo ipse indiget. Quod si cōsecratus fuerit, tunc non tantum, quæ iurisdictionis, verum etiam quæ Ordinis sunt, exequi poterit.

## DE CONSECRATIONE.

**C**onsecratio, seu benedictio triplex est, vna ornamentorum seu instrumentorum, puta vestium sacerdotalium, corporalium & calicum; alia

locorum, puta cœmiterij, altaris, & Ecclesie, tertiâ personarum, maximè Episcoporum, de qua nunc præcipuè intēdimus. In consecratione ergo Episcoporum tria requirūtur, vti de eius substantia. Primò, inunctio capitis chrysmate, secundò, positio libri super cervicem consecrādi. tertiò, ternarius numerus Episcoporum, licet secundum Petrum de Pal. ternarius numerus Episcoporum non sit de substantia consecrationis Episcopi, inquit enim in suo lib. de potest. Papæ, quòd super hoc legitur Gregoriū in Anglia dispensasse.

Papa ex consuetudine consecratur ab Episcopo Hostiensi, licet consecrari possit, à quo velit, quia Papa statim post electionem habet plenitudinem potestatis, quod alijs inferioribus minimè competit. Metropolitanī consecrantur à tribus Episcopis, omnibus alijs Suffraganeis provinciæ præsentibus, qui causa legitima atque necessaria impediti, per litteras cōsentire debent. Episcopi exempti consecrantur à Papa, vel ab alio de eius mandato: seruatis tamen seruandis. Episcopi non exempti consecrantur à Metropolitano cum duobus comprouincialibus Episcopis, aut à tribus Episcopis provinciæ,

uinciæ, ex iussu Metropolitanæ: requisitis tamẽ omnibus Episcopis prouinciæ, vt per epistolam consentiant: deficientibus autem Episcopis comprovincialibus, aduocandi sunt Episcopi vicinæ prouinciæ.

Côsecratio Episcoporum debet fieri in Ecclesia die dominico, hora tertiarum, & intra tres menses à Confirmatione, nec vltra debet differi, nisi aliter necessitas suadeat, sicut sancit Synod. Trid. sess. 23. dec. de reform. c. 2. benedictio tamen Abbatum, & aliorum Prælatorum piscopis inferiorum, fit à solo Episcopo diœcesano, absq; iniunctione chrysmatis, verbaliter tantum. Confirmatus, & nondum consecratus, exercet solum, quæ sunt iurisdictionis, non autem quæ sunt ordinis.

Ecclesia in tribus casibus indiget consecratione. Primò, si nescitur, aut dubitatur, vtrum fuerit consecrata, ex quo nullum signum, seu probatio apparet. Secundò, si Ecclesia fuit combusta, etiam parietibus remanentibus: quia consecratio consistit in superficie. Tertiò, si parietes Ecclesiæ, vel in toto, vel in parte corruerint. Quinque verò ponuntur casus, in quibus Ecclesia consecrata



polluta, indiget reconciliatione, & nō consecratione. Primò propter homicidium perpetratum in ea cum voluntaria irreuerentia occidentis, etiam sine sanguine, vt si fur ibi suspendere-  
tur: vnde per homicidium casuale, Ecclesia non violatur. neque si quis ex amentia seipsum interficeret, neq; si sequatur ex defensione, neque si cō-  
mitatur supra tectum Ecclesiæ homicidium, neque si martyr si qui occidi-  
tur: quia talium sanguine, Ecclesia cō-  
secratur, & non polluitur. Secundò, propter effusionem sanguinis factam in ea, si est enormis, iniuriosa, & volū-  
tariè facta: vnde si effusio est modica. vel facta ab insano, vel casu, Ecclesia non indiget reconciliatione. Tertiò, propter adulterium, vel seminis huma-  
ni effusionem, si sit magna, & facta cū voluntaria irreuerentia: vnde per effu-  
sionem seminis factam in somnis, & præter voluntatem, atque irreueren-  
tiam, Ecclesia non polluitur. Quartò, si in ea sepultus est infidelis hæreticus, aut excommunicatus, eo casu prius est proijciendum corpus, deinde Ecclesia venit reconcilianda. Quintò, si Eccle-  
sia fuit consecrata, seu benedicta ab E-  
piscopo hæretico, vel excommunica-



to . In his casibus Ecclesia censetur polluta , & indiget reconciliarione , quæ ordinariè fit ab Episcopo.

## DE CONSTITVTIONE.

**C**onstitutio alia Ciuilis, & alia ecclesiastica de qua nunc intendimus. Hæc secundum gloss. quandoq; canon, quandoque decretum, quandoque dogma, quandoq; mādatur, quādoque edictum & quandoque sanctio appellatur. Canon dicitur quando cōstituitur in Concilio generali. Decretum quando constituitur à Papa. Dogma quando consistit in doctrina fidei christianæ. Mandatum quando consistit in doctrina morum. Edictum quādo nulla pœna: vberius tamen, nomine constitutionis venit omne lus scriptum.

Constitutio ecclesiastica si à principio communiter non recipitur auihore sciente & tollerante, non obligat ad peccatum: secus si initio à maiori parte recipitur, tunc enim obligat ad peccatum, licet minor pars non seruet. Verum non quælibet constitutio, siue lex canonica obligat ad mortale peccatū, sed illa cuius materia est præceptiua,

necessaria, & multum ponderosa, per hæc verba præcipimus, & iubemus, vel similia: vnde si materia non est necessaria aut præceptiua, nec multum ponderosa, etiam si constituens vtatur verbis imperativi modi, huiusmodi lex non obligat ad mortale peccatum, vtputa illa. Si quis te percusserit in vna maxilla præbe ei, & alteram. Item lex canonica obligat ad mortale, quando constituens vtitur verbis inhibitorijs, vt inhibemus, interdicimus, & huiusmodi: secus si loquitur per verba communia, vt decernimus, statuimus, innouamus, ordinamus, & similia. Aut quando constituens comminatur sub pœna excommunicationis: quia nullus excommunicatur nisi pro mortali, aut in virtute obedientiæ, vel sub pœna maledictionis æternæ, vel sub indignatione Omnipotentis Dei, sic semper lex canonica obligat ad mortale peccatum.

Constitutio canonica seu civilis, in foro conscientiæ in decem casibus nõ est seruanda, primò quando lex positiua distinguit inter forum cõtentiosum & conscientiæ, sic nõ seruabitur in foro pœnitentiæ auctoritate ipsius legis secundò quando lex fundat se super mera præsumptione, & non super ipsa

veri-

veritate : quia in foro conscientiae attenditur veritas, ut credatur confitenti de omnibus. tertio quando constitutio non est ad utilitatem communem, sed solum ad propriam utilitatem Principis, & tunc dicitur lex iniusta ex fine. quarto quando lex non distribuit æquæ onera subditis, quia sic est iniusta ex forma. quinto quando excedit auctoritatem constituentis, ut patet in statuto Episcopi, quod non ligat subditos delinquentes extra Diocesim suam, & sic dicitur iniusta ex auctoritate. sexto quando lex est poenalis, quia ante condemnationem, non tenetur quis solvere poenam in foro animæ. septimo quando ratio legis cessat in foro conscientie: nam plus debet attendi ratio legis, quam lex ipsa. octavo quando lex est civilis & improbata de iure canonico tunc non est seruanda in foro animæ. nono quando constitutio quouis modo est iniusta, ut sunt leges concedentes usuras, vel præscriptionem cum mala fide. decimo quando lex civilis non fuit moribus ventium recepta, & lex canonica expressè non aliter disponit : in prædictis enim. Casibus constitutio siue civilis siue Canonica in foro animæ non est

seruanda, nec obligat de necessitate.

Clerici, & alię personę ecclesiasticę non tenentur seruare leges laicorum, si disponunt specificè super Clericis, aut super rebus ecclesiasticis: quia sic sunt nullę, vtpotè à non habēte potestatem cōditę. Quod si leges disponunt generaliter, non faciendō mentionē de Clericis, seu ecclesiasticis, & sunt rationabiles, nec contradicunt sacris Canonibus, eo casu leges laicorum seruandę sunt etiam quo ad Clericos: nā certum est quod statutum illud, quod existentibus masculis mulier non succedat, & quod primogenitus succedat, etiam ad mulieres religiosas, & Clericos se extēdant. Quare omnes leges laicorum disponentes super contractibus emptio- nis, vēditionis, locationis, & huiusmo- di, si non repugnant sacris Canonibus, sunt seruandę etiam ab ecclesiasticis.

Lex ad hoc vt obliget, & liget, necessariò debet promulgari, & publica- ri: nam publicatio secundum Glos. est vltimus actus perficiens legem. In legibus Imperatorum pręsumitur scien- tia post duos mēses à publicatione fa- cta in Prouincia. Idem aliqui Docto- res tenent de Constitutione Papę, qui per Episcopos, & Archiepiscopos noti-  
tiam

tiam dare potest, sic ut nullus iure se excusare valeat: volens tamen probare ignorantiam, est admittendus, quia in conscientia non ligatur ignorans sine culpa sua. Condēs leges iniustas peccat mortaliter, & si contra libertatem, & immunitatem ecclesiasticam, tales sunt excommunicati, & tenentur de damno illato ratione huiusmodi legis, quę nullo modo est seruanda.

## DE CONSVETVDINE.

Consuetudo est ius quoddam, non pręscriptum, sed moribus vtentiũ approbatum, quę aut est secundũ legem, aut est pręter legem, aut est cōtra legem, Consuetudo primo, & secundo modo accepta, si est contra legem naturę, vel diuinam, non valet, quod si contra humanam potest valere, dummodo non sit contra Canones, minus cōtra vtilitatem publicam.

Consuetudo ad hoc ut habeat vim legis, & per consequēs homines ad eius obseruantiam obliget, sex necessarij requiruntur. Primò, quod sit rationalis, hoc est, facta seu introducta aliquo bono fine, ita ut iura, eam non improbent: sed potius sustineant. Secun-

do, quòd sit obtēta per cursum tēporis  
 requisiti ad pręscriptionē. In iure ciui-  
 li tēpus pręscriptionis consuetudinis,  
 est decem annorum: in iure autē cano-  
 nico, si cōsuetudo est pręter ius, ad eius  
 pręscriptionē sufficit quidē tēpus decē  
 annorū: sed si contra ius canonicū sit,  
 tunc requiritur ad eius pręscriptionē  
 tempus quadraginta annorum. Tertiò  
 requiritur, qđ sit inducta ex certa scien-  
 tia potētis legē condere, vel ex toleran-  
 tia potentis legem condere. Quartò re-  
 quiritur, quòd tale quid possit pręscri-  
 bi: spiritualia enim à laicis ex consue-  
 tudine pręscribi nō possunt, quia sicut  
 ex pręscriptione laicus nō potest acqui-  
 rere ius spirituale, ita nec ex consuetu-  
 dine. Quintò, requiritur quòd talis cō-  
 suetudo fuerit in vsu varij vicibus atq;  
 actibus, & duo actus sufficiunt ad con-  
 suetudinē inducendam: quia nō actus  
 principaliter, sed tacitus consensus po-  
 puli, seu principis consuetudinē indu-  
 cit. Sextò requiritur, quòd maior pars  
 populi tali consuetudine fuerit vsa: nā  
 sicut minor pars populi non potest fa-  
 cere legē, ita nec inducere cōsuetudinē  
 excipiuntur autē infantes, mulieres, &  
 furiosi, qui nō cōputantur in numero.

Consuetudo rationabilis, quā iura

pro-

probant, & sustinent, inducta à maiori parte populi, obligat ad eius obseruantiam sub reatu lethalis criminis. Verū cōsuetudo tollitur, & aboletur p actus contrarios, si est completa, & perfecta ratione debite p̄scriptionis ad illam abrogandam, requiritur tempus decē annorum: si verò non est completa, ad illam abolendā, sufficit vnus actus cōtrarius, & tunc, vt valeat, atque ad eius obseruantiam homines obliget, de nouo debet incipi.

## DE CONTRITIONE.

**C**ontritio pars Sacramenti Pœnitentiæ, est dolor voluntariè sumptus pro peccatis commissis cum proposito confitendi, & satisfaciendi. Cōtritio, & attritio in duobus potissimū differunt: vnum est, quòd contritio est dolor de peccatis perfectus, attritio verò est dolor de peccatis imperfectus. Alterum est, quòd contritio, quæ virtualiter includit Confessionem, & Satisfactionem, sufficit ad remissionem peccatorum consequendam: attritio autem sine susceptione Sacramenti Pœnitentiæ in re, non sufficit.

Ad perfectā contritionē, duo requiruntur:



runtur : scilicet : dolor de peccatis , & propositum non peccandi de cetero . Dolor est duplex, intellectualis & sensibilis . Ad contritionem dolor intellectualis, qui semper est in facultate hominis, necessario requiritur : dolor verò sensibilis, ex quo non est semper in nostra facultate, requiritur ad bene esse . Dolor intellectualis de peccatis, non potest esse nimius , quia procedit à charitate, quæ non potest esse nimia : dolor autem sensibilis, nempe afflictio corporis exterior, puta ieiunij, peregrinationis, seu vigiliarum, potest esse nimius : in his enim pro regula accipienda est, ut obsequium nostrum sit rationabile, & Deo gratum, conservatio subiecti, & bona habitudo ad operandum ea, quæ sibi incumbunt; secundum suum statum .

Causa contritionis ex parte Dei, est eius misericordia, atque gratia : ex parte verò nostri; sex ponuntur cause contritionis, scilicet: recogitatio peccati, Esa. 34. Pudor, qui inde sequitur, Proverb. 12. Vilitas peccatorum. Hier. 2. Timor iudicij extremi, 1. Petr. 4. Dolor de amissione cœlestis patriæ, & de offensione diuina, Apocalip. 3. Spes veniæ consequendæ. Apocal. 3.

Con-



Contritio propriè accepta, non potest haberi, nisi in hac vita: quia in ipsa tria cadunt, dolor, gratia informans dolorem, & meritum. Defectu primæ conditionis, contritio non habet locum in cælis: ibi enim nullus est dolor, sed plenitudo gaudij. Defectu secundæ conditionis, contritio non habet locum in inferno: quia licet ibi sit dolor, tamen non est informatus gratia. Defectu tertie conditionis, contritio non habet locum in Purgatorio: quia licet ibi sit dolor de peccatis commissis, gratia informatus, tamen ibi existentes, nō sunt in statu merendi, iuxta illud Ioan. 9. Venit nox, quando nemo potest operari. Quare ex quo contritio est dolor de peccatis commissis, gratia informans, & meritorius, in hac vita solum haberi potest.

Contritionis, quæ est pars integralis Sacramenti Pœnitentiæ, communiter duplex ponitur effectus, vnus est remissio culpæ: quia talis includit propositum confitendi. alter est remissio pœnæ: quoniam talis includit propositum satisfaciendi. Contritio ergo delet culpam, & pœnam, non quantum ad totum semper: sed quantum ad partem, & quamuis per contritionem tota pœna  
remittitur

remit eretur, nihilominus adhuc requiritur Confessio, & iniunctæ Pœnitentiæ expletio, tum propter præceptum Ecclesiæ, tum propter incertitudinem remissionis totius pœnæ: quia nemo certò potest scire, quòd fuerit contritus.

### DE CHOREIS.

**C**Horeæ, & saltationes cõmuniter secundũ Doctores sunt licitæ, vbi septem concurrunt. primò tempus debitum, hoc est non deputatum ad diuina audienda: vnde qui festiuis diebus omiffa Missa, prædicatione, aut vesperorũ celebratione, choreis intendunt non excusantur à mortali. secundò persona conueniens: Ecclesiasticis enim personis ducere choreas prohibetur, de cõs. dist. 5. C. nullus presbyterorum. Itẽ in Conc. Trid. sess. 22. decreto de reformatione. cap. 1. tertio modus honestus, hoc est semotis gesticationibus ad libidinẽ prouocantibus, turpibus cantionibus, & ornatu lasciuo. quarto recta intẽtio, idest vt nõ malo fine fiant, sed exercitationis corporalis, & honestæ recreationis ergo. quinto locus aptus scilicet profanus: quia in loco sacro strictè prohibetur choreas ducere. sexto raro: nã ducẽs choreas ex cõsuetudine, vix se immunẽ à peccato seruat. septimò stabilitas, & integritas.

tegritas chorizantis: qui. n. ita fragilis  
 est vt terminare nō soleat, quod ad libi-  
 dinem non prouocetur, talis se ingerē-  
 do, licet bona intentione incipiat, non  
 excusatur à mortali, Eccles 3. qui amat  
 periculum, peribit in illo. Rarò igitur  
 & sine corrupta intentione quis cho-  
 rizare debet, vt præferuet se à peccato,  
 qđ inde facilè incurritur, teste D. Hie-  
 ronymo dicēte: Nō credo viro si dicat  
 se illesum euasisse à talibus spectaculis.  
 Quare choreę si proueniūt ex recreatio-  
 ne animi, & exercitatione corporis pos-  
 sunt esse sine peccato. Si ex dissolutio-  
 ne mētis lasciuę, semper sunt cū pecca-  
 to mortali vel veniali. Si deniq; proue-  
 niūt ex spirituali iocūditate, sic sunt ma-  
 teriæ, vt saltatio David corā Arca Dñi.

Inspectio ludo. ũ, saltationū, & iocu-  
 lationū quandoq; est cum peccato, &  
 quandoq; sine. Ioculatio enim est qua-  
 druplex quēdā histrionica, quēdā cho-  
 realis mulierum lasciuarum, quādam  
 causā exercitij, & quēdam causā acci-  
 diæ vitandę. Inspectio studiosa iocula-  
 tionis primi, & secūdi gñris, potest esse  
 peccatū mortale. Inspectio verò iocula-  
 tionis tertij, & quarti gñris potest esse  
 venialis, & quandoque meritoria. Et  
 hæc de choreis, quæ per se non sunt il-  
 licitæ

licitę sicut aliqui hac in parte non rectę sentiunt, nec debet fieri trāsitus ab vſu ad abusuſum: poſſunt enim haberi abſque peccato à laicis, ſeruatis ſeruandis: ſecus autem quo ad eccleſiaſticas perſonas, quibus hoc in iure expreſſè prohibetur, præſertim in ſacro Concil. Trid. loco citato, vbi ſic legitur:

Statuit ſancta Synodus, vt quæ aliàs à ſummis Pontificibus, & à ſacris Cōcilijs de Clericorū vita, honeſtate, cultu, doctrina quę retinenda, ac ſimul de luxu, comeſſationibus, choreis, aleis, luſibus, ac quibuſcunquę criminibus, nec non ſecularibus negotijs fugiēdis copioſè ac ſalubriter ſancita fuerūt, eadem in poſterū ijsdem pēnis, vel maioribus arbitrio Ordinarij imponendis, obſeruentur, nec Appellatio Executionem hanc, quæ ad morum correctionē pertinet, ſuſpendat: ſi quę vero ex his in deſuetudinem abiſſe compererint, ea quàmprimū in vſum reuocari, & ab omnibus accuratè cuſtodiri ſtudeāt non obſtantibus conſuetudinibus quibuſcunq; ne ſubditorū neglectę emendationis, ipſi condignas, Deo vindice pœnas perſoluant.

DE CORRECTIONE  
fraterna.

**C**orrectio fraterna, quæ nil aliud est, quàm boni proximi procuratio, cadit sub præcepto diuino, Mat. 18. Si peccauerit in te frater tuus, vade, & corripe eum inter te, & ipsum solum. Quod quidem præceptum quia affirmatiuum, non obligat pro semper, sed pro loco, & tempore, iuxta præceptum euangelicum, videlicet per secretam monitionē, quia proximus noster duo habet, cōscientiam scilicet, & famam, vtrunq; debemus seruare si possumus, secus fama pro salute conscientię contemnenda est.

Omissio correctionis fraternæ, quandoque potest esse absque peccato, vt quando expectatur tempus magis idoneum, vel vbi timetur, ne inde proximus deterior fiat, aut correctionem nō recipiat, vel si peccatum est iam factū, & in eo proximus non perseuerat, quia in tali casu præsumitur correctus: quandoq; omissio correctionis fraternæ est cum peccato mortali, vt quando probabiliter quis posset proximum à peccato retrahere, occurrēs, speratur emendatio,

datio, & non est alius, cui ex officio incubat: tamen prætermittitur, seu negligitur, quandoq; omissio correctionis fraternæ est cum peccato veniali, ut quando timor, seu cupiditas tardiores facit homines ad corrigendum, & dubitant, quod proximum à peccato retrahere possent, qd si cessaret dubiũ, tales eo casu nõ excusarentur à letali crimine.

Correctio fraterna duplex est, vna quæ est actus charitatis, tendens specialiter ad emendationem fratris delinquentis: altera quæ est actus iustitiæ, per quam intenditur bonum cõmune, qd procuratur etiam per punitionem. Prior correctio pertinet ad omnes tam subditos, quàm Prælatos: posterior verò ad solòs Prælatos ac Superiores spectat prior subditis est in præcepto: Prælati autem vtraque.

Correctio fraterna quæ est actus iustitiæ, in quatuor casibus licitè potest dissimulari, & omitti. Primò, quando mali non possunt discerni à bonis. Secundò, quando multitudo malorum tanta est, ut sine Ecclesiæ schismate illa fieri nequeat. Tertiò, quando de emendatione proximi probabiliter præsumitur. Quartò, quando mali prosunt Ecclesiæ exercitãdo bonos, & nõ ob sunt,

in

in istis. n. casibus dissimulare, & omittere correctionem proximi, quæ respicit punitionem eius, ad tempus, non est peccatum.

## DE CORPORE VITIATIS.

**I**mpedimenta ecclesiasticorum ordinum sunt in duplici differentia, quædam quæ impediunt susceptionem Ordinum simpliciter, & sunt illa, quibus positis collatio non tenet, vt sexus femineus: nam si Episcopus tentaret ordinare mulierem, nihil efficeret: & quædam, quæ impediunt susceptionem Ordinum, secundum quid, & sunt illa, quibus positis collatio quidem tenet: tamen sic ordinans, peccat mortaliter, talia sunt pueritia, illegitimitas, seruitus, homicidium, defectus membrorum, & alia id genus multa, quibus detenti in iure à receptione Ordinum excluduntur. primò, propter inhabilitatem ad officia exequenda. secundò, propter deformitatem, & scandalum, quod inde sequitur. Corpore vitiati sunt duplicis generis, quidam sua culpa, & quidam sine culpa, vt qui à natura, iura autem propriè procedunt de corpore vitiatis primo modo: vnde corpore vitiati secundo modo possunt promoueri ad sacros Ordines, nisi timea-



tur scādalum ex nimia deformitate, vel iudicium ex debilitate, cuius rei periculū est penes Episcopum: Verūm vt hæc doctrina facilius intelligatur, ponuntur nouem conclusiones, quarū prima est ista: Mutilatio, quæ inducit deformitatem notabilem, vt priuatio nasi, vel inhabilitatem ad exequendū Officiū, vt priuatio manus, impedit promouēdum, & promotum prohibet ministrare. Superfluitas membrorum, non impedit promotionem ad Ordines, minus executionem, dummodò illa non sit impedimento vsui membri necessarij, neque nimiam deformitatē inducat, vt habere sex digitos, in pede siue in manu. Tertia conclusio, Claudicatio naturalis de consuetudine, nō repellit hominem ab Ordinibus, nisi sit tanta, quòd talis sine baculo altari assistere nequeat. Quarta conclusio. Cæcus, monocus, & habens maculā notabilem in oculo, à susceptione Ordinum repelluntur. Quinta conclusio: Gibbosus, secundū iura, ab Ordinibus non repellitur, nisi adsit nimia deformitas, seu debilitas ad exequendū suū officium. Sexta conclusio; Lepra, impedit promotionem ad Ordines, & promotum ministrare prohibet. Septi-



ma conclusio. Abstemiij, qui nullo modo vinum bibere possunt, in iure simpliciter ab Ordinibus repelluntur, Octava conclusio: Furiosi, lunatici, caduci, & dæmoniaci, ad Ordines promoueri non debent, quod si tales sint iam promoti, & ex toto liberati, poterunt suum officium exequi, secus omnino debent abstinere, præcipue ab Officio Missæ. Nona conclusio: Hermaphroditus, si magis in sexum fœmineum vergit, non debet ordinari, & ordinatus characterem non suscipit, sicut nec mulier: nam sexus masculinus necessario requiritur in susceptione ordinum ecclesiasticorum.

## DE CRIMINE.

**C**Rimen communiter triplex ponitur, ecclesiasticum, ciuile, & mixtum. Ecclesiasticum, quod habet cognosci à iudice ecclesiastico, ut hæresis & symonia. Ciuile, quod habet cognosci à magistratu seculari, ut portare arma noctu, homicidium laicale, proditio patriæ, & his similia, quæ pœnam sanguinis exigunt. Mixtum, quod habet cognosci ab utroque foro, ut sacrilegium, adulterium, vsura, & alia id genus multa.

Crimina

Crimina Episcoporum leuiora, iuxta decretum sacri Conc. Trid. sess. 24. de refor. cap. 5. sunt iudicanda in Cōcilio prouinciali, vel à deputandis per Concilium prouinciale, Crimina verò Episcoporum grauiora, etiam hæresis, quod absit, quæ depositione, aut priuatione digna sunt, ab ipso tantum summo Romano Pontifice veniunt cognoscenda, & terminanda, vel per deputatos à Sede Apostolica, si eiusmodi causa necessario esset extra Romanam curiam committenda, & eo casu commissio debet esse specialis, & manu ipsius Santissimi signata, cui sententia definitiua est reseruata.

Crimina Clericorum sunt triplicis generis in iure. scilicet: minora, mediocria, & enormia. Minora sunt, vt venatio, ludus aleæ, & ebrietas. Mediocria sunt, vt fornicatio, adulterium, & furtum. Enormia sunt, vt hæresis, symonia in ordine, siue beneficio, & homicidium qualificatum, seu iteratum. Crimina primi generis in Clericis puniuntur suspensione: crimina secundi generis depositione, & crimina tertij generis puniuntur degradatione. Crimina Clericorum minora etiam manifesta, neque impediunt promouendum, neque

que promotum deiiciunt . Crimina Clericorum mediocria, manifesta, siue per sententiam , siue per confessionem factam in iudicio, siue per euentiam facti , impediunt promouendum , & promotum deiiciunt . Crimina Clericorum enormia etiam occulta, & post peractam penitentiam, impediunt promouendum , & iam promotum deiiciunt .

## DE CHRISMATE.

**O**leum factum, quod per Episcopos in die Cęnæ Domini conficitur, est triplex. Primum, & principale, dicitur Chrisma, quod ex oleo oliuarum, & Balsamo fit. Cum isto benedicuntur fontes baptismales, consecratur calices, patenæ, Ecclesiæ, & Altaria. Item hoc oleo inunguntur baptizati in vertice, Episcopi in manibus, & in Capite quando consecratur, ac omnes fideles dum confirmantur in fronte. Alterum dicitur oleum cathecumenorum, quo inunguntur baptizandi inter scapulas, & in pectore, manus Sacerdotum in illorum ordinatione, Reges in brachio, & humeris. Itē Ecclesię, & Altaria ante inunctionem Chrismatis. Tertiū dicitur oleum infirmorū, quo

H inun-

inunguntur decumbentes, seu ægrotantes cōstituti in periculo mortis, hoc est quando probabiliter dubitatur de ipsorum vita corporali; iuxta præceptum Domini, & vsum Apost. Mar. c. 6. Vngebant oleo multos ægrotos, & sanabantur.

Primum oleum sacrum, quod dicitur Chrisma non potest alio tempore confici quàm in die Cœnæ Domini, vt habetur de cons. dist. 4. Alia verò sacra olea, etiam alio tempore confici possunt, ex quo hoc in Iure non legitur esse prohibitum. Prædicta sancta olea cum semel tantum in anno ab Episcopis conficiantur, deficientibus illis, si addatur oleum non consecratum, efficitur consecratum: sicut aqua non benedicta, addita benedictæ, efficitur benedicta: ratio, quia sacrum tanquàm dignius, trahit ad se non sacrū, vti minus dignum. Intellige in liquoribus, & in his quæ mixtione confunduntur: Proinde fallit hoc in Sacramento sanguinis Christi, vt pote quia ibi est benedictio aquæ, & olei, manentibus illorum substantijs: hic verò post benedictionem, & consecrationem vini, non remanet substantia vini, sed convertitur in sanguinem Christi. Vnde  
est

est longè dispar, & dissimilis ratio atq;  
conditio de aqua, siue oleo benedicto,  
& de Sacramento sanguinis Christi:  
propterea illatio non valeat, si aqua nō  
benedicta, & oleum non benedictum  
addantur aquæ, & oleo benedictis, effi-  
ciuntur benedicta: ergo, & vinum, non  
consecratum si addatur vino consecra-  
to, hoc est sanguini Christi, efficitur  
sanguis Christi, non valet, nec tenet  
consequentia, propter rationem supe-  
rius adductam.

Vnctio est triplex, teste Pet. de Pal. 4  
sent. dist. 45. Vna quæ neque est Sacra-  
mentum, neque est Sacramentalis, vt  
vnctio Regum, non est Sacramentum,  
quia per se non causat gratiam. non est  
Sacramentalis, quia non ordinatur ad  
aliquod Sacramentum perficiendum,  
vel suscipiendum. Altera quæ est Sa-  
cramentalis, & non Sacramentum, vt  
vnctio Cathecumenorum, & baptiza-  
torum, non est Sacramentum, quia per  
se non causat gratiam, est Sacramenta-  
lis, quia ordinatur ad suscipiendum, &  
perficiendum Sacramētum Baptismi.  
Tertia quæ est Sacramentum per se, &  
est duplex, scilicet Chrismatis, quæ fit  
in fronte per Episcopum, & olei san-  
cti seu infirmorum, quæ fit per simpli-

cem Sacerdotem cum laborantibus  
 in extremis, quæ est etiam Sacramen-  
 tum, ut habetur in Concilijs generali-  
 bus, Const. sess. 15. artic. 8. flo. decr. 5. &  
 Trid. sess. 14. can. 1. cuius verba sunt  
 ista. Si quis dixerit extremam Vnctio-  
 nem, non esse verè, & propriè Sacra-  
 mentum à Christo Domino nostro in-  
 stitutum, & à beato Iacobo Apo-  
 stolo promulgatum, sed ri-  
 tum tantum acceptum  
 à Patribus, aut fig-  
 namentum hu-  
 ma-  
 num, anathe-  
 ma sit.





# DE DEBITO CONIUGALI.



Debitum cōiugale est actus qui debetur ratione contracti coniugij, respectu cuius coniuges sunt paris conditionis. & talis actus habet rationem debiti; quia coniuges sub reatu lethalis criminis nisi subsit rationabilis causa, illud reddere tenentur, 1. Corinth. 7. Vxori, inquit Apostolus, vir debitum reddat, similiter autē & vxor viro. Quinq; assignantur causæ à sacris Doctoribus, excusantes cōiuges à redditione debiti coniugalis. Prima est impotentia coeūdi, siue per actū præcedentē, siue propter aliā causam licitā. Secunda est, si inde reddēti imminet periculū mortis, aut infirmitatis, vt cōiunx sanus, alteri leproso nō tenetur reddere debitum reddere non tenetur. Tertia est vbi, alter coniugū religionem approbatam ingredi vult, & eo casu determinatur tēpus duorum

mesium, intellige de Matrimonio, & non de consummato. Quinta est locus sacer, siue publicus, in quo salua honestate, debitum coniugale reddi non potest.

Redditio debiti coniugalis in octo casibus est illicita, potestq; esse peccatum mortale. Primò ratione intentionis, vt si vir in coitu de alia carnaliter cogitat, vel è contrà. Secundò, ratione loci, vt si reddatur in loco sacro, vbi coniuges breui sunt mansuri, secus si ibi diu violenter tenerentur. Tertiò, ratione modi, vt si extra vas debitum fiat. Quartò, ratione abortus, vt si redditio debiti coniugalis fiat tempore conceptus, aut partus, maximè circa principium conceptionis: tunc enim magis imminet periculum abortus. Quintò, ratione menstruorum: nam tali tempore redditio debiti coniugalis fuit prohibita, Leuit. 39. tū propter immunditiam, tum propter nocumen tum inde proli sequens frequenter, ratione primi hoc fuit præceptum ceræmoniale, ratione verò secundi, est morale, ideò, & nunc obligat, quia vsus Matrimonij, quo impeditur bonum prolis, est inordinatus, ex consequenti euitandus. Sextò, ratione iniustæ negatio-



gationis, negare enim debitum coniugale absque causa rationabili, peccatum est, quia contra iustitiam, & propter multa pericula, quæ subsunt. Septimo ratione impedimenti voti, qui habet votum continentiae simplex, & contrahit, Matrimonium, quidem tenet, tamen talis exigendo, peccat mortaliter, quia facit contra votum, quod quantum est ex parte sui potest impleri, videlicet, non exigendo, licet cum huiusmodi Episcopus dispensare possit. Similiter qui post Matrimonium contractum, per verba de praesenti cognovit consanguineam vxoris, licet per hoc Matrimonium non dirimatur, tamen talis non potest exigere debitum conjugale asque peccato, & si alteri petenti reddere teneatur. Octauò, ratione adulterij alterius coniugis, si est incorrigibilis, in his ergo casibus, redditio debiti conjugalis est illicita.

Actus coniugij, seu redditio debiti conjugalis in quatuor casibus est meritorius. Primò, quando quis supposita gratia reddit debitum, quia eo casu est actus iustitiae. Secundò, quando quis petit debitum causa prolis generandæ, & educandæ Deo, quia eo casu est actus leuitiae. Tertiò, quando

quis facit hoc, vt conseruet socium suum à fornicatione: quia eo casu est actus charitatis. Quarto, quando quis facit hoc ad euitandam fornicationē in se, quia eo casu petitio debiti coniugalī, & redditio, est actus prudentiæ siue castimoniæ. Supposita autem carentia gratiæ, actus coniugij prædictis quatuor modis est indifferens, hoc est, neque demeritorius, quia caret culpa.

## DE DECIMIS.

**D**ecimæ, propriè loquendo, non sunt sacrificia, neque oblationes: quia nō immediatè Deo, sed ministris diuini cultus exhibentur. Decimæ communiter triplex ponitur, prædialis, personalis, & mixta. Prædialis, vt vinum, frumentum, fructus arborum, & his similia. Personalis, vt mercatura, venatio, artificium, & alia id genus. Mixta, vt animalia, quæ pascuntur ex prædijs, & eorum fœtus.

Decimæ in veteri lege iure diuino debebantur Sacerdotibus, & ministris Dei, ad eorum sustentationem, vt habetur Leuit. 27. Num. 19. & Deuter. 26. quod.

quod quidem præceptum partim fuit iudiciale, partim fuit morale, iudiciale, quantum ad taxationem talem; morale, quantum ad hoc, ut ministri sustententur, & quia præcepta moralia etiam in noua lege obligant ad eorum obseruantiam, propterea præceptum decimarum, quantum ad id, quod erat morale, & nunc obligat, Matt. 10. Dignus est operarius mercede sua. Itē 1. Cor. 9. legitur, quod Dominus ordinauit, ut hi, qui Euangelium enuntiāt, de Euangelio vivant: vnde Ecclesia ordinauit, ut non minus exhibeatur ministris noui Testamenti: quàm dabatur ministris antiquæ Legis, sicque consonantia quædam esset inter nouū & vetus Testamentum. Quare præceptum de decimis nunc, quantum ad taxationem, non ligat ut ius diuinum; sed ut humanum: quantum verò ad sustentationem ministrorum diuini cultus, & modò ligat ut ius diuinum, propterea hinc sequitur, quod præceptum, de decimis, quantum ad totum, neque consuetudine, neque quouis alio modo obrogari possit, ut scilicet nihii ministris Ecclesiæ soluatur.

Subtrahentes decimas, aut impediētes earū solutionē fieri cathedrali, aut

H s qui-

quibuscunque alijs ecclesijs, vel personis, quibus legitimè debentur, sancta Synodus Trid. sess. 25 de refor. cap. 12. decernit, vt excommunicetur, & quòd à tali crimine non obsoluatur, nisi plena restitutione secuta.

Decimæ, secundùm iura, debent dari de omnibus fructibus terræ, arborum, animalium, piscationum, venationum, & artificiorum, hoc tamen tempore consuetudini est standum. Ad decimas prædiales soluendas, omnes indistinctè tenentur, etiam Iudæi, pagani, & hæretici: decimas verò personales, ipsi soluere non tenentur, ex quo tales, neque Sacramenta percipiunt, neque diuina audiunt.

Decimæ sunt soluendæ Ecclesiæ parochiali, in qua quis diuina audit, & percipit Sacramenta, Reges tamen ac Principes tenentur eas soluere Episcopo principalis sui domicilij, nec aliquis excusatur à solutione decimarum per hoc, quòd Sacerdotes sint diuites, quia eo casu Clericus recipit decimas, non vt illas conuertat in proprios vsus sed in necessitates pauperum, siue Ecclesiæ vtilitates expendendas: vnde de decimæ Sacerdotibus fideliter veniunt soluendæ, non deductis expensis  
etiam

etiam factis pro fructibus colligendis, inde enim triplex remuneratio, seu benedictio resultat, videlicet, abundantia fructuum, sanitas, & bonitas principatus, quapropter quàm non soluunt fideliter suis Ecclesijs, & ministris diuini cultus decimas, non est, vt ex hoc sperent lucrum quia dicitur, quod non accipit Christus, tollit fiscus.

## DE DEFENSIONE.

**D**efensio ad suę personę tuitionem ne lædatur, semper est licita etiã religiosis, vbi duo concurrunt, nempe si fiat ad repellendam iniuriam, & cum moderamine inculpatę tutelę. quia hoc est de lure naturali, & quoad actus naturales religiosi non censentur mortui, secus autem quando proceditur iustè, & ordine iuris seruato, tunc enim qui: sine peccato non posset se defendere, iuxta illud Apostoli; Qui potestati resistit, Dei ordinationi resistit, Rom. 13.

Defensio manualis ad suę personę tuitionem est de lure naturę; defensio verò per iudicem Reo dāda petenti vel non petenti, est de lure Canonico, & Ciuili: Vnde hæc per superiorem

seu per legem vniuersalē, vel municipalem tolli potest: appellatio enim quæ est species defensionis, in multis casibus tollitur, & defensio secundum iura ipsi Reo non est danda. Defensio autem manualis cum sit de Iure naturali, tolli non potest.

Defensio est licita, non solum pro persona, sed etiam pro rebus ne auferantur, & ablatis recuperentur, si incontinenti sit: secus autem si per interualum. Et cum hoc sit à iure concessum, non requiritur authoritas Superioris, nec talis incidit in excommunicationem, si persona à qua repetit ablata esset Ecclesiastica, etiam immittendo manum in personam, quando aliàs sua recuperare non posset.

Inculcata tutela, sicut Doctores interpretantur, est id facere sine quo aliter se defendere non potest absque periculo personæ, vel rerum suarum: nullus enim debet pati, ut iniuste damnificetur in aliquo, maxime quando damnum est irrecoverabile. Ut autem defensio sit cum moderamine inculpatæ tutelæ, quatuor requiruntur. primo æqualitas, scilicet cum armis, cæteris paribus. secundò temporis vicinitas: quia si post spatium temporis, tunc esset vindicta,

dicta, & non defensio: tertio talis, ac tanta debet esse defensio, quanta est necessitas. quarto requiritur intentio, ut se vel sua defendat, & non ut occidat: quia actus ex intentione nomen accipit, & non ex eo, quod est per accidens: duo. non effectus ex vno actu possunt euenire, puta propriæ vitæ conseruatio, & inuadentis occisio: unde si quis intenderet occisionem, uti finem, sic non liceret sine peccato mortali: si autem intenderet suam defensionem uti finem, & si sequeretur occisio inuadentis, tamen diceretur defensio, & non occisio, cum actus moralis, non debeat denominari ab eo, quod est præter intentionem, seu à causa per accidens, & sic occisio inuadentis non esset peccatum, utpote quia per se non intera.

#### DE DEGRADATIONE.

**H**Æc tria, suspensio, depositio, & degradatio licet in iure sæpe confundantur, ac pro eodem usurpentur: tamen si propriè sumantur, sic differunt inter se, quod suspensio importat priuationem legitimæ executionis ordinum, vel officiorum, beneficiorum, seu iurisdictionis ad tempus. Depositio importat tale priuationem sine spe restitutionis: retento tamen priuilegio clericalis fori. Degradatio importat huiusmodi priuationem, absque spe resti-



restitutionis, & cum amissione priuilegij clericalis.

Degradatio est duplex, vna verbalis altera actualis. Degradatio verbalis est facienda à proprio Episcopo, vel ab eius Vicario generali in spiritualibus, vt habetur in Concil. Trid. sess. 13. de reform. cap. 4. assistente tamen Canonico numero Episcoporum, vel in eorū defectum, Prælatorum vsum mitræ; & baculi ex priuilegio Apostolico habentium, vnde verbalis degradatio est, cū ab eo, qui authoritatem habet, assistente certo Episcoporum numero, sententia depositionis fertur.

Canonicus numerus Episcoporum requisitus in degradatione verbali, est iste: si degradandus est Episcopus, vltra Metropolitanum desiderantur duodecim Episcopi; si degradandus est Presbyter, vltra proprium Episcopū requiruntur sex alij Episcopi; si degradandus est Diaconus, vel Subdiaconus, vltra proprium Episcopum, requiruntur tres alij Episcopi: quod si degradandus non est constitutus in sacris, tunc sufficit proprius Episcopus cum præsentia Capituli, secus sententia est nulla, & tales non tantum sunt assessores, sed etiam iudices, vnde nisi maior  
pars



·pars consentiat, sententia contra reum pronunciari non potest : Degratio autem actualis, siue solennis, quæ nihil aliud est, quàm executio degradationis verbalis, hoc est, cum nō solū fertur sententia depositionis : verū etiā ab eo, qui degradāndus est, vestes, & singula insignia sui Ordinis, gradatim auferuntur ab Episcopo, priuando reum Ordine, officio, beneficio, & priuilegio clericali, & hæc non requirit prædictū numerum Episcoporum, seu Prælatorum, seu personarum in dignitate ecclesiastica constitutarum .

Clericus degradatus, secundū iura antiqua, solū in tribus casibus curiæ seculari venit tradendus. Primò, in crimine hæresis, vbi reus est impenitens, vel relapsus . Secundò, in falsario literarum Apostolicarum . Tertiò, in eo, qui proprio Episcopo infidiatur cū incorrigibilitate : secundū verò iura noua additur quartus casus, in quo degradatus tradi debet curiæ seculari, nempe propter homicidium qualificatum, vt si parentem interfecisset, vel iteratum, vt si plura homicidia commisset .

Degradatus verbaliter tantū gaudet priuilegio clericali, vnde si quis  
talem

talē percutiat, incurrit penā Canonis: degradatus autē actualiter est priuatus priuilegio clericali, & à laico potest iudicari: verūm Sacerdos degradatus ē actualiter, si consecret, siue ordinet, tenet: quia per degradationem amittuntur ea, quæ sunt iurisdictionis, & non ea, quæ sunt Ordinis, siue characteris, qui est indelebilis, licet talis grauitur peccaret, & cum huiusmodi, vt iterū possent exequi suum officium, quod ante degradationem exequiebantur, solus Papa dispensat, eosque ad pristinū statum restituere potest: tales tamen, si sūt in sacris, tenentur ad horas canonicas, quia in degradatione, quæ sunt honoris, amittuntur, & quæ sunt oneris, remanent, ne inde reus portet aliquid commodum de iniquitate.

## DE DELEGATO.

**D**Elegari est alteri vices suas committere, & hoc facere potest quilibet ordinariam iurisdictionem, seu authoritatem habens, vt Papa, Legatus de latere, Episcopus & Vicarius generalis, quia facit vnum tribunal cū Episcopo. Delegatus à Principe, siue ab habēte authoritatem ordinariam, potest subde-

subdelegare: delegatus verò ab inferiori, hoc est, ab eo, qui non habet auctoritatem ordinariam, non potest subdelegare. Quare delegatus aliquo modo potest subdelegare, sed subdelegatus simpliciter delegare non potest: quia talis est merus executor delegati.

Legatorum propriè tria sunt genera, quidam dicuntur Legati laterales, seu de latere missi, qui iam in causis ecclesiasticis sunt soli Cardinales; quidam dicuntur Legati locales, seu nati, ratione suæ dignitatis, in qua ex privilegio suæ Ecclesiæ nascuntur, vt Archiepiscopus Cantuariensis, & Salisburgensis, alijque, quos non opus est hic numerare; quidam dicuntur Legati temporales, seu communes, vt regulariter omnes missi à Papa, à curia, vel ab extra, & tales ordinariè non sunt Cardinales, sed Episcopi, vel Clerici inferiores.

Legati de latere possunt absolvere percussores Clericorum, etiam pro enormi, vt secuta mutilatione, siue homicidio, in prouincia, & extra, subditos, & extraneos, seu aliunde venientes, durante eorum legatione.

Item possunt confirmare electiones Episcoporum, Archiepiscoporum, & exem-

& exemptorum in prouincia illis decreta, cognoscere de causis motis contra exemptos, conferre beneficia vacātia in terminis suæ legationis, nō tamē possunt conferre Ecclesias cathedrales neque regulares, neque collegiatas, neque dignitates principales, ad quas per electionem venit, vt est dignitas Archidiaconatus, Præpositi, & Archipresbyteratus, neque derogare iuripatronatus laicorum, sed bene ecclesiasticorum, Legati autem nati, & cōmunes nequeunt hæc præstare, nisi aliquo peculiari indulto Pontificio sint suffulti.

## DE DENVNCIATIONE.

**D**enunciatio communiter ponitur triplex, scilicet Euangelica, Canonica, & ciuilis. Denunciatio Euangelica, de qua potissimum hic intendimus vt debito modo fiat, sex requiruntur. primò q̄ denunciandus sit Christianus, licet etiam infidelis posset denunciari, si contra legem naturæ, vel illorum in moralibus delinqueret siue offenderet. secundò quod præcedat secreta monitio, vt se emendet vel desistat. tertio quod peccatum non sit omnino

nino occultum, sed quod possit probari per testes, & si vnus tantum esset testis, non posset denunciari ad penitentiam imponendam. quartò quod si ad eius monitionem non sequitur emendatio, adhibeat testes qui sciunt, vel cū quibus potest ipsum conuincere. quintò quod huiusmodi præmissis, si remanet incorrigibilis, denunciatur Superiori seu Iudici. sextò quod denunciās probet se bis denunciatum monuisse, & quod emendatio non fuerit secuta, prædicta enim sunt obseruanda, vt denunciatio Euangelica debito modo fiat.

Ad denunciationem Euangelicam secundum quòd est solùm fraterna correctio omnes tenentur, quia sic procedit tantum ab actu charitatis, quæ omnes obligat Iure diuino, nec in tali casu prædicta requiruntur, Ad denunciationem verò Euangelicā propriè sumptam, secundum quod distinguitur à fraterna correctione, si agitur de peccato perpetrato, vel etiam perpetrando, quod augmentum, multiplicationem: vel continuationem mali recipit, quilibet si credit fore vtilem, & eam sine graui damno prosequi possit, tenetur de præcepto. At si agitur de peccato per-

perpetrato, quod non habet multiplicationem, neque continuationem, ad eam solum tenentur illi, qui habent ex officio: quia hoc procedit ab actu iustitiæ ad instruendum alios exemplo, quod ad superiores pertinet.

Admonitio semper debet præcedere denunciationem Evangelicam, nisi quando peccatum est omnino publicum, & notorium, aut quando tardatio denunciationis inferret nocumentum temporale, vel spirituale proximo, puta proditio Ciuitatis, hæresis, infectio, incendiū, & huiusmodi: in istis enim casibus sine monitione quis denunciari potest, ac debet. At si inde nullum nocumentum proximo, sed solum peccanti esset subsequiturum, tunc binam monitio semper præcedere debet, vna per monentem solum, altera per monentem adhibitis testibus; quibus possit conuinci ad pœnitentiam ei imponendam. Ad denunciationem Evangelicam si pœnitentia de crimine tantum quæritur, omnes secundum Inno. admittuntur ad testimonium perhibendum: si verò aliquod temporale directè, vel incidenter quæritur, tunc legitimi tantum testes admitti debent.

Si quis infamatur de aliqua re, præcipien-

cipiente Episcopo sub Excommunicat-  
tione latę sententię, tunc quilibet indi-  
stinctę tenetur deponere quicquid scit  
licet non pręcesserit monitio, neq; pos-  
sit probare: quia tunc talis non venit  
vt denunciaret, sed vt testificetur de eo,  
quod scit: fallit autem hoc in parenti-  
bus & filiis, qui ad testimonium perhi-  
bendum aduersus se inuicem, non ad-  
mittuntur: Si verò non extat infamia  
contra aliquem, sed quęritur in gene-  
rali quis fecerit tale quid, sicut commu-  
niter obseruatur, tunc monitio debet  
pręcedere secundum ordinem Euange-  
licum vt se emendet, vel restituat, vel  
satisfaciat superiori, quod si noluerit,  
eo casu si sciens potest probare, tenetur  
reuelare, aliter esset excommunicatus:  
secus si probare non posset, & ratio est,  
quia tunc requiritur vt denunciator,  
non vt testis, quod est notandum, cum  
hoc sæpe accidat. Quare quando dici-  
tur: Qui scit, intelligitur de sciētia pro-  
babili: At si superior esset talis, qui sibi  
id secretę tanquā Patri, & non Iudi-  
ci dici vellet, posset reuelari, sed quo-  
niam communiter inquirunt, vt iudi-  
cialiter procedant: propterea quis non  
tenetur nisi de eo, quod probare po-  
test.

## DE DIGNITATE.

**D**ignitas ecclesiastica, officium, & personatus inter se sic differunt, quòd Dignitas ecclesiastica, est administratio rerum ecclesiasticarum cum iurisdictione in foro exteriori, etiam in modicis causis, vt Episcopatus, abbatialis ordo, & prioratus. Officium est administratio rerum ecclesiasticarum sine iurisdictione, vt Sacrista, Syndicus Ecclesiæ, & Ædituus. Personatus neutrum in se habet, neque administrationem, neque iurisdictionem, sed duntaxat prærogatiuam, puta in choro, siue in dandis votis, vt canonicatus.

Dignitates, quæ habent honorẽ annexum, & administrationem præcisè, vt thesauriatus, & syndicatus Ecclesiæ, possunt appeti, & quæri absque peccato. dummodò tales sint idonei, & finis sit bonus, nempe quòd homo eas quærat ad sustentationem suam, & aliorum utilitatem, dignitates verò, quæ habent annexum honorem cum administratione, & iurisdictione, vt Episcopatus, prælatura, non possunt appeti, minus quæri licitè, quia ad dignitates ecclesiasticas nullus est dignus, nisi per gratiam



tiam Dei, quam nemo scit habere: secundum quid tamen ut si esset dignus, vel ut alijs posset prodesse, aliquis dignitates ecclesiasticas, absque peccato desiderare potest .

In promouendis ad dignitates ecclesiasticas, secundum iura, certa ætas requiritur. Ad Episcopatum ætas triginta annorum completiue, ad Abbatialem, & Prioratum ætas viginti quinque annorum requiritur . Cum habentibus autem defectum in ætate, ut promoueantur in Episcopos, solus Papa dispensat, in defectu super ætate, quo ad alias dignitates sine cura . Episcopus potest dispensare cum eo, qui compleuit vigesimum annum, item in defectu, Ordinis in dignitatibus Episcopatu inferioribus, scilicet, ut ille, qui non est Sacerdos, ad Abbatiam assumatur: verum cum habentibus defectum in ætate, quo ad Ordines suscipiendos . Episcopus dispensare non potest . Officium temporale, siue sit seculare, siue ecclesiasticum, potest pretio appeti, & pro illo pecunia dari, ut pro syndicato, & pro clericatu cameræ, ubi duo concurrunt: primò, quòd detur publicè, quia clandestinè iura prohibent aliquid dare: secundò, quòd talis

talis sit idoneus, & per illud officium cupiat alteri prodesse, vel sibi sine iactura alterius.

## DE DISPENSATIONE.

**D**ispensatio est rigoris iuris relaxatio canonicè facta per eum, ad quem spectat: unde qui dispensant, siue licentiam veniendi contra legem dant sine causa rationabili, peccant, & tales potius dissipatores, quàm dispensatores dici deberent, pariter qui ex falsa causa, vel tacita varietate dispensationem impetrant, peccant, & dispensatio sic obtenta, nulla est. Causæ autem iustè dispensandi in genere ponuntur septem, scilicet, tempus, utilitas, qualitas personæ, necessitas, pietas euentus rei, & scandalum multitudinis: tamen caueudum est, ne quis alatur in scandalo.

Papa in his, quæ sunt iuris diuini, puta in voto, & iuramento, absque causa iusta, dispensare non potest, in his verò, quæ sunt iuris positiui, Papa potest dispensare sine causa, ita vt ille, cū quo dispensatum est, sit tutus in consciencia: quia eius est destruere legē, cuius est condere, sed inferior absque cogni-

gnitione causæ, non potest dispensare, secus venit puniendus, ex quo egit contra legem, quam & ipse seruare tenetur.

Super defectu ætatis, vt quis minor triginta annis promoueatur ad dignitatem episcopalem, vel minor viginti quinque ad beneficium curatum, solus Papa dispensat: super verò defectu ætatis, quo ad alias dignitates sine cura, Episcopus potest dispensare, cum eo, qui compleuit vigesimum annum, & cum illegitimo in beneficio simplici. Item potest Episcopus dispensare super defectu Ordinis in dignitatibus episcopali inferioribus, puta vt ille, qui non est Sacerdos, ad Abbatiam assumatur: at super defectu ætatis, quo ad Ordines suscipiendos, Episcopus dispensare nequit, neque cum illegitimo, in beneficio curato; & ad dignitates ecclesiasticas: sed in his solus Papa dispensat.

Casus præcipui, in quibus Episcopus dispensare non potest, ponuntur decem. Primò, non potest dispensare cum homicida, vt possit promoueri ad Ordines sacros, siue homicidium fuerit cum peccato, siue absque peccato, neque cum promotus in officio. Secun-

do, cum simoniaci ratione Ordinis, vel beneficij. Tertiò, cum Clerico suspendo, vel excommunicato, qui se diuinis ingessit. Quartò, cum Clerico, qui excommunicatus recurrit ad magistratum secularem, contempto ecclesiastico iudice. Quinto cum bigamo, & maritis viduarum corruptarum, vt promoueantur ad ordines sacros. Sextò, cum Clerico non ordinato, ministrante cum solemni apparatu. Septimo, cum Clerico promoti per saltum ad Ordines. Octauò cum eo, qui Ordinem furtiuè suscepit. Nonò, cum Clerico ordinato extra tempora, vel ab alieno Episcopo sine indulto, & dimissorio. Decimò, Episcopus non potest dispensare cum excommunicato suscipiente Ordines sacros: in his enim casibus ordinariè solus Papa dispensat.

Abbas potest dispensare cum suis subditis in octo casibus. Primò, cum nouitio, vt promoueatur ad Ordines sacros. Secundò, cum apostata, vt ministrare possit, & ad alios Ordines ascendere, nisi fuerit ordinatus in apostasia. Tertiò, cum illegitimo intrante monasterium, vt promoueatur ad Ordines: non tamen ad Prælaturas. Quartò, vt non confiteantur, & sacram Synaxim  
fin-

singulis mensibus fumant. Quintò, cum monacho, vt fiat Capellanus Ecclesiæ Parochialis, vbi accedit Episcopi, & populi consensus. Sextò, cum monacho in ieiunijs cibis, esu carniū, silentio, & alijs spectantibus ad regulā, præterquā in tribus votis. Septimò, cum monacho super irregularitate: Octauò, in obseruantijs regulæ, saltem in ijs, quæ non sunt de substantia.

## DE DIUORTIO.

**D**iuortium est viri ab vxore, vel vxoris à viro separatio, & sicut Matrimonium verum duplex est: ratum, quod est cōtractum legitimè per verba de præsentī, & consummatum, quod est contractum legitimè per verba de præsentī, accedente copula carnali: ita & eius separatio duplex est, vna quo ad conuersationem coniugalem, hoc est, quo ad thorum, cohabitationem; altera, quo ad vinculum, seu fœdus Matrimonij, Matrimonium ratum, quo ad vinculum, potest solui atque dirimi dupliciter, scilicet: per mortem naturalem, & per mortem ciuilē, hoc est, per professionem tacitam, vel expressam religionis approbatæ, ita vt

femanens in seculo, possit liberè cum alio contrahere: Matrimonium verò consummatum, quantum ad vinculū, non potest solui, nisi per mortem naturalem, iuxta illud Matth. 19. & Marc. 10. Quos Deus coniunxit, homo non separet: Quantum autem ad conuersationem coniugalem, vtrunque Matrimonium, tam ratum, quam consummatum, quatuor ob causas separari potest, seu separationem, secundum iura, admittit. Primò, propter adulteriū, quo casu mulier dotem, & vir donationem propter nuptias perdit. Secundò, propter periculum, vt si vnus coniugum, vitæ alterius insidiatur, vel alterum ad aliquod peccatum trahere nititur. Tertiò, propter hæresim. Quartò, propter religionis ingressum mutuo consensu.

Separatio Matrimonij consummati, quo ad conuersationem coniugalem ratione adulterij, si est publicum, ita vt adulter maneat cum adultera, vel è contrà, potest fieri autoritate innocentis coniugis, non cohabitando ei, & debitum coniugale negando: si verò adulterium non sit notorium, separatio, quo ad cohabitationem, non potest fieri sine autoritate, & iudicio Ecclesiæ, & altero instante tenetur cohabitare.

bitare, nisi probet adulterium in octo dies: quo vero ad thorum separatio fieri potest propria authoritate, vbi innocenti constat de adulterio alterius coniugis: Verum septem ponuntur casus, in quibus vir non potest vxorem adulteram repellere, & è contrà. Primò, si vir sciuit, & non prohibuit, cum tamē potuerit. Secundò, si credens probabiliter mortem viri, alteri nupsit, nam eo casu vir rediens tenetur eam recipere, nisi scienter steterit cum secundo post aduentum primi. Tertiò, si fuit cognita latenter ab aliquo, quem virum proprium credebat. Quartò, si fuit vi oppressa. Quinto, si post adulterium eam sibi reconciliauit. Sextò, si vir infidelis vxori infideli det libellum repudij, illa que nubat secundò, postea vterque conuertatur ad fidem, primus tenetur eam etiam cognitam à secundo recipere. Septimò, si vir & ipse est adulteratus, quamuis occultè, eam tuta consciētia dimittere non potest, quia & si in tali casu vxoti desit probatio, tamen non ei deficit ius excipiendi. In his ergo septem casibus, vir absque peccato, non potest vxorem adulteram dimittere, neque quo ad cohabitationem, neque quo ad thorum.

Vt hæc doctrina clarior reddatur, sex noto. Primò, quòd in iure nomine Diuortij, nedum venit dissolutio Matrimonij, quæ vtroque coniuge viuente contingit: sed etiam simplex thori separatio. Secundò noto, quòd Matrimonium legitimè contractum regulariter dissolui non potest: tamen copula carnali non secuta, soluitur per ingressum religionis approbatæ facta professione, ita vt remanens in seculo, possit alteri liberè nubere, per susceptionem verò sacri Ordinis, Matrimonium contractum, etiam non consummatum, non dissoluitur. Tertiò noto, quòd ob fornicationem carnalem, vel spirituales, non soluitur legitimum Matrimonium, sed Matrimonij remanente Sacramento, thori tantum fit separatio. Quartò noto, quòd facta separatione thori, ob fornicationem carnalem, post emendationem, coniuges se recipere non compelluntur, secus si ob spirituales fornicationem facta sit separatio, nam eo casu si fornicatus spiritualiter ab infidelitate reuertatur, cogetur, quæ in fide remansit, illum resumere. Quintò noto, quòd vxor credens virum suum esse mortuum, ingressa monasterium, à viro reuersaeducta, post obitum viri,



ri, ut ad monasterium redeat, cogi nō potest. Sextò noto, quòd vxor non plenè certificata de morte sui viri, quamuis ille diutissimè in peregrinatione commoretur, vel ab hostibus captus nunciatur, ad alia vota conuolare non potest, donec certum nuncium de viri morte receperit, de quo in iudicio constare debet.

## DE DOMINICA.

**D**ominica dies, qui in honorem atque gaudium Resurrectionis Saluatoris nostri celebratur, Sabbatho succedit, non quidem constitutione diuina, sed ecclesiastica. Præcepta antiquæ legis erant triplicis generis: ceremonialia, quæ modò cessant: iudicialia, quæ iam possunt, & non possunt à nobis obseruari; moralia, quæ & nunc ad eorum obseruantiam nos obligant: præceptum autem de sanctificatione Sabbathi, partim fuit morale, partim ceremoniale; morale, quantum ad hoc, quod aliquando vacandum sit cultui diuino; ceremoniale, quo ad diem taxatam, ratione primi præceptum de sanctificatione Sabbathi, non potuit mutari, sed benè ratione secundi, sicut

factum est.

Sabbathum in noua lege fuit mutatum in Dominicam, quæ dies est plena mysterijs: nam tali die opus creationis sumpsit exordium, Genes. 1. tali die fuit resurrectio Christi, per quam mundus est recreatus, Mar. 16. tali die datus fuit Spiritus sanctus, Actor. 2. item Sabbathum fuit mutatum in Dominicam, ne videamur iudaizare: vnde ficut Iudæi in veteri lege, Sabbathum obseruabant in memoriam beneficij creationis, ita nunc nos Dominicam sanctificamus in memoriam Redemptionis nostræ.

Festa indicare potest Ecclesia, Princeps, & ciuitas: festa indicta ab Ecclesia violare peccatum est: festa autem, indicta à magistratu seculari violare, non est peccatum, licet tales pœnam incurrant, quia ad magistratum secularem non pertinet festa instituere, minus præcipere. Quare violatores festi indicti à magistratu seculari, pœnam tantum incurrunt sed violatores festi indicti ab Ecclesia, pœnam & culpam simul incurrunt.

Diebus festis homo nedum à peccatis, sed etiam ab operibus mechanicis, à formatione processuum, à pronuncia  
tione

tione sententiæ iudicialis, à condemnationibus ad pœnam maximè mortis, à iuramentis iudicialibus, abstinendum est, secus facientes peccant: opera tamen spiritualia, vt docere verbo, vel scripto exercere diebus festis, non est prohibitum, quinimò, nec opus corporale necessarium, vt coctio ciborum, & bellum causa defensionis. Opus seruile facere die festo non licet, pro lucro consequendo principaliter, sed benè pro damno evitando, & quo ad se, & quo ad proximum.

Diebus festis facere opus seruile ordinatum ad lucrum, est peccatum mortale, nisi vnum ex quatuor his excuset: primò, modicitas rei: secundò, necessitas operis: tertio, pietas cordis, vt si pro Dei honore, vel pauperum suffragio. quartò, vtilitas publica, vt ædificatio pontis. Diebus festis ab operibus mechanicis abstinendum est, & quinque potissimàm insistendum venit. primò, vacandum est Deo in psalmis, canticis spiritualibus, hymn. secundò orationi. tertio audientiæ prædicationis. quartò compunctioni, & contritioni peccatorum. quinto, vacandum est audientiæ sacræ Missæ.

## DE DONATIONE.

**D**onatio est collatio rei licite ex mera liberalitate, seu remunerationis gratia facta, quæ in iure his prohibetur, videlicet: amentibus, furiosis, prodigis, minoribus viginti quinque annis, filijs familias, seruis, religiosis, ac monachis, qui nihil proprii habent, Prælati regularibus, vxoribus, quæ vltra dotem nihil habent, criminosis, qui crimen capitale commiserunt, & hæreticis, quorum bona ipso iure sunt confiscata, raptoribus, furibus, & debitoribus: isti enim sunt, qui secundum iura, donare prohibentur, propterea nihil alicuius momenti ab eis, tuta conscientia, accipi potest.

Donatio remuneratiua legitime facta, ratione ingratitudinis, in quinque casibus reuocari potest. primò, si ille, cui facta est donatio, atroces iniurias donatori intulit. secundò, si manus impias in donatorem iniecit. tertio, si graue damnum rebus donatoris intulit. quartò, si attentauit inferri donatori periculum vitæ, quamuis effectus non sit secutus. quintò, si ille, cui facta est donatio, conditionem, appositam non

impleuit: Verùm reuocatio donationis in prædictis casibus, licet possit fieri per donatorem, non tamen per eius hæredes: quia ius reuocandi donationem est personale, propterea non transit ad hæredes donataris, vt possint reuocare, neque ad hæredes donatarij, vt ab eis reuocari possit, vbi causa fuit nota donatori, secus si eam ignorauit: nã eo casu hæredes donatoris possunt agere contra donatarium, seu eius hæredes ad reuocationem, maximè si donatarius cognouisset carnaliter vxorem donatoris ipso viuente, sed ignorante: quia ex quo ignorauit, tacuisse non dicitur.

Donatio causa mortis est ad instar legatorum: nam in vtroque est vltima voluntas, vtrunque quinarium numerum testium requirit, vtrunque non exigit insinuationem, & vtrunque non tenet, seu non est perfectum, nisi morte secuta. Hæc donatio tribus modis reuocari potest. primò, si donatarius moriatur ante donationem. secundò, si donatorem pœnitet donasse, secus de donatione, quæ dicitur inter viuos. tertio, cessante conditione, sub qua donatio facta fuit.

## DE DOTE.

**D**os est, quod datur viro ab vxore, vel ab alio eius nomine, pro oneribus Matrimonij sustinendis. Pater secundum iura, tenetur dotare filiam, non solum legitimam, sed etiam naturalem, non obstante, quod filia nupserit parente inuito: quia filia, siue filius constitutus in debita ætate, contrahens Matrimonium patre inuito, vtitur permissione canonica: nam, secundum iura, consensus parentum ad contractum Matrimonij, non requiritur de necessitate, sed benè de decentia arque honestate, tamen si filia elegisset sibi turpem vitam, pater posset eam ex hæredare, pater eo casu non tenetur dotare filiam, secus semper tenetur, etiã si absque eius consensu contraxit, & maximè si post vigesimum quintum annum: quia in tali casu pater videtur culpabilis, ex quo tanto tempore distulit, eam collocare: frater etiam, secundum iura, tenetur dotare sororem, quoniam causa dotis in iure est fauorabilior, quàm causa alimentorum, sed frater tenetur dare sorori alimenta: ergo à fortiori dotem, quæ doctrina non

tantum in laicis, sed etiam in Clericis habet locum, qui ex patrimonio, vel si patrimonium non habent, de redditibus Ecclesiæ sorores dotare debent.

Dos siue donatio facta propter nuptias, in quatuor casibus amittitur.

Primò, propter adulterium secuta tamen separatione, quo ad conuersationem conjugalem, facta per iudicem ecclesiasticum, vel ab innocente coniuge, ubi adulterium est notorium. Secundò, si vxor ingreditur balneum, cum alieno viro, perdit dotem, & Vir ingrediens cum aliena vxore, perdit donationem. Tertio, si coniuges scienter contraxerunt in gradibus iure prohibitis, & tunc dos, & donatio cedunt fisco. Quarto, propter hæresim.

Dotis in iure multa sunt priuilegia: primò, quòd omnia bona mariti sunt hipotecata pro dote. secundò, quòd propter maleficium Viri, etiam propter crimen læsæ maiestatis non perditur. tertio, quòd præponitur omnibus creditoribus, etiã prioribus. quarto, quod est fori ecclesiastici: quia habens cognoscere de principali, habet cognoscere, & de accessorio: sed Ecclesia habet cognoscere de Matrimonio, quod

quod est principale, ergo, & de dote, quæ ad illud accedit. Quintò, quòd vir redactus ad inopiam, potest dare dotem ad lucrum sine vsura pro parte honesta. Sextò, quòd fundus dotis non potest alienari: Quinimò dos in iure est res adeò privilegiata, vt neque per hæresim viri confiscati possit: nisi scienter contraxerit cum hæretico.

## DE DVELLO.


**D**Vellum dictum est quasi duorū bellum, seu pugna, quod alio nomine dicitur monomachia: verū nō omnis pugna duorum propriè dicitur duellum, sed solū pugna duorum, facta ad cuius rei probationem, quod est prohibitum nedum iure canonico, sed etiam iure diuino, quia sic est Deum tentare, quod Dominus prohibet. Matthæi 4. dicens: Non tentabis Dominū Deum tuum; iure canonico, quoniam vt docet D. Thomas 2.2. quæst. 95. art. vlt. eadem est ratio de lege duellorum, & de iudicio ferri candentis, atque aquæ bullientis, quæ iam omninò sunt prohibita.

Duellum semper est peccatum mortale, quando est cum periculo vitæ, &

mem.



membrorum, secus quando est absque  
periculo vitæ, & membrorum. In duel  
lo peccant mortaliter, primò duellan  
tes, siue offerant, siue spontè illud susci  
pian. secundò iudices deferentes il  
lud, seu præstantes authoritatem. ter  
tiò assessores. quartò dantes consilium,  
auxilium, vel fauorem. quintò Sacer  
dotes dantes benedictionem talibus.  
sextò admittentes illud in sua ditione,  
cùm possint obuiare. septimò inspiciē  
tes, ex quo sibi placent in eo, quod de  
se est mortale, & nunc, iuxta decretum  
sacri Concilij Tridentini sess. 25. de re  
format. cap. 19. permittentes duella,  
patrini, spectatores, & duellantes  
sunt excommunicati, talesq;  
morientes in duello,  
priuantur sepul  
tura ecclesia  
stica.





# DE EBRIETATE.



Brietas est priuatio  
vsus rationis ad tem-  
pus, ex immoderato  
potu vini, vel alte-  
rius rei potabilis, &  
est peccatum morta-  
le, vbi quis volens &

ſcienter inebriatur, 1. Corin. 6. Ebriofſi  
regnum Dei non poſſidebunt: nam ta-  
les per ebrietatem, non tantum priuāt  
ſe vsu rationis, ſed etiam ſe exponunt  
periculo peccandi, ad Ephes. 5. Nolite,  
inquit Apoſtolus, inebriari vino, in  
quo eſt luxuria: neque excuſatur ali-  
quis dicendo, id feciſſe gratia ſanita-  
tis, quia vt docet D. Paulus ad Rom. 3.  
non ſunt facienda mala, vt veniant  
bona.

Ebrietas totalis ſi fuit ſine culpa, pu-  
ta ſi quis laſſus ex itinere, non animad-  
uertēs fortitudinem vini, fieret ebrius,  
volens ſitim extinguere, excuſat homi-  
nem à peccato ſequenti in ea commis-  
ſo: ſi verò ebrietas fuit cum culpa, non

excu-

excusat à toto, sed benè aliqualiter minuit peccatum, & quātum ad culpam, & quantum ad pœnam, ex quo talis sic peccans, nempe constitutus in ebrietate, non habet integrum vsum rationis, propterea ebrietas minuit aliqualiter peccatum commissum in ea, quo ad culpam. item quo ad pœnam, quia illud imputatur ad pœnam, quod ex culpa immediatè procedit, non aut quod mediatè, sicut in casu nostro, vt homicidio commissio in ebrietate, accipimus causam immediatam, & est priuatio vsus rationis, accipimus causam mediatam, & est superflua potatio.

## DE ECCLESIA.

**E**cclesia vox Græca, Latinè conuocatio, & est duplex, spiritualis, & materialis. Ecclesia spiritualis idem est, quod populus adunatus in Dei cultum. Ecclesia autem materialis est locus, in quo Christi fideles conueniunt propter diuinum cultum. Ecclesia spiritualis duplex est, vniuersalis, id est, totus populus per orbem diffusus, Deo per fidem vnitus, & specialis, hoc est, populus Deo vnitus, non solū per fidē, sed etiam per charitatē, & hæc adhuc  
du;

duplex est, triumphans, & militans. Ecclesia triumphans est populus Deo vnitus per gloriam: Ecclesia autem militans, est populus Deo vnitus per gratiam.

Ecclesia Christi in terris in his, quæ spectant ad fidem, vel ad mores, errare non potest. primò, quia Christus pro ea orauit, ne fides eius deficiat, vt habetur Luc. 22. secundò, quia doctrina Ecclesiæ est doctrina Spiritus sancti, Ioann. 14. Spiritus sanctus, quem mittet Pater in nomine meo, ille vos docebit omnia. tertio, quia Ecclesiæ continuò assistit Spiritus sanctus, Ioan. 14. Ego rogabo Patrem, & alium Paracletum dabit vobis, vt maneat vobiscum in æternum: hinc Apostolus 1. ad Timoth. 3. Ecclesiam columnam, & firmamentum veritatis appellat. Quare Ecclesia Christi in necessarijs ad salutem, vt sunt fides, & mores, errare non potest: in alijs verò, quia Ecclesia sequitur humanam opinionem, siue hominum testimonio innititur, cui sæpè falsum subest, potest errare.

Ecclesia quadrupliciter sumitur: Primo, formaliter & verè, sic Ecclesia accepta est omnis populus fidelis per totum orbem diffusus, Christo vnitus  
per

per fidem & charitatem. secundo, formaliter, & repræsentatiuè, sic Ecclesia accepta est Concilium generale legitime congregatum. tertiò virtualiter, & formaliter simul, & est Ecclesia Romana, quæ est caput omnium Ecclesiarum, virtualiter continens authoritatem totius Ecclesiæ. quartò virtualiter, & repræsentatiuè simul, sic Ecclesia accepta, est collegium Cardinalium, cum summo Pontifice, modo quando dicitur Ecclesia in his, quæ concernunt fidem, & mores, errare non potest, intellige de Ecclesia, prædictis quatuor modis accepta.

Ecclesia materialis, de qua Apostolus 1. ad Tim. 4. Volo, inquit, in Ecclesia orationes fieri, est locus publicus, authoritate Episcopali constitutus, & consecratus, in quo fideles conueniunt ad percipienda fidei Sacramenta: unde ad esse Ecclesiæ materialis tria requiruntur. primò, quòd sit ab Episcopo fundata. secundò, quòd sit facta ad percipienda ibi Sacramenta. tertiò, quòd sit consecrata, secus non Ecclesia, sed basilica dicitur, vel oratorium, quod authoritate priuata in domo propria fieri potest: tamen in eis celebrare non licet, vt habetur in Conc. Trid. sess. 22.

de.

decreto de obseruandis, & euitandis  
in celebratione Missæ.

Ecclesia in tribus casibus indiget  
consecratione. Primo, quando nulla  
probatio seu signum apparet, quòd fue-  
rit consecrata. Secundo, si Ecclesia fuit  
combusta. Tertio, quando parietes Ec-  
clesiæ, vel in toto, vel in parte corruer-  
unt. In quinque verò casibus Ecclesia  
polluta indiget reconciliatione. Pri-  
mo, propter homicidium in ea perpe-  
tratum, cum voluntaria irreuerentia  
occidentis, etiam absque sanguinis ef-  
fusione, vt si fur suspenderetur in Eccle-  
sia: Secundo, propter effusionem san-  
guinis, si sit magna, iniuriosa, & volun-  
tariè facta. Tertio, propter effusionem  
seminis humani, si sit magna, & facta  
cum voluntaria irreuerentia. Quarto,  
propter sepulturam hæreticorum, ex-  
communicati & infidelis. Quinto, quã-  
do Ecclesia fuit consecrata ab Episco-  
po hæretico, vel excommunicato. Ve-  
rum consecratio Ecclesiæ soli Episco-  
po conuenit: reconciliatio verò simpli-  
ci Sacerdoti committi potest, quæ ta-  
men fieri debet cum aqua lustrali Epi-  
scopali.

## DE ELECTIONE.

**E**lectio canonica est alicuius personæ ad dignitatem vocatio, quæ de iure communi ad Collegium, seu Capitulum pertinet. Ab actu electionis in locis regularibus vndecim genera personarum repelluntur: primo, priuati potestate eligendi. secundo, cōuersi. tertio, non professi, tacitè, vel expressè. quarto, qui non sunt Subdiaconi, tales non habent votum in Capitulo, tam in secularibus, quàm regularibus Ecclesijs. Quinto, excommunicati maiori excommunicatione, secus si minori, quæ excludit ab actu electionis tantum passiuè. sexto, suspensi ab officio. septimo, qui scienter celebrarunt in loco interdicto. octauo, qui scienter elegerunt indignum, tales pro ea vice sunt priuati potestate eligendi. nono, minores quatuordecim annis. decimo, qui per laicalem abusum elegerunt. vndecimo, non eligentes intra tempus statutum, secundum iura: isti enim sunt, qui in iure ab actu electionis repelluntur.

Ad hoc, quod aliquis sit eligibilis, septem in eo desiderantur, quorum sex sunt

sunt communia Clericis secularibus, & regularibus. primò requiritur, quòd eligibilis sit debitæ ætatis . secundò, q̃ sit legitimè natus . tertio, quòd non sit excommunicatus, nec minori excommunicatione. quartò, quòd non sit suspensus, neque interdictus . quintò, q̃ sit debitæ literaturæ . sextò, quòd non habeat impedimentum circa Ordines suscipiendos . septimò, quòd est proprium regularium, vt si professus, licet nouitius possit eligi in Episcopum : q̃ si electio facta sit de eo, qui habet aliquod prædictorum impedimentorū, ipso iure est nulla, vel si maior pars Capituli, seu electorum non consenserit, licet in electione summi Pontificis, vt teneat, non sufficiat, quòd maior pars collegij Cardinalium consentiat : sed requiritur, quòd duæ partes electorum consentiat electioni de aliquo factæ, vt Papa habeatur : vnde quando dicitur, vt electio sit canonica, requiritur, quòd maior pars in electum consenserit, non debet intelligi respectu minorum, hoc est, quòd ille sit canonicè electus, qui habet plura vota, sed respectu totius Capituli, ita vt ille dicatur canonicè electus, qui vltra medietatem votorum eligentium habuit.



Tempus iure statutum electioni celebrandæ in cathedralibus, & regularibus Ecclesijs, cessante impedimento legitimo, est spacium trium mensium, secus electio deuoluitur ad Superiorem proximum, qui si & ipse intra tres menses non prospexerit, deuoluitur ad aliū Superiorem, vsque ad Papam, & ibi fit status, in alijs autem Ecclesijs prouideri debet intra sex menses, aliàs prouisio prædicto modo ad Superiorem deuoluitur. Electores facta electione tenentur petere consensum electi intra octo dies, vbi commodè fieri poterit: electus verò requisitus, tenetur intra mensem præbere consensum, secus est priuatus iure electionis, similiter electio est cassa, si electus post consensum, confirmationem à Superiori intra tres menses non petit. Tres sunt formæ traditæ procedendi in electione à iure, scilicet: per scrutinium, per compromissum, & per communem inspirationē, quæ quidem dispositio seruanda est solum in electione Episcoporum, ac aliorum Prælatorum Ecclesiarum collegiarum: verum forma procedendi per scrutinium, iam est magis in vsu, iuxta decretum sacri Conc. Trid. sess. 25. de regularibus, cap. 6. nempe per vota secreta,

creta, ita vt nomina singulorum eligentium nunquam publicentur, & in ea decem veniunt obseruanda, vt electio sit canonica: primò, vt fiat per congregatos in vnum: secundò, vt scrutatores assumantur per collegium: tertio, vt tres, non plures, neque pauciores scrutatores assumantur: quartò, vt scrutatores sint de collegio: quintò, vt vota singulorum exquirantur secretè: sextò, vt excludendi non admittantur, neque admittendi excludantur: septimò, vt vota in communi publicentur: octauò, vt Votorum publicatio mox fiat, nullo actu contrario interueniente: nonò, vt per vnum nomine totius Capituli fiat electio per verba singularis numeri, & talis erit is, qui primam vocem habuit, vel is, cui Capitulum commiserit: decimò, vt maior pars Capituli elegerit, & non maior pars respectu minorum.

Electus canonicè in tribus casibus sub pœna peccati mortalis tenetur consentire. primo, quando à Superiore per obedientiam cogitur. secundo, quando probabiliter videt notabile dispendiũ, & periculum Ecclesiæ immittere, nisi assentiat. tertio, quando per viam illicitam refugit, abscondendo se quia in  
 tali

tali casu videtur resistere Spiritui sancto, & diuinæ vocationi.

Electio de iure communi spectat ad Collegium, seu Capitulum: quælibet enim Congregatio approbata habet vt possit sibi eligere Caput, nisi extet consuetudo, in contrarium, etiam si duo vel tres tantum fuerint: nam ius Vniuersitatis sicut notant Doctores, in vno solo remanere potest, alijs omnibus mortuis, vel priuatis iure eligendi, aut suspensis vel excommunicatis: tunc enim potestas eligendi ad pauciores pertinet, quando inquam maior pars est inhabilis ad eligendum: in tali casu minor pars totum Collegium, seu Capitulum repræsentat, & facit: quia inhabiles in numero eligentium non veniunt.

Terminus procedendi ad Actum electionis præsertim in Cathedralibus, & regularibus Ecclesijs est infra tres menses, qui terminus abbreviari potest, si duæ partes Capituli, seu Collegij sunt præsentibus; secus autem si duæ partes capituli sunt absentes, & causa coarctationis non assignetur, eo casu expectari debet terminus, deinde ad Actum electionis procedere: nam vno electorum neglecto, & non vocato, ele

etio non esset Canonica, talis tamen si vult potest illam ratam habere: at quilibet in Ordine subdiaconatus saltem constitutus esse debet, sicut decernit Trident. Syn sess 22. decreto de refor. cap. 4. vbi legitur. Quicumque in Cathedrali, vel collegiata, seculari, vel regulari Ecclesia diuinis mancipatus officijs, in subdiaconatus Ordine saltem constitutus non sit, vocem in huiusmodi Ecclesijs in Capitulo non habeat, etiam si hoc sibi ab alijs liberè fuerit concessum: Qui autem Cathedralibus siue Parochialibus Ecclesijs præficiendi sint, & quales esse debeant, eadem sancta synodus sess 7 cap. 1. sess. 22. cap. 2. & sess. 24. cap. 12. statuit.

## DE ELEEMOSYNA.

**E**leemosyna est opus misericordiæ, quo datur aliquid indigenti ex compassione propter Deum, & communiter duplex ponitur, spiritualis & corporalis: quia & defectus proximi, ad quos eleemosyna ordinatur, sunt duplicis generis, quidam ex parte animi, & quidam ex parte corporis. Eleemosyna spiritualis est actus pietatis, quo subuenitur defectibus spiritualib. proximi,

ximi, & huius septem sunt species, videlicet: docere ignorantem, consulere dubitanti, corrigere peccantem, consolari tristem, remittere offendentem, onerosos patienter ferre, & pro omnibus orare. Eleemosyna corporalis est actus pietatis, quo subuenitur defectibus corporalibus proximi, cuius pariter septem ponuntur species, scilicet: cibare esurientem, potare sitientem, visitare infirmum, redimere captivum, vestire nudum, suscipere hospites, & sepelire mortuos; sex priores species eleemosynæ corporalis habentur in Euangelio Matth. 15. septima verò in Tobia, & Nicodemo.

Eleemosyna cadit sub præcepto, Eccles. 17. Vnicuique mandavit Deus de proximo suo, & Luc. 11. quod superest, inquit Christus, date pauperibus: duobus tamen concurrentibus: scilicet necessitas in recipiente, & abundantia in dante. Verùm eleemosyna spiritualis triplici ratione, corporali eleemosynæ præeminet. primo, ratione eius, quod exhibetur, quia est donum spirituale. secundo, ratione eius, cuius subuenitur: quia spiritus est. tertio, ratione actuum, quibus proximo subuenitur: quia spirituales.

Eleemosyna secundum quod ordinatur, ad satisfaciendum pro propria, vel alterius culpa, est actus Pœnitentię, seu satisfactionis; secundum quod ordinatur, ad releuandam indigentiam proximi, est actus misericordię; secundum quod homo ad illam tenetur ex præcepto, est actus iustitię; secundum quod procedit ex mera liberalitate, est actus liberalitatis; secundum quod ordinatur ad placandum Deum, eleemosyna habet rationem sacrificij, & est actus latrię.

Quinque sunt genera personarum, quę excusantur si non dant eleemosynam. primò, religiosi, & monachi, qui nihil proprij habent. secundò, serui & ancillę, si non dant indigentibus de bonis dominorum suorum: quia scriptum est: Prouerb. 3. Honora Deum de tua substantia. tertio, filij familias: quarto, vxores, si nihil habent præter dotem, quę datur viro pro sustinendis oneribus Matrimonij. quinto, minores quindecim annis, qui non habent plenam administrationem, intellige de magna & non de modica eleemosyna, quam quilibet horum, absque notabili nocumento tertij, facere potest.

Opera satisfactoria præcipua in genere

nere sunt tria: ieiunium, oratio, & eleemosyna, inter quæ eleemosyna est opus magis satisfactorium: quia includit in se Virtutem orationis, & ieiunij: nam eleemosyna constituit eum, cui datur, debitorem ad orandum, ad ieiunandū, & ad faciendum alia bona opera pro eo, qui dedit eleemosynam. Accedunt loca sacre Scripturæ, Tob. 4. Eleemosyna ab omni peccato liberat. Daniel. 4. Peccata tua eleemosynis redime, & Luc. 11. Date eleemosynam, & ecce omnia munda sunt vobis.

## DE EPISCOPO.

**E**pisopus superintendens, & inspector interpretatur: ipsius enim est vitam, ac mores tam Cleri, quam Populi sibi subiecti speculari, & inspicere: proinde debet esse irreprehensibilis, cæterisque exemplo benè, ac sanctè viuendi, sicut docet Apostolus 1. ad Timoth. 3. Episcopum inquit, oportet esse irreprehensibilem, sobriū, prudentem, ornatum, pudicum, hospitalem, Doctorem, iustum, sanctum, & continentem: merito quidem cum Episcopi in Ecclesia Christi Saluat. nostri

iure diuino, Apostolis succedant, sicut Sacrosancta Tridentina Synodus declarat sess. 23. de sac. ord. cap. 4. Insuper ipsorum sit, animas sibi commissas, pretioso Christi sanguine redemptas, verbo & exemplo pascere, populum concreditum docere, hortari, corripere, & sacramenta Dei, quæ animam intus renouant, aut renouationem spirituales augmentant, vel nouum esse dignè suscipientibus tribuunt, in subiectis perficere.

Episcopi habent plenam potestatem dispensationis sacramentorum, & verbi Dei declarationem: simplices vero Sacerdotes quinque Sacramentorum tantum sunt ministri, videlicet baptismi, Eucharistiæ, Pœnitentiæ, Extremæ Vnctionis, & Matrimonij. Quinimo pleraque alia Episcopi peragere possunt, quarum functionum potestatem, reliqui inferioris ordinis, non habent, vt baptizatos confirmare, sacerdotes ordinare, & alios ordines in Ecclesia creare, Abbates benedicere, Ecclesias, Altaria, Virgines consecrare, ac Sacerdotes in Episcopo ordinare, & consecrare, quæ potestas non est illis communis cum præsbyteris, vt habetur loco citato, sess. 23. can. 7.

Epi-



Episcopis quædam conueniunt ratione dignitatis Episcopalis, vt cognoscere de causa matrimoniali, iniungere pœnitentias publicas, dare indulgentias, & his similia. Quædam eis conueniunt ratione iurisdictionis Episcopalis, vt excommunicare, absoluerè in foro iudiciali, beneficia conferre, & alia id genus. Quædam conueniunt Episcopis ratione ordinis Episcopalis, vt confirmare, ordinare, consecrare Ecclesias, & huiusmodi. Quæ competunt Episcopis, primo & secundo modo, possunt committi etiam illis qui sunt inferioris ordinis: secus autem de his, quæ conueniunt Episcopis tertio modo, hoc est ratione ordinis Episcopalis: talia enim illis, qui non sunt Episcopi, committi nequeunt.

Ordo sacerdotum vt testatur Anacletus Christi Martyr, & D. Petri Apostoli Discipulus Epist. sua 3. est bipartitus constitutione diuina in Episcopos, & Præsbyteros: Ordo verò Episcoporum est vnus, licet constitutione Apostolica aliqui Patriarchæ, aliqui Primates, aliqui Archiepiscopi, & aliqui simpliciter Episcopi dicantur: vnde inter hos est sola differentia præminentia, & non ordinis, neque diuinæ potestatis:

inter illos autem, nempe Episcopos, & præbyteros, non solum est differentia præeminentiae, sed etiam ordinis, & diuine potestatis, quia Episcopi Apostolorum, & præbyteri septuaginta duorum discipulorum locum tenent.

Episcopatus propriè, ac verè dicitur, & est ordo à cæteris distinctus: nā Episcopus non solum respectu corporis Christi mystici habet aliquem actū & potestatem, qua simplex sacerdos nō gaudet, sed etiam respectu corporis Christi veri, hoc est in ordine ad sacramentum Eucharistiæ, nempe creare præbyteros, qui hoc ipsum Sacramentum conficiunt: Præcipua inquit D. Dionysius Areopagita libr. eccles. hierarch. ca. 5. actio Episcoporum, ad corporis Christi consecrationem, mediatur saltem pertinet: munus enim & exercitium ordinis Episcopalis versatur erga eos, qui ad consecrandum Christi corpus disponuntur, & collocantur, creando, ordinando, & perficiendo eos. Itē Episcopatus est propriè Ordo quia imprimi characterem, teste D. Augus. Epist. ad Crispinum Donatistam, ubi expressè dicit. Episcopatum esse ordinem, qui iterari non potest sicut baptis-  
mus, quia habet effectum indelebilem  
in

in eo, qui ordinatur. Confirmatur hæc veritas authoritate D. Dionysij loco citato vbi dum recenset sacratos ordines, commemorat vti principales episcopatum, Præsbyteratum, & Diaconatum, qui principales dicuntur, eo quod per impositionem manuum conferuntur. Quare Episcopatus dicitur, & est, propriè, ac verè ordo à cæteris Ordinibus Ecclesiasticis distinctus.

Causæ grauiores contra Episcopos, quæ depositione, aut priuatione dignæ sunt, ab ipso tantum summo Romano Pontifice cognosci, ac terminari possunt: minores verò causæ eorundem, in Synodo Prouinciali, iuxta decretum sacri Conc. Trid. sess. 24. de refor. ca. 5. cognosci, ac definiri debent. Quinimo, & cognitio illarum causarum, cū pro criminis qualitate comparere necesse est, Pontifice maximo pariter est reseruata, vt habetur loco citato sess. 13. cap. 8. Vnde licet secundum iura antiqua cognitio causarum Episcoporum Prouincialium, & non earundem definitio, Archiepiscopis, seu Metropolitanis concessa erat: tamen iam secundum iura noua, neque cognitio illis permittitur, sed vtrunq; nempe tam definitio quam cognitio sedi Apostolicæ, si causæ

sunt grauiores, vel Synodo Prouincia-  
li, si sunt minores, expressè reseruantur.

In multis causis Episcopi tamquàm  
sedis Apost. delegati sicut Sacrosancta  
Trid. Synodus decernit, procedere pos-  
sunt. primò facere, vt in Monasterijs,  
vbi commodè fieri potest, etiam lectio  
sacrae scripturae, & in Ecclesijs Paro-  
chialibus, ipsis Monasterijs subiectis,  
diebus saltem Dominicis, festis solem-  
nibus, sacra Concio, & Euangelij præ-  
dicatio habeatur compellendo Supe-  
riores in hoc negligentes, sess. 5. de re-  
form. cap. 1. & sequenti. secundò pos-  
sunt Ecclesias quascunque, & quomo-  
dolibet exemptas singulis annis visita-  
re, & opportunis iuris remedijs prouide-  
re, vt Cura animarum, aliaque debi-  
ta obsequia rectè exerceantur, sess. 7.  
cap. 8. tertio, propter paupertatem Ec-  
clesiarum, vt illarum statutus, vbi sacra  
officia Deo ministrantur, ex dignitate  
conseruetur, possunt Episcopi tâquam  
sedis Apostol. delegati facere vniones  
perpetuas quarumcunque Ecclesiarum  
Parochialium, & aliorum beneficiorum  
Curatorum, & non curatorum, sess. 21.  
cap. 5. quartò possunt regulares quos-  
cunque visitare, & punire iuxta illorum  
instituta, vbi Superiores admoniti, vt  
sibi

sibi subditos in officio contineant, ac moderentur, eos intra sex menses non visitauerint, vel correxerint, loco citato cap. 8. Item regularem punire, qui intra claustra Monasterij degit, & extra ea ita notoriè deliquerit, vt populo scandalo sit, nisi à suo Superiore intra tempus ab ipso Episcopo præfigendum seuerè puniatur, sess. 25. cap. 14. quòd in his vbi de visitatione, aut morum correctione agitur, possunt procedere ad executionem congruentibus remedijs eorum, quæ ab eis mandata, decreta aut iudicata fuerint, exemptione, inhibitione, appellatione, seu quærela ad sedem Apostolicam interposita non obstantibus, sess. 24. cap. 10. Hæc & alia Episcopi tanquàm sedis Apostolicæ delegati, præstare possunt.

Episcopi quos Spiritus sanctus Act. 20. posuit regere Ecclesiam Dei, quam acquisiuit sanguine suo, secundum iura hæc præcipuè possunt. primò rebelles, ac manifestos peccatores excommunicare, suspendere, interdicere, ac alijs pœnis pro criminis qualitate coercere, secundo, condere leges, quibus ordo Ecclesiasticus in diuino cultu cōmodius dirigatur, & populus in vera pietate conseruetur. tertio dare indul-

gentias, vti dispensatores ministeriorum Dei, 1. Cor. 4. quartò, confirmare baptizatos, sine quo sacramento, nullus teste D. Clemente perfectus Christianus esse potest, nec habere sedem inter perfectos, si non necessitate, sed incuria, aut voluntate omittitur. quintò, sacerdotes ordinare, & alios sacros ordines in Ecclesia Dei creare. sextò possunt committere Clericis inferioribus quæ sunt iurisdictionis, nō tamen quæ sunt ordinis episcopalis. septimò sedere pro Tribunali in quolibet loco suæ diœcesis, exceptis locis exemptis. Octauò cogere religiosos, vt ad processiones publicas vadant, illis exceptis, quæ in perpetua clausura degunt. nonò celebrare vbicunque, celebrarique facere etiam tempore generalis interdicti, nisi ipse sit interdictus, vel causam interdicti dederit. decimò, dispensare in omnibus irregularitatibus, & suspensionibus prouenientibus ex delicto occulto, ea excepta quæ ex homicidio voluntario oritur, & alijs deductis ad forum contentiosum. vndecimò absolvere delinquentes quoscunque sibi subditos ab omnibus casibus occultis etiā sedi Apostolici reseruatis. Item in crimine hæresis in foro conscientiae tantum

tum (q̄ illorum Vicarijs non permittitur) vt habetur in Conci. Trid. sess. 24. de re for. ca. 6. duodecimò, dispensare cum homicida, qui non ex proposito, sed casu, vel vim vi repellendo vt se à morte defenderet, homicidium cōmisit, causa cognita, & probatis precibus, vt ad sacros ordines promoueri possit, & in susceptis ministrare, sess. 14. decreto de re for. capit. 7. decimotertio dispensare in gradibus prohibitis in matrimonio aliàs publicè in facie Ecclesiæ seruatis seruandis cōtracto, quando impedimentum fuit, & est occultū, & separatiq; sine magno scandalo, atq; periculo fieri non posset, puta si mulier fuisset cognita carnaliter à fratre Viri antequam matrimonium contraheretur. decimoquartò Episcopi possunt dispensare etiam in Canone, & Concilio ratione consuetudinis præscriptæ, vel ratione magnæ necessitatis, seu utilitatis nouiter emergentis, vel quando Canon dicit, posse fieri dispensationem, licet expressè non dicatur per Episcopum: nam frustratoriè intelligeretur de Papa qui semper potest.

Item Episcopi omnes in sua cuique Diœcesi grauiora quædam crimina præsertim illa, quibus ex-

com-



excommunicationis censura annexa est, sibi reservare possunt: in quibus casibus sacerdotes extra art. mortis nihil possunt; in art. autem mortis nulla est reservatio, ideo omnes sacerdotes quolibet pœnitentes à quibusvis peccatis, & censuris absolvere possunt, sess. 14. ap. 7.

Episcopi, vt officio suo in quod Deus ipsos posuit, satisfaciant; Inprimis ita mores suos omnes componere debent, vt reliqui ab eis frugalitatis, modestiæ, continentię, ac humilitatis exēpla petere possunt. secundò assidue in Dei laudibus incumbere, sacrificium Missæ quolibet saltem die Dominico, in quo Deus lucem condidit, & à mortuis resurrexit, ac Spiritum sanctum in Discipulos effudit, peragere. tertio Seminariorum erectionem, & conseruationem in illorum Diœcesibus, vt adolescentium ætas à teneris annis ad pietatem, & religionem informetur promouere. quarto synodum diœcesanam quotannis habere & Diœcesim per se ipsos, aut si legitimè impediti fuerint per suos generales Vicarios visitare. quinto sanam orthodoxamque doctrinam expulsis hæresibus inducere, bonos mores tuere, prauos corrigere, populum



pulum cohortationibus ad religionē pacem, innocentiamque accendere. sexto instituere per totam illorum Diocesim viros pios, & idoneos, qui gregē eis commissum verbo & exemplo pascant. septimò vti lineis in publico super vestimentis, nisi sint religiosi. octauò constituere iudicem laicum si habent iurisdictionem temporalem, & non interesse vindictæ sanguinis. nonò nullum ordinare nisi constet de debita ætate, de integritate vitæ, & in literis sufficientia, minus beneficia indignis conferre. Vide super his Concil. Triden. de reform. sess. 23 cap. 18. item sess. 24 cap. 2. & 3. Qui igitur Episcopale munus suscipiunt, quæ sunt suæ partes agnoscant, ac se ad labores, & sollicitudines pro Dei gloria vocatos esse intelligant, Et quod de Episcopis dicitur intellige etiam de Patriarchis, Primatibus, & Archiepiscopis, & Metropolitanis, quorum vnus est ordo, & eadem diuina potestas, & qui nomine Episcoporum, in iure veniunt.

Episcopi in debito honore tã apud Clerum, quam populum imò & apud Principes haberi debent; sunt enim veri successores Apostolorum in Ecclesia Christi: sunt patres & pastores suorum  
sub;

subditorum, locum Dei tenentes, ac vicces Christi in Ecclesia agentes. Hinc sacrosancta Trid. Synodus sess. 24. cap. 17. sacros Canones omnes, Conciliaq; generalia, atque alias Apostol. sanctiones ad dignitatis Episcopalis decorē, & grauitatem pertinentes renouando mandat ipsis Episcopis, vt tam in Ecclesia quàm foris, suum gradum, & Ordinem præ oculis habentes, vbique se Patres, & pastores esse meminerint: reliquis verò tam Principibus, quàm cœteris omnibus, vt eos paterno honore, ac debita reuerentia prosequantur. Meritò quidem, quia vt dicit D. Ambrosius in suo past. Honor, & sublimitas Episcopalis, nullis comparationibus adæquari potest. si Regum inquit fulgori compares, & Principum diadema ti, longè inferius hæc erunt, & quâsi metallum ad auri fulgorem comparabis.

## DE ÆTATE.

**Æ**Tas certa, ac determinata in multis, secundum iura, necessariò requiritur, ita vt ante acta non teneant. Primò, in sponsalibus celebrandis; iuxta communem opinionem, ætas se-  
ptem

ptem annorum completorum, tam in mare, quam in foemina desideratur: Secundò, in Matrimonio contrahendo, femina debet esse ætatis duodecim annorum: mas verò quatuordecim, in quo maior ætas requiritur, quia ē principium generationis actiuum. Tertiò in voto professionis religionis approbatæ, ætas sedecim annorum, ut profesos obliget, requiritur, iuxta sanctionē Conc. Trid. sess. 25. de regularibus, & monialibus, cap. 15. Quartò, in ordinibus suscipiendis ad primam tonsurā, & ad tres priores minores ordines, ætas septem annorum desideratur, ad Acolytatum ætas duodecim annorum, ad Subdiaconatum viginti duorum annorum, ad Diaconatum viginti triū annorum, ad Præsbyteratum ætas viginti quinque annorum requiritur, ut habetur in Concilio Tridentino, sess. 23. de reformat. capitu. 12. quòd si quis ante dictam ætatem ordinetur, recipit quidem characterem, sed non executionem: vnde talis quoties celebrat solenniter in Ordine suscepto, vsque ad completum tempus, nisi secum sit dispensatum, peccat mortaliter, non tamen fit irregularis. Quintò, in iuramento requiritur pubertas, quæ in  
mare

mare incipit post completum decimū quartum annū, & in fœmina post duodecimum annum: eadem ætas in testamentis, & in electione sepulturæ requiritur.

Quærenti modò, quomodo cognosci possit, vtrum ætas completa requiritur, vbi non constat de mente statuentis, seu disponentis? Respondetur, quādo ætas profertur in genitiuo, tunc requiritur, quòd sit completa; quando profertur in ablatiuo cum ista præpositione ( in ) non requiritur, quòd ætas sit completa, sed sufficit, quòd sit inchoata, quando profertur in ablatiuo sine præpositione, tunc requiritur, quòd sit completa: quando profertur in accusatiuo cum ista præpositione ( ad ) tunc sufficit annum expressum in iure inchoasse: quando demùm ætas profertur in accusatiuo cum verbo significante rem profectā, vt in præpositione ( per ) vel cum futuro coniunctiui modi, tunc requiritur, quòd sit completa: sed sine tali verbo, si de re fauorabili agatur, sufficit ætatem ibi expressam inchoasse; si de re odiosa, tunc requiritur, quòd ætas ibi nominata sit completa. Quare ex his patet, vbi non constat de mente statuentis, quando ætas requiritur completa,

pleta, & quando sufficit eā inchoasse.

Sex ponuntur ætates in mundo, sicut & in homine: prima ætas mundi fuit ad Adam vsq; ad Noe, in qua fuit hominis institutio & lapsus: secunda fuit à Noè, vsque ab Abraham, in qua destructio & reuocatio humani generis per diluuium facta est. tertia fuit ab Abraham, vsque ad Dauid, in qua Circuncisio & Lex data est: quarta à Dauid vsque ad transmigrationem Babilonis, in qua populi Iudæorum captiuitas fuit: quinta à transmigratione Babilonis, vsque ad Christum, in qua eiusdē liberatio facta est: sexta à Christo vsque ad finem mundi, in qua redemptio humani generis facta est. Ab exordio mundi secundum Eusebium Cæsariensem, & diuum Hieronymum, vsque ad incarnationem Filij Dei, fuerunt anni 5226. Orosius tamen in suis scriptis ad diuum Augustinum, habet, quòd ab Adam vsque ad Christum fuerunt anni 5189.

## DE EUCHARISTIA.

**E**Vcharistia vox Græca. Latine Bona gratia, sic dicta: quia Christum plenum gratiæ in se continet. Eucharistia

stia est Sacramentum nouæ Legis à Christo institutum, in sua vltima cœna, vt legitur apud omnes sacros Euangelistas, in quo tria cadunt, sicut in cœteris Sacramentis nouæ Paginæ, videlicet sacramentum, res, res & sacramentum simul. In Eucharistia sacramentum tantum, sunt species panis, & vini, res tantum, est vnitas Ecclesiæ cum Christo, nutrimentum quæ vite spiritualis; res & sacramentum simul, est corpus Christi verum, ibi realiter contentum: quo ad primum, præcipua figura Sacramenti Eucharistiæ fuit oblatio Melchisedech, Gen. 14. quo ad secundum, potissima figura eius fuit manna, Exod. 16. quo ad tertium, præcipua figura Sacramenti Eucharistiæ fuit immolatio agni paschalis, Exo. 12. Christus enim contentus in hoc Sacramento agnus dicitur, Ioann. 1.

Materia Sacramenti Eucharistiæ, in quantum sumitur per modum cibi, est panis triticeus, aqua naturali confectus, non distinguendo. vtrum sit azymus, vel frumentatus: nam circa materiam Eucharistiæ necessarium est, vt panis sit triticeus, conueniens autem, vt sit azymus: quia Christus prima die azymorum instituit hoc Sacramentum,

tum, vt habetur Matthæi 26. qua die iussu Dei nihil fermentatum erat in domibus Iudæorum, Exod. 12. Vnde in pane confecto ex aqua artificiali, puta rosacea, neque in pane hordeaceo, neque in pane exspeltai, neque in pane ex farre, potest confici hoc Sacramentum: in pane tamen siliginis tenet, quia filito generatur ex tritico seminato in agro sterili: nunquam tamen ex tritico nascitur spelta, seu hordeum, seu far.

Materia huius Sacramenti, in quantum sumitur per modum potus, est vinum vitis aqua permixtum: in hoc enim liquore Christus confecit, vt habetur Luc. 22. vnde in agresta, in aceto, & in vua, hoc Sacramentum confici non potest, quod si in musto teneret. Mixtio aquæ in calice, non est de necessitate Sacramenti, sed solum de necessitate præcepti, ad designandum effectum huius Sacramenti, qui est vnitas, seu incorporatio populi cum Christo, & ratione misterij: quia hoc Sacramentum est commemoratiuum passionis CHRISTI, ex cuius latere, vt habetur Ioannem decimum nonum exiuit sanguis, & aqua.

Forma consecrationis panis est ista: Hoc est enim corpus meum, quæ dicitur conueniens ex quo exprimit, quod fit in Sacramento, nempe conuersione substantiæ panis in substantiam corporis Christi: verum dictio illa enim non est de substantia formæ, propterea illa omissa, consecratio tenet, licet celebrans eam ex negligentia, vel ex contemptu omittens, peccet mortaliter. Dicitur in forma consecrationis panis, Hoc est, & non dicitur, Hoc fit, quia hæc conuersio sacramentalis non est successiua, sed instantanea: nam hæc conuersio in Sacramento, non fit operatione humana, sed virtute diuina, quæ operatur in instanti.

Forma consecrationis vini est ista: Hic est enim calix sanguinis mei, noui & æterni testamenti, mysterium fidei: qui pro vobis & pro multis effundetur in remissionem peccatorum; Verum secundum communem opinionem Doctorum, quatuor illa verba, scilicet; calix, æterni, mysterium, & fidei, non sunt de substantia formæ consecrationis vini, Græci enim sine his consecrant, & verè conficiunt. Quinimò secundum aliquos, inter quos est Caietanus solum hæc quatuor verba, nempe:

Hic



Hic est sanguis meus: sunt de substantia formæ: quandoquidem illa dicitur perfecta forma Sacramenti, quæ exprimit quod in eo fit: sed quatuor verba recitata exprimunt quod fit in Sacramento, conuersionem, scilicet, vini in sanguinem Christi: ergo substantia formæ consecrationis vini in his verbis consistit: tamen Sacerdos, qui deuiat à forma accepta, & approbata vniuersaliter ab Ecclesia, peccat mortaliter.

In Sacramento Eucharistiæ, vt docet D. Thomas 4. sentent. & 3. part. suæ Summæ, septem præcipua sunt admiratione digna: Primum, quòd corpus Christi existens in cælo localiter, incipit esse in Altari absque sui mutatione; sed per alterius conuersionem in ipsū. Secundum, quòd substantia panis, facta conuersione, non remanet: tamen neque corrumpitur, neque annihilatur, sed conuertitur in Christi corpus. Tertium, quòd substantia panis conuertitur quidem in substantiam corporis Christi, non tamen in animam, minus in diuinitatem: quia hæc ibi sunt, non ex vi Sacramenti, sicut est corpus Christi: sed concomitanter. Quartum, quòd multiplicantur hostiæ consecratæ, non autem multiplicatur Christi cor-

corpus, minus augetur : sed vnum atq; idem Christi corpus est in multis hostijs consecratis. Quintum, quòd corpus Christi in hostia consecrata quantumuis parua cum omnibus suis dimensionibus continetur : quia ibi est per modum substantiæ, cuius non est occupare locum. Sextum, quod fracta hostia consecrata non frangitur, minus diuiditur Christus: quia ibi est, nõ per modum quantitatis, sed per modum substantiæ, de cuius ratione est indiuisibilitas. Septimum, quòd accidentia in hoc Sacramento virtute diuina, sine subiecto existunt, cum omnibus proprietatibus, quæ prius erant substantiæ panis: nutriunt enim, corrumpuntur, resoluuntur, &c. meritò igitur Dauid Spiritu sancto afflatus, de hoc Sacramento loquens, Psal. 110. dixit: Memoriam fecit mirabilium suorum misericors, & miserator Dominus, escam dedit timentibus se.

Effectus præcipui Eucharistiæ sunt tres: primus est collatio gratiæ, Ioann. 6. Panis, quem ego dabo, caro mea est pro mundi vita: secundus est præseruatio à peccati morte, Ioan. 6. Hic est panis de cælo descendens, vt si quis ex eo manducauerit, non moriatur. tertius

esse.

effectus Eucharistiæ est vita æterna, Ioann 6. Si quis manducauerit ex hoc pane uiuet in æternum. Alij autem effectus Eucharistiæ minus principales, sunt remissio peccati venialis, remissio peccati mortalis obliui, & remissio pœnæ pro peccatis Actualibus debitæ: quia Eucharistia rationem sacrificij etiam habet.

Minister Eucharistiæ est solus Sacerdos legitimè ordinatus: ipsius enim est seruatis seruadis corpus, & sanguinem Christi conficere, fidelibusque dispensare, id, quod quilibet Sacerdos, quantumcunque nefarius, etiam schismaticus, hæreticus excommunicatus, & degradatus præstare potest: quia character sacerdotalis, super quo potestas conficiendi Sacramentum Eucharistiæ fundatur, est indelebilis: vnde malitia Sacerdotis non tollit characterem, neque potestatem, sed bonitatem:

licet tales sic conficientes,

tantumque Sacramen-

tum tractantes,

seu admini-

stran-

tes, grauiter pec-

cent.

## DE EXCOMMVNICATIONE.

**E**Xcommunicatio est censura quædam, siue pœna, qua Ecclesia contra rebelles vtitur, quæ fundamentum suum habet in veteri Lege. Nume. 12. per separationem leproforum. Iosue 6. & Zach. 4. in nouo Testamento, Ioan. 4. & 9. cap. item Matt. 18. Si Ecclesiam non audierit, sit tibi sicut ethnicus, & publicanus. Hæc pœna ecclesiastica fuit in vsu tempore Apostolorum: nam legitur 1. ad Timoth. 1. & 1. Corinth. 5. quòd diuus Paulus Blasphemum, & fornicarium excommunicauerit.

Excommunicatio communiter ponitur duplex, maior, quæ alio nomine dicitur anathema, & minor. Excommunicatio minor, est separatio à participatione Sacramentorum, & ab electione passiuè: quæ, quantum ad Deum, contrahitur pro quolibet peccato mortali: quantum verò ad Ecclesiam, ipso iure in quinque potissimum casibus incurritur: primò, cum quis excommunicat excommunicato maiori in casibus non concessis. secundò, cum quis sacri legium committit, licet quandoq; per tale facinus maior incurratur. tertio,

per

per notoriam fornicationem, maxime in Clerico. quartò, propter simoniam, licet iam per eam commissam in beneficio, vel ordine maior icurratur. quintò, per ea, quibus sepultura ecclesiastica negatur, puta si quis temerè semel in anno Sacerdoti peccata non confitetur, & ab hac quilibet Sacerdos expositus ad audiendas Confessiones, absolvere potest.

Excommunicatio maior, siue à iure, siue ab homine, est exclusio, seu separatio à participatione Sacramentorum, ab actu electionis actiue, & passivè, & à communione fidelium. Excommunicatio à iure differt in tribus ab excommunicatione, quæ dicitur ab homine. primò, quòd excommunicatio à iure etiam latore mortuo durat: excommunicatio verò ab homine mortuo latore, amittit suam vim. secundò, quòd excommunicatio à iure, tempus futurum tantum respicit: excommunicatio autem ab homine respicit etiam præteritum. tertio, quòd excommunicatio à iure ligat, nulla admonitione præcedente: excommunicato verò ab homine, non valet, nisi præcedat trina, vel vna pro trina munitione.

Excommunicatio vt teneat, & ex-

communicatum liget, tria debent præcedere, scilicet: peccatum mortale, tria monitio, & contumacia, quæ tria accipimus, Matthæi 18. vbi Christus hanc potestatem suæ Ecclesiæ tradidit. Primum ibi: Si peccauerit in te frater tuus. secundum ibi: Corripe illum inter te & ipsum solum, ecce prima monitio. Adhibe tecum vnum vel duos testes, ecce secunda monitio. Dic Ecclesiæ, ecce tertia monitio, tertium ibi: Si Ecclesiam non audierit: nam vbi ista accedunt, tunc reus iuxta processum euangelicum venit excommunicandus; Sit tibi, inquit Christus, sicut ethnicus, & publicanus.

In quinque, secundum iura, non licet participare cum excommunicatis. primò, in locutione. secundò, in diuinis. tertio, in salutatione. quartò, in exercitio, seu habitatione. quintò, in comestione. Quòd cum huiusmodi participare non liceat, vt inde redeant ad cor, sacræ literæ docent, vt 1. Cor. 5. & in secunda epistola D. Ioannis, ibi. n. salutatio, habitatio, & sumptio cibi cū excommunicatis interdicitur: Verum in quinque casibus aliquis potest participare cum excommunicato absque peccato. primò, propter vtilitatem, si

ne excommunicati, puta vt conuertatur, siue participantis, exempli gratia, vt suum exigat. secundò, propter necessitatem. tertio, propter ignorantiam. quartò, propter vinculum Matrimonij. quintò, propter subiectionem, vt filij familias cohabitantes parentibus excommunicatis, excusantur à peccato.

Excommunicatio in quinque casibus est nulla. primò, si ferens excommunicationem non habet potestatem, puta si non est iudex excommunicati. secundò, si ferens est excommunicatus publicè, vel violator interdicti. tertio, si fertur contra personam priuilegiatā, quo ad hoc. quartò, si fertur post legitimam appellationem. quintò, si sententia continet intolerabilem errorem: est autem intolerabilis error, vt si præcipiatur illicitum, puta furari, vel prohibeatur bonum de se, vt colere Deū, & pauperibus dare eleemosynam, vel si precipiatur impossibile, vel si pronūcietur expressè contra ius: in his enim casibus excommunicatio lata nulla est, ex consequenti non ligat. Quare omnis excommunicatio, vel est iusta, vel iniusta, vel nulla; si iusta, ligat apud Deū, & apud homines; si iniusta,

ligat apud homines, & non apud Deū; si nulla, neque apud Deum, neq; apud homines ligat. Quærenti autem, quæ differentia sit inter excommunicationem, quæ dicitur nulla, & excommunicationem, quæ dicitur iniusta? Respondetur, quòd excommunicatio nulla, non est timenda, hoc est, executioni non est mandanda, neque in publico, neque in occulto: excommunicatio verò, quæ dicitur iniusta, est timenda, hoc est, executioni venit mandanda in publico, licet non in occulto.

## DE EXECVTORE.

**E**Xecutor dicitur qui rem iudicatam ducit ad effectum, & est duplex, scilicet, merus, & mixtus. Executor merus dicitur, vt quando causa est cognita à Superiore, & simplex ac mera executio ei demandatur. Executor verò mixtus dicitur ille cui aliquid à superiore iniungitur exequendum simpliciter. Ab executore mero appellari non potest, nisi sententiæ modum excederet, sed bene ab executore mixto, qui rationabiles exceptiones admittere debet. In causis Ecclesiasticis merus executor potest esse quilibet Clericus:

*mix-*



mixtus verò non, si commissio fit Auctoritate sedis Apostolicæ, tunc executores debent esse in dignitate constituti, vel Canonici Cathedralis Ecclesiæ.

Executores testamentorum possunt dari, ac deputari tam laici, quàm Clerici seculares, etiam religiosi, dummodo illa ex regula, vel Constitutionibus sui Ordinis, non sit prohibitum: serui autem, surdi, muti, prodigi, furiosi, & huiusmodi in iure non admittuntur. Si deputentur tres, vel quatuor executores testamenti simpliciter, vno mortuo, vel renuente exequi, aut existente in partibus remotis, alij possunt liberè procedere: secus autem si deputentur aliqua limitatione, puta quod vnus sine alio nihil facere possit, tunc seruandum est, quod testator statuit. Deputatus executor à testatore: si non præbuit consensum, potest recusare, neque teneatur acceptare tale munus: In legatis tamen ad pias causas Episcopus potest deputatum executorem testamenti citra acceptionem compellere, quod vt delegatus saltem, mentem testatoris exequatur, & vbi testator certum tempus non statuit, seruandum est tempus à iure statutum, nempe vt infra sex menses, debita executio in legatis ad pias

causas, sequatur, intellige à die insinuationis testamenti.

Si executor est negligens in legatis ad pias causas, post binam monitionem, executio deuoluitur ad Episcopum, intellige quando executor habet bona in promptu de quibus potest legata implere. & tamen negligit. Ordinariè autem huiusmodi executio non deuoluitur ad Episcopum, nisi post annum à die mortis ipsius testatoris, sciètiæ, & aditæ hæreditatis Richar. in 4. dist. 45. Quòd si testator reliquit quædam bona viginti pauperibus, per Parochum suum declarandis, & nominandis, elapso anno declaratione non facta, talis facultas nō intelligitur propterea deuoluta ad Episcopum: quia præfactum statutum loquitur de exectore, & de tali haberet locum, ita vt non posset amplius se intromittere, & nō de declaratore sicut in casu nostro, qui non executoris, sed potius iudicis partes agit. Quid si testator reliquit executori testamenti aliquid distribuendum vbi ei videbitur? respondetur, quod cum in testamentis semper melior interpretatio fieri debeat, medietas esset danda pauperibus, & medietas pijs locis: sic enim saluti animæ ipsius testatoris

ris optimè consuleretur.

Dilatio executionis testamenti in legatis ad pias causas, præiudicat animæ testatoris, duplici ratione. primò, quia si huiusmodi pia legata non implètur orationes, & Suffragia pro anima defuncti in specie ad eius alleuiationem, & celeriolem expeditionem à pœnis Purgatorij, non fiunt. secundò quia anima in charitate decedens, aliquid tamen purgabile secum portans, in hac vita meruit, vt eleemosinæ si pro ipsa dentur, profint ad alleuiationem, & breuiationem pœnæ, quod non sequitur si differantur huiusmodi legata ad pias causas impleri. Quare quanto citius implentur, tanto citius anima alleuiatur, & liberatur à pœnis: è contrà autem quanto tardius implentur, tanto tardius liberatur: vnde patet, quod grauiter peccent, qui huiusmodi pia legata implere differunt, nec carent etià culpa illi, qui executionem testamenti non per modicum tempus differunt, vt bona carius vendant, & inde largiores eleemosinas pro anima defuncti faciant.

## DE EXEMPTIS.

**E**Xemptus propriè dicitur qui iurisdictioni Ordinarij non subest: proinde in causis exemptorum solus Papa, vel Legatus eius de latere cognoscere potest. Vnde eximere est Apostolicæ sedis, tam ratione loci, quam ratione personæ. Ratione loci puta! Monasterij, vel Ecclesiæ, quibus exemptis, etiam Monachi, Conuersi perpetuò oblati, Canonici & Clerici intelliguntur exempti: non autem Curati eiusdē Ecclesiæ, intellige quantum ad ea, quæ curam animarum concernunt, sic nec ipsi Parochiani sunt exempti à iurisdictione Ordinarij loci, vt habetur in Conc. Trid. de reform. sess. 7. cap. 7. & infra sess. 21. cap. 8. Item sess. 24. ca. 10. Ratione verò personæ, & non loci, puta Capellani, & familiares Papæ: tales enim nec ratione delicti possunt puniri à locorum Ordinarijs.

Priuilegium concessum personis respectu certi loci, non extenditur ultra locum: quia tale priuilegium censetur potius reale, quàm personale. Similiter si Canonici alicuius Ecclesiæ eximantur, eo casu ipsi soli sunt exempti, &

non

non illorum Ecclesia, neque alij Clerici eiusdem Ecclesiæ: secus si Clerici in ipso Priuilegio eximantur, tunc exemptio nedum ad Canonicos, sed etiam ad alios omnes Clericos illius Ecclesiæ, se extendit, non autem ad conuersos, vel oblatos, vel Ecclesiam, nisi expressè in Priuilegio exemptionis habeatur.

Exemptio tam locorum, quam personarum probatur, & cognoscitur ubi in Priuilegijs habentur hæc, vel similia verba. Sententiando, vel declarando Ecclesiam, seu Monasterium tale ad ius, & proprietatem Romanæ Ecclesiæ pertinere, vel iuris Beati Petri existere, aut ad Romanam Ecclesiam specialiter, vel sine medio, vel simpliciter pertinere. Aut si dicatur in priuilegio, quòd Ecclesia sit libera, vel quod potiatur libertate Ecclesiæ Romanæ, vel quod Episcopus nō audeat illic Cathedram collocare, seu aliquod imperium, vel potestatem exercere. Aut si in Priuilegio Papæ legitur, quod eximitur à potestate Episcopi, vel recipiantur in proprios subiectos; per huiusmodi enim verba, vel similia exemptio locorum, ac personarum probatur, & cognoscitur: secus autem si habeatur in Priuile-

gio quod recipiantur sub defensione, vel protectione, vel in filios, tunc neque loca, neque personæ essent propterea exemptæ à Iurisdictione Ordinarij.

Exemptus notoriè, citatus ab ordinario, non tenetur comparere, & sententia lata tanquàm contra contumacem, non valet, vtpotè quia à non iudice lata, si verò non constat notoriè, qđ sit exemptus, eo casu, citatus ab Ordinario, tenetur comparere, & allegare Priuilegium, illudque infra terminum competentem ipsi Ordinario in loco, congruo, & securo exhibere. Pendente autem lite super validitate Priuilegij, quis non potest, neque debet priuari, vel interdici vsu possessionis, aut turbari in possessione, etiam si possessio sit contra ius, dummodo ex aliqua probatione, licet non sufficienti, ille iustificet possessionem, ratio est, quia Priuilegiũ ex se est fauorabile.



# DE FESTIS

## SEU FERIIS.



Esta, secundum D. Ant. 2.  
 part. suæ Summæ tit. 9. ca.  
 7. dicuntur feriæ, eo quod  
 vacationem ab his, quæ  
 in foro iudiciali agi con-  
 sueverunt, præstent, & sunt in triplici  
 differentia, scilicet, repentinæ, tempo-  
 ranæ, & solennes institutæ ab Eccle-  
 sia, de quibus cæteris omissis, nunc in-  
 tendimus: Vnde licet Princeps, & Ci-  
 vitas etiam possint indicere festa; ta-  
 men festa indicta à Magistratu secula-  
 ri non obligant subditos ad eorum ob-  
 servantiam, sub pœna peccati, sicut o-  
 bligant festa indicta ab Ecclesia, cuius  
 solius propriè est festa instituere. Qua-  
 re violatores festi indicti à magistratu  
 seculari, pœnam corporalem tantum  
 incurrunt, violatores verò festi indicti  
 ab Ecclesia, pœnam & culpam simul  
 incurrunt.

Festa

Festa introducta sunt in honorem Dei: propterea diebus festiuis, vacandum est cultui diuino, & abstinendum ab omni opere seruili corporali, vtpotè quod impedit applicationem hominis ad diuina, & factum in die festo, nisi subsit rationabilis causa, puta, pietas, aut necessitas, peccatum mortale inducit: Opera autem seruilia sunt in duplici differentia, quædam ex genere suo, vt artes mœchanicæ, arare, suere, & his similia: quædam verò dicuntur seruilia, in quantum transeunt in communia, vt seruitia Medicorum, aromathariorum, scribarum, & huiusmodi. Opera seruilia primi generis prohibentur fieri in die festo, sub pœna peccati mortalis, & illis violatur festum: Opera verò secundi generis sunt licita, neque illis violatur præceptum de sanctificatione festi, audita Missa, & euitato scandalo.

In veteri Lege festa præcipua, quæ iussu Dei celebrantur, erant septem, scilicet, Pascharis, Pentecostes, Zenophegiæ, Neemeniæ, Turbarum, Enceniorum, & Sabbat. Festa verò nostra Christiana sunt, omnes dies Dominicales, Natiuitatis Christi, Circumcisionis, Epiphaniæ. Resurrectionis cum duobus



bus diebus sequentibus, Ascensionis, Pentecostes cum duobus diebus sequentibus, Corporis Christi, quatuor festa Sanctæ Mariæ Purificationis, Annunciationis, Assumptionis, & Natiuitatis, festum Ioannis Baptistæ, duodecim Apostolorum, Stephani, & Laurentij Martyrum, omnium Sanctorum, & Inventionis S. Crucis: in alijs verò festis quilibet debet se conformare consuetudini locorum.

Præceptum de obseruatione Sabbati, duo in se includebat, scilicet, vacationem diuini cultus, & taxationem temporis: ratione primi, fuit morale, ideò durat: ratione secundi, fuit ceremoniale, propterea cessauit, mutatumque est in diem Dominicum, ne videamur iudaizare, quo die mundus sumpsit exordium, Verbum est factum caro, Christus à mortuis resurrexit, & Spiritus sanctus est datus. Quare sicut in veteri Lege Sabbatum celebrabatur in memoriam beneficij creationis: ita nunc in noua Lege celebratur dies Dominicus, in memoriam beneficij Redemptionis, & iustificationis nostræ, quæ ex resurrectione Christi facta die Dominico pendet. Roman. 4. Traditus est propter delicta nostra, resurrexit

xit propter iustificationem nostram.

Circa principium, & finem festorū, hoc est, quando incipiunt, & quando terminantur, consuetudini locorum standum est: communiter tamen festa seruantur à Vespera, vsque ad Vesperā sequentis diei: verū si sit aliqua ars, vt futoria, vel barbitonforia, quæ consuevit à media nocte, in aliam mediā noctem celebrare festa, talis consuevudo, secundū Caietanum, tuta conscientia seruari potest, idem sentire videtur Summa Tab.

Violatur festum, & per consequens peccatur mortaliter in festo tripliciter: primò, omittendo diuina, puta Missā, quæ cadit sub præcepto in die festo. secundò, faciendo opus seruite prohibitum, vt arare, fuere, & alia id genus. tertio, committendo aliquid de prohibitis fieri in diebus festiuis, puta formare processus, dare iuramenta, ferre sententiam mortis, & his similia: Verū tales quandoque excusantur à mortali, vel ratione intentionis, vt quando quis non habet voluntatem, & intentionem violandi festum, verbi gratia, si seruus cogatur à suo domino laborare in die festo: vel ratione modicitatis operis seruilis, parum enim pro nihilo

reputatur: vel ratione pietatis, aut necessitatis vrgentis, vt quando quis facit opus seruale in die festo, non causa lucri, sed succurrendi gratia miserabilibus personis, aut propriæ, vel proximi necessitati: Excusantur etiam ex cōsuetudine generali coqui, caupones, nautæ, exercentes sua artificia diebus festiuis, audita Missa, &c.

Causæ ergo excusantes opera seruilialia corporalia facta in die festo, sunt quatuor. prima, est cultus diuinus, vt portare crucem, pulsare campanas, ornare Ecclesias diebus festiuis, licet nec inde violetur festum. secunda est pietas, vt quando quis exercet iudicialia pro miserabilibus personis diebus festiuis, ne perdant diurnum laborem, eis necessarium ad victum. tertia necessitas sui ipsius, vel proximi, seu Reip. vt quando quis suis manibus laborat pro necessario victu, vel ædificat pontem pro publica vtilitate. quarta est coactio, vt quando quis cogitur à Superioribus etiam diebus festiuis laborare, aut ei graue malum, seu damnum imminet. Istæ enim sunt causæ excusantes eos, qui opera seruilialia corporalia diebus festiuis faciunt à violatione præcepti, & à peccato.

Festa, quando transferuntur, vt contingit in Dominicis Quadragesimæ, transferuntur solum, quo ad officium, non autem quo ad cessationem ab operibus seruilibus, vt notat D. Anton. in sua Summa : quia Ecclesia statuit festa obseruanda, & sanctificanda esse, illa die qua occurrunt, & per consequens, tunc cadunt sub præcepto, & non in die translationis ipsorum.

## DE FEVDO.

**F** Feudum est concessio rei immobilis facta pro homagio, ita vt dominium pœnes concedentem remaneat. Vnde de natura feudi sunt octo. Primò, vt dominus retineat sibi directum dominium, ac proprietatem. secundò, vt vtile dominium transeat in vasallum. tertio, quòd dominus habeat ciuilem possessionem, & vasallus naturalem. quartò, quòd consistat in rebus immobilibus. quintò, quod si vasallus cōstitutum seruitium domino non præstiterit, à feudo repellatur. sextò, vt sine voluntate Domini feudum alienari non possit: quinimò sine voluntate Domini vasallus feudum impignorare, aut alteri dare non potest. Septimò, quòd

quòd in feudo fœmina succedere non potest, nisi fuerit conuentum, quod deficiētibz masculis ad fœminas deuoluatur: quia feudum datur propter seruitium, mulier autem seruire non potest æquè benè vt vir: secus in re Emphiteotica. octauò, quòd vassallus sine voluntate domini potest dimittere feudum, non autem emphiteota: quia feudum datur ad vtilitatem vassalli: emphiteotica verò res traditur ad vtilitatem domini, idest, vt melioretur.

Feudum est multiplex, aliud regale, aliud non regale. Aliud simplex, aliud conditionatum. Aliud paternum, aliud maternum. Aliud reale, quod transit ad hæredem, aliud personale, quod solum ad vitam vnus conceditur. Aliud francum, scilicet in seruitijs exhibendis, aliud non francum. Aliud nobile, quod possessorem nobilitat, aliud burgense, scilicet, quod non nobilitat. Aliud est etiam ecclesiasticum, & hoc est triplex. primum, quod datur Ecclesiæ. secundum, quod recipitur ab eadem. tertium, quod datur, vel recipitur à Clerico.

Res immobiles Ecclesiæ de nouo in feudum dari nequeunt: quia Prælati hoc iurant licet res, quæ prius erant  
feu-

feudales, possint iterum infeudari. putà si vassallus propter aliquam causam, feudum perdidit, eo casu Prælatus poterit alteri concedere. Et hoc potest Prælatus etiam sine solennitate, non obstante licentia, vel iuramento de nō alienando. Quinimō Ecclesia non valens per se recuperare feudum de manibus potentis, aliàs de iure devolutū, potest illud potentiori concedere, ut sic illud recuperet, omni fraude postposita. Dare in feudum potest quilibet, tam masculus, quàm fœmina; tam nobilis, quàm rusticus, modò habeat legitimam administrationem suorum bonorum.

Feudum acquiritur quatuor modis. primò per inuesturam, putà cū dominus tradit alicui possessionem rei immobilis corporaliter. secundò per id, quod habetur loco inuestituræ, ut cū dominus dicit alicui: Vade in possessionem illius feudi, & teneas pro feudo. tertio præscriptione, ut si quis triginta annis tenuit feudum, & domino serviuit, licet nō fuerit inuestitus. quarto, successione ab intestato: quia ordinatio defuncti facta in feudo non valet.

Feudum amittitur multis de causis.  
pri-

primò, si vassallus fiat Clericus, vel religiosus: quia tales non succedunt in feudo. secundò, si hæres vassalli steterit per annum & diem, quod non petiuerit inuestituram feudi à domino: similiter si vassallus ipse post mortem domini non petiuerit ab hæredibus eius, quod verum est, nisi vassallus fuerit minor quatuordecim annis, aut ista causa impedierit. tertio si vassallus ter requisitus, fidelitatem iurare noluerit. quarto, si vassallus infeudauerit feudum aliter, quàm ipse habeat in inuestitura. quinto, si vassallus interficit germanum domini, vel germani filium, vel si in prælio dominum non mortuum, nec vulneratum ad mortem reliquit: propter enim has, & alias multas ingratitudines, feudum amittitur. sexto, si vassallus scienter negauerit feudum, vel partem, seu conditionem eius: secus si ignoranter. septimò, si dominum accusauerit, aut testimonium contra illum in causa criminali tulerit: secus in causa civili, secundum aliquos.

Clericus ad sacros ordines etiam promotus, succedit in feudo, ratione cuius vassallus tenetur solum præstare reale seruitium, vel personale. non



repugnans Ordini eius: nam per clericatum iura successionis non perduntur. Item Clericus succedit in feudo, quando feudum nō erat sibi apertum, putà quia erant tres fratres, & primogenitus feudum possidebat, & ipse existens: vltimus effectus est Episcopus siue Canonicus, deinde mortui sunt alij fratres sine hærede, in tali casu Clericus succedit in feudo: quia dici non potest, habuisse animum renunciandi, vti tenet Hal. in l. quisquis, C. de Epis. & Cler.

## DE FIDE.

**F**ides virtus Theologica, vt docet D. Paulus ad Hebr. 11. est substantia rerum sperandarum, argumentum non apparentium. Ad fidem directè, ac principaliter pertinent solùm articuli fidei: secundariò verò, & indirectè omnia, quæ sunt in sacra Scriptura & doctrina Ecclesiæ, tanquam prædictorum declaratiua. Articulos fidei quilibet, vbi peruenit ad vsum rationis, scire tenetur explicitè, sub reatu lethalis criminis: alia autem credibilia, sufficit credere implicitè.

Articuli fidei sunt in duplici differentia,



rentia, quidam ad maiestatem diuinitatis pertinent, & quidam ad mysteriū humanitatis Christi. Articuli fidei nostræ, spectantes ad diuinitatem, sunt sex: ratio est, quia Deo tria nobis credenda proponuntur, scilicet: vnitas essentia, trinitas personarum, & opera deitatis propria. modò articulus vel est de Deo ratione naturæ, & sic habemus primum: Credo in vnum Deum. vel est de Deo ratione personæ, & habemus secundum articulum: Patrem omnipotentem, & in Iesum Christum filium eius, & in Spiritum sanctum, vel est de Deo ratione effectus, & tunc, aut pertinet ad esse naturæ, & habemus tertium articulum: Creatorem Cœli, & Terræ. aut pertinet ad esse gratiæ, & habemus quartum articulum, Sanctorum communionem, remissionem peccatorum, aut pertinet ad perfectionem ac nouitatem vitæ, & habemus quintum articulum: Carnis resurrectionē. aut pertinet ad esse gloriæ, & habemus sextum articulum. Vitam æternam. Similiter articuli spectantes ad mysterium humanitatis Christi, sunt sex, primus est de eius conceptione & natiuitate, ibi, Conceptus est de Spiritu sancto, natus ex Maria Virgine. secundus est

est de passione, morte, & eius sepultura, ibi: Passus sub Pontio Pilato, crucifixus, mortuus, & sepultus. tertius de descensu eius ad inferos, ibi: Tertia die resurrexit à mortuis. quintus de ascensione, & eius sessione, ibi: Ascendit ad coelos, sedet ad dexteram Dei Patris. sextus est de aduentu eius ad iudicium, ibi: Inde venturus est iudicare viuos & mortuos.

Fides inter virtutes theologicas primum locum tenet, quia est basis, & fundamentum aliarum virtutum: nam fides potest dare sine spe, & charitate, non tamen è contrà. Fides est necessaria simpliciter homini ad salutem, vt habetur, Hebr. 11. Sine fide impossibile est placere Deo, & Matth. vlt. Qui verò non crediderit, condemnabitur: Quinimò eius confessio est saluti humanæ necessaria, Rom. 10. Corde creditur ad iustitiam, ore autem confessio fit ad salutem: at quoniam confessio fidei spectat ad præceptum affirmatiuū, propterea homo non obligatur ad eā, nisi pro loco, & tempore, hoc est, quoties debitus honor Deo, vel vtilitas proximo impedenda subtrahitur: quando verò confessio fidei esset solum ad perturbationem infidelium, tantum  
abest

abest, quòd eo casu esset laudabilis, vt potius esset damnabilis, iuxta illud, Matth. 7. Nolite sanctum dare carnib.

Disputare de fide, vti dubitans de ea, est peccatum: disputare autem de fide ad consultandos errores, seu ad exercitium, est laudabile. Disputare de fide coràm firmis, ac confirmatis in ea, vbi nullum cadit periculum, licitū est: disputare autem de fide coram infirmis, & titubantibus in ea, si tales sūt sollicitati ab hæreticis, licet, vt non seducantur, si verò non sunt vexati ab hæreticis, disputare de fide coram eis non expedit: quia sic potius destruitur, quàm ædificetur.

## DE FILIIS.

**F**iliorum octo sunt genera nempe Spuriij, Manseres, Nothi, legitimi tantum, Spirituales & legitimi, spirituales tantum, Naturales & legitimi, & Naturales tantum. Spuriij dicuntur, & sunt omnes nati ex illicito coitu, excepto Adulterio & simplici fornicatione. Manseres propriè dicuntur nati ex adulterio. Tales in bonis neque Patri, neque coniunctis per lineam paternā succedunt. Imò secundum iura pater

huiusmodi filios instituere hæredes nō potest, sed bene illis aliquid ratione alimenterum relinquere: quinimo parentes instinctu naturæ tenentur eos alere secundum facultates ipsorum. Nota quod licet spurij & manseres nequeant institui hæredes è parentibus, nec ipsi suos parentes hæredes instituere valeant: tamen ab extraneis possunt institui hæredes, & extraneos etiam instituere suos hæredes.

Nothi dicuntur nati de Concubina soluta domi retenta à soluto, qui eam in vxorem ducere posset, & tales non existentibus filiis legitimis, vel nepotibus, succedunt patri: secus non, & eo casu si pater nihil illis reliquit, in nullo succedunt, sed à legitimis debent tantum alimentari. Pater non habens filios legitimos, potest tales instituere hæredes de iure Ciuili, cuius dispositioni in materia hæreditatis standum est vbi ius Canonicum oppositum non statuit. Legitimi tantum dicuntur qui sunt adoptati, vel arrogati in filios: tales dicuntur legitimi tantum, quia nō natura, sed legis institutione atque beneficio sunt filij, & isti succedunt patri legitimo simul cum filiis legitimis naturalibus.

Spirituales & legitimi dicuntur suscepti de sacramento baptismi, vel Cōfirmationis, tales in nihilo succedunt: quia cum sint spirituales ad temporalia se non extendunt. Filij spirituales tantum sicut omnes Christiani filij Papæ, & omnes de Diœcesi filij Episcopi, qui pariter in nihilo succedunt parentibus suis. Naturales & legitimi dicuntur qui naturaliter ex legitima parentum coniunctione approbata per leges sunt generati. tales etiam ab intestato succedunt parentibus, omnibus alijs exclusis. Filij naturales tantum persequens matrimonium inter patrē, & matrem eius efficiuntur legitimi, intellige si tempore quo geniti sunt inter eos matrimonium esse potuit, secus non.

Parentes tenentur alere filios suos, præterquam in quinque casibus, vt si filius eos accusauit, vel si ipsi parentes egent, vel si filius crimen ingratitude contra parentes commisit, puta eos verberando, vel si filius tenet artem, aut habet aliud vnde viuatur, vel si subest aliqua causa, ex qua pater filium exhæredare posset, à fortiori & alimenta denegare. E contra filij tenentur parentibus ad tria de præcepto. primò

eos diligere, vnde à mortali non excusantur filij, qui nunquam signa amoris suis parentibus ostendunt, sed semper durè illis loquuntur. secundò ipsis obedire in his quæ ad dispositionem rei familiaris, ac bonos mores pertinent, contrafacientes peccant mortaliter. tertio in necessitatibus filij tenentur, ac debent suis parentibus pro posse subuenire: secus à mortali non excusantur, ad Coloss. 3. & Eccl. 3. & 7. cap.

Filij illegitimi etiam apud Ethnicos, honoribus & dignitatibus indigni iudicabantur, vt inde homines ab illicita copula retraherentur, seque iustis nuptijs alligarent. Item sacri canones, quibus maxima cura est sãcto matrimonio fauere, illicitaque punire cõnubia, illegitimos quosque à susceptione ordinum ecclesiasticorum repellũt: tales enim absque dispensatione sedis Apostolicis sacris ordinibus insigniri non possunt: si tamen de facto fuerint ordinati, licet recipiant characterem, ordinis tamen executione carent. Verum hic nota, quòd tales illegitimi ordinati, non incurrunt nouam irregularitatem, si ante obtentam dispensationem celebrant, vt multi Doctores tenent, maximè Nic. Plouius in tract. de

- irregul. 40. regula, quòd à Curia seuari dicitur, Ioann. Bernar. Diaz in sua pract. crim. cap. 74.

## DE FURTO.

**F**urtum est acceptio occulta rei alienæ, inuito domino rationabiliter. defectu primæ conditionis euulsio, & acceptio spicarum ab Apostolis, Luc. 6. non fuit furtum. defectu secundæ conditionis, expoliatio facta in Ægypto à filiis Israel, non fuit furtum. defectu tertiæ conditionis, si quis suum de tentum apud alium accipit, talis non committit furtum. Furtum est nobis prohibitum lege naturæ, Matth. 7. lege scripta, Exod. 20. lege Euangelica, Matth. 19. propterea furtum ex genere suo, est peccatum mortale, 1. Corin. 6. Neque fures, neque auari regnum Dei possidebunt: quandoque tamen propter modicitatem rei acceptæ, potest esse veniale, quandoque nullum est peccatum, ut si committatur ex necessitate extrema, puta famis, vel nuditatis: quia in tali casu, atque tanto periculo illud reduci debet ad ius naturale, quod vult omnia esse communia.

Patiens extremam necessitatem, &



non valens sibi aliter subuenire, si accipit rem alienam manifestè, vel occultè, vt succurrat tali suæ necessitati, non peccat, neque propriè committit furtum: quia eo casu non alienum, sed suū accipit, & si talis ad pinguiores fortunam venerit, non tenebitur ad restitutionem, quia non alienum propriè accipit, sed q̄ iure naturæ sibi debebatur, & maximè si res est consumpta. Furti nomine venit omnis illicita vsurpatio rei alienæ: committentes autem furtum, secundum Canones, non possunt ad sacros ordines promoueri, & promoti deiiciuntur, & si depositi incorrigibiles fuerint, excommunicantur, & demum brachio sæculari traduntur.

Furtum, & rapina differunt, sicut magis, & minus commune, furtum in plus se habet, quàm rapina: nam omnis rapina est quidem furtum, non tamen è contrà, & licet vtrumque ex genere suo sit peccatum mortale: tamen rapina est grauius peccatū furto, quia per eam non solum infertur damnum proximo in bonis externis, sed etiam personæ fit iniuria: quoniam rapina est iniusta, & violenta acceptio rei alienæ.



Furtum in homine in iure civili, vbi de eo ciuilititer agitur, si est, manifestum, punitur pœna quadrupli; si est occultum, mulctatur pœna dupli; vbi verò de eo criminaliter agitur, punitur ultimo supplicio, nisi modicitas furti reum excuset; iamque est consuetudo, vt tales malefici suspendantur, quæ quidem consuetudo rationabilis est propter necessitatem pacis conseruandæ in Republica, & frequentem incorrigibilitatem huius malitiæ hominum: si tamen eos pœniteat, possunt recipere Sacramenta, & sepeliri in loco sacro. In iure canonico furtum commissum à Clerico, nisi tenuitas rei acceptæ excuset, punitur depositione atq; carcere: in foro verò conscientiae, sufficit restituere simplex cum damno.

## DE FUTVRIS.

**F**utura dupliciter præcognosci possunt, sicut docet D. Tho. 22. quæst. 65. art. 1. vno modo in suis causis, alio modo in se ipsis: Causæ autem futurorum sunt in triplici differentia quædã producentes suos effectus ex necessitate, & huiusmodi effectus futuri ex cognitione suarum causarum certitudi-

naliter præcognosci, & prænūciari possunt, puta ecclipsis futura. Quædam producentes suos effectus non ex necessitate & semper, sed vt in pluribus, & tales effectus futuri opinatiuè, seu per quandam coniecturam ex consideratione astrorum præcognosci, ac prædicti possunt, sic Astrologi, pluuias, siccitatem, infirmitates, & alia id genus præcognoscere, ac prænunciare solent, sed non certitudinaliter. Quædam demum sunt causæ, quæ se habent ad vtrumlibet, hoc est, non magis ad producendum, quàm ad non producendum, sicut potentia rationabiles, siue agentia voluntaria, quæ etiam secundum Philosophum se habent ad opposita, & huiusmodi effectus ex cognitione causarum præcognosci nequeunt, eo quia vt in paucioribus, & contingenter eueniunt, sed solum in se ipsis. Quare homines, à fortiori Angeli etiam mali futura primi, & secundi generis præcognoscere, & prænunciare possunt, sed non futura tertij generis, quod est proprium Dei, qui solus in sua æternitate, videt omnia quæ futura sunt, ac si essent præsentia. Isa. 47. Annunciate quæ ventura sunt, & sciemus quia Dij estis vos. Hinc ergo patet quod præsumen-  
tes

tes huiusmodi futura prædicere ( nisi fiat ex reuelatione diuina ) grauiter peccent, vtpotè vsurpantes sibi quod est Dei, & simplicis decipientes.

Astrologia in se non est mala, neque prohibita; vtpotè vna ex septem Artibus liberalibus, propterea huiusmodi scientias debitè exercentes, prædicendo ea quæ causantur ex corporibus cælestibus, vt Ecclipsin, siccitatem, pluuias, & his similia non credèdo tamen necessitatem inesse, cum Deus possit aliter facere, quam Astra indicent, nō peccant. Similiter Medicis in dandis medicinis, in secandis venis, & Rustici in seminando, plantando, cursum lunæ & stellarum inspiciendo, & obseruando, non peccant: prædicere autem casus fortuitos hominum certitudinaliter, vt aliqui temerè faciunt est peccatum, & huiusmodi ars vti temeraria & diabolica est prohibita: ex quo corpora cælestia licet inclinent, tamen nō necessitant: hinc dicitur, sapiens dominabitur Astris.

Animalia bruta ex impressione causarum naturalium, ex quibus eorum fantasia nouentur, aliqua futura præcognoscunt sicut formicæ pluuias futuras: proinde ante pluuiam grana repo-

nunt in suis foraminibus. Item pisces futuras tempestates præcognoscunt, hinc antè loca tempestuosa declinant: Idem apparet in multis alijs animalibus, & hoc habent Bruta ex impressione causarum naturalium ex quibus eorum fantasia nouentur: homo vero ex consideratione Astrorum licet quædã futura, vti supra dictum est præcognoscere possit: verùm qui per considerationem Astrorum futura illa prædicere volunt, quæ aliàs sic humanitus sciri aut præcognosci nequeunt, tales operibus dæmonis se immiscent, & huiusmodi diuinationo est superstitiosa & illicita: secus autem si vtantur consideratione Astrorum ad præcognoscendum futura, quæ ex celestibus corporibus causantur puta siccitates, pluuias, infirmitates, caritatem seu abundantiam annonæ, & alia id genus, non tamen credendo necessitatem inesse, sed omnia voluntati & dispositioni diuinæ iuxta illud Psal. 134. Omnia quæcunque voluit Dominus fecit in Cælo, & in terra, in mari, & in omnibus abyssis, subesse.



D E

## GABELLIS.



Abellarū nomine veniunt pensio, census, tributum, vectigal, pedagium, & alia id genus. Pensio est pretium vsus rei locabilis. Census est quædam pensio, quæ de prouentibus soluitur. Tributum est census, qui soluitur Principi, vel communitati de proprio solo. Vectigal est actio pro rebus in aliqua terra mutatis, dum scilicet illuc deferuntur, aut inde auferuntur, aut ibi venduntur, & propriè est pro mercibus. Pedagium est precium, quod soluitur à transeuntibus in locis constitutis à Principe pro fabrica, seu conseruatione pontiū, & nauium, siue pro aptatione viarum.

Super quacunque re census potest imponi ab eo qui habet ius in illa: tamen Ecclesijs, ac Monasterijs novos census imponere, aut veteres augere, in iure omnibus, citra Papam, prohibi-

tum est, etiam Episcopis: tamen ipsi ad utilitatem, non propriam, sed alterius Ecclesiæ, rationabili causa subsistente, Ecclesijs eis subiectis, pleno iure novos census imponere possunt, veteresque augere, nisi cōtrarium expressè habeatur in iure, & subditi gabellas iustè impositas soluere tenentur, secus committunt furtum, ac per consequens, tenentur ad restitutionem.

Vt vectigal, pedagia, & his similia iustè imponantur, quatuor requiruntur: primò, vt imponantur ab habente potestatem, secus tales sunt excommunicati in bulla Cœnæ Domini. secundò, vt imponantur propter iustam causam, puta propter vtilitatem, seu necessitatem publicam, secus est rapina. tertio, vt non imponantur personis in iure exemptis, vt sunt Clerici. quartò, vt imponantur, quantum necessitas requirit, & facultas subditorum patitur, & non ad explendam ingluuiem luporum viuentium ex rapto. Similiter vt huiusmodi gabelle iustè exigantur, tria necessariò requiruntur. primò, vt tale onus, si est antiquum probabiliter credatur esse impositum ab ijs, qui auctoritatē habuerunt. secundò, vt tale onus credatur esse impositum ex iusta causa, &

sa, & debitè, puta propter necessitatem publicam, pro facultate subditoru n, & non personis exemptis. tertio, vt exactores præstent id, propter quod talis onus fuit impositum: quia cessante causa, & effectus cessare debet.

## DE G V L A.

**G**ula est appetitus sensitivus edendi, & bibendi inordinatus: est autem ista inordinatio, dum quis appetit cibum, vel potum, nõ ad necessitatem naturæ, sed ad voluptatem, quod quidem vitium gulæ quinque modis committitur. primò, appetendo comestitionem ante tempus. secundò, quærendo cibos delicatiores. tertio, excedendo in sumptione cibi, seu potus in quantitate. quarto, non seruando modum debitum in edendo, vel bibendo. quinto, quærendo cibos nimis accuratè præparatos prout faciunt illi, de quibus ad Philipp. 3. quorum Deus venter est.

Gula tripliciter potest esse peccatum mortale. primò, quãdo homo propter delectationem, quam accipit in cibo & potu, paratus est agere contra præ-

præcepta Dei, vel Ecclesiæ, vt frangendo votum ab eo emissum, vel ieiuniū Ecclesiæ. secundò, quando homo scienter comedit, aut bibit in graue nocumentum corporis, secus si inaduertenter fiat. tertio, quando homo ex voluptate comedit, aut bibit vsque ad vomitum, vel vsque ad ebrietatem. quarto, ratione finis, vt si homo inordinatè comedat, vel bibat ad luxuriandum. quintò, quando quis in alio est causa prædictorum.

Gula nedum ponitur peccatū mortale, sed etiam capitale: quia ex ipsa multa alia vitia oriuntur, nempè hebetudo mentis, inepta lætitia, stultiloquium, scurrilitas, & incontinentia, iuxta illud Ezechielis 16.

Iniquitas Sodomæ, superbia, saturitas,  
& abundantia panis.





D E

## HAEREDITATE.

**H**æreditas ordinariè spectat ad consanguineos, & proximiores, quorum tres sunt gradus, siue lineæ. prima est ascendentium. secunda descendendum. tertia collateralium Hæreditas. ergo in laicis ex intestato secundum ius commune primò pertinet ad legitimos descendentes si sunt, omnibus alijs exclusis, & si reperiuntur multi primi gradus, æqualiter succedunt in bonis: si verò sunt nepotes, aut vltiores gradus, eo casu non succedunt in æquis partibus: sed in ea parte quam pater eorum, si viueret, habuisset; nec distinguitur, an sint masculi, vel foeminae; an sint naturales legitimi, vel adoptiui, non emancipati. secundò, si non dantur descendentes legitimi, tunc succedunt in hæreditate fratres, siue sorores eorum. tertio, si non  
sunt

sunt filij, neque fratres, neque sorores, tunc succedunt ascendentes, puta pater, auus, abauus, fratres, & sorores eorum ex utroque parente, salua semper prærogatiua gradus: quia scilicet pater præfertur auo, auus præfertur abauo. quartò, si non dantur descendentes legitimi, neque ascendentes, neque fratres & sorores, tunc succedunt filij fratrum, & sororum præmortui, & sic deinceps, vsque ad decimum gradum: quia ultra vix habetur memoria de agnatione. quintò, filij naturales tantum, siue spurij, si sunt ex eadem matre, vnus succedit alteri ab intestato; si verò sunt ex eodem patre, & non ex eadem matre, non succedunt inuicem. sextò, deficientibus descendantibus, ascendentibus, & collateralibus, tunc vir succedit vxori, & vxor succedit viro. vltimò, prædictis omnibus deficientibus, succedit fiscus, hoc est, camera principis.

Clerico morienti ab intestato, in bonis proprijs de quibus ipse dum viueret, liberè disponere poterat, succedunt cognati, quos si non habet, succedat Ecclesia, vel Altare, cui inserviebat tempore mortis, in bonis autem Ecclesiæ, de quibus Clerici liberè disponere,

nequeunt, succedit Ecclesia. Qui modo sint casus, in quibus, secundum iura, hæredes excludantur ab hæreditate, & in quibus potest pater filios suos exhæredare, habitum est suprà in titulo de filijs fol. 165.

In iure duodecim genera personarum, non possunt institui hæredes. primò, hæretici. secundò, eorum defensores, & receptatores. tertio, apostatæ. quartò, damnati ob crimen famosum. quintò, insecutores Cardinalium. sextò, excommunicati tempore institutionis. septimò, spurij nati ex cõitu damnato, puta ex incestu, ex adulterio, vel ex scorto. octauò, incestuosi cum moniali. nonò, qui commiserunt crimen læsæ maiestatis. decimò simoniaci. undecimò, qui nec in proprio, nec in communi possunt aliquid habere, vt fratres minores. duodecimò, collegiũ illicitum.

Hæres non tenetur pro delicto commissò à defuncto, nisi in crimine hæresis, & in crimine læsæ maiestatis: pro his enim hæres accusatur, agiturq; contra illum, non vt puniatur ex illo delicto, sed vt bona auferantur ab eo, quæ aliàs ob huiusmodi crimina  
ipso

ipso iure sunt confiscata . Hæres tenetur soluere legata, & piam mentem de fuucti adimplere in foro conscientiae, vbi ei de mente defuncti constat, non obstante quacunque solennitate testamenti omiſſa: ita tamen vt prius creditoribus, quàm legatarijs ſatis fiat, ſecus creditores ſaluum atque integrum ius contra legatarios habent . Hæres tenetur ad vota teſtatoris realia, puta dare, ſeu exponere tantum pro Eccleſijs, vel pauperibus: non autem tenetur ad vota teſtatoris perſonalia, puta ieiunare, peregrinari, & continere . Quod ſi votū ſit mixtum, hoc eſt, reale, & perſonale ſimul, puta ire ad Sanctam Mariam Lauretanam, & offerre ornatum, eo caſu hæres tenetur ad ornatum, non tamen ad peregrinationem, niſi ſe ad hoc obligaffet.

## DE HAERESI.

**H**AERESIS eſt error intellectus, in his quæ ſunt fidei, cū pertinacia: vnde ad hoc, vt aliquis errans circa fidem, propriè ſit hæreticus, quinque requiruntur . primò, error in ratione, & talis ſequatur opiniones falſas . ſecundò, quòd error ſit circa ea, quæ ſunt fidei,

dei, vt circa sacram Scripturam, articulos Fidei, aut doctrinam vniuersalis Ecclesiæ. tertio, quòd error sit in eo, qui Catholicam Fidem semel sit professus, secus talis non dicetur hæreticus, sed infidelis, vt Iudæus, siue Paganus. quarto, quòd talis aliquam veritatem de fide Christi fateatur, siue quo ad humanitatem, siue quo ad eius diuinitatem, aliàs non hæreticus, sed apostata propriè dicetur. quinto requiritur, vt talis errorem, quem habet circa fidem, pertinaciter sequatur: vnde errās ex ignorantia, & paratus corrigi, non est propriè hæreticus.

Pœna hæreticorum, secundum iura, est multiplex. primò, tales ipso facto sunt excommunicati, ita vt cum illis participare, præterquam inspectantibus ad eorum salutem, absque peccato non liceat. secundò, talium ipso iure bona sunt confiscata, licet executio confiscationis, seu bonorum occupatio fieri non debeat ante sententiam latam per personam ecclesiasticam. tertio, tales siue sint laici, siue sint clerici, indistinctè debent deponi ab omni dignitate, & descendentes ab hæreticis per paternam lineam, vsque ad secundum gradum: per maternam verò vsque ad pri-

num tantum, nullum beneficium ecclesiasticum, neque officium publicum adipisci possunt, nisi parentes emendati decesserint. quartò, tales appellare non possunt, similiter eorum receptatores, defensores, ac fautores. quintò, contra tales ad testimonium ferendum, etiam excommunicati, & socij criminis admittuntur. sextò, tales hæredes institui nequeunt. septimò, eorum vassalli absoluti sunt ipso iure à debito fidelitatis omnisque obsequij. octauò, tales in vita sunt priuati omnibus Sacramentis, & in morte sepultura ecclesiastica. nonò, tales non possunt promoueri ad sacros ordines, etsi redierint ad Ecclesiam, nisi prius cum illis dispensetur. Decimò, cum huiusmodi mulieres scienter contrahentes, ipso facto perdunt dotem, secus autem, si ignorant. vndecimò tales, ubi sunt obstinati, vel relapsi, morti traduntur, & de consuetudine comburuntur, iuxta Christi mandatum in parabola, Matth. 13. Colligite, inquit, primum zizania, & alligate ea in fasciculos ad comburendum.

## DE HOMICIDIO.

**H**omicidium propriè acceptum, vt docet D. Thom. 1. 2. quæst. 100 art. 8. ad 3. est occisio hominis ab homine iniusta, & committitur sex modis, scilicet: facto, consilio, defensione, permissione, & cooperatione. Homicidium, authoritate priuata cõmissum, nobis est prohibitum, legæ naturæ, Matth. 7. quæ singulis dictat: Omnia quæcunque vultis, vt faciant vobis homines, & vos facite illis. Lege scripta, Genes 9 & Exod 20. Non occides. Lege euangelica, Matth. 5 vbi Christus non solum occisionem hominis prohibet: sed etiam animi commotionē, quæ est radix homicidij, vnde homicidium ex genere suo, peccatum mortale est, 1. Ioan. 3. Omnis homicida non habet partem in regno Christi & Dei: Homicidium verò commissum authoritate publica, seruato ordine iuris, non est prohibitum, sed potius præceptum, Exod 23. Maleficos non patieris viuere super terram: vnde iudices, & milites occidentes homines in bello iusto, non peccant.

Homicidium authoritate priuata  
com-

commisſum, duplex eſt voluntarium, quod ſemper eſt peccatum, & caſuale, quod fit præter intentionem, ac voluntatem occidentis, & hoc ponitur duplex, vnum, quod neque in ſe, neque in ſua cauſa eſt volitum, & hoc nullo modo imputatur ad peccatum, neque inducit irregularitatem: alterũ eſt, quod licet, in ſe non ſi volitum, tamen in ſua cauſa quodammodo eſt volitum, & hoc eſt peccatum, & inducit irregularitatem. Vt autem hæc doctrina facilius intelligatur, tres concluſiones pono, quarum prima eſt iſta: Qui dat operam rei licitæ, & adhibet debitam diligentiam, non tenetur de caſu fortuito inde ſequentē. Secunda concluſio: Qui dat operam rei licitæ, non adhibita tamen debita diligentia, tenetur de caſu fortuito ſequentē. Tertia concluſio. Qui dat operam rei illicitæ, etiam ſi omnem diligentiam poſſibilem adhibuerit, tenetur de omni caſu fortuito inde ſequentē.

Medici, ſub quorum cura infirmi moriuntur, neque peccant, neque ſunt irregulares, vbi quatuor ſimul concurrunt. primò, quòd eis tale munus exercere non ſit prohibitum, ſicut clericis, & religioſis, in iure chirurgia prohibetur.



tur. secundò, quòd tales sint periti in illa arte, siue medicinæ, siue chirurgiæ: tertio, quòd omnem diligentiam secundum artem adhibuerint. quartò, quòd ægrotum de his, quæ sunt contraria ægritudini, informauerint, secus medici in sua arte peccant.

## DE HONORE.

**H**onor, vt docet Philosophus, 4. Ethic. est testimonium, seu præmium virtutis. quæ est in homine, qui dupliciter honorari potest, vel propter virtutem propriam, vel propter virtutem alienam. primo modo soli virtuosissimi à nobis honorandi veniunt: secundo verò modo Principes, Prælati, parentes, senes diuites, etiã si sint mali: Principes, & Prælati, quia gerunt personam Dei; parētes, propter participationem diuinæ conditionis; senes, quia sunt signum virtutis, Sap. 4. Cani sunt sensus hominis; diuites, non propter diuitias; sed quia tales gradum eminentiorem in Republica obtinent. Diuitem honorare, & præferre pauperi, quo ad exteriorem conuictum, est licitum, quoniã tales in terrena Republica statum altiorē habent: quò verò ad fidem Christi,

fit, puta in administratione Sacramentorum, diuitem præferre pauperi, est peccatum; sic enim acceptio personarum committitur, nisi aliqua ex istis causis accedat, vt deuotio, necessitas, honor Dei, siue dispositio: nam in tali casu præferre diuitem pauperi in administratione Sacramentorum, non est peccatum, quia sic non respicitur ad personam, sed ad causam, sicut facit Summus Pontifex, quando dispensat in gradibus prohibitis cum Principibus, & non cum pauperibus.

Honor licitè à nobis appeti potest, vbi duo simul concurrunt. Primò, q̃ homo virtutem, quam habet, propter quam debetur ei honor, recognoscat, quòd non à se, sed à Deo habet. Secundò, quòd homo recognoscat virtutem ea ratione habere à Deo, non vt in se quodammodò sepulta maneat, sed vt alijs profit. Verùm in appetitu honoris, tripliciter potest esse peccatum. primò, si appetatur honor de virtute, quæ non habetur. secundò, si appetatur honor de virtute habita, non referendo illum in Deum: sed potius in seipsum. tertio, si appetatur honor, vt maneat in se, & alijs non profit: his enim tribus modis appetere honorem, peccatū est.

Appet-

Appetitus honoris inordinatus quādoque est peccatum mortale, & quandoque veniale, sicut ambitio; vel ratione finis, vt quando quis est paratus peccare mortaliter, gratia consequendi honorem & gloriam mundanam; vel ratione rei appetitæ, vt si quis appetat beneficium, & sciāt se esse indignum ad illud: in his duobus casibus appetitus honoris inordinatus est peccatū mortale, secus semper est veniale peccatū.

## DE HORIS CANO-

NICIS.

**H**oræ canonicæ, seu officia diuina certis horis diei naturalis Deo soluenda à personis ecclesiasticis, sunt septem, videlicet: Matutinum, Prima, Tertia, Sexta, Nona, Vesperæ, Completorium, iuxta ritum Dauidis, de quo Psalm. 118. Septies in die laudem dixi tibi: officium autem Beatæ Virginis, & defunctorum, in iure non computatur inter horas canonicas, propterea ad illa Clerici tam sæculares, quàm regulares non tenentur, nisi pro consuetudine suarum Ecclesiarum.

Horæ canonicæ sunt septem, nō plures, neque pauciores: quia sunt insti-

Natura

tutæ præcipuè ad laudandum Deum pro beneficijs, inter quæ est opus creationis, quæ septima die fuit absoluta, beneficium redemptionis, quæ quodammodò septem horis fuit perfecta, & beneficium dationis Spiritus Sancti, cuius septem sunt dona. Quare merito Ecclesia horas canonicas sub numero septennario conclusit.

Ad horas canonicas persoluendas, secundum omnes Doctores, tenentur Clerici beneficiati, omnes constituti in sacris, & religiosi professi religionis approbatæ Clerici beneficiati, siue sint in sacris, siue in minoribus constituti, tenentur ad horas canonicas: quia qui recipit bona temporalia alicuius, tenetur ad spiritualia. Clerici in sacris, etiâ si nullum beneficium habeant, secundum communem opinionem, tenentur ad horas canonicas: quia tales videntur esse assumpti specialiter ad laudem diuinam: Religiosi professi, & si non sint in sacris, tenentur ad horas canonicas: quia ex eo, quòd monasteriũ illis tenetur, potest dici, quòd habeant beneficium simplex: habentes autem solum primam tonsuram, item existentes in minoribus, & nouitij in religione, non tenentur ad horas canonicas,

neque autenticum est, quod apud aliquos legitur, nempè quòd prima tonsura obliget sub pœna peccati mortalis, ad septem Psalmos Pœnitentiales, neque quòd minores ordines obligent ad officium Beatæ Virginis licet tales, ex quo ascribuntur cultui diuino, & gaudēt priuilegio clericali, ad aliquid plus teneantur, quàm laici.

Modus, siue ritus recitandi horas canonicas, quo ad Clericos seculares, ordinariè sumendus est ab Ecclesia Romana, vel à Metropolitana: quo verò ad regulares, in hoc attendenda est eorum Regula, seu Constitutiones: verū qui est ordinatus ad suum patrimonium, poterit dicere Officium, quod voluerit dummodò illud sit ab Ecclesia approbatum.

Si quis dimisit Officium, non est ei iniungendum, vt illud de nouo repetat: quia in Officio ratio temporum, & locorum habenda est, vnde si quis diceret tempore Paschali Officium, de hebdomada sancta esset absurdum: sed alia laudes sunt iniungendæ, secundum quantitatem delicti, licet ista commutatio, siue pœnitentia sit arbitraria. pœnesque Vicarium Christi. Si quis prætermisit aliqua verba, vel non interfuit

Officio in principio, seu in fine, ex causa legitima, non est opus, ut à capite reincipiat: potest tamen aliquid post Officiū propter hoc supplere. Item si quis omīssa vna hora dicat sequentē, nō est opus, ut iterum eam repetat, sed sufficit supplere quod omīssum est.

Qui tenentur ad horas canonicas, illas omittunt, nisi subsit rationabilis causa, puta infirmitas, obliuio, occupatio p:opter maius bonum, peccāt mortaliter: quia faciunt contra praeceptum Ecclesiae, fundatum super praecepto diuino: verūm si quis omittit omnes septem horas vnius diei. non septem peccata mortalia, sed vnum tantum committit: quia totum Officiū vnius diei, cadit sub vno praecepto licet grauius peccet, qui plus de Officio omittit.

Tempus dicendi Officiū diuinū est totus dies naturalis, à Vespera scilicet praecedentis diei, vsque ad mediam noctem sequentis diei, ita tamen quod solae Matutinae in Vespera praecedentis diei dici licitè possint: reliqua verò horae sequenti die, à mane vsque ad mediam noctem, sic ut praecepto Ecclesiae satisfiat, dici licitè possunt.



D E

## IDOLOLATRIA.

**I**dololatria, species superstitionis, est quædam protestatio infidelitatis per exteriorem cultum, siue est indebitus cultus exterior creaturæ exhibitus, qui soli Deo debetur, latriæ scilicet. Idololatria dupliciter committitur, vno modo exhibendo diuinum cultum imaginibus, alio modo exhibendo diuinum cultum immediatè ipsis creaturis, Vtramque speciem idololatriæ accipimus ex D. Paulo ad Rom. 1. Mutauerunt, inquit, gloriam incorruptibilis Dei in similitudinem imaginis hominis, & volucrum, & quadrupedum; ecce prima species. deinde sequitur: Coluerunt, & seruierunt potius creaturæ, quam creatori; ecce secunda species idololatriæ homini prohibita.

N 3      Ido:



Idololatria omnibus prohibetur in Veteri lege, Deuter. 17. Vadant & seruiant dijs alienis, & adorent eos, Solem & Lunam, & omnem militiam cœli, quæ non præcepit. Esa. 2. Proiecisti populum tuum domus Iacob, quia repleti sunt vt olim, & augures habuerunt, vt Philistijn, & repleta est terra eius idolis. In noua lege, Matth. 4. Dominum Deum tuum adorabis, & illi soli seruies. Act. 17. item 1. Cor. 10. & Apoc. 22. Cecidi vt adorarem ante pedes Angeli, qui dixit mihi: Vide ne feceris, conseruus enim tuus sum, Deum adora.

Idololatria est omnium peccatorum grauissimum, quia est immediatè contra Deum: nam idololatria ponit aliud Deum, & quantum in se est, principatum veri Dei minuit, verum ex parte peccantis, hæresis potest esse grauius peccatum idololatria, vt si hæreticus scienter peccet, & idololatria ignoranter: vnde si attendatur grauitas peccati ex parte ipsius peccati, idololatria est omnium grauissimum: si verò grauitas peccati attendatur ex parte ipsius peccantis, potest dari peccatum grauius idololatria.



## DE IEIUNIO.

**I**eiunium in sacris literis duplex est, spirituale, & corporale. Ieiunium spirituale est abstinencia à virijs, de quo Esa. 58. Ieiunium corporale est abstinencia ab escis, siue est afflictio carnis per subtractionem cibi, & potus, contra concupiscentiam carnalem, & ad deletionem culparum institutum. Ieiunium corporale duplex est, naturæ & Ecclesiæ. Ieiunium naturæ est carentia cibi & potus simpliciter, incipiendo à media nocte, & hoc Ieiunium requiritur in celebrante, atque in communicante, citra casum necessitatis: Ieiunium autem Ecclesiæ, quod est indictum certis tēporibus, ac diebus, duo in se includit, abstinenciam à quibusdam cibis, & parsimoniam: vnde Ieiunium naturæ differt à Ieiunio Ecclesiæ potissimum in duobus: primò in hoc, quòd Ieiunium naturæ soluitur per potum, secus autem de Ieiunio Ecclesiæ. secundò, quòd Ieiunium naturæ per comestionem, seu potationem factam, post mediam noctem soluitur: Ieiunium autem Ecclesiæ per hoc non soluitur.

Ieiunium corporale, de quo nunc in

tendimus, initium suum accepit in Paradiso terrestri, Genes. 2. De ligno boni, & mali ne comedas, quod hoc ieiunium sit Deo gratum, sacrę literę testatur, Daniel. 10. Ioel. 2. Matth. 4. & 2. Corinth. 6. In omnibus, inquit Apostolus, exhibeamus nosmetipsos, sicut Dei ministros, in multa patientia, in tribulationibus, in Vigilijs, & ieiunijs. Verum ad perfectionem ieiunij corporalis Ecclesię, tria requiruntur, scilicet, vnica comestio, abstinencia regulariter ab esu carnum, & competens hora. Primò ad ieiunium vnica comestio requiritur: tamen si quid moderatè per modum medicinę, vel ad sustentationem nature, & non ad delicias, siue ante prandium, siue post sumatur, ieiuniũ Ecclesię non soluitur. Secundò, ad ieiunium requiritur abstinencia à quibusdam cibis: nam in ieiunio quadragesimali, quod est omnium celeberrimum, generaliter abstinendum est à tribus, à carnibus, ab ouis, & à lacticijs: in alijs verò ieiunijs generaliter à carnibus est abstinendum, quò ad alia, standum est consuetudini, prouincię, quę venit seruanda. Tertio, ad perfectionem ieiunij requiritur hora competens, quę est, secundum Doctores, ho-

ra nona, hoc est, meridies, & meritò, quia ieiunantes, affligentes propriam carnem, conformant se Christi passioni, quæ hora nona fuit completa: tamē si quis sumat prandium post sextam, non propterea soluitur ieiunium, quia de ratione ieiunii, licet sint tria, abstinentia, vnica comestio, & hora, attamē hora non est tantę necessitatis, sicut reliqua duo, maximè quòd nō est aliquis textus expressus de hora prādendi diebus ieiunii indicti ab Ecclesia, sicut est textus expressus de vnica comestione, & de abstinentia à certis cibis.

Ieiunium corporale, quod in se includit parsimoniam, & abstinentiam quorundam ciborum, cadit sub præcepto Ecclesiæ certis temporibus, ac diebus anni, nempe à die cinerum vsque ad Sabbathum sanctum inclusuè, exceptis diebus dominicis, in quatuor angarijs, seu temporibus anni, & in omnibus vigilijs, videlicet; Natalis Domini, Matthiæ Apostoli, Pentecostes, Ioannis Baptiste, Apostolorum Petri & Pauli, Iacobi Apostoli, Laurētij, Assumptionis Beatę Virginis, Bartholomei Apostoli, Simonis & Iudę, Omnium Sanctorum, Andreę, & Thomę.

N. 5. Apo-

Apostolorum: vnde qui sine rationabili causa prædictis diebus ieiunium nõ feruat, peccat mortaliter, non quidem quoties comedit in die, toties lethali-ter peccat, sed semel tantum: verum in Quadragesima homo tenetur omni die ieiunare, propterea quot dies omit- tit, nisi subsit rationabilis causa, tot pec- cata mortalia talis committit.

Ad ieiunium Ecclesię tenentur om- nes, qui sunt sanę mentis, doli capaces, & potentes ad illud, etiam iusti, si non ad deletionem culpę, saltem ad conuer- sationem iustitię, qua quilibet in hac vita mortali indiget: Ab hoc tamen vinculo ieiunij aliquot genera perso- narum communiter excipiuntur. pri- mò infirmi. secundò pauperes mendi- ci, qui hora debita, cibum ad sufficien- tiam, pro sustentatione nature non in- ueniunt. tertio, mulieres prægnantes, & lactantes. quarto, peregrini, conciona- tores, cantores in Ecclesia, & operarij, vbi tales cum ieiunio sua munera com- petenter subire, & perficere nequeunt. quinto, pueri propter incrementum, vsque ad finem tertij septennij. sexto, senes, in quibus calor, ac virtus debilis est: nomine autem senum communi- ter veniunt septuagenarij: isti enim, si non

si non ieiunant, excusantur à peccato mortali.

## DE IGNORANTIA.

**I**gnorantia communiter triplex ponitur, scilicet: negationis, priuationis, & prauę dispositionis. Ignorantia negationis cadit in his, qui neq; sciūt, neque scire possunt, vt sunt pueri. Ignorantia priuationis cadit in his, qui possunt scire, tamen negligunt. Ignorantia prauę dispositionis cadit in hereticis: Verum ignorantia priuationis, quę proprię dicitur ignorantia, duplex est, iuris & facti. Ignorantia iuris est, exempli gratia, vt si quis ignoret facientem sacrum, & absoluentem à peccatis, debere esse Sacerdotem, vel furtum esse peccatum: Ignorantia verò facti est, vt si quis ignoret Petrum facientem sacrum, & absoluentem à peccatis, non esse Sacerdotem. Ignorantia iuris, si est naturę, vel diuini, non excusat à peccato, si est humani, vt ciuilis, vel canonici, potest in aliquo casu excusare, nedū à culpa, sed etiam à pœna: Ignorantia verò facti excusat maximē idiotas à culpa, licet quandoque non à pœna.

Ignorantia ex parte ignorantis, du-

plex est, inuincibilis, quæ humano studio superari non potest, talis est in pueris & amentibus; altera est vincibilis, quæ humano studio est superabilis, tamen ex mera negligētia homo nescit, quæ necessariò veniunt scienda. Ignorantia primo modo dicta, non est peccatum: quia talis ignorantia neque est voluntaria, neque imputatur ad negligentiam: ignorantia autem secundo modo dicta, quandoque est peccatum, & quandoque non; est peccatum, si est eorū, quæ salutis humanæ sunt necessaria; non est peccatum, si est eorum, quæ homo pro æterna salute consequenda scire non tenetur. Quare ignorantia omninò inuoluntaria, ex toto excusat à peccato; ignorantia voluntaria per se non excusat, neque minuit peccatū: ignorantia inuoluntaria per se, voluntaria tamen per accidens non excusat à peccato, sed peccatum minuit.

## DE IMMUNITATE.

**I**mmunitas, seu libertas, siue exemptio Ecclesiæ, tria potissimum respicit, scilicet: loca, personas, & res. Loca, quæ gaudent immunitate ecclesiastica, sunt ista: Ecclesia, siue sit consecrata,  
siue

siue non, cœmiterium, hospitale. dum-  
modò hæc sint fundata autoritate  
Episcopi, & pallatium episcopale.

Immunitas localis, quantum ad Ec-  
clesiam, & cœmiterium, ad multa se  
extendit. primò, in eis non debent fie-  
ri negotiationes, neque processus, ne-  
que sententiæ, maximè à iudice secu-  
lari, secus sunt nullæ. secundò, in eis sup-  
pellestilia non debent poni, minùs ibi  
conuiuari. tertio, in eis nulla debet fie-  
ri violentia: tamen quatuor genera per-  
sonarum confugientium ad prædicta  
loca, non sunt tuta, Vt latrones publi-  
ci, depopulatores agrorum, qui noctu  
agros depopulantur, & vastant, sacrile-  
gi, vt qui enorme quid in cœmiterio,  
vel Ecclesia comiserunt, raptores virgi-  
num, & secundùm Petrum de Ancona,  
adulteri, & homicidæ. quartò, huiusmo-  
di loca non possunt conuerti in vsum  
secularium. quintò, in eis non debent  
fieri ludi, & prophana comœdiæ, se-  
cus de honestis ducentibus hominem  
ad deuotionem.

Immunitas personalis ad quinque  
præcipuè se extendit. primò, quòd per-  
cutiens Clericum, est excommunica-  
tus. secundò, quòd Clericus non potest

con-



conueniri coram laico . tertio , quòd Clericus non potest fatigari seruitutibus personarum , aut rerum . quarto , q̃ Clericus vnà cum sua familia est exemptus ab omnibus officijs sordidis , siue turpibus , quæ quandoque toti communitati imponuntur , vt mundare cloacas , fodere arenam , coquere calcem , & alia id genus . Quinto , Clericus est exemptus à custodia ciuitatis , & à profectio-  
ne ad bellum .

Immunitas ecclesiastica quantum ad res , ad multa se extendit . primo , q̃ quilibet potest regulariter res suas relinquere Ecclesiæ , etiam donare inter viuos , secundum quantamcunq; summam sine insinuatione . secundo , quòd dominum rei sola , ac nuda promissione , transfertur ad Ecclesiam : in alijs vero traditio est necessaria , vt dominiū rei intelligatur trāslatum . tertio , quòd res Ecclesiæ sunt exemptæ à statutis laicorum . quarto , quòd Ecclesijs , & earū rebus exactiones , seu census imponi non possunt . quinto , quòd res Ecclesiæ sine certa , ac determinata solennitate alienari nequeunt , & illam accipis in titulo de Alienatione , fol. 25 . sexto , q̃ res Ecclesiæ sunt exemptæ à iudicio seculari . septimo , quòd lædentes res Ecclesiæ ,



clesiæ, sunt sacrilegi. octauò, quòd reli-  
cta Ecclesiæ in testamento minus so-  
lenni, valent. nonò, quòd res Ecclesiæ  
pro alienis debitis obligari non pos-  
sunt. decimò, quòd res Ecclesiæ in v-  
sum secularium conuerti nequeunt.

## DE IMPEDIMENTO.

**I**mpedimenta, quibus personæ red-  
duntur illegitimæ, ad contrahendū  
inter se Matrimonium triplici lege cō-  
stituuntur, scilicet: naturæ, diuina, &  
ciuili: ratio est, quia & ipsum Matri-  
monium ex qualibet dictarum legum  
statuitur; lege naturæ, in quantum est  
in officium naturæ; lege diuina, in quā  
tum est Sacramentum; lege ciuili, in  
quantum est in officium communita-  
tis. Impedimenta ergo Matrimonij  
sunt in duplici differentia, quædam  
quæ impediunt Matrimonium con-  
trahendum, & non dirimunt contra-  
ctum: quædam verò, quæ impediunt  
contrahendum, & dirimunt contra-  
ctum, intellige contractum de facto,  
sed non de iure: nam Matrimonium  
ritè contractum, per nullum sequens  
impedimentum soluitur.

Impedimenta primi generis, quibus  
non

non obstantibus, Matrimonium contractum tenet, communiter ponuntur sex. primum dicitur interdictum, hoc est, feriæ ab Aduentu vsque in diem Epiphaniæ, & à die Cinerum vsque ad octauam Paschatis, vt habetur in Concil. Trid. sess. 24. de refor. Matrim. cap. 10. secundum, sunt sponsalia legitime celebrata, tertium est catechismus, qui parit aliquam affinitatem spiritua- lem inter catechantem, & catechizatum, vt habetur 1. Cor. 4. In Christo Iesu per Euangelium ego vos genui. quartum, est votum simplex castitatis. quintum, est crimen, puta incestus, vxorici- dium, raptus alienæ sponsæ, & susceptio proprii filij de sacro fonte scienter. Sextum, interfectio Sacerdotis. Qui enim est innodatus aliquo istorum impedimentorum, non est habilis. secundum iura, nisi prius secum dispenseretur ad contrahendum Matrimonium, si tamen sic contrahit. Matrimonium tenet, sed peccat mortaliter.

Impedimenta secundi generis, quæ impediunt, & dirimunt Matrimonium contractum de facto, licet non de iure, communiter ponuntur quatuordecim. primum, est error personæ, non fortunæ, seu qualitatis, vt si quis putat contra-

trahere cum Vrsula, & contrahit cum Barbara: nam eo casu deest consensus, qui est de essentia Matrimonij. secus si putat contrahere cum diuite, & contrahat cum paupere, secundum, est conditio, non quæcunque, sed seruilis, vt si quis putat contrahere cum libera, & contrahat cum serua: nam eo casu potestas proprii corporis, quæ est de substantia Matrimonij deest. tertium, est votum solenne continentiae, quo quis priuatur potestate proprii corporis. quartum, est ordo sacer, cui votum continentiae est annexum. quintum, est cognatio consanguinitatis, cuius duplex est linea, vna ascendentium, & descendentium, in qua est perpetua prohibitio. Genes. 2. quia tales se habent, vt parentes & filij: Altera transversalium, in qua, secundum iura, modò est prohibitio, vsque ad quartum gradum inclusiue. sextum, est cognatio spiritualis, quæ ex duobus Sacramentis oritur, nempe ex Baptismo, & Confirmatione, verum talis cognatio, inter quas personas impediatur, & dirimat Matrimonium contractum, vbi præcedit, habetur supra in titulis de Baptismo, & Confirmatione, fol. 46. & 101.

septi.

septimum, est cognatio legalis, quæ ex adoptione provenit, hæc inter quas personas impediatur, & dirimat Matrimonium, supra in titulo de adoptione, fol. 18. dictum est. octauum, est vxorici dium commissum, vt ducat eam, cum qua mœchatur, vel è contrà: inter tales Matrimonium contractum non tenet. nonum, est disparitas cultus, vt si fidelis cum infideli contrahat, iuxta illud, 2. Cor. 6. Quæ pars, inquit Apostolus, fidelis cum infideli? decimum est, vis, seu coactio absoluta, quæ causat metum iustum, hoc est, metum cadentem in constantem virum. vndecimum, est ligatio, vt si quis cum vna contraxit p verba de præsentibus, deinde contrahat cum altera, & consummet, non tenet. duodecimum, est iustitia publicæ honestatis, quæ ex sponsalibus legitimè celebratis oritur, & hæc iam ad primū gradum solū se extendit, vt habetur in Conc. Trident. sess. 24. de reformat. Matrim. capit. 4. decimum tertium, est affinitas, quæ provenit ex copula matrimoniali, vsque ad quartum gradum inclusivè: affinitas verò oriens ex copula fornicaria, non se extendit ultra secundū gradum, vt habetur in Concil. Trident. sess. 24. de reform. Matrim. cap.

cap. 4. intellige de affinitate primi generis tantum, quæ est inter virum, & consanguineas vxoris, seu concubinæ, & inter vxorem, seu concubinam, & consanguineos viri. decimum quartum, est impotentia perpetua coeundi, quæ iudicatur perpetua in iure, si durat per triennium. Qui ergo est innodatus aliquo istorum impedimentorum, & illo prius non amoto per dispensationem. contrahit. talis non solum peccat mortaliter: sed etiam Matrimonium sic contractum, ipso iure est nullum.

## DE INCENDIARIO.

**I**ncendiarius propriè dicitur qui Civitatem, Castrum, Domum, segetem & similia malo animo, puta odio, vel liuore vindictæ, aut intentione iniuriandi incendit. Item qui sinistra intentione ignem apponi facit, vel consilium, vel auxilium scienter dat, nomine Incendiarij venit. Quod si incidenter ex negligentia, siue casu, vel iusto bello quis incendit, talis propriè incendiarius dici non potest.

Incendiarij propriè dicti, hoc est qui scienter, & voluntariè incendium faciunt, ultra mortale peccatum ipso iure

iure sunt excommunicati, & non solum tenentur ad restitutionem de dāno illato, sed etiam de rebus perditis propter incendium. Quinimo etiam accipientes res illorum qui incendium patiuntur, tenentur in conscientia ad restitutionem, nisi huiusmodi res fuissent habitæ pro derelictis, puta quia ignis tantum inualuerat, quod nullus sine euidente periculo vitæ poterat eis succurrere, & Dominus talia, vti derelicta permittebat incendio perire, eo casu accipiens aliena sic vt præmittitur non teneretur de necessitate ad restitutionem, sed posset illa tuta cōscientia retinere.

Destruens domum sui vicini timore incendiij, nempe ne sua domus comburatur, si metus fuit iustus, talis non tenetur ad restitutionem neque de dāno inde illato: nam nullam iniuriam, aut damnum dare videtur æquè perituris ædibus: secus autem si timor non fuit iustus, quia tunc destruens Domū vicini teneretur ad restitutionem, & per consequens de damno illato: secundū tamen aliquos, inter quos est Host. præfactus casus sic deciditur. quod si domus alicuius est destructa à vicinitate, iusto metu incendiij, quod tunc Iudex

de ex officio, & summa equitate facere deberet, vt quilibet vicinus pro parte sua damnificato satisfaceret, & hæc opinio vti rationi, & æquitati consona mihi magis probatur.

## DE INCESTV.

**I**Ncestus est consanguinearum, seu affinium abusus, res quidem prohibita, nedum iure canonico, sed etiam iure diuino, vt habetur Leuit. 18. Omnis homo ad proximam sanguinis sui non accedet. Incestus ergo ex genere suo est peccatum mortale, quod committitur ex commixtione carnali, sine dispensatione, inter affines, & consanguineos, vsque ad quartum gradum inclusiuè.

Incestus se extendit ad affines, affinitate proueniente ex copula matrimonialis, vsque ad quartum gradum: ad affines verò affinitate proueniente ex copula fornicaria, incestus se extendit tantum, vsque ad secundum gradum, vt habetur in Concil. Trident. sess. 24. de reformat. Matrimon. capit 4 Incestus est graue peccatum, quinimò in primo, & secundo gradu, siue consanguinitatis, siue affinitatis, est casus



us reservatus Episcopo de consuetudine generali, secundum nonnullos celeberrimos Doctores.

Incœstum non solum committit ille, qui accedit consanguineam, vel affinem: sed etiam accedens monialem, talis scelerosus committit incœstum: quia monialis est sponsa Dei, qui est Pater noster; committit adulteriũ, quia sponsam alterius corrumpit; committit sacrilegium, quia personã Deo consecratam violat, atque prophanat.

Peccata carnis, seu species luxuriæ, sunt septem, scilicet: simplex fornicatio, stuprum, adulterium, raptus alterius vxoris, incœstus, sacrilegium, & vitium contra naturam, modò secundum D Thomam 2.2. quæst. 154. artic. 12. stuprum est gravius peccatum fornicatione, adulterium stupro, raptus adulterio, incœstus raptu, sacrilegium incœstu, omnium autem gravissimũ, est vitium contra naturam.

## DE INDVLGENTIIS.

**I**ndulgentia est relaxatio, siue remissio pœnæ temporalis pro peccatis actualibus debitæ, apud diuinam iustitiam in foro exteriori facta. dicitur remissio



missio pœnæ; quia per indulgentias propriè, ac directè non remittitur culpa, sed solum pœna. secundò dicitur temporalis: quia pœna peccati æterna, non tollitur, nisi per Sacramentum, puta Baptismi, & Pœnitentiæ. tertio, dicitur pro peccato actuali: quia pœna debita pro peccato originali, non tollitur per indulgentias, sed per Baptismum. quarto, dicitur in foro exteriori: quia remissio pœnæ pro peccato actuali debitæ, quæ fit in foro conscientiæ, non est per indulgentias, sed ex vi clauium, quas quilibet Sacerdos expositus ordinariè habet, & in articulo mortis quilibet Sacerdos, etiam non expositus: Vnde remissio pœnæ pro peccato actuali debitæ in foro exteriori, fit per indulgentias absque Sacramento: in foro verò interiori, talis remissio non fit absque Sacramento. Effectus totalis Sacramenti Pœnitentiæ est remissio peccati, & quo ad culpam, & quo ad pœnam: effectus autem indulgentiarum, est remissio pœnæ tantùm. modò conferre totalem effectum Sacramenti, absque Sacramento, est solius Dei: conferre verò partialem effectum Sacramenti absque Sacramento, ut fit per indulgentias, propriè & principaliter est Papæ.

Indul-

Indulgentiæ trahunt suam originẽ,  
& vim habent ex superabundanti passione Christi, ac Sanctorum: nam passio Christi fuit meritoria, & satisfactoria simul. fuit meritoria sibi & nobis; sibi, qua Christus sua passione gloriã, ac exaltationem suæ humanitatis meruit, Lucæ 24. Nonne hæc oportuit pati Christum, & ita intrare in gloriam suam? item ad Philipp. 2. Factus obediens vsque ad mortem, mortem autẽ crucis, propter quod & Deus exaltauit illum, & dedit illi nomen, quod est super omne nomen. fuit meritoria nobis: quia Christus sua passione, gratiã, atque gloriam nobis meruit; Psal: 83. Gratiam & gloriam dabit Dominus: fuit autem satisfactoria nobis tantum, non sibi, quia de ipso scriptum est, 1. Petr. 2. Qui peccatum nõ fecit, nec dolus inuentus est in ore eius: Passio verò Sanctorum fuit meritoria sibi, & non alijs, satisfactoria autem sibi, & alijs; sibi, quia saltẽ labe originali fuerunt infecti, iuxta illud ad Roman. 3. Omnes peccauerunt in Adam, & egẽt eraria Dei; alijs, ad Coloss. 1. Nũc gaudeo in passionibus pro vobis, & adimplo, quæ desunt passioni Christi in carne mea pro corpore eius, quod est  
Eccle;

Ecclesia. item 2. ad Tim. 2. Omnia sustineo propter electos, vt & ipsi salutem consequantur.

Opera pœnalia Sanctorum: quatenus meritoria fuerunt in eis plenè remunerata, imò vltra condignū, Rom. 8. Non sunt condignæ passionēs huius seculi, ad futuram gloriam, quæ reuelabitur in nobis: quatenus verò satisfactoria, opera pœnalia Sanctorum, non fuerunt in eis remunerata, quia plus passi sunt Sancti Dei, quàm debuerint, vt testatur Iob de seipso in suo lib. cap. 6. Vtinam, inquit, appenderentur peccata mea, quibus iram merui, & calamitas quam patior in statera, quasi arena maris, hæc grauior apparerent. Qui nimo aliqui Sancti fuere, qui omninò innocentèr passi sunt, vt in veteri lege Ieremias, in noua lege Ioannes Baptista, & Beatissima Virgo, qui in vtero matris fuerunt sanctificati, sed remunerantur in nobis, quatenus per satisfactiones superfluas, seu superabundantes Christi, & Sanctorum, soluitur pœna temporalis, pro peccatis nostris actualibus debita, & quodammodò remunerantur in Sanctis: quia videntes, quòd passio sua pœnam peccati alieni soluat, propter nimiam charitatem.

quam habent, non solum erga Deum, sed etiam erga proximum gaudent.

Quare dici potest, quod opera penalia Sanctorum, quo ad premium essentiali, fuerint plenissime in eis remunerata: quo vero ad premium accidentale, quod adhuc in dies remunerentur.

Dantur in sacris literis superabundantes satisfactiones Christi, & Sanctorum, item intentio eorum patien- di, & satisfaciendi pro nobis, ut ex dictis patet, ergo dantur indulgentiae, neque opus est contendere de voce, ubi res ipsa per vocem significata habetur. Indulgentiae igitur nihil aliud sunt, quam thesaurus quidam spiritualis Ecclesiae, resultans ex superabundantia meritorum Christi, & satisfactionum Sanctorum, cuius thesauri clauiger, & dispensator est Summus Pontifex, successor D. Petri, cui dictum est; ac per consequens suis legitimis successoribus, Matth. 16. Tibi dabo claves regni celorum, quodcumque solueris super terram, erit solutum & in celis.

Indulgentiae ad hoc, ut sortiantur suum effectum, quatuor necessario requiruntur, primo auctoritas dantis: facere autem indulgentias possunt, Papa, Concilium generale in tota Chri-  
stia-

Christianitate, Legati in omnibus locis, ad quæ eorum legatio se extendit, & Episcopi in sua diœcesi. secundò, requiritur causa legitima, puta vt dentur pro honore Dei, & Ecclesiæ utilitate tertio requiritur dispositio recipientis, nempe vt sit in gratia Dei: quia existentibus in peccato mortali, indulgentiæ non prosunt, propterea in bullis indulgentiarum, ista est forma consueta, verè penitentibus, & confessis. quartò, quòd fiat id, pro quo dantur indulgentiæ, unde si quis nō obseruat præcepta in bulla, non consequitur effectum Iubilæi, seu Indulgentiarum.

Quando dantur indulgentiæ tot annorum, vel dierum, bulla non procedit de annis, diebusque præsentis vitæ, & in hoc Summi Pontifices sequuntur modum antiquorum canonum, qui cuiuslibet peccato mortali penitentiam septem annorum iniungebant: unde per indulgentias propriè, ac principaliter relaxantur penitentia tot annorum, quas homo in hac vita, iuxta dispositionem antiquorum Canonum, propter peccata commissa, facere debuisse, consequenter autem relaxantur penitentia, quas homo facere deberet in Purgatorio, secundum proportio-

nem: pœna enim Purgatorij est adeò intensa, quod illic pati per horam plus est, quàm in hac vita pati per annum, sit ergo dictum, exempli gratia: si conceduntur indulgentiæ mille annorum, per eas seruatis seruandis relaxatur pœna, seu pœnitentia sustinenda hic, iuxta antiquos Canones, mille annis: in Purgatorio verò relaxatur pœna temporalis, quam homo pro peccatis actualibus ibi mille diebus ferre deberet. Quare sic intelligendo nullus mirabitur, minus dubitabit, dum legit in bullis pontificijs, indulgentias decem milia annorum, & ultra dari.

## DE INFAMIA.

**I**nfamia est læsa dignitatis status, unde de infamis dicitur, qui vita & moribus est reprobatus, & communiter duplex ponitur, scilicet: facti & iuris. Infamia facti, multis modis incurritur, ut propter crimen publicum, iustum carcerem, iustam repulsionem à testimonio, ac propter turpem nominationem de eo factam per parentem in testamento. Huius infamiæ sex præcipue sunt effectus. primò, repellit hominem à dignitatibus, tam ecclesiasticis, quàm

quàm secularibus. secundò, repellit hominem à testimonio in causa criminali. tertio, repellit hominem ab actu accusandi. quartò, repellit hominem à promotione Ordinum. quintò, rumpit testamentum officiosum fratris, si infamem heredem instituit. sextò, inducit purgationem canonicam, infamia iuris duobus modis incurritur. primò, p*er* iudicijs ordinarij sententiam diffinitivam criminis publici, & aliquàdo privati. secundò, incurritur infamia iuris ipso facto absque pronuntiatione sententiæ à iudice in sex casibus. primò, quando Imperator militi aufert insignia, vel aliquem in exilium mittit. secundò, exercendo lenocinium, vel prostituendo filias, aut neptes. tertio, exercendo, seu exigendo vsuras. quartò, adulterando, seu contrahendo cum duabus, vel simul duas spòsas habere. quintò, locando operas suas pugnandi gratia cum feris. sextò, exercendo ludos periculosos in publico, maximè si illud fiat lucri gratia, vt solent facere iaculatores, & histriones: huius infamiæ iidem sunt effectus, qui & infamiæ facti.

Crimina publica in iure, dicuntur illa, quorum denunciatio, seu accusa-



ratio cuilibet de populo est concessa, talia sunt, homicidium, adulterium, & crimen læsæ maiestatis, siue diuinæ, siue humanæ: crimina verò occulta, seu priuata, in iure dicuntur illa, quorum denunciatio, siue accusatio ad illos tantum pertinet, quibus facta est iactura, talia sunt, furtum, illata damna, & iniuriæ.

## DE INFERNO.

**I**nfernus communiter, secundum sacros Doctores, est quadruplex, scilicet: damnatorum, puerorum, purgandorum, & sanctorum Patrum. In primo, qui propriè dicitur infernus, sunt tria, carentia gratiæ, carentia gloriæ, & pena sensus. In secundo, qui alio nomine dicitur limbus puerorum, sunt duo, carentia gratiæ, & carentia gloriæ. In tertio, qui proprio nomine dicitur purgatorium, sunt duo, carentia gloriæ, & pena sensus. In quarto, qui dicitur limbus Patrum, erat tantum vnum, scilicet: carentia gloriæ: vnde sancti Patres fuerunt puniti retardatione gloriæ ad tempus, pueri puniuntur carentia gratiæ, & retardatione gloriæ æternaliter, existentes in purgatorio, puniuntur re-

tarda-



retardatione gloriæ, & pœna sensus temporaliter; damnati puniuntur carentia gratiæ, retardatione gloriæ, & pœna sensus æternaliter.

Receptacula animarum distinguuntur secundû status eorum: nam anima coniuncta mortali corpori, est in statu merendi, exuta verò corpore est, in statu recipiendi pro meritis bonum, vel malum: vnde anima separata à corpore, vel est in statu recipiendi finale præmium quantum ad bonum; & sic est in Paradiso; vel quantum ad malum; tunc sic, vel ratione culpæ actualis, & sic est in Inferno; vel ratione culpæ originalis, & sic est in limbo puerorum; vel anima separata à corpore, est in statu, quo impeditur à finali retributione recipienda, quod contingit dupliciter, vel propter defectum personæ, & sic est in purgatorio; vel propter defectum naturæ, quo sancti Patres in limbo detinebantur. Quinque ergo sunt receptacula animarum, limbus patrû, purgatorium, Paradisus, Infernus, & limbus puerorum, primum est euacuatum Zach. 9. secundum euacuabitur, reliqua tria erunt perpetua.

Quod infernus detur, sacra litera testantur, Num. 26. Psalm. 113. & Luc. 16

ta, & vltima conditio inferni est æternitas durationis. Iob in suo libr. cap. 7.  
Qui descenderit ad inferos, non ascendet.

Christus descendit ad inferos, vt habetur ad Ephes. 4 in anima, non quidē eo genere motus, quo corpora mouentur, sed eo genere motus, quo Angeli mouentur. Ad limbum Patrum Christus descendit in anima, secundū essentiam, consolando, & demū liberando Patres ibi detentos: ad infernū autem, & ad Purgatorium Christus descendit per effectum tantū, licet diuersimodē; ad infernum arguendo eos de incredulitate, & eorum malitiam confutando; ad Purgatorium, dando illis spem gloriæ consequendæ; & quādiū corpus Christi fuit in sepulchro, nempe per integrum diem, & duas noctes, ad comprobandam veritatem suę mortis, tandiū anima eius fuit in limbo Patrum, vt sic simul anima de limbo, & corpus de sepulchro educeretur.

## DE INFIDELITATE.

**I**nfidelitas opposita fidei, quæ est virtus theologica, potest sumi dupliciter, negativè, & privativè. Infidelitas

mo modo accepta, cadit in his, qui nihil vnquam de fide Christi audierunt, talis non dicit imperfectionem, minus est peccatum, iuxta illud Ioann. 15. Si non venissem, & locutus fuisset eis, peccatum non haberent, scilicet infidelitatis; infidelitas yerò secundo modo accepta, cadit in his, qui audierunt de fide Christi, sed credere recusant, hæc dicit imperfectionem, & est peccatum vt habetur loco citato, cuius tres sunt species, vt docet D. Tho. 2. 2. quæst. 10. Prima est Paganorum, secunda est Iudæorum, tertia est hæreticorum; quæ est omnium pessima: quia infidelitas Paganorum est contrarietas ad fidem Christi nondum susceptam; infidelitas Iudæorum est contrarietas ad fidem Christi susceptam in figura: infidelitas autem hæreticorum, est contrarietas ad fidem Christi susceptam in re & veritate, ergò grauius peccatum est infidelitas hæreticorum infidelitate Paganorum, seu Iudæorum, quorum omnia opera sunt peccatum, Rom. 14. Omne quod non est ex fide, peccatum est; intellige factum ex fidelitate, vel relatum ad infidelitatem, vt si Saracenus ieiunat, vt seruet legem Mahometi, vel Iudæus sabbatizat, vt seruet legem Moysis,

sis, peccant : secus tales possunt habere actus bonos ex obiecto, vel circumstantijs, placentes Deo, licet nullus actus eorum sit meritorius : quia non factus in gratia.

Infideles, qui nunquam susceperunt fidem Christi in re, & veritate, ad eam suscipiendam non sunt compellendi : quia credere est voluntatis ; licet tales possint cogi, ne fidem Christi impediant : infideles autem, qui semel susceperunt fidem Christi, in re & veritate, & postea ab ea apostatarunt, ut hæretici veniunt compellendi etiam corporaliter, ut impleant quod promiserunt, ac teneant quod semel susceperunt : nam licet credere sit voluntatis, adimplere tamen quod est promissum, & fidem semel susceptam servare, est necessitatis.

Christianis, communicare infidelibus, maximè iudeis, quo ad multa, iura prohibent. primò, manducare azyma eorum secundò, habitare cum eis. tertio, accipere ab eis medicinam. quarto, ingredi balneum, & se cum eis lavare : pœna autem transgressorum in iure, si contrà faciens est Clericus, venit deponendus, si verò est laicus, venit excommunicandus, intellige si hæc fiant absque necessitate, vel dispensatione.

que tanquam de eis substantia, requiruntur. primò, quòd iudex inquirens sit competens, hoc est, nullo modo suspectus inquisito. secundò, quòd inquisitus sit de iurisdictione inquirentis. tertio, quòd materia sit talis, de qua possit inquiri: nam secularis magistratus de causis matrimonialibus non habet inquirere. quartò, quòd præcedat infamia, ubi inquisitio fit contra certam personam ad pœnam imponendâ. quintò, quòd seruetur debita forma à iure præscripta: vnde si inquisitio formetur, non seruatò ordine iuris, est nulla, & condemnatio inde sequi non potest. Inquisitio non potest fieri, nisi de crimine illo, de quo aliquis est diffamatus: nam peccatum occultum est exemptum ab inquisitione humana, & per consequens inquirens de criminibus occultis, peccat: quia videtur sibi usurpare iudicium Dei, qui occultorum solus est iudex.

Quærenti, vtrum subditi ad mandatum Superioris teneantur, crimen alienum, seu proprium manifestare? Respondetur quæsito tribus conclusionibus, quarum prima est. Si maleficus est notorius, eo casu subditus iudice mandante, tenetur eum reuelare. Secunda

conclusio est: Si maleficus non est notorius, tamen potest probare per duos testes sine ipso, talem illud commisisse, tenetur reuelare. Tertia conclusio est: Si maleficus non est notorius, neque potest probare per duos saltem testes, eo casu etiam iudice mandante, subditus non tenetur eum reuelare, imò non potest de iure, & Superior si præcipit, seu excommunicat subditum, nisi reuelet, non ligat in tali casu: quia iudex non debet intendere velle scire nisi quæ humanitus scire potest, talia sunt, quæ testimonio duorum, aut trium probari possunt, iuxta illud. Deuter. 19. Non stabit testis vnus contra aliquem quicquid illud peccati, & facinoris fuerit: sed in ore duorum, aut trium testium, stabit omne verbum.

## DE INTERDICTO.

**E**ccllesiasticum interdictum est separatio à iure, vel ab homine facta à certis Sacramentis: à diuinis officijs, & à sepultura ecclesiastica. Interdictum communiter ponitur triplex, locale, personale, locale & personale simul: nam quandoque locus tantum interdicitur, & eo casu incolæ, qui non dede-

dederunt causam interdicti alibi possunt absque peccato diuina audire, & Sacramenta recipere. quandoque persona solum interdicitur, & eo casu tam in proprio loco, quam alibi homo tenetur sub pœna peccati mortalis seruare interdictum, similiter si persona, & locus simul interdicuntur.

Interdictum, siue locale, siue personale, duplex est, generale & particulare. Interdictum locale generale, à iure fertur in septem casibus. Primò, contra ciuitatem lædentem Cardinalem excepta vrbe. secundò, contra territorium lædentium Episcopum. tertio, contra ciuitatem lædentem proprium Episcopum. quarto, contra non seruantes constitutiones pontificias in electione Papæ. quinto, contra terras Ecclesiæ locantes domus vsurarijs peregrinis. sexto, contra loca impedientium legatos, seu nuncios apostolicos. septimò, contra loca cogentia Ecclesias, seu personas ecclesiasticas soluere exactiones pro rebus suis ad vsum.

Interdictum locale particulare à iure pariter fertur in septem casibus. Primò, vbi Ecclesia iniuriosa sanguinis effusione, vel seminis procurata polluitur. secundò, vbi Ecclesia per simoniam  
est



IV. tertio, contra recipientes dignitatem ecclesiasticam à laico, & contra conferentes talem dignitatem laico. quarto, contra participantes cum excommunicatis, & interdictis, præterquam in casibus à iure concessis. quinto, contra locantes domos alienigenis ad fœnus exercendum. sexto, contra exigentes pedagia ab Ecclesijs, & à personis ecclesiasticis. septimo, contra capitulum, seu collegium accipiens aliquid ex fructibus beneficii vacantis. octavo, contra Episcopos ingredientes clausuram monialium, extra casus necessitatis.

Interdictum omnis potest ponere, qui habet potestatem excommunicandi, vel suspendendi à diuinis officijs ratione iurisdictionis ordinariæ, siue delegate, quam habet super interdicens, vt Papa in tota Ecclesia, Legatus in locis suæ legationis, Episcopus in sua Diœcesi, & inferiores Prælati habentes iurisdictionem ordinariam in suos subditos: requiritur tamen semper causa rationabilis.

Tempore interdicti, sex potissimum in iure prohibentur. primo, celebratio diuinorum. secundo, administratio Sacramentorum. tertio, collatio ordinũ. quar-



quartò, sepultura ecclesiastica. quintò, pulsatio campanarum pro diuinis, secus pro alijs rebus. sextò, apertio ianuarum Ecclesiæ, tempore, quo diuina celebrantur: verùm tempore interdicti etiam generalis, quædam in iure sunt concessa. primò, administratio Sacramentorum Baptismi, Pœnitentiæ absolutè, & Eucharistiæ existentibus in articulo mortis, aliàs non. secundò, celebratio diuinorum officiorum singulis diebus in Ecclesijs, tam secularibus, quàm regularibus cum ista moderatione, scilicet: submissa voce, ianuis clausis, campanis non pulsatis, & interdictis exclusis. tertio, celebratio diuinorum in locis interdictis alta voce, ianuis apertis, & pulsatis campanis in quatuor solennitatibus conceditur, videlicet: Natiuitatis, Resurrectionis, Pentecostes, & Assumptionis Beatæ Mariæ, interdictis admissis, ita tamen, quòd illi, propter quos latum est interdictum, altari non propinquent, nunc additur solennitas corporis Christi, & eius octaua.

Pœna violantium interdictum est ista: Si contrafaciens est Clericus, peccat mortaliter, & fit irregularis, si contrafaciens est laicus, peccat mortaliter, & illi

& illi est prohibitus ingressus Ecclesiæ,  
non tamen fit irregularis.

## DE INTERROGATIONE.

**I**N Confessione sacramentali, inter-  
rogationes veniunt faciendæ: quia  
vt docet D. Thomas 4. sentent. distinc.  
19. Sacerdos in Confessione debet per-  
scrutari conscientiam peccatoris, qua-  
si medicus vulnus, & iudex causam, li-  
cet in interrogationibus faciendis, tria  
sint attendenda. primo, vt peccator in  
interrogetur de peccatis, quæ consueue-  
runt in hominibus illius conditionis  
abundare. secundò, vt non fiat interro-  
gatio explicita de peccatis, nisi de illis,  
quæ omnibus manifesta sunt. tertio, vt  
de peccatis præcipuè carnalibus, Sacer-  
dos non descendat nimis ad particula-  
res circumstantias, ne sic fortassis sibi,  
& conficenti noceat.

¶ Sacerdos antequàm pœnitentem de  
peccatis interroget, quinque obserua-  
re debet. primò, cognoscere, an pœni-  
tens sit suæ iurisdictionis. secundò, quæ-  
rere, an sit innodatus, aliqua censura,  
vel peccato, à quibus ipse non possit ab-  
soluere. tertio, videre, quam diu non sit  
confessus, si fecit pœnitentiam illi in-

rium, & alicuius momenti, si vendidit, vel emit, si dimisit Missam ex negligentia, si seruauit vigilias sanctorum, si dies festos consummauit in iocis, ludis, choreis, & similibus.

Circa quartum præceptum: Honora patrem, & matrem, si dilexit parentes, si eis obediuit, si eis maledixit, si eos verberauit, si eorum testamenta est executus.

Circa quintum præceptum: Non occides, si occidit, vel vulnerauit, siue percussit aliquem extra ordinem iustitiæ, & casum defensionis, si habuit animū deliberatum occidendi, mutilandi, vel percutiendi proximum, si procurauit abortum, si commisit homicidium spirituale, inducendo aliquem ad peccatum mortale, quo occiditur anima.

Circa sextum præceptum: Non mœchaberis, si commisit fornicationem, vel adulterium, vel stuprum, vel incestum, vel sacrilegium, vel raptum, vel vitium contra naturam, si commisit mollitiem, vel pollutionem procuraue-  
rit. Circa septimum præceptum: Non furtum facies, si sit furatus, si commisit rapinam, si exegit pedagia iniusta, posuit, vel auxit, si inuenit aliquid, quod non restituit, si exercuit vsuras, si ven-  
didit

didit vnā rem pro alia, si defraudauit iustā gabellā. Circa octauum præceptum: Non dices falsū testimoniū, si dixit mendacium in iudicio, si dixit contra fidem, vel in damnum alicuius, siue quo ad animā, siue quo ad corpus, siue quo ad famā, si dēnegauit alicui debitū, si reuelauit occulta ex odio. Circa nonum præceptum: Nō concupisces vxorem proximi tui, si alienā vxorem desiderauit, si delectatus est cogitando inhonestā, si in Ecclesia amorem profanum sollicitauit, si aliquid fecit, vt se vel alium ad luxuriā incitaret. Circa decimū præceptum: Non concupisces rem proximi tui, interrogandus est pœnitens, si voluit habere res sui proximi qualitercunque, siue iustē, siue iniustē, si desiderauit diuitias malo fine, si exposuit se periculo animæ, vel corporis, vel propriæ famæ notabili, pro lucro.

Circa septem vitia capitalia, Circa primum in ordine, quod est Superbia, peccator est interrogandus, si existimauit bonū, quod habet, à se habere, & non à Deo; si gloriatus est habere bona, quibus caret; si appetiuit dignitates, sciens se esse indignū; si quæsiuit laudem de re turpi.

Circa secundū vitium

rium capitale quod est Auaritia, si retinuit, quod restituere tenebatur; si non soluit creditoribus in termino cū posset; si retinuit superflua, & non fecit eleemosynam; si appetiuit diuitias illicitè. Circa tertium vitium capitale, quod est Luxuria, quomodo pœnitens sit interrogandus, habetur suprâ de sexto præcepto decalogi. Circa quartum vitium capitale, quod est Gula, si præuenit horam in comedendo, si nimis lautè comedit, si nimium studium in comedendo apposuit, si nimis comedit, seu bibit scienter, vsque ad vomitum, vel ebrietatem, vel vsque ad infirmitatem. Circa quintum vitium capitale, quod est Inuidia, si odio habuit proximum suum, si tristatus est de bono sui proximi, si detraxit eius honori, si seminauit discordias reportando malum alteri de altero. Circa sextum vitium capitale, quod est Ira, si appetiuit vindictam de proximo: si ei retinuit loquelam, si conuitijs, & contumelijs proximum suum affecit, si murmurauit contra Deum, vel contra suum Superiorem. Circa septimum vitium capitale, quod est Accidia, pœnitens est interrogandus, si neglexit necessaria ad salutem, si pœnituit se benè fecisse, si desit bona facere,

opera carnis, quæ sunt: fornicatio, impudicitia, luxuria, inimicitia, inuidia, homicidia; qui talia agunt, regnum Dei non consequentur. Quinimò inuidia est vitium capitale, quia ex ipsa quatuor alia vitia oriuntur, scilicet, odium proximi, obretractio, susurratio, afflictio in prosperis, & exultatio in aduersis proximi, quarum sufficientia sumitur ex hoc, quod in conatu inuidiæ tria veniunt considerata, principium, medium & terminus. Principium inuidiæ est, ut aliquis minuatur alterius gloriam, vel in occulto, ecce susurratio, prima filia inuidiæ, vel in publico, ecce detractio. Medium in conatu inuidiæ est, quod intendens minuere gloriam alterius, aut potest, ecce exultatio in aduersis; aut non potest, ecce afflictio in prosperis. Terminus inuidiæ est odium proximi: quia sicut bonum causat amorem, ita tristitia causat odium: Verum inuidia potest esse peccatum veniale, ex imperfectione actus, vel ex paruitate obiecti. Tristitia de bono alieno, potest contingere quatuor modis. primò, potest aliquis dolere de bono alterius: quia inde timet sibi nocumentum, talis tristitia potest esse sine peccato: nā legitur Exod. 15. quod Israel lætatus sit

de submersione Ægyptiorum iniuste  
 persequentium. secundo, potest aliquis  
 tritari de bono alterius, non quia talis  
 habet bonum illud; sed ex eo, quod sibi  
 tale bonum, quod habet proximus, de-  
 est, & hæc tristitia est zelus laudabilis,  
 1. Corinth. 14. Emulamini charismata  
 meliora. tertio, potest aliquis tritari  
 de bono alterius, ex eo, quod accidit  
 illi, qui est eo indignus, talis tristitia  
 prohibetur in sacris literis; Psalm. 36.  
 Noli emulari in malignantibus, neque  
 zelaueris facientes iniquitatem. Rur-  
 sur Psalm. 72. Zelauit super iniquos, pa-  
 cem peccatorum videns: nam bona  
 temporalia indignis proueniunt ex iu-  
 sta Dei ordinatione, vel ad eorum cor-  
 rectionem, vel ad eorum iustam dam-  
 nationem. quarto, potest aliquis trita-  
 ri de bono alterius, ex eo, quod talis ip-  
 sum excedat in bonis, & hæc tristitia  
 propriè est inuidia, semperque est  
 peccatum: quia sic homo do-  
 let de eo, de quo illi es-  
 set gaudendum,  
 nempe de bo-  
 no proxi-  
 mi.



DE INVOCATIONE  
demonum.

**I**nuocatio demonum communiter  
ponitur duplex, vnâ explicita, altera  
implicita, seu occulta. Inuocatio demo  
num implicita, sex præcipuè modis co  
gnoscitur. Primò, ex conditione vana  
adiuncta vti necessaria, puta quod ta  
lis herba, vt habeat suum effectum, col  
ligatur tali die sub pulsu campanarum  
vel talia verba, vt habeant suum effe  
ctum, debeant esse scripta in charta  
membrana, vel manu sinistra, vel à vir  
gine. secundò, ex appositione caracte  
rum ignotorum. tertio, ex positione no  
minum ignotorum, vel saltem nesci  
tur, ad quid pertineant talia nomina.  
quartò, quando effectus expectatus ex  
talibus superstitionibus, virtutem natu  
ralium agentium excedit, puta cogno  
scere occulta, sanari in puncto. quintò,  
quando ex verbis sacris quæritur effe  
ctus vanus puta motio annuli, cribri,  
& similia. sextò, cognoscitur, q̃ ad sit  
inuocatio demonum implicita ex ad  
iunctis quibusdam verbis falsis, & apo  
cryphis, puta si dicatur, per dolorem,  
quem beata Virgo passa est in partu, &



### 340 Inuocatio dæmonum.

alia id genus . His stantibus , vtraque inuocatio dæmonum est illicita , vtraque est peccatum : quia vtraque præ se fert amicitiam , & societatem cum dæmone , quæ societas simpliciter homini est prohibita , 1. Corin. 10. Nolo , inquit Apostolus , vos fieri socios dæmoniorum.

Inquirere aliquid , puta loquendum , vel faciendum à dæmone , non sicut ab amico , vel socio : sed sicut ab hoste , nullum est peccatum : inquirere autem aliquid à dæmone , tanquam ab amico , si actus socialis est perfectus , peccatum mortale est , si verò actus socialis est imperfectus , puta proueniens ex mera leuitate , seu curiositate , potest esse peccatum veniale. Quare homo duobus modis licitè potest se habere ad dæmonē , vno modo expellendo , vt fit in exorcismis , alio modo compellendo potestate diuina , vt aliqua dicat , vel faciat.

### DE IRA.

**I**Ra , secundum Philosophum , est accensio sanguinis circa cor , & secundum D. August. est appetitio vindictæ. Ira in sacris literis duplex est , bona & mala ; de bona , Rom. 1. Reuelatur ira Dei

Dei de cœlo. & Psalm. 4. Irascimini, & nolite peccare. de mala, Iacob. 7. Ira iustitiam Dei non operatur. Ira bonæ est appetitus vindictæ ordinatus ad correctionem vitiorum, vel ad iustitiæ conseruationem; ira verò mala, est appetitus vindictæ inordinatus, hoc est, præter ordinem rationis.

Ira, quando est inordinata ex parte appetibilis, in quod tendit, ex genere suo est peccatum mortale, quia contrariatur iustitiæ, & charitati: potest tamē esse peccatum veniale, propter imperfectionem actus, quæ attenditur; vel ex parte appetitus, puta cum motus iræ præuenit iudicium rationis, vel ex parte appetibilis, putà cum aliquis cupit se vindicare in aliquo modico, vt puerum trahere per capillos. Quare ira, supposita deliberatione actus, & notabilitate vindictæ, potest esse peccatum mortale quinque modis. primò, cum quis appetit aliquem puniri, qui non meruit. secundò, cum quis appetit aliquem puniri vltra sua demerita. tertio, cum quis appetit, aliquem puniri indebitè. quartò, cum quis appetit, aliquem puniri; non propter debitum finem, qui est conseruatio, & correctio culpæ. quintò, ita est peccatum mortale, quan

do quis ex feruore ipsius iræ cadit ex charitate Dei, vel proximi, puta blasphemando Deum, vel maledicendo proximum, vel non succurrendo ei in necessitate.

Ira vt est appetitus vindictæ inordinatus, non solum est peccatum mortale, sed etiam est vitium capitale: quia ex ipsa sex alia vitia oriuntur, scilicet: rixa, tumor mentis, contumelia, blasphemia, inordinata locutio, seu clamor, & indignatio. ratio est: quia ira potest tripliciter considerari. primò, vt est in corde, & sic ex ipsa duo vitia nascuntur, indignatio, & tumor mentis. secundò, vt est in ore, & sic ex ira duo vitia oriuntur, inordinata locutio, & blasphemia. tertio, secundum quod est in effectu, & sic ex ea duo vitia nascuntur, rixa, & contumelia, per quæ intelliguntur omnia nocumenta, quæ facto proximo inferuntur.

Ire tres sunt gradus, vt habet Matth. si primus gradus iræ est cordis, & accipitur ibi: Omnis, qui irascitur fratri suo. secundus gradus iræ est oris, & habetur ibi: Qui dixerit fratri suo racha. tertius gradus iræ est operis, & innuitur ibi: Qui dixerit fatue. Modò si primus gradus iræ est peccatum mortale, secun-

secundus est grauius peccatum, & tertius adhuc grauius: nam in primo gradu iræ, iuxta seriem euangelicam, ponitur iudicium, quod est minus: quia in eo locus defensionis adhuc datur. in secundo gradu iræ ponitur concilium, quo iudices tractant, quo supplicio affici debeat. in tertio gradu iræ ponitur gehenna ignis, quæ est certa damnatio.

## DE IRREGVLARITATÈ.

**I**Rregularitas est impedimentum canonicum ex facto, seu defectu proueniens: quo quis ad ecclesiasticos ordines promoueri, & promotus in eis ministrare prohibetur, quæ in genere tribus modis incurritur, quandoque ex delicto, quandoque ex defectu corporis, & quandoque ex defectu Sacramenti: clarius tamen dici potest, quod irregularitas nouem modis contrahatur. primò, ex homicidio. secundò, ex mutilatione. tertio, ex indebita celebratione, vel executione ordinū. quarto, per apostasiam à fide. quinto, ex infamia, vel crimine. sexto, propter excommunicationem, suspensionem, vel interdictum, siue à iure, siue ab homine. septimò, propter bigamiam. octauo, per fo-

lennem pœnitentiam . nono , incurritur irregularitas propter vitium corporale. Ad maiorem autem euidentiã huius doctrine, ponuntur conclusiones immediatè sequentes.

Prima conclusio est ista: Irregularitas, hoc est, inhabilitas ad executionẽ, & susceptionem ordinum ecclesiasticorum incurritur ex homicidio , vel ex mutilatione actuali, siue verbo, siue facto, siue occasione commisso voluntariè. Secunda conclusio est: Irregularitas non contrahitur ex homicidio , ex necessitate ineuitabili, siue ex mera casualitate commisso, idem teneas de mutilatione. Tertia conclusio est : Irregularitas non incurritur ex vulnere, quando nec mors, nec mutilatio sequitur .

Quarta conclusio est: Irregularitas contrahitur, non solum ex homicidio iniusto, sed etiam ex homicidio iusto : unde in causa mortis, vel mutilationis actualis iudex, assessor, notarius, scriba sententiæ, promulgator , accusator, testis, aduocatus contra reum, aduocatus pro reo , si mors infligatur accusatori, sunt irregulares. Quinta conclusio est: Mutilati, gibbosi, claudi notabiliter, cæci monoculi, hermaphroditi, leprosi, furiosi, lunatici, non habentes lucida

inter-

interualla, laborantes morbo comitiali, dæmoniaci, abstemij, & illegitimi sunt irregulares, hoc est, inhabiles ad promotionem, & ad vsum in promotionis. Sexta conclusio est: Irregularitas contrahitur ex indebita susceptione, celebratione, seu executione Ordinū. primò, si quis celebret in Ordine sacro quem non habet cum solenni apparatu. secūdò, si quis ordinatus per saltum exercent actum Ordinis sacri omissi. tertio, si quis excommunicatus maiori excommunicatione, siue suspensus, siue interdictus à iure, vel ab homine, celebret in Ordine, quem habet. quartò, si quis recipit Ordines etiam minores scienter ab Episcopo excommunicato, schismatico, vel heretico, vel ab Episcopo, qui renunciavit loco, & dignitati, vel extra tempora statuta, absque dispensatione. Septima conclusio est: Irregularitas incurritur per reiterationē illorum Sacramentorum, quæ imprimunt characterem, vt sunt Baptismus, Confirmatio, & Ordo, & quo ad ministrantem, & quo ad recipientē, si ignoranter, cum eo dispensat Episcopus, si scienter, solus Papa. Octaua conclusio est: Irregularitas contrahitur per apostasiam à fide, cum Sacerdotibus, & si

id factum sit iusto timore, solus Papa dispensat, cum alijs verò Episcopus, secus si voluntariè sine iusto timore, eo casu cum ipsis etià solus Papa dispensat. Nona conclusio est: Irregularitas incurritur propter bigamiam, & infamiam, siue iuris, siue facti: tales enim sunt irregulares, hoc est, inhabiles ad susceptionem, & ad executionem Ordinum, nisi præcedat dispensatio.

Irregularitas tribus modis tollitur, per Baptismum, per ingressum religionis approbatæ, & per dispensationem Summi Pontificis, Baptismo tollitur omnis irregularitas, contracta ante illum ex delicto, vel ex sequela delicti, ut ea, quæ oritur ex homicidio, seu mutilatione, siue cum peccato, siue absq, peccato fuerit, & ea, quæ ex infamia tam iuris, quàm facti provenit. Ingressu religionis tollitur irregularitas, quæ ex delicto alieno provenit, ut ea, quæ contrahitur ex defectu natalium, tales possunt promoueri ad Ordines in fauorẽ religionis, quam sunt ingressi: non tamen possunt sine dispensatione ad dignitates, seu prælaturas promoueri. Dispensatione Papæ omnis irregularitas quomodocunque contracta, siue ex delicto, siue ex defectu corporis, siue ex defe-



defectu Sacramenti tollitur: quia omnis irregularitas est iuris positivi, super quod est Papa: Verum hic Lector non latebit decretum illud Sacri Concilii Trident. sess. 24. de reform. capit. 6. quo habetur, quod iam Episcopi possunt dispensare in omnibus irregularitatibus, & suspensionibus prouenientibus ex delicto occulto, ea excepta, quæ ex homicidio voluntario oritur, & alijs deductis ad forum contentiosum: item eis licet absolvere quoscunq; delinquentes sibi subditos in sua Diocesi per seipsos, aut Vicarium ad hoc deputatum in omnibus casibus occultis, etiam Sedi Apostolicæ reservatis in foro conscientie gratis, imposita poenitentia salutari: quinimò & in crimine hæresis, sed hoc tantum ipsis Episcopis, & non eorum Vicarijs est permittum. Insuper modò licet Episcopis dispensare cum ijs, qui non ex proposito, sed casu, vel vim vi repellendo homicidium commiserunt, ut possint ad Ordines promoueri, ubi constat rem ita se habere, & in promotis ministrare.



## DE IUDÆIS.

**I**udæorum nomine veniunt, qui legem Mosaicam literaliter tenent, ac observando sequuntur, & dicti sunt à principali tribu, quæ fuit Iudæ: prius tamen dicebantur Hebræi ab Heber, cuius sola familia cultum Dei tenuit, cæteris idololatria fœdatis. Christianis in iure multa prohibentur, in quibus Iudæis communicare non licet. Primò, iura prohibent Christianis comedere cum Iudæis. secundò, cohabitare illis. tertio, recipere eos ad cœniua. quartò, comedere eorum azyma. quinto, vocare eos, aut ab eis recipere medicinas in infirmitatibus. sextò, balneari cum eis. septimò, relinquere illis aliquid in testamento. octavò, nutrire eorum filios, maximè in illorum domo. nonò, eis inservire in domo. secùs extra domum.

Iudæis in iure multa prohibentur. primo, habere servum Christianum. secundo, habere officia publica inter Christianos. tertio, habere dominium super fideles. quarto, procedere in publicum sine habitu, vel signo distincto à Christianis. quinto, erigere novas synago-

nagogas: antiquas tamen, ac ruinosas  
reficere possunt. sexto, ferre testimoniū  
contra Christianum, & hæc prohibitio  
est etiam circa Saracenos, seu Genti-  
les: contra facientes autem si sunt laici,  
veniunt excommunicandi, si sunt Cle-  
rici, veniunt deponendi, peccantque  
mortaliter, nisi ignorantia iuris, vel ne-  
cessitas tales excuset: si vero contra fa-  
cientes sunt Iudæi, licet ipsi nō possint  
puniri, quo ad pœnam spiritualem, pu-  
niuntur in quo ad pœnam corporalem.

Christiani contra Iudæos multa, se-  
cundū iura, facere nequeunt. primo,  
non debent eos violeptē cogere ad fi-  
dem Christi suscipiendam: quia crede-  
re est voluntatis, licet seruare fidem se-  
mel susceptam sit necessitatis. secundo,  
non debent eos offendere in persona,  
vel in bonis sine iudicio terrenæ pote-  
statis. tertio, non debent eos impedire,  
ne suas cōsuetudines in festiuitatib. suis  
obseruent, modo nihil faciāt, in oppro-  
briū Christianę fidei: nā inde testimo-  
niū fidei nostrę ab hostib. habemus, q̄  
ob cām ritus Iudæorū ab Ecclesia tole-  
rantur. quarto, non debent ab eis exigi  
coacta seruitia, quę facere non consue-  
uerunt. quinto, non debet fieri iniuria  
eorum sepulchris, neque corporibus  
hu-

humatis, neque illorum cœmiterijs. sexto, in Sabbathis suis non debent trahi ad iudicium. septimo, non debent spoliari suis bonis iniuste acquisitis, nec debita successione si conuertantur ad fidem, ex quo non perdunt agnationē: unde in tali casu agnati debent succedere in eorum bonis. octauo, non sunt prohibendi conuerti ad fidem, & Baptismum suscipere, etiam si sint serui Christianorum.

## DE IUDICE.

**I**udex dicitur ille qui iure potest vni cuique sibi subdito, iustum decernere, ac reddere, & communiter ponitur triplex. Ordinarius, qui habet vniuersitatem causarum ex officio. Arbitrarius, qui habet iurisdictionem ex voluntate partium, & Delegatus, qui habet iurisdictionem ex commissione Superioris: ratio autem sufficientiæ huius diuisionis est, quia nullus potest iudicare, nisi sibi subiectum, vel ordinariē, ecce primum genus iudicum, vel propria sponte, ecce secundum genus iudicum, vel ex commissione Superioris; ecce tertium genus iudicum. Verum in iure a iudicis officio aliqui repelluntur,

scilicet.

scilicet: surdus, mutus, furiosus perpetuò, impubes, foemina, seruus, excommunicatus, consanguineus rei, inimicus actoris, vel alia causa suspectus, & imperitus.

Iudex ordinarius sicut & delegatus, duplex est, secularis & ecclesiasticus. Iudex secularis in Clerico nullam habet iurisdictionem, neque in criminalibus, neque in civilibus: Vnde Clericus respondendo coram iudice seculari, si causa est civilis, eo casu cadit à sua causa, si est criminalis, amittit suum locum, seu dignitatem, & iudex laicus, qui iudicat de Clerico, peccat mortaliter, & secundum iura, debet priuari officio iudicandi, sententiaque inde sequens est nulla: fallit tamen hæc doctrina, præcipuè in tribus casibus. primò, in causa reconuentionis civilis: nam si Clericus conuenit laicum coram iudice seculari, & ille reconuenerit Clericum civiliter, feraturque sententia contra Clericum tenet, quia in tali casu factus est suus iudex per reconuentionem secus si laicus reconuenerit Clericum criminaliter, quia sic laicus Clericum coram iudice seculari, neque conuenire, neque reconuenire potest. secundò fallit quando Clericus est traditus curiæ

humatis, neque illorum cœmiterijs. sexto, in Sabbathis suis non debent trahi ad iudicium. septimo, non debent spoliari suis bonis iniuste acquisitis, nec debita successione si conuertantur ad fidem, ex quo non perdunt agnationē: vnde in tali casu agnati debent succedere in eorum bonis. octauo, non sunt prohibendi conuerti ad fidem, & Baptismum suscipere, etiam si sint serui Christianorum.

## DE IUDICE.

**I**udex dicitur ille qui iure potest vni cuique sibi subdito, iustum decernere, ac reddere, & communiter ponitur triplex. Ordinarius, qui habet vniuersitatem causarum ex officio. Arbiter, qui habet iurisdictione ex voluntate partium, & Delegatus, qui habet iurisdictionem ex commissione Superioris: ratio autem sufficientiæ huius diuisionis est, quia nullus potest iudicare, nisi sibi subiectum, vel ordinariē, ecce primum genus iudicum, vel propria sponte, ecce secundum genus iudicum, vel ex commissione Superioris; ecce tertium genus iudicum. Verum in iure a iudicis officio aliqui repelluntur,

scilicet

scilicet: surdus, mutus, furiosus perpetuò, impubes, fœmina, seruus, excommunicatus, consanguineus rei, inimicus actoris, vel alia causa suspectus, & imperitus.

Iudex ordinarius sicut & delegatus, duplex est, secularis & ecclesiasticus. Iudex secularis in Clerico nullam habet iurisdictionem, neque in criminalibus, neque in ciuilibus: Vnde Clericus respondendo coram iudice seculari, si causa est ciuilis, eo casu cadit à sua causa, si est criminalis, amittit suum locum, seu dignitatem, & iudex laicus, qui iudicat de Clerico, peccat mortaliter, & secundùm iura, debet priuari officio iudicandi, sententiaque inde sequens est nulla: fallit tamen hæc doctrina, præcipuè in tribus casibus. primò, in causa reconuentionis ciuilis: nam si Clericus conuenit laicum coram iudice seculari, & ille reconuenerit Clericum ciuilitè, feraturque sententia contra Clericum tenet, quia in tali casu factus est suus iudex per reconuentionem secùs si laicus reconuenerit Clericum criminaliter, quia sic laicus Clericum coram iudice seculari, neque conuenire, neque reconuenire potest. secundò fallit quando Clericus est traditus curiæ

riæ seculari. tertio, quando interuenit episcopalis authoritas, in his enim casibus iudex secularis licitè potest Clericum iudicare in causa merè temporali.

Iudex secularis ordinarius tuta conscientia sportulas, seu munera; nec petere, nec recipere potest, ubi sufficientem prouisionem habet, iudex autem secularis delegatus petit, & recipit sportulas, puta duos aureos in principio, & duos in fine, quando causa excedit centum aureos, secùs nihil habebit, excipiuntur tamen comestibilia, & potabilia ex mera liberalitate oblata finito iudicio, iudex ecclesiasticus, siue ordinarius, siue delegatus sportulas, neque petere, neque recipere potest, ubi habent sufficientes redditus, vel beneficium. possunt tamen petere à partibus litigantibus, nisi sint pauperes, salarium honestum pro notario, nuncijs, ac alijs inferioribus officialibus, non habentibus deputatos, sufficientesq; redditus, dummodò non participant cum eis.

Iudex delegatus, siue sit secularis, siue sit ecclesiasticus, cum proficiscitur extra domicilium, potest petere, & recipere expensas pro victualibus, ac vectoris equorum, nisi talis esset delegatus ad vniuersitatem causarum, nam eo



casu ordinarius prouidebit de suo: Iudex verò ecclesiasticus ordinarius, quādo proficiscitur extra domum, non potest perere, minus recipere expensas, nisi quando proficiscitur pro consecratione Ecclesiæ, & quando visitat pronunciam suam: sic tamen vt in petitione, ac receptione expensarum computentur expensæ, quas ipsi domi fecissent, quæ, vt tales à restitutione excusentur, debent detrahi à tota summa.

## DE IUDICIO.

**I**udicium diuersimodè sumitur, quādoque pro vsu rationis, quandoque pro casu fortuito, quandoque pro sententia iudicis, quandoque pro pœna, quæ ex sententia infligitur, & quandoque pro instantia, seu ordinatione causæ discutiendæ in iure coram iudice, sicque iudicium acceptū, de quo nunc intendimus, nihil aliud est, quàm quædam definitio, seu determinatio eius, quod iustum est secundum leges, ad quod tres personæ necessario concurrunt, scilicet: actor, reus, & iudex: Vnde iudicium ab aliquibus dici-



dicitur actus trium personarum verè, vel fictè, quia aliquando fama locum tenet actoris. Iudicium & arbitrium licet quodammodò sint idem: tamen in duobus potissimum inter se differunt. primò in hoc, quod iudicium est de causa civili & criminali: arbitrium verò de civili tantum. secundò, quod iudicium necessario: arbitrium autem voluntariè subimus.

Iudicium redditur nullum, tribus modis. primò, ratione iudicis incompetentis, puta vel quia non habet auctoritatem supra reum, vel quia est suspectus, vel aliam ob causam in iure admissam. secundò, ratione personæ agentis, puta, quia est minor, & agit sine auctoritate curatoris, vel quia est excommunicatus: tales enim in iudicio agere non possunt, nisi in causis a iure expressis; pariter iudicium est nullum, si pupillus vocetur in iudicium, & nullus eum defendat. tertio, ex parte rei, puta quia non potest tractari sub tali iudice, vt ius patronatus corā iudice principe inferiore, vel causa matrimonialis coram iudice laico: peruertitur autem iudicium quatuor modis, videlicet, timore, cupiditate, odio, & amore.

Iudicium debet exerceri de die: si tamen

men iudex de nocte procedat cum lumine candelæ ad litis contestationem, vel ad sententiæ prolationem, tenet: multa enim in iure prohibentur, quæ tamen facta tenent. secundò, iudicium debet fieri secundo, & in loco suæ iurisdictionis: alibi autem de consensu partium, ac iudicis territorij, nec huic doctrinæ obstat, quod legitur Matth. 7. Nolite iudicare, & non iudicabimini: quia ibi Christus non prohibet omne iudicium, ex quo habetur Psalm. 2. Erudimini qui iudicatis terram. Esaiæ 1. Iudicate pupillo, defendite viduam, & Ioann. 7. cap. Iustum iudicium iudicate: sed prohibet iudicium temerarium, quod est per usurpationem, vel quando quis iudicat quantum ad euentum futurum, vel ex incertis, & occultis, de quibus non habemus iudicem, nisi Deum.

## DE IVRAMENTO.

**I**uramentum est affirmatio, vel negatio de aliquo facto, vel fiendo, sacræ rei attestazione firmata, & communiter ponitur duplex: Assertorium, quod fit ad confirmandum aliquod præsens, vel præteritum; & Promissoriū, quod fit

fit ad confirmandum aliquod futurū .  
 Iuramentum assertorium, & promissorium in duobus potissimum inter se differunt . primò , quod in iuramento assertorio non cadit dispensatio : quia esset contra præceptum Dei , Matth. 5. Reddas Domino iuramenta tua: in iuramento verò promissorio cadit dispensatio: quia quod nunc est vtile , & bonum, successu temporis erit inutile , ac nocivum . secundò , quod in iuramento assertorio non attenditur semper honestas facti, super quo iuratur, sed attenditur sola veritas : nam testis iuratus tenetur dicere veritatem super facto adulterij, quod est inhonestum ; in iuramento autem promissorio semper attenditur honestas facti : vnde si quis iurat de re illicita facienda , tale iuramentum non ligat, & sic iurans mortaliter peccat, & observando adhuc gravius peccat.

Iuramentum debitè factum , est actus patriæ , & iurantem ad eius observantiam obligat de iure diuino, vt habetur Matth. 5. Reddas , inquit Christus, Domino iuramenta tua: maior tamen est obligatio voti , quàm sit obligatio iuramenti , vt docet D. Thom. 2. 2. quæst. 89. ratio est, quia obligatio vo-

licau-

ti causatur ex fidelitate: obligatio vero iuramenti causatur ex reuerentia, sed grauius peccatum est infidelitas, quàm irreuerentia: quia infidelitas includit irreuerentiam, & non è contrà: ergo obligatio voti est maior, quàm sit obligatio iuramenti.

Iuramentum actus religionis externus, est introductum propter duo, vide licet: ad honorandum Deum, & ad controuersias terminandas, vt habetur Hebr. 6. Homines per maiorem se iurant, & omnis controuersie eorum finis, ad confirmationem est iuramentum: Unde iuramentum secundùm se est licitum, & honestum, Deuteron. 19. Dominum tuum timebis, & illi soli seruias, iurabisque in nomine eius, & Psalm. 62. Laudabuntur omnes, qui iurant in eum: nam iurans fatetur Deum esse infallibilis veritatis, ac omnium notitiã habere: Verùm vt iuramentum non cedat iuranti in malum, debet esse præditum tribus conditionibus, quæ habentur Ierem. 4. Iurabis, inquit Propheta, viuit Dominus in veritate, iudicio, & iustitia. primò, requiritur veritas, hoc est, vt illud, quod iuratur, sit verum. secundò, requiritur iudicium discretionis, hoc est, qd propter

pter magnam causam iuretur . tertio ,  
requiritur iustitia, hoc est, vt illud, qđ  
iuratur, sit iustum, licitum, & honestū,  
quod si aliqua conditio istarum deest,  
iuramentum eo casu tam iudiciale,  
quàm extra iudiciale, est illicitum, ac  
per consequens cedit in malum iuran-  
tis, & iudicis, qui pro re leui, partibus  
defert iuramentum.

Nec obstat huic doctrinæ, quod le-  
gitur Matth. 5. Non iurate, inquit Chri-  
stus, neque per cœlum, neque per terrā.  
& Iacob. 5. Ante omnia, dicit Aposto-  
lus, fratres mei, nolite iurare : quia in  
his, & in alijs locis non prohibetur iu-  
rare secundum quid, nempè per crea-  
turas ea ratione, ne eis exhibeatur re-  
uerentia, & honor diuinus, ex quo iu-  
ramētum est actus latriæ, qui soli Deo  
debetur, Exod. 23. Per nomen externo-  
rum deorum non iurabis. Item non  
prohibetur iurare, sed facilitas & con-  
suetudo iurandi, ex qua venit ad periu-  
rium, Eccles. 23. Iurationi nō assuescat  
os tuum. Quare iurare per creaturas se-  
cundum se non licet, vt docet D. Tho.  
2.2. quæst. 89. & 3. sentent. dist. 39. sed  
benè licet iurare per creaturas in ordi-  
ne ad Deum, quatenus in eis diuina  
veritas manifestatur: nam sic vocamus  
Deum

Deum in testimonium veritatis, quæ in creaturis relucet.

Qui indebitè iurat, tribus modis potest peccare mortaliter. primò, quando iurando blasphematur, attribuendo Deo, quod ei non conuenit, vel negando, quod ei conuenit, vel attribuendo creaturæ, quod soli Deo competit. secundò, quando quis iurando nomina, mēbra Dei, & Sanctorum eius inhonestat. tertio, quando periuratur quocunque modo: quia contra secundum præceptum decalogi: Non assumes nomen Dei tui in vanum.

## DE IVRE PATRO-

natus.

**I**us patrónatus est ius honorificum alicui competens in Ecclesia pro eo, quod de consensu Episcopi eam construxit, fundauit, vel dotaui: Vnde ius patronatus tribus modis acquiritur. primò, quando quis fundat Ecclesiam, hoc est, dat fundum ad ædificandum, & eo casu tam diu durat ius patronatus, quàm diu durat fundus. secundò, quando quis Ecclesiam ædificat, vel funditus destructam reparat de consensu Episcopi, & eo casu primus ædificator si

tor si fuit requisitus, & recusauit reedificare, perdit ius patronatus, nisi fundū dedisset. tertio, quando quis Ecclesiam dotat, siue ante, siue post consecrationem, quod si aliquid magnum Ecclesie aliquis det, non tamen nomine dotis, talis dicetur benefactor illius Ecclesie, & non patronus. Quare vnus, & eiusdem Ecclesie possunt esse tres patroni, vnus ratione fundi, alter ratione ædificij, & tertius ratione dotis.

Patronus Ecclesie, intuitu iuris patronatus, tria sibi acquirit, scilicet: honorem, onus, & vtilitatem. Primo acquirit sibi honorem, vt præsentet instituendum, & in processionibus primū locum, quod si Episcopus, vel alius Prælatus Rectorem instituat, sine patroni præsentatione; institutio ipso iure est nulla: fallit tamen, si patronus fuisset negligens in præsentando; quia elapso tempore à iure præscripto, institutio facta ab Episcopo, tenet: nam si patronus est laicus, intra quatuor menses à tempore vacationis; si verò patronatus est persona ecclesiastica, vel monasterium intra sex menses tenetur præsentare. secundò fallit, si instituens sit Papa: ipse enim potest Rectorem Ecclesie instituere, sine præsentatione patroni. tertio,



tiò, fallit in Legato de latere qui potest instituere Rectorem Ecclesiæ proprio Sacerdote orbata, sine præsentatione patroni, vbi patronus est ecclesiasticus secus si sit laicus. Secundò, patronus Ecclesiæ intuitu iuris patronatus acquirit sibi onus, quòd sit defensor præcipuus Ecclesiæ, ita vt eam ab omnibus oppressoribus defendat. Tertiò, acquirit sibi hanc vtilitatem, quod si vergat ad inopiam, de bonis ipsius Ecclesiæ debeat ali: alias patronus Ecclesiæ nihil potest exigere tuta conscientia in recognitionem iuris patronatus, nisi in fundatione aliquid de consensu Episcopi, sibi reseruasset.

Patronus tenetur præsentare idoneum: vnde qui scienter præsentat indignum, peccat mortaliter, quia infideliter agit in officio sibi commisso: Qui nimò, si Patronus sit collegium, vel persona ecclesiastica, pro ea vice priuatur iure præsentandi; secus si Patronus præsentans sit laicus: quia tales ordinariè circa ecclesiastica non sunt experti. Patronus seipsum præsentare non potest: pater tamen potest præsentare filium, vel nepotè, si sit idoneus. Quòd si multi sint Patroni, possunt præsentare vnum de seipsis, & si in præsentando discor-

Q dent,



dent, eo casu ille debet præfici, qui maioribus iuuatur precibus; & à pluribus eligitur, vel durante discordia Patronorum, Episcopus prouidebit, ne interea Ecclesia aliquam iacturam in temporalibus, minùs in spiritualibus patiatur. Item quando Patroni sunt multi; vel habent hoc ius, vt collegium, vel vt singuli, si primo, vt præsentatio teneat, requiritur maior pars respectu totius collegij, si secundò, sufficit maior pars respectu aliarum partium.

Ius patronatus, secūdum omnes Doctores; transit ad hæredes, & erit apud quemlibet hæredum insolidum, etiã si ex inæqualibus partibus sint hæredes, vt inde laici magis inflammentur ad constructionem, dotationemque ecclesiarum, & licet hoc ius non possit diuidi: tamen vbi sunt plures Patroni, possunt conuenire, vt alternatis vicibus præsentent. Ius patronatus, potest transferri in alium quatuor modis, videlicet: successionem, permutationem, donationem, & venditionem: nam licet ius patronatus specialiter, absque labe simoniæ vendi nequeat, tamen transit de iure cum vniuersitate, nisi de ipso excipiat: vnde si ius patronatus ematur cum vniuersitate temporalium, cum qua illud

Iud transiit, non est simonia.

De Iure Patronatus quæ à Trident.  
Synodo decreta sunt leguntur sess. 14.  
decreto de reform. cap. 12. & sequenti.  
Item sess. 24. cap. 18. & sess. 25. capit. 9.  
vbi inter alia hæc vti præcipua, sum-  
marie annotare voluimus. primo, quod  
nemo cuiusvis dignitatis, Ecclesiasticæ  
vel secularis quacunque ratione, nisi  
Ecclesiam, beneficium, aut Capellam  
de nouo fundauerit, & cōstruxerit, seu  
iam erectam de suis proprijs, & patri-  
monialibus bonis competenter dota-  
uerit, Ius patronatus impetrare, aut ob-  
tinere possit, aut debeat. secundo, quod  
non liceat Patrono cuiusvis priuile-  
gij prætextu aliquem ad beneficia sui  
Iuris patronatus, nisi Episcopi loci Or-  
dinario ad quem prouisio, seu institutio  
ipsius beneficij, cessante priuilegio  
iure pertineret quoquo modo præsen-  
tare, alias præsentatio, ac institutio for-  
san secutæ, nullæ sint, & esse intelligen-  
tur. tertio, quod Episcopus statim ha-  
bita notitia vacationis Ecclesiæ si opus  
fuerit idoneum in ea Vicarium, cum  
congrua eius arbitrio fructum portio-  
nis assignatione cōstituere debeat, qui  
onera ipsius Ecclesiæ sustineat, donec  
ei de Rectore provideatur. Porro Epi-

scopus, & qui Ius patronatus habet, intra decem dies, vel aliud tempus ab Episcopo præscribendum, idoneos aliquot Clericos ad regendam Ecclesiam coram deputandis examinadoribus nominet. quartò, quod præsumentes titulum Iuris patronatus ex fundatione, vel dotatione, id authentico documento, & alijs iure requisitis ostendere teneantur, nec immemorabilis temporis probatio aliter eis suffragetur, quam si præter reliqua, ad eam necessaria, præsentationes etiam continuate, non minori saltem, quàm quinquaginta annorum spatio, quæ omnes effectum fortitæ sint, authenticis scripturis probentur: nam vt verbis præfatæ Sanctæ Trident. Synodi utar; Sicuti legitima patronatum iura tollere, piasque fidelium voluntates in eorum institutione violare equum non est; sic etiam vt hoc colere beneficia ecclesiastica in seruitutem, quòd à multis impudenter fit, redigantur, non est permittendum.

## DE IUSTIFICATIONE.

**I**ustificatio est quædam transmutatio de statu iniustitiæ ad statum iustitiæ, ad quam quatuor necessariò concurr-

currunt, scilicet; remissio peccatorum, infusio gratiæ, motus liberi arbitrij in Deum, & motus liberi arbitrij contra peccatum, & quamuis hæc quatuor sint simul tempore, tamen ordine naturæ in iustificatione impij, primum est infusio gratiæ, secundum est motus liberi arbitrij in Deum, tertium est motus liberi arbitrij contra peccatum, quartum verò & ultimum, est remissio peccatorum, ad quam tota ista transmutatio ordinatur, sicut ad finem.

Peccatum & damnatio nostra habuit originem ab Adamo; iustificatio autem nostra originem habet à Christo, iuxta illud, Rom. 5. Sicut per unius delictum in omnes homines in condemnationem, sic & per unius iustitiã in omnes homines in iustificationem vitæ; Verùm in sacris literis iustificatio nostra multis attribuitur. Primò, Deo, ut habetur Rom. 3. Deus: inquit Apostolus, est qui iustificat impium. secundò, attribuitur Christi passioni, Apocal. 1. Lavit nos à peccatis nostris in sanguine suo. tertio attribuitur Diuinę gratiæ, Rom. 3. Iustificati gratis per gratiam ipsius. quartò, attribuitur fidei, Rom. 3. Arbitramur hominem iustificari per fidem. quintò, attribuitur spei,

Rom. 8. Spe salui facti sumus. sextò, attribuitur charitati, ad Galat. 5. In Christo Iesu neque circumcisio, neque præputium aliquid valet, sed fides, quæ per charitatem operatur. septimò, attribuitur poenitentia, Ezech. 18. In quacunque hora ingemuerit peccator, omniũ iniquitatum eius non recordabor. octauò, attribuitur Sacramentis nouæ Legis, Marc. 16. Qui crediderit, & baptizatus fuerit, saluus erit. & Ioan. 6. Qui manducat hunc panem, viuet in æternum. nonò, attribuitur ministris, Ioan. 20. Accipite Spiritum sanctum, quorũ remiseritis peccata, remittuntur eis. decimò, iustificatio nostra attribuitur bonis operibus. Rom. 3. Non auditores legis, sed factores iustificabuntur, diuersimodè tamen, Deo primò, & principaliter. Gratiæ formaliter. Fidei, spei, charitati, & poenitentia dispositiuè. Sacramentis instrumentaliter, & Sacerdotibus iustificatio nostra attribuitur ministerialiter.

Iustificatio impij est maximum opus Dei, iuxta illud, Psalm. 144. Miserationes eius super omnia opera eius, & D. Augustinus exponens illa verba, Ioan. 14. Maiora horum faciet, inquit, quod maius opus est, vt ex impio iustus

fitus fiat, quàm creare celum & terram.  
 Verùm hic sciet Lector, iuxta doctri-  
 nam D. Thomæ 2. 2. quæst. 113. quod  
 aliquod opus potest dici maius altero  
 dupliciter. vno modo ex parte modi  
 agendi, & sic maximum opus, est opus  
 creationis, in qua ex nihilo fit aliquid:  
 alio modo ex parte eius, quod fit, & sic  
 opus iustificationis impij, est maius  
 opere creationis: quia iustificatio  
 impij, terminatur ad bonum  
 æternum, & supernatu-  
 rale: creatio verò  
 terminatur  
 ad  
 bonum naturæ  
 mutabi-  
 lis.





D E

L E G E.



Ex est quædam ordinatio rationis ad bonum commune, ab eo, qui curam communitalis habet promulgata, cuius iuxta doctrinam D. Thom. 1.2. quæst. 90. septem sunt species, scilicet: æterna, naturalis, Mosaica, Evangelica, consuetudo, canonica, & civilis: Verum nunc de triplici lege, nempe naturali, canonica, & civili, cæteris omissis intendimus. In lege naturæ, quæ omni lege creata est prior, tria cadunt, videlicet: prima principia, ut nulli esse nocendum, secundum rationem esse viuendum, & huiusmodi. quædam conclusiones principiorum communium, quæ sunt quasi secundaria principia, ut non occides, depositum reddes, & his similia. tertio, in lege naturæ sunt quædam particulares determinationes, ut iniquum pænes hoc vel illo modo. Lex naturalis, quæ



quæ est communis omnibus nationibus, quantum ad sua prima principia, est omninò immutabilis, quantum ad secundaria principia, lex naturalis, licet ut in pluribus sit immutabilis: tamen in paucioribus potest mutari, ut depositum non est reddendum, in casu quod esset damnosum, ut si repetatur ad impugnandum patriam, vel ad occidendum proximum, quatum demum ad particulares determinaciones, ius naturale est mutabile, & per consequens non est omnibus commune.

Lex humana, quæ diuiditur in canonicam, & ciuilem, dicitur iusta, vel iniusta, ex qua duplici genere causarum. primò, ex fine lex dicitur iusta, quando ordinatur ad bonum commune, quod est finis eius: est autem iniusta, quando est contraria bono communi. secundo, ex causa efficiente lex dicitur iusta, quando statuens non excedit suam potestatem: iniusta verò dicitur, quando fertur super illos, qui non sunt statuenti subiecti. tertio, ex causa formali lex est iusta, quando secundum æqualitatem proportionis, onera imponuntur subditis in ordine ad bonum commune: iniusta autem, quando onera non imponuntur proportionaliter, sed aliqui

alienantur, & aliqui nimis notabiliter aggrauantur. quartò, ex causa materiali lex dicitur iusta, quando est de rebus in se licitis, & honestis: iniusta verò quando est de illicitis, puta contra ius diuinum, siue naturale.

Lex humana ad hoc, quod habeat vim obligatiuam in se, siue in communi, quatuor requiruntur. primò, quod sit iusta. secundò, quod sit debite promulgata. tertio, quod elapsum sit tempus, post quod incipit obligare. quartò, quod per subditos sit suscepta, & approbata saltem à maiori parte, quod si nō recipitur, & princeps tolerat, non receptio excusat: quia toleratio, & dissimulatio principis in actu de iure prohibito, inducit dispensationem, secus quando princeps non receptionem legis, nō tolerat: nam eo casu nō receptio legis, subditos non excusat. Ad hoc autem, quod lex obliget, ac liget in particulari, puta istum, vel alium hominem ultra prædicta quatuor, quintum desideratur, nempe quod eius notitiam habuerit, aut eam sua culpa ignorauerit. vnde si subditus non seruet legem quia eam ignorat absque sua culpa, excusatur etiam in conscientia.

Lex humana, siue canonica, siue civilis

uilis obligat ex sua transgressione ad peccatum mortale, quia scriptum est, Prouerb. 8. Per me reges regnant, Roman. 13. Omnis anima potestatibus sublimioribus subdita sit: non enim est potestas nisi à Deo, & qui resistit potestati, Dei ordinationi resistit, & sibi dānationem acquirit. Item Heb. 13. Obedite, inquit Apostolus, præpositis vestris, & subiaceite eis: Verum lex humana non obligat, sicut lex Dei æterna: nam transgressio in præcepto legis diuinæ semper est mortale, quia præcepta Dei sunt iuris naturalis, & secundum se necessaria ad salutem: transgressio verò in præcepto legis positivæ, non est peccatum mortale, nisi accedat contemptus, vel consuetudo: quia statuta iuris canonici, & ciuilis non sunt de his, quæ per se sunt de necessitate salutis, exempli gratia, omnis qui committit homicidium auctoritate priuata, peccat semper mortaliter: quia non occidere, cadit sub præcepto Dei, non autem omnis, qui ieiunium tali die non obseruat, semper peccat mortaliter: quia ieiunare tali die cadit sub præcepto positivo, in quo admittitur exceptio.

Personæ ecclesiasticæ non tenentur seruare leges, seu statuta laicorum, quæ

do tales leges disponunt specificè super personis ecclesiasticis, & bonis earum: quia eo casu sunt nullæ, vrpote quia cōditæ ab eo, qui non habet potestatem: nullus enim princeps secularis habet authoritatem super Ecclesias, aut ecclesiasticas personas: fallit tamen hæc doctrina in duobus casibus. primò, quando lex laicalis est privilegiatiua: quia potest quis etiam non sibi subditum privilegiare. secundò, quando lex est fundata supernaturali ratione: quia tunc ab omnibus seruari debet etiam à Clericis, non ratione legis, sed ratione iustitiæ naturalis: quando verò statuta laicorum disponunt generaliter, non faciendo mentionem de personis ecclesiasticis, si non possunt seruari, absque peccato, neminem obligant: si verò huiusmodi statuta sunt rationabilia, & non repugnantia sacris canonibus, sunt seruanda etiam quo ad personas ecclesiasticas in materia fauorabili, sicut illud, quod existentibus masculis, mulier nō succedat, etiam ad Clericos se extēdit, secus quando ius ciuile est contrarium iuri canonico, vel præiudicium personis ecclesiasticis affert, tunc leges ciuiles à personis ecclesiasticis nullo modo veniunt seruandæ.

Multa in iure canonico per contrariam consuetudinem, vel per nouas constitutiones sunt abrogata, seu reuocata inter quæ sunt ista: primò, quod Clerici inchoent ieiunium quadragesimale immediatè post Sexagesimam. secundò, quod iuramentum fiat à ieiuno, & quod non exigatur, neque detur in iudicio, in Quadragesima, Aduentu, & Dominicis diebus. tertio, quod Sacramentum Altaris à ieiunis conficiatur, excepto die cœnæ. quartò, quod post sumptum Sacramentum seruetur ieiunium per aliquod horas. quintò, quod volentes communicare, contineant se ab actu coniugali per tres, vel quatuor dies. sextò, quod certa tempora, ac internalla in suscipiendis Ordinibus seruentur, puta ad subdiaconatum viginti anni, ad diaconatum viginti quinque, ad sacerdotium triginta. septimò, quod sex gradus consanguinitatis in Matrimonio contrahendo seruentur. octauo. quòd omnes in Cœna Domini, & ter in anno, Natiuitate, Resurrectione, & in Pētecoste communicent: hæc enim, & alia plura per consuetudinem, vel nouis constitutionibus sunt abrogata, seu reuocata.

Princeps legibus suis non est subiectus,

Etus, quantum ad vim coactiuam, sed  
 benè quantum ad vim directiuam :  
 quia & ipse secundum iudicium Dei  
 est subiectus, propterea vbi lex sua est  
 iusta, debet eam propria voluntate ser-  
 uare, secùs peccat. Princeps dicitur esse  
 supra legem : quia potest eam mutare,  
 & in ea pro loco, ac tempore dispensa-  
 re: tamen vbi lex est iusta, princeps si-  
 ne causa rationabili, neque secum, ne-  
 que cum alijs potest absque peccato di-  
 spensare.

## DE LOCATIONE.

**L**ocatio est personæ, vel rei ad vsũ  
 facta concessio, mercede in pecu-  
 nia numeranda conuenta: conductio  
 verò est personæ, vel rei ad vsum acce-  
 ptio, pecuniariæ mercedis interuentu:  
 vnde locator dicitur, qui sub pecunia-  
 ria mercede locat rem, vel personam  
 suam: conductor autem dicitur, qui hu-  
 iusmodi accipit soluenti pensionem.  
 Quærenti modò quæ res possint loca-  
 ri. Respondetur, quòd omnes res, quæ  
 sunt venales, locari possunt, nisi sint ser-  
 nitutes prædiales, puta iter, actus, via,  
 & alia id genus multa: res tamen vena-  
 les estimatæ periculo conducentis, quo  
 ad

ad perditionem, & deteriorationem locari nequeunt, sed locator rem suo periculo tradit, secus talis contractus non esset locatio, & conductio, sed potius venditio, & emptio, licet conductor teneatur de damno, quod re locata contingit sua culpa.

Prælati religiosi locare nequeunt redditus, vel partem eorum, vel iura, vel possessionem monasteriorum, vel aliarum administrationum sibi commissarum, nisi necessitas, vel utilitas conventus, siue loci exposcat, accedenteque consensu conventus, vel Superioris, si conventum non habeat, aliter secundum iura, ipso facto à suis officijs sunt suspensi. secundò, neque beneficiati ad longum tempus, puta ultra novem annos, redditus suarum Ecclesiarum absque licentia Superioris locare possunt, quod si beneficiatus ante tempus locationis elapsum moriatur, locatio extinguitur quia Clericus comparatur usufructuario, cuius ius est personale, ideo amittitur, & extinguitur cum persona usufructuarij: vnde si conductor soluit pensionem, non eam accipiet à successore in eodem beneficio, nisi sit conuersa in utilitatem Ecclesiæ: quod si res locata non est ecclesiastica, tunc successor



vniversalis tenetur stare locationi, secus tamen si successor est particularis in re locata: fallit tamen, quando locator habuit plenam administrationem, vt si maritus locauit prædium dotale, vel tutores bona pupillorum, mortuo marito, & tutoribus, vxor, ac pupilli adhuc tenentur stare locationi. tertio, neque Sacerdotibus licet locare operas suas pro diuinis officijs dicendis, absque labe simoniæ: licet tamen eis pacisci cum aliquo, quod maneant in aliqua Ecclesia, vt ibi celebrent, dummodò non habeant intentionem ad diuina, sed ad mansionem, quàm ibi faciunt, vel ad laborem, quem sustinent, vel ad damnum, quod patiuntur ratione moræ.

Locator potest expellere conductorem in quatuor casibus: primò, si domus locata necessaria facta sit suæ habitationi, puta, quia destructa est domus suæ habitationis, vel duxit vxorem, vel similis necessitas occurrit, facta locatione, & aliter providere non potest, secus autem si tempore locationis ipse locator aliam domum nō habebat: nam eo casu ante finitum tempus locationis conductorem expellere non pōt. secundò, si domus eget restauratione, quia

ruinam minatur, quam tempore locationis non minabatur, quo casu, sicut & in præcedenti fiet remissio pensionis pro rata temporis, vel prospicietur conductori de aliqua domo æquè idonea. tertio, si conductor in domo turpiter viuit, puta tenendo meretrices, vel maleficos, vel lenones, & dominus in locatione, conditionem conductoris ignorabat, quo casu non remittitur pē-sio, vel si conductor manet in domo cū eius lesione, puta alendo porcos in habitationibus humanis, vel incidendo arbores, vel nō colendo agros suo tempore, quo casu non solum recipitur pē-sio, sed etiam locator aget contra conductorem ad interesse de damno sibi dato. quarto, locator pōt expellere conductore, si nō soluit pensionē terminis cōstitutis, q̄ si vult soluere audiendus ē.

Remissio, seu diminutio pensionis propter notabilem sterilitatem est facienda ad arbitrium boni viri, quādo talis sterilitas euenit præter consuetudinem, hoc est, casu fortuito, sine culpa coloni, puta ex grandine, vel alia aeris intemperie, & non potest fieri cōpensatio cum fertilitate anni præcedētis, vel sequentis immediatē, durante eadē locatione, secus si sterilitas non cōtingat  
casu

casu fortuito, sed vitio, seu debilitate  
 terræ, vel in curia coloni: Pensio au-  
 tem propter fertilitatem, non est augē-  
 da, si hoc sit, quia fructus valent plus so-  
 lito, sicut nec fieret minutio, si minus  
 valerent, neque si sit propter industriā  
 coloni, ne sua industria sit tibi damno-  
 sa, neque si contingat propter bonita-  
 tem rei, quia bonitatem dominus loca-  
 uit meliori pretio, quàm potuit: sed be-  
 nè pensio est augenda propter fertilita-  
 tem prouenientem casu fortuito, pu-  
 ta si quis locauit molendinum, ex  
 quo conductor annuatim quinquagin-  
 ta aureos tantum accipiebat, & hoc an-  
 no accepit centum propter alia molen-  
 dina destructa, fiet augmentum pensio-  
 nis pro rata, sicut fit remissio, seu minu-  
 tio propter sterilitatem casu fortuito  
 contingentem: nam contrariorum ea-  
 dem est disciplina.

## DE LVDO.

**L**Vdus siue iocus est locutio, vel ope-  
 ratio ordinata ad delectationem,  
 & vt docet D. Thom. 4. sentent. distin.  
 16. quæst. 4. artic. 2. triplex est, turpis,  
 qui operatione diabolica est inuentus,  
 ad inducendos homines ad peccatum,  
 vt lu-

ut ludus theatralis, recreatiuus, qui ad recreationem honestè fit; & laudabilis, siue diuinus, qui ex gaudio deuotionis procedit, de quo Dauid. 2. Reg. 6. Lau-  
dam, & vilior fiam coram Domino. Primus à quolibet debet euitari, tertius à quolibet debet assumi, & secundus potest à quolibet sumi, temperatè tamen: in ludis enim recreationis tria sunt cauenda: primò, dicta & facta turpia vel nociua. secundo, resolutio grauitatis: nam in ludis, ut docet Tullius in 1. de offic. datur licentia, quæ ab honestis actionibus non est aliena. tertio, in ludis recreatiuis sunt cauendæ indebitæ circumstantiæ, secundum personam, tempus, locum, & huiusmodi; Verùm excessus in ludo recreatiuo ratione turpitudinis, vel nocumenti in re notabilis, est peccatum mortale: ratione verò indebitæ circumstantiæ, est peccatum veniale, nisi in eo ponatur finis.

Ludus humanus multis modis est prohibitus, quandoque ratione materiæ, in qua fit, quia scilicet est turpis, vel nociua notabiliter, & hoc est mortale, quandoque ratione periculi notabilis corporis, seu animæ suæ, vel alterius, quod ex tali ludo probabiliter sequi potest, & hoc est mortale, quâdoq;

ratione circumstantiæ loci, vt quia fit in loco sacro, & si accedit magna irreuerentia, est peccatum mortale, quia scriptum est: Domus mea domus orationis vocabitur, quandoque ratione personæ. Clericis enim, & religiosis oīs ludus cum armis, ludus histrionalis, saltationes, choreæ in publico maximè, ludus larualis, ludus alearum, taxillorum, & chartarum in iure prohibetur, ita vt contrafaciētes, lethaliter peccēt: ludus tamen latrunculorum, siue schacorum Clericis non est prohibitus, sed tali ioco possunt se recreare, dummodo ratione eius diuina officia, ad quæ tenentur, non omittant, quandoque ratione scandali, vt si Clericus ludat in publico, & seculares scandalizarentur, potest esse peccatum mortale, quādoq; ratione cupiditatis lucri, vt quando q̄s ludit ex auaritia, & non luderet cessante spe lucri, & potest esse mortale. quandoque ratione temporis, puta si quis in Parasceue ludat: quia tunc non est tempus recreationis, sed potius doloris, & potest esse mortale, propter magnitudinem irreuerentiæ.

In ludo potest esse peccatum mortale multis modis, primò, quando quis in delectatione ludi ponit vltimum finem,

nem, vt quando homo ita vehementer  
esset affectus ad ludum, quod esset pa-  
ratus facere contra præcepta Dei, vel  
Ecclesiæ, de quibus Sap. 15. Æstimaue-  
runt ludum esse vitam nostram. secun-  
dò, quando quis causa ludi vtitur tur-  
pibus verbis, vel factis in nocumētum  
proximi notabili. tertio, ratione loci,  
vel personæ, vt si fiat in loco sacro, vel  
per Clericum. quartò, in ludo potest ef-  
se peccatum mortale ratione periculi  
læsionis corporalis, sicut in torneamen-  
tis: Verùm ludi humani, vt alearum,  
chartarum, taxillorum, saltationum,  
chorearum, & his similes, secundum  
se non sunt mali, & per consequens  
absque peccato fieri possunt, vt si ad ho-  
nestam recreationem propriam, vel  
aliorum, per personas, quibus non pro-  
hibetur, seruatis seruandis, & nō omis-  
sis his, quæ quilibet Christi fidelis face-  
re tenetur, fiant.

In tribus casibus homo tenetur re-  
stituere illi, à quo est lucratus per om-  
nem ludum, siue ingenio tantum inni-  
tatur, vt ludus scacorum, siue fortu-  
næ, vt ludus alearum, siue sit mixtus  
ingenio, & fortuna, vt ludus tabu-  
larum, cum taxillis. primò, quando est lu-

lucratus ei, qui rem suam alienare non potuit, tales sunt furiosi, prodigi, minores viginti quinque annis, pupilli, mente capti, surdi, cœci, serui, filii familias Clerici quo ad bona ecclesiastica, religiosi, & uxores: his enim, qui lucrantur restituere tenentur. Secundò, quando quis lucratur fraude, ac dolo; quia hoc vt furtum reputatur, puta si signatis chartis lusit, vel finxit se inscium ludi. tertio, quando quis traxit illum, cui est lucratus ad ludum vi, aut nimia importunitate, siue in principio ludi, siue in medio; lucrum enim acceptum ex ludo, his prædictis tribus modis tuta conscientia retineri non potest.

## DE LVXVRIA.

**L**Vxuria est quædam solutio in voluptates, & quia voluptates venereę maximè hominem soluunt, idè ex sentent. D. Thomæ 2.2. quæst. 153. luxuria primo & principaliter est circa voluptates venereas, cuius sex ponuntur species, fornicatio simplex, adulteriũ, incestus, stuprum, raptus, & vitium contra naturam. Additur etiam sacrilegiũ, vt cum quis abutitur persona sacra, sed ista propriè non est species luxuriæ: quæ potest



potest reperiri etiam in alio genere, puta furti, & homicidij.

Fornicatio simplex, est coitus soluti cum soluta, intellige quolibet vinculo, nempe coniugij, consanguinitatis, affinitatis, ordinis, religionis, & voti, licet largè accepta sit omnis coitus illicitus. Adulterium, est alieni thori violatio, ut quando vir accedit uxorem alterius, vel è contra incestus, est coitus cū persona sanguine, vel affinitate coniuncta: vnde incestuosi propriè dicuntur, qui consanguineis, seu affinibus abutuntur. Stuprum, est illicita Virginum defloratio. Raptus, est violentia facta mulieri, vel parētibus propter coitum assequendum, etiam matrimonialem. Vitium contra naturam, est actus veneris repugnans nedum rectæ rationi, sed etiam ipsi ordini naturali actus veneris, qui humanæ speciei convenit, & hæc species luxuriæ tres species specialissimas sub se continet: prima dicitur mollities, quæ est, cū quis sine coitu spontè polluitur. secunda dicitur sodomia, quæ est, quando debitus sextus nō servatur, tertia dicitur bestialis quæ est, quando coitus fit cum re alterius speciei; omnis ergo actus veneris, excepto coniugali, de se est peccatum

mortale, vt habetur expresse ad Galat. 5. Non solum vbi opus exterius perpetratur, sed etiam si ipsa perpetratio deliberetur, Matth. 5. Qui viderit mulierem ad concupiscendum eam, iam in chatus est eam in corde suo.

Fornicatio simplex, secundum omnes Doctores est peccatum mortale, ex quo hominem à regno Dei excludit, 1. Corinth. 6. Fornicarij regnum Dei non possidebunt. in Clerico autem; Ultra peccatum mortale, fornicatio inducit depositionem, si monitus non vult corrigi, & iam vigore decreti Conc. Trid. sess. 25. de reform. cap. 14. Clerici concubinarij post primam dispositionem, si non desistunt tertia parte suorum reddituum ipso facto sunt priuati; post secundam admonitionem, si non resipiscunt, veniunt ab administratione suorum beneficiorum suspendendi; quod si adhuc in peccato perseuerent, tunc suis beneficijs, officijs, & pensionibus quibuscunque ecclesiasticis, perpetuo priuantur, & inhabiles ad quaecunque officia, beneficia, honores, dignitatesque in posterum redduntur. donec post manifestam vitæ emendationem, ab eorum Superioribus, cum ijs ex causa, visum fuit dispensandum; De adulterio

rio vide suprà suo loco fol. 19. Incestuo-  
si qui consanguineis, vel affinibus abu-  
tuntur, secundum ius canonicum, du-  
plicem penam incurrunt, vna est, quod  
tales priuantur facultate contrahendi  
Matrimonium, quod si contrahant abs-  
que dispensatione, peccant mortaliter:  
Matrimonium tamen tenet, nisi subsit  
aliud impedimentum; altera est, quod  
tales absque peccato non possunt exige-  
re debitum à proprijs vxoribus, quas  
habuerunt ante incestum commissum:  
vixori tamen petenti, ipsi tenentur red-  
dere debitum, & non è contrà. Stupra-  
tores, qui virgines illicitè deflorant, le-  
ge diuina iudiciali, vt habetur Exod.  
22. tenentur illas ducere in vxores, &  
dotare; secundum ius canonicum, stu-  
prator, si virginem seduxit, tenetur eā  
dotare, & ducere in vxorem, vel saltem  
dotare, si pater noluerit eam illi trade-  
re, secus si spontè virgo acquieuit, &  
volens, eo casu in foro conscientiae stu-  
prator non tenetur ad dotem: sed dun-  
taxat hæc pœna canonica incurritur in  
foro conscientiae, quando virgo men-  
dacijs, ac promissionibus fuit deflorata;  
secundum ius ciuile, stuprator de-  
bet relegari, & dimidia pars bonorum  
eius publicari, quod si reus est vilis, de-

bet verberari siue cedi virgis, & si vis accessit, debet capite plecti. Raptores, secundum ius ciuile, capite puniuntur, similiter omnes fautores raptorum, et si raptor ingenuam rapuit, etiam suâ substantiam perdit, secus si ancillam, vel seruam rapuit: nam eo casu punitur quidem capite, non tamen amittit sua bona respectu successorum. secundum ius canonicum raptores, & fautores excommunicantur, & efficiuntur serui rapte, vel patris. Verum in quatuor casibus raptor excusatur à crimine raptus, & per consequens non incurrit pœnas prædictas: primò, quando præcessit tractatus de nuptijs, & puella pro Matrimonio contrahendo fuit abducta, vt sic liberius posset contrahere. secundò, quando quis rapuit propriam sponsam: nam ex desponsatione vir habet aliquod ius in suam sponsam. tertio, quando puella consentit in Matrimonium, etiam contra voluntatem parentum, secus si consentiat solùm in rapinam. quartò, quando quis rapuit mulierem inhonestam, atque impudicam: in his enim casibus non committitur verè raptus, & propterea tales nequeunt puniri, vt raptores. Vitium contra naturam, secundum ius ciuile, vltimo sup-  
pli;

plicio punitur; secundum ius canonicum, si reus est Clericus, deponitur, & accedente incorrigibilitate, intruditur in aliquo monasterio ad perpetuam penitentiam peragendam, si verò reus est laicus excommunicatur, huius peccati gravitas, habetur Genes. 11. & ad Romanos 1. capitu. Qui talia agunt, digni sunt morte.

Sacrilegium prout est species luxuriae, multis modis committitur. primò, si coitus habetur in loco sacro. secundo, si coitus habetur cum persona ecclesiastica, ut si mulier cum Clerico, vel laicus cum moniali, & talis secundum constitutionem Iustiniani Imperatoris, capite plectitur. tertio, quando quis abutitur persona sibi coniuncta spiritali coniunctione, quæ quidem

cognatio spiritualis contrahitur inter aliquas per-

sonas in catechis-

mo, in Baptis-

mo, &

in

Confirma-

tione.

R 2 DE



D E

## MALEFICIO.



Maleficium, de quo nunc intendimus, nihil aliud est, quàm nocumentum illatum homini, vel rebus à diabolo ad requisitionem malefici; maleficus autem, vel malefica dicitur, qui nocumentum procurat fieri proximo, siue rebus eius à diabolo, pacto expresso, vel tacito interueniente. Ad hoc genus maleficij reducitur omnis diuination, incantatio, alligatura, sortilegium, & omnes aliæ artes diabolicæ, quæ debent esse alienæ ab omni viro Christiano.

Primò quærenti, ad quid se extēdat scientia diaboli? Respondetur, quòd dæmones tripliciter veritatem cognoscunt, scilicet; per naturam, per reuelationem, & per experientiam: ita vt qui libet ipsorum cognoscat virtutes omnium cœlorum, stellarum, volucrum, quadrupedum, piscium, arborum, her-  
ba-

barum, metallorum, lapidum, & elementorum, illisque omnia corpora inferiora, quantum ad motum localem ad nutum obediunt, mouere tamen totam terram, aut vnum aliud elementum nequeunt, quia hoc esset euertere ordinem naturæ, licet possint mouere turrim siue montem: quinimò naturaliter tanta celeritate moueri possunt, vt in tempore imperceptibili ab oriente in occidentem, & ab occidente in orientem, nullo medio per transito moueri queant, cum suum moueri sit suum operari, & per consequens possunt aliquod corpus celerrimè deferre, & vt paucis rem totam complectar, demones circa corpora inferiora, possunt omnia possible per motum localem, aut per applicationem virtutum actiuarum naturalium, vt pluuias, ventos, grandines, & alia id genus, similiter aerem condensare, illum fugare, & in eo apparere in forma viri, aut mulieris, vel bestię, ex permissione diuina.

Secundò querenti, ad quid se extendat potestas diaboli specialiter circa hominem? Respondetur, quod potestas diabolica, Deo permittente, circa hominem ad multa se extendit. primò, demones possunt priuare hominem,



vsu rationis : quia possunt omnes hu-  
 mores hominis mouere, & reducere  
 ad caput. secundò, possunt immutare  
 hominis voluntatem, non quidem di-  
 rectè mouendo, sed persuadendo, pas-  
 sionesque concitando : tertio, possunt  
 agere in nostra phantasmata applican-  
 do suam virtutem, & disponendo vt  
 homo dubitationes percipiat, quas sol-  
 uere nesciat, vt accidit in scrupulosis,  
 qui sepè ineptissimè errant, & falluntur.  
 quartò, possunt ipsum hominem ad ali-  
 quod peccatum efficacissimè inclina-  
 re, reducendo ad imaginationem illa  
 phantasmata, quæ habent allicere con-  
 cupiscentiam, vel irascibilem concita-  
 re. quintò, possunt inducere infirmita-  
 tes in corpus humanum, vt patet de  
 Iob. sextò, possunt inferre nocumentū  
 rebus humanis, vt patet Iob, quem dia-  
 bolus omnibus bonis suis expoliavit.  
 septimò, dæmones possunt immutare  
 omnes sensus hominis, tam interiores,  
 quam exteriores, ita vt homo decipia-  
 tur apprehendendo rem aliter, quā sit,  
 quod fieri potest multipliciter. primò,  
 per hoc, quòd diabolus ex aere format  
 corpora, & ostendit quæ non sunt. se-  
 cundo, applicando per motum locale,  
 quædam actiua naturalia, quæ hoc fa-

cere possunt: nam inquit D. Thomas, quòd sit quædam herba, quæ fumigās, facit trabes apparere serpentes. tertio, reducendo spiritus, qui sunt in homine ad phātasiam, & eam suo modo immutando, ut patet in phrenericis, arreptitijs, & insanijs. quarto, per acrisiam, vel per arosiam, quæ est cæcitas, quæ homini quædam cælantur, sicut oculi discipulorum euntium in Emaus tenebantur, ne Iesum agnoscerent.

Tertio querenti, qui sint effectus maleficorum virorum, suæ maleficarum mulierum, quæ expressè, vel tacitè pactum habent cum dæmone? Respondetur, quod omnes effectus istorum diabolicorum hominum reducuntur ad quinque, aut sunt diuinationes, aut sūt infirmitates, aut sunt sanationes, aut sunt falsæ apparitiones, aut effectus mirabiles, & iudicio vulgi impossibiles. Quantum ad diuinationē, ex sentētia omnium Theologorum, dæmones possunt scire, & docere futura, item cognoscere præsētia, & occulta omnia, nisi à Deo prohibeantur: exceptis cordium cogitationibus: vnde dæmones sciunt omnia consilia principum, & tractatus hominum, ideo possunt prædicere, & docere futura, puta bellum, caritatē

annonæ, mortem alicuius, & huiusmodi: quia subito mouentur, & subito nū-  
ciant. Quantum ad infirmitates, & sa-  
nationes, dæmones ex quo sciunt om-  
nia proficua, & nociua, ea quæ possunt  
à longissimis partibus afferre, & locis  
opportunis applicare, siue visibiliter, si-  
ue inuisibiliter, exterius & interius,  
ideò possunt inducere infirmitates, &  
sanitates corporales. Quantum ad ap-  
paritiones, dæmones ex quo possunt  
per aeris condensationem formam,  
quam voluerint oculis ostendere, pro-  
pterea in diuersis figuris apparere pos-  
sunt, licet sæpè ex diuina prouidentia  
cogatur apparere aliter, quàm velint,  
puta in figuris bestiarum. Quantum  
ad effectus mirabiles, tales quandoque  
faciunt, quod quis euomat acus, clauos,  
pilos, ossa magna, vel plumas ingenuo-  
sissimè confertas, vel fiant subito toni-  
trua, grandines, & huiusmodi, vel per  
illusiones, ita vt videantur ea quæ non  
sunt, vel per aeris condensationem, si-  
ue accrisiam, quod si sint vera, ipsi dæ-  
mones huiusmodi inuisibiliter stoma-  
cho intulerunt, & inde visibiliter edu-  
cunt, nec obstat, quod videantur ita  
magna: quia possunt ea diuidere, &  
integrare saltem apparenter, cum hoc

corpora inferiora, partesque eorum ad nutum moueantur ab eis, & inuicem conglutinentur.

Quartò quærenti, quomodò maleficia possint auferri, & solui? Respondetur, quòd tribus modis. primò, diuina virtute immediatè, vel mediatè: nam quandoque Deus huiusmodi maleficia à diabolo illata, immediatè soluit; quādoque verò Deus talem virtutem tribuit Angelis bonis, & sanctis viris, qui talia per orationes, ieiunium, & adiurationes destruunt. secundò, virtute naturali Angeli mali, si sit natura superior Angelo malo authore maleficij; quia angeli mali natura superiores habent authoritatem in inferiores, ita vt possint eos alligare quibusdam corporibus, puta annulis, vel ampullis, aut libro, soluere, & à corpore expellere, licet non ab anima: quia tunc regnum satanæ esset diuisum, ergo per consequens possunt remouere actiua naturalia, per quæ inferiores angeli mali agunt maleficia. tertiò, virtute naturali Angeli boni, qui natura est superior angelo malo authore maleficij: quia si potest Angelus malus natura superior: ergò, & Angelus bonus natura superior,

R s idem

idem virtute sua naturale præstare poterit: homo enim ex se, siue proprijs suis viribus naturalibus, non potest soluere maleficium factum à dæmone: quia sic homo est minoris potestatis, quàm sit diabolus, vt testatur Iob in suo lib. ca. 41. Non est potestas super terram, quæ comparetur ei: licet diuina gratia adiutus, homo omnia opera diabolica destruere possit, vt fit per deuotas orationes, ieiunium, & adiurationes.

Quintò quærenti, an liceat soluere maleficia per aliquam incantationem, siue obseruantiam? Respondetur, quòd non licet, & qui inducunt aliquem ad hoc faciendum, peccant mortaliter, similiter qui pro auferendis, siue soluendis huiusmodi maleficijs, maleficos, seu sagas accedunt, & consulunt, nam legitur Leuit. 20. Anima, quæ declinauerit ad magos, & ariolos, ponam faciem meam contra illam, & interficiam illam.

## DE MARTYRIO.

**M**artyrium idem est, quod testificatio Christianæ veritatis, sicut martyr Græcè, Latinæ dicitur testis Christi, eo quòd tales in suis corporibus, vsque ad mortem testimonium ve-

rita-

ritatis, seu doctrinæ Christi perhibent;  
vnde ad hoc, vt aliquis Christi martyr  
propriè dicatur, tria necessariò requi-  
runtur. primò, requiritur pœna, non  
quæcunque sed quæ est mors, vel ex qua  
sequitur mors. secundò, requiritur cau-  
sa, id est, veritas fidei, vel opus virtutis,  
ita quòd dicta pœna sustineatur pro  
confessione fidei Christi, aut pro bono  
opere faciendo, vel peccato vitando.  
tertiò, requiritur voluntas, ita vt volun-  
tariè dicta pœna sustineatur: vnde in-  
nocentes propriè non fuerunt marty-  
res, sed ex gratia, quia ipsi voluntariè  
mortem propter Christum, non sunt  
passi, prout docet D. Th. 2. 2. quæst. 124.

Sustinere martyrium propter Chri-  
stum, quandoque est de præcepto, vbi  
hoc salus aliorum exigit: nam eo casu  
homo debet esse paratus profunderè  
vitam, & sustinere omne martyrium,  
iuxta charitatis ordinem, qui ex postu-  
lat, vt homo magis animam proximæ,  
quàm proprium corpus diligat: vnde  
si Prælati animaduertent, qd ex sua fu-  
ga sequeretur dispendium notabile in  
fide, eo casu teneretur ex præcepto susti-  
nere mortem, sicut fecit B. Thomas Cā-  
tuariensis: quandoque sustinere marty-  
rium cadit sub consilio, vt quando so-

lūm opportunitas manifestandi gloriā Dei, ædificandique Ecclesiam adest, & non agitur de salute animarum simpliciter, neque de dispendio in fide Christi, eo casu martyrium est supererogationis, & non necessitatis.

Martyrium oblatum patienter tolerari debet: tamen quæri non debet; quia occasio agendi iniuste dari non debet, intellige sine necessitate. secus ex necessitate: sicut licitum est indigenti accipere mutuum ab usurario, & mulieri pulchræ adire Ecclesiam, sub oculis lasciuorum, quos euitare nō potest: quia tunc est occasio peccati accepta, & non data, quæ est absque omni culpa.

## DE MATRIMONIO.

**M**atrimonium est coniunctio legitima viri, & mulieris, indiuiduam vitæ consuetudinem retinens. primò dicitur coniunctio, scilicet, animorum, & in consensu, qui est causa matrimonij, & sine quo matrimonium non est. Insuper dicitur coniunctio: quia ex matrimonio aliqui ordinan-

tur



tur ad vnam generationem, ad vnam educationem prolis, & ad vnam vitam domesticam. secundò dicitur legitima, hoc est, legibus non contraria. tertio, dicitur viri, & mulieris, & non dicitur virorum & mulieris, neque viri & mulierum: quia nec vnus vir plures vxores, nec vna mulier plures viros de iure habere potest, licet in veteri lege, Deo dispensante, ad multiplicandũ genus humanum, quandoque vnus plures vxores simul habuerit. quartò, dicitur indiuiduam vitę consuetudinem retinens, intelligendo de matrimonio consummato inter fideles, quod nullo modo separari potest: nam matrimonium infidelium non est omninò firmiter, nisi ratificetur per fidem Christi, ideo aliquo casu potest dissolui, sicut docet D. Thomas 4. sententiarum distinctione trigesima nona, similiter matrimonium ratum, & non consummatum, inter fideles, aliquo casu potest dissolui, puta per ingressum religionis approbatę secuta professione.

Causa prima efficiens matrimonij est Deus illud instituens: instrumentalis verò, est consensus; forma sunt verba, siue nutus, vel alia signa exprimentia

tia consensum; materia sunt actus exteriores tantum personarum legitimarum; finis Matrimonij principaliter est proles generanda, & educāda, deinde vitatio fornicationis, mutuum obsequium, Fides & Sacramentum: unde ex his patet, Matrimonium esse officiū naturæ ad generādum, esse remedium contra concupiscentiam, & esse Sacramentum, ex quo vnionem Christi ad Ecclesiam significat. Quare in Matrimonio, sicut in ceteris Sacramentis nouæ legis, dantur tria, scilicet: Sacramētum, res, res & Sacramentum simul. In Matrimonio Sacramentum tantū, sunt actus exteriores; res & Sacramentum simul, est obligatio mutua; res tantū, est vnio Christi ad Ecclesiam, significata per Matrimonium, vt docet D Paulus ad Ephes. 5.

Matrimonium vt est in officium generandi prolem, quæ erat necessaria et peccato non existente, institutum fuit à Deo ante lapsum Adæ, dicente. Gen. 1. Crescite, & multiplicamini, vt est in remedium peccati, fuit institutum post peccatum, tempore legis naturæ secundum determinationem personarum contrahentium, institutum fuit in lege Moyfi, secundum quod est Sacramen-

rum representans coniunctionē Christi & Ecclesiæ, institutum est in lege euangelica, sicque acceptum Matrimonium, est vnum Sacramentum nouę legis, vt testatur Apostolus ad Ephes. 5. & definitiones sacrorum Conciliorum, Florentini decret. 5. & Tridentini sess. 24. can. 1.

De ratione atque integritate Matrimonij, sunt quatuor. primò, sunt personę legitimę, hoc est, quę legibus matrimonialiter coniungi non prohibentur: nam in iure aliquę personę à Matrimonio repelluntur, vt suprà docuimus in titulo de impedimento, fol. 223. secundò, de ratione Matrimonij, si mutus consensus. tertio, est expressio consequens per verba de præsenti, vel æquivalentia signa; quandoquidem solus consensus interior, non sufficit. quarto, de ratione Matrimonij sunt bonę excusantia actum ipsius, ne sit malus, & ponuntur tria, scilicet, fides, ne coniunx cum alia, vel alio misceatur; proles, scilicet, vt amanter suscipiatur, religioseque educetur; & Sacramentum, scilicet, vt Matrimonium non separetur, & hæc tria adeò sunt substantialia coniugio, quod conditio contra aliquđ eorum apposita, vitiat contractum Ma-

rimonij; concubitus, seu copula carnalis, non est de perfectione, & integritate matrimonij essentiali; quia sine eo matrimonium tenet, & est validum, sed est de perfectione matrimonij accidentali, quia per eam matrimonium efficitur consummatum, sicut puer per deductionem ad quantitatem perfectam, efficitur vir consummatus, qui tamen puer existens, habebat totam suam perfectionem in esse primo, quæ respicit hominis essentiam.

Matrimonium ut teneat, & in foro animæ, & in foro exteriori, debet esse celebratum in facie Ecclesiæ, adhibitis etiam solennitatibus iuris. primò, ut mulier, seu virgo petatur ab his, qui habent curam eius. secundò, ut à propinquis sponsetur, & dotetur. tertio, ut suo tempore à Sacerdote benedicatur. quartò, quod ante publicè in Ecclesijs per Præbiteros fiant proclamationes, ut, si qui voluerint opponere, possint: unde matrimonium clandestinum, quod contra Ecclesiæ prohibitionem generalem, vel specialem, expressam vel tacitam fit, semper Ecclesia Catholica damnauit, atque detestata est: ita ut de consuetudine generali sit casus Episcopo reservatus: Verum ante Concilium

Tridentinum matrimonia clandestina, vbi liber consensus contrahentium accedebat, erat rata & vera: sed iam contrahentes clandestinè, non solum peccant mortaliter, verum etiam matrimonium sic contractum, est irritum & nullum, non tantum in facie Ecclesiæ, sed etiam in foro conscientiæ: quia modò vigore decreti Sacri Concilij Tridentini sessio. 24. de reformat. matrimon. ca. 7. personæ ad sic contrahendum sunt redditæ inhabiles, sicut duæ personæ sanguine iunctæ, vsq; ad quartum gradum sunt inhabiles, ad contrahendum matrimonium, quod si contrahant, matrimonium est nullum, etiam in foro animæ.

Matrimonium contrahere potest quilibet, qui est debitæ ætatis, sanæ mētis, & lege non prohibitus: ætas autem legitima in matrimonio contrahendo, ex sententia omnium Doctorum, in puero est quatuordecim annorum, in fœmina est duodecim annorum cōpletorum, quòd si ante contrahant, erunt sponsalia, sed non matrimoniū, nisi tales essent pubertati proximi, & malitia suppleret ætatem: proximitas enim ætatis ad contrahendum ma-

rimonium, vt sit validum sola non fufficit, fed requiritur etiam proximitas pubertatis, & malitia, idest, vigor naturalis, siue potentia coeundi. secundò, ad contractum matrimonialem requiritur sanitas mentis, vt quis possit consentire: vnde furiosi, nisi habeant lucida interualla, & ebrij contrahere nequeunt. tertio requiritur, quod tales contrahere legibus non prohibeantur: qui autem à Matrimonio repellantur, dictum est suprà in titulo de Impedimēto. Quid si habens legitimam ætatem: tamen impotens ad coitum contrahat, vtrum Matrimonium esset validum, atque teneret? Respondetur, quòd sic, & eo casu expectanda esset perfecta pubertas in adolescente, quæ est in decimo octauo anno, & tunc si esset impotens ad coitum, & mulier instaret propter dissolutionem Matrimonij, dissolutio fieri posset: quia in tali casu præsumeretur impedimētum esse perpetuū.

Matrimonium non solùm inter præsentēs, sed etiam inter absentes, per procuratores, siue nuncios contrahi potest sicut legitur fecisse Isaac cum Rebecca: verùm vt aliquis sit idoneus procurator in hac re, debet habere speciale mandatum, in quo persona, cum qua

Matrimonium contrahi debeat, exprimatur, nec talis potest alium substituere, nisi ei specialiter sit commissum, & si fuit reuocatus antequàm contraxit, licet ille, vel illa, cum qua contraxerat, hoc ignorauerit; tamen hoc non obstāte, Matrimonium postea contractum, non tenet in foro animæ, etsi constat de dissensu, neque in foro exteriori potest cogi ad cōsummationem talis Matrimonij. Modus autem contrahendi sponsalia per procuratorem est iste, dicet procurator: Promitto tibi de mandato Domini mei N. & nomine eiusdē quòd ipse te ducet in vxorem, & hoc in animam suam iuro: vice versa dicet puella: Promitto tibi nomine domini tui N. recipiēti, & sibi per te, quod ego ducam ipsum in virum, & hoc iuro. In Matrimonio verò de præsenti contrahendo per procuratorem, sic est dicendum: Dominus meus N. per me accipit te, & consentit in te tanquam in vxorem suam; & vice versa dicet puella: Ego te mediāte dominum tuum N. recipio in meum virum, & in eo consentio, tanquam in dominum, & maritum. De Impedimentis Matrimonij, & de Diuortio, vide suprā in proprijs locis.



## DE MEDICINA.

**A**Rtis medicine primii authores, ut refert D. Antoninus 3. par. suæ Summæ, titu. 7. fuerunt Apollo, & Æsculapius quos secuti sunt Hippocrates, Galenus, Auicēna, & alij antiqui medicinarum artis scriptores, quæ ars de se est licita, honesta, ac omni necessaria in hac vita mortali, Eccles. 38. Honora medicum propter necessitatem, &c. Confirmatur, quia & sancti viri huiuscemodi artem exercuerunt, ut Lucas Euangelista, ad Coloss. 4. Salutat vos, inquit Apostolus, Lucas medicus charissimus.

In medico, ut suam artem absq; peccato exerceat, quatuor potissimum requiruntur: primò, quòd sit peritus, ita ut communiter à peritis illius facultatis idoneus reputetur; vnde si medicus ex notabili ignorantia procedat, non sequendo traditiones artis, & si sanitas sequatur, peccat mortaliter: quia ex ponit se operi, vnde potest sequi notabile nocumentum proximo, intellige, si talis assumpsit officium voluntarie, secus si ex necessitate, ac bona fide fecit, qd potuit, alijs medicis deficientibus. secundò requiritur, quòd sit diligens: vn-

de medicus etiam peritus notabiliter, negligens in reuidendo libros, inuiscendo infirmos, Vel in qualitate rerum medicinalium, & huiusmodi, si sequatur magna aggrauatio infirmitatis, peccat mortaliter, quod si sequatur mors, non solum lethaliter peccat, sed etiam fit irregularis. Dicitur autem medicus diligens, quando sequitur traditiones artis, visitat ægros personaliter, & eis modum viuendi præscribit. tertio requiritur, quod habeat intentionem rectam: vnde medici, qui, vt plus lucrentur, extendunt & protrahunt curam, peccant mortaliter, & tenentur ad restitutionem: idem dic, quando fouent malitias aromatariorum, quibus medici, vt sint tuti in conscientia, non debent fidere, nisi sciant, illos esse viros probos, peritos, & practicos in sua professione. quarto requiritur in medico, quod ante omnia, iuxta canonicam sanctionem, moneat infirmos de sacramentali Confessione peccatorum Sacerdoti facienda, ita vt vbi infirmo de spirituali salute prouisum fuerit, ad salutem corporalem commodius, atq; melius procedatur, contrafacientes verò, peccant mortaliter, quia hoc cadit sub præcepto Ecclesiæ: legitur enim in decreto:

Districtè præcipimus : His accedit, q̄  
vt medici suam artem absque peccato  
exerceant, debent accipere salariū mo-  
deratum, hoc est, pro qualitate curæ la-  
borum, industriæ, pro facultate infir-  
mi, & consuetudine loci.

In conferendis medicinis corpora-  
libus, pariter medicus ne peccet, quæ-  
dā obseruare debet. primò, ne det me-  
dicinas, de quibus illi secundū artē,  
non constat. secundò, non debet dare  
medicinam prægnanti, vt abortiatur :  
quia hoc est peccatum mortale, maxi-  
mè si fiat, vt peccatum lateat. tertio, me-  
dicus obseruare debet, ne vnquam det  
medicinam corporalem contra salutē  
animæ, quia anima corpori semper est  
præferenda : vnde peccatum est consu-  
lere fornicationem, siue ebrietatē pro  
salute corporali consequenda, eodem-  
que pede claudicant illi medici, qui si-  
ue causa rationabili, ex aliquo huma-  
no respectu, vel mentis dissolutione,  
abstinentias carniū, vel Ecclesiæ ieiu-  
nia dissuadent, secus si id faciunt ex cā-  
rationabili, credita, aut saltem dubita-  
ta. quartò, medicus tenetur pauperibus  
non valentibus soluere, nec per se, nec  
per alios magis coniunctos, gratis me-  
deri, medicinaeque corporales dare: ta-  
men

men non tenetur eos quærere, sed sufficit, si occurrentibus, aut vocantibus subueniat.

Ars medicinæ aliquibus in iure prohibetur: primò, Clericis existentibus in sacris, & etiam constitutis in minoribus, si sint sufficienter beneficiati: nã eo casu non licet eis operari in medicina physica, nisi gratis pro miserabilibus personis, vel consanguineis, & vbi nulum est periculum probabile vitæ: Officium autẽ chirurgi, quod incisionẽ, vel adustionem requirit, omnibus Clericis, tam existentibus in sacris, quàm in minoribus, simpliciter est interdictum: vnde Clericus contrahit irregularitatem, vbi eam laicus non contraheret, quia dat operam rei illicitę. Quare medici, physici, & chirurgi, si nihil de contingentibus omiserunt, & habẽt de hoc consciẽtiã probabilem, possunt promoueri ad ordines. secundò, ars medicinæ prohibetur Iudæis erga Christianos; verũ quando accedit necessitas, puta, quia non potest alius haberi, eo casu si Christianus vtatur opera Iudæi medici, excusatur à peccato. tertio, ars medicinæ, secundũ iura ciuilia, seu imperialia, prohibetur illegitimis, & nõ iuratis: tales enim absque dispensatio-

satione ad practicam medicinæ admitti non debent.

## DE MENDACIO.

**M**endacium est falsa significatio vocis cum intentione fallendi; unde ad perfectam rationem mendacij duo requiruntur, scilicet, falsitas eius, quod enunciatur. & intentio fallendi, quod si dicatur falsum, & desit voluntas, adhibita que sit diligentia, propriè non est mendacium, quia mendacium propriè consistit in voluntate dicendi falsum, non quidem recitativè, neque repræsentativè, sed assertivè. In mendacio ergo duo cadunt, materiale, & formale; materiale in mendacio est falsa enuntiatio; formale verò est intentio fallendi. mendacium ratione primi, potest esse sine peccato: ratione autem secundi, semper est peccatum, si non mortale, saltem veniale.

Mendacium communiter ponitur triplex, scilicet, iocosum, officiosum, & perniciosum. Iocosum est, quod nulli nocet, sed tantum delectandi gratia dicitur. Officiosum est, quod nulli nocet, & alicui prodest, huius generis fuit mēdaciū obstricticiū Ægypti. Pernitio;

iosum est, quod cum iniuria & iactura alterius dicitur. Mendacium primo & secundo modo sumptum, est saltem peccatum veniale: mendacium verò tertio modo acceptum, ex genere suo est peccatum mortale, vt habetur Psal. 5. Perdes omnes, qui loquuntur mendacium, & Sap. 1. Os, quòd mentitur, occidit animam: licet quandoque possit esse veniale, vel propter imperfectiorem actus, vel propter modicitatem nocimenti. Quod omne mendacium etiam officiosum sit peccatum, habetur Eccles. 7. Noli velle mentiri omne mendacium. Quare mendacium per se est prauum, & fugiendum, ideò falsum est, quod aliqui asserunt, nempe quod quandoq; liceat mentiri ob magnam vtilitatem assequendam, vel magnum malum euitandum, iuxta illud Roma. 3. Quidam aiunt, faciamus mala, vt veniant bona, quorum damnatio inquit Apostolus, iusta est.

Mendacium potest esse peccatū mortale tripliciter. primò, ratione materiæ, vt si sit circa res diuinas, vel bonum proximi, puta circa fidem, vel mores: quia tunc contrariatur charitati Dei, & proximi. secundò, ratione finis intenti, puta si sit in iniuriam Dei, aut in

nocumentum notabile proximi, siue quantum ad personam, siue quantum ad bona, siue quantum ad famam. tertio, mendacium, potest esse peccatum mortale per accidens, hoc est, ratione scandali, vel damni inde probabiliter consequentis, vel ex circumstantia iuramenti, siue iudicii, quia mortale est, falsò iurare, & mentiri in iudicio, seruato ordine iuris.

Celatio veritatis, quando homo non est obligatus, respondere secundum intentionem alicuius, in quatuor casibus potest esse licita. primò, quādo id quod dicitur, est verum in vno sensu, licet nō sit verum in alio, in quo capitur ab audiente, sicut Abraham dixit. vxorem esse sororem, Genes. 12. cuius dictum fuit verum in vno sensu, quia erat filia fratris, quę iuxta phrasim veteris legis, soror dicitur: non fuit verum in alio, in quo captum est, quia non erat filia parentum Abraham. secundò, quando ad eandem interrogationem possunt dari multę responsiones, daturq; vna, & altera tacetur, sicut fecit Samuel, 1. Reg. 15. qui venit in Bethlehem principaliter ad iniungendum David in regem, & secundariò ad sacrificandum: interrogatus tamen, ad quid venisset, respon-



respondit de causa secundaria; scilicet, quòd venisset ad sacrificandum, tacens de principali, nēpè quòd venisset gratia vngendi David in Regem. tertio, quod locutio est ambigua, habens duplicem sensum, in vno quorum est vera, & in altero falsa: sicut Tob. 5. Angelus interrogatus, quis, & de quo genere esset, respondit ex filiis Israel ego sū Azarias Ananiæ magni filius: quæ verba sunt vera secundum interpretationē illorum vocabulorum; falsa verò secundum sonum illum externum, similiter Christus, Ioann. 8. non negavit se esse Samaritanum, id est, custodem, secundum nominis interpretationem. quartò, licet celare veritatem, quando quis interrogatur de aliquo, quod dicere non expedit, & eo casu quis potest dicere, se illud nescire, puta vt alteri dicat; sicut legitur, Marc. 13. Dominum dixisse se nescire diem iudicij, puta vt alijs ipsum reuelaret; Celatio autem veritatis in tribus casibus potissimū, est peccatum, & illicita. primò, quando scandalum posset ex ipsa oriri. secundò, in iudicio vero ac iusto. tertio, vbi cunque quis tenetur confiteri veritatem, de qua interrogatur, & si ad illud

tenetur ex præcepto, eo casu celatio illa  
esset peccatum mortale.

## DE METV.

**M**etus est trepidatio mentis causa  
instantis, vel futuri periculi, &  
communiter ponitur duplex, scilicet,  
leuis; & iustus. Leuis dicitur, qui cadit  
in virum leuem, timentem vbi non  
oportet: iustus verò dicitur: qui cadit  
in constantem virum. Metus primi ge-  
neris nullo modo excusat à peccato;  
metus autem secundi generis, non ex-  
cusat quidem à toto, quia ad peccatum  
nullus iustus metus cogit, sed solum à  
tanto, quia quod metu fit, quantum ad  
aliquid, non est voluntarium. Verùm  
clarius dicimus, quod metus iustus in  
his, quæ sunt mortalia de se, puta quia  
naturali, vel diuino iure, sub præcepto  
sunt prohibita, non excusat à mortali,  
quoniam homo debet potius quælibet  
mala sustinere, quàm malo de se con-  
sentire, in his verò quæ solo iure huma-  
no sunt prohibita, timor iustus, hoc est  
cadens in constantem virum, excusat  
à mortali.

Mala quorum metus est iustus, non  
pos-

possunt esse peccata, quia huiusmodi sunt mala maxima de se, propter quæ non sustinenda, etiam mori debet homo, sed sunt quædam mala corporalia, ut mors, cruciatus, dehonestatio per stuprum, seruitus, & alia his similia, et si sint solum in comminatione, & non illata, quando probabiliter æstimatur, quod ita erit, intellige siue aliquod malum prædictorum immineat personæ propriæ, siue filiorum, siue vxoris, & illi de facili occurri non potest, secus si ei occurri posset, puta adeundo Superiorem, vel alio modo, nam eo casu metus non esset iustus.

Metus iustus in contractibus, in quibus liber consensus non requiritur. non excusat ab obligatione contractus, hoc est, non facit, quod contractus sit nullus, quia coacta voluntas, est voluntas, licet eo casu, si acta sint perfecta causa metus cadentis in constantem virum, officio iudicis veniant rescindenda, quod si sint imperfecta, per exceptionem veniunt rescindenda: in contractibus verò, in quibus liber consensus requiritur, metus iustus facit, quod contractus ipso iure sit nullus, quia licet coacta voluntas sit voluntas, tamen non est voluntas libera, deficit eo casu qualitas li-

berratis, quæ est substantia contractus.

Octo sunt, quæ exigunt liberum consensum, & sine quo ipso iure sunt nulla primò, omnia quæ sunt meritoria, vt Pœnitentia, Confessio, Eleemosyna, & alia id genus, quæ si fiant ex tali metu, meritum excludunt, & perinde est, ac si non forent facta, intellige nisi characterem imprimant, quo casu, adueniente libera voluntate, conualescunt: alia autem non. secundò, matrimonium. tertio, dotis promissio vel solutio. quarto, electio Prælati. quintò, autoritas tutorum. sextò, absolutio ab excommunicatione. septimò, testes, vt eorum testimonium valeat. octauò, votum, hæc enim vt teneant, liberum consensum requirunt, & per consequens, si ex metu iusto fiant, ipso facto sunt nulla; metus autem levis in foro causarum, neque excusat, neque annullat, neque rescindit, neque tollit actum, seu cōtractum requirentem liberum consensum; sed illo non obstante, tenet atque obligat.

## DE MISSA.

**M**issa, vox desumpta ex codice Hæbreo, Deuteron. 16. Latine oblatio spontanea. meritò hic ritus celebrā  
di

di Eucharistiæ Sacramentum, ab Ecclesia Catholica Missa, seu Oblatio spontanea appellatur: nam in ea Christus immolatur, qui se in ara Crucis pro peccatis nostris, ut legitur Esa. 53. & Ioann. 10. spontè obtulit, quæ vox in Ecclesia Christi non est noua, sicut aduersarij somniarunt: huius enim vocis meminerunt antiquissimi, ac sanctissimi Patres. Ignatius discipulus D. Ioannis Euangelistæ, in sua Epistola ad Smirneneses. Martialis Christi discipulus, in sua Epistola ad Burdegalenses, Dionysius discipulus D. Pauli, in suo libr. eccles. hierar. cap. 15. & in lib. cœlest. hierarch. cap. 3. Hic ritus celebrandi Eucharistiæ Sacramentum, qui Missa dicitur, à sacris OEcumenicis Concilijs est approbatus, & pro diuino instituto omnibus Christi fidelibus proponitur ac commendatur, ut alijs omiſſis breuitatis gratia, est videre in Concilio Laodicēsi, celebrato Ann. Dñi CCCLXIV can. 5. Agatensi, celebrato Anno Domini CCCC. xxxix. can. 31. & in Trident. sess. 22.

Missa non est adinuentum Papisticum, minus humanum, sicut Neoterici falsò docent, sed est institutum diuinum: Christus enim hunc ritum cele-

brandi Eucharistiæ Sacramentum, ab Ecclesia Catholica Missa nūcupatum, in sua vltima Cœna, instituit quando dixit, Lucæ 22. Hoc facite in meam commemorationem, nam Dominus noster Iesus Christus circa institutionem venerabilis Sacramenti Altaris, tria Apostolis mandauit, ac per consequens eorum successoribus. primò, cōsecrationem corporis & sanguinis sui, quando dixit, Hoc facite. secundò, comestionem, & bibionem, quando dixit, Accipite, & manducate, Accipite, & bibite. tertio, mandauit illis, memoriam suæ mortis, ac passionis habendā, quando dixit, Hæc quotiescunque feceritis, in mei memoriam facietis, quæ tria à Christo præcepta accipimus in Missa, Sacerdos enim in celebratione missæ consecrat, corpus, & sanguinem Christi offert. tertio, comedit, & bibit, ergo Missa est Christi institutio, atque traditio, quam Apostoli obseruarunt, vt habetur Actor. 3. Sacrificantibus illis, Domino; & ieiunantibus, quem locum etiam Erasmus de hac sãcta oblatione interpretatur. Hunc ritum nobis Apostolus Hebr. 3. ad viuum expressit, Omnis, inquit. Pontifex ex hominibus assumptus, pro hominibus consti-

tui.

tuitur, in his, quæ sunt ad Deum, ut offerat dona, & sacrificia pro peccatis, qui condolere possit his, qui ignorant, errant, quoniam & ipse circumdatus est infirmitate, & propterea debet quemadmodum pro populo, ita etiam pro seipso offerre pro peccatis, ex his ergo patet, quod Missa non est ex traditione humana, sed diuina.

In Missa duo veniunt consideranda, nempe id, quod est principale, & id, quod est accessorium. Principale in missa est ipsum Eucharistiæ Sacramentum: accessorium verò, seu secundariū in missa sunt orationes deputatæ partim ab Apostolis, partim à Summis Pontificibus ad maiestatem, solennitatem, ac decorē tanti Sacramenti, atque diuini ministerij. Quare missa ratione primi, non potest damnari, quia sic considerata missa, nil aliud est, quàm consecratio, immolatio, comestio, & bibitio corporis & sanguinis Christi, quæ omnia facienda Dominus ipse præcepit, nec ratione secundi, hoc est, accessorij. Missa reprobari potest, quia omnes orationes, quæ recitantur in missa, sunt desumptæ ex sacris literis, veteris & noui Testamenti, sicut cuilibet eas animo Christiano consideranti, clarè



constabit, vnde superest, vt relictis hæreticis, sacrosanctum missæ sacrificiū, viuam memoriam passionis Christi, vinculumque vnitatis, ac pacis, ambabus vlnis, vt dicitur, amplectamur, atque veneremur.

Missa ratione sui accessorij, est repleta mysterijs, & diuiditur in tres partes. prima est ab Introitu vsque ad Canonem, qua Christi aduentus totaq; eius vita vsque ad passionem designatur. secunda est à Canone vsque ad Complendam, qua Christi passio exprimitur, & repræsentatur. tertia est à Complenda vsque ad Benedictionem Sacerdotis, qua sepultura, & resurrectio Christi designatur. Missa triplici lingua est composita, Græca, sicut Kyrie eleison, Christe eleison, id est, Domine miserere; Hebraica, sicut Alleluia, id est, Laudate Deum, Sabaoth, id est, exercituum, O-fanna, id est, salua obsecro, Amen, id est, fiat; alia sunt Latina, quia & titulus crucis, hac triplici lingua constabat.

Ad hunc ritum celebrandi Eucharistiæ Sacramentum, qui à sanctis Patribus missa est appellatus, quædam sacre vestes, quas celebrans induere debet, requiruntur, quæ numero sunt sex, scilicet, Amictus, Alba, Cingulum, Manipulus,

pulus, Stola, & Casula. Amictus significat operimentum, quo Iudæi velabant faciem Domini, Luc. 22. Alba significat vestem illam, qua Herodes Christo illudit, Lucæ 23. Cingulum repræsentat flagella, quibus Christus fuit cæsus, Marc. 15. Manipulus designat funem, quo Christus comprehensus à ministris fuit ligatus, Ioann. 18. Stola significat crucem, quam Dominus proprijs humeris portauit, Luc. 23. Casula repræsentat vestem purpuream, qua Christus à militibus fuit indutus, Mar. 15. Quare Missa tum ratione eorum, quæ in ipsa fiunt, tum ratione sacrarum vestium, quas Sacerdos celebraturus induit, passionem Domini nostri Iesu Christi, ad viuum repræsentat. Obiectiones verò aduersariorum contra hoc diuinum institutum, desumptæ ex quibusdam locis sacræ paginæ: ita faciunt ad rem nostram, sicut Psalm. Magnificat ad Matutinas, nam doctrina Catholica procedit de hostia, & oblatione incruenta, instantiæ autem hæreticorum procedunt de hostia, & oblatione cruenta. secundò, doctrina Ecclesiæ Catholicæ procedit de oblatione repræsentatiua, quæ fit in altari: obiectiones verò aduersariorum procedunt de oblatione

reali facta in ara crucis, propterea apparet, quod ineptè nos recrucifixores appellent. tertio, doctrina nostra procedit de oblatione Christi, sub specie aliena, nempe panis, & vini: argumenta autem hæreticorum procedunt de oblatione Christi in propria specie: ergo ex his patet, obiectiones aduersariorum huic sanæ doctrinæ nõ obesse.

Tempus celebrandi missas, secundum omnes Doctores, est de die, incipiendo ab aurora vsque ad meridiem: vnde qui celebrat post meridiem, vel noctu, peccat mortaliter, vtpotè quia talis contra generalem cõsuetudinem Ecclesiæ facit: fallit tamen hæc doctrina in quatuor casibus. primò, in nocte Natiuitatis Domini, in qua licet Sacerdoti celebrare vnã missam tantum, & qui plures ea nocte celebrat, peccat. secundò, si Episcopus in itinere celebret, vel celebrari faciat ante diem. tertio, secundum aliquos, de licentia Episcopi imminente necessitate, puta quia infirmus moritur, & non habetur Eucharistia. quartò, generaliter, quoties Papa dispensat: die ergo regulariter celebrandum est, ac semel tantum: quia missa est repræsentatiua passionis Christi.

sti, qui semel passus est, meritò igitur Ecclesia statuit, quòd Sacerdotes semel duntaxat in die missam celebrent, excepto die Natiuitatis Domini, qua die singulis Sacerdotibus concessum est, tres missas celebrare, ad designandum triplicem Natiuitatem Christi, scilicet, æternam, de qua Psalm. 2. & Esaïæ 53. Carnalem, siue temporalem, de qua Matth. 1. & Lucæ 2. Spiritualem, de qua 2. Petr. cap. 1. Verùm Sacerdos ante officium matutinarum absolutum, Sacrum facere non debet, secùs ex sententia omnium Summistarum, peccat mortaliter, intellige nisi adsit necessitas, cui non possent obuiari, puta quia monasterio siue Ecclesiæ imminet scandalum graue, vel aliquid simile, eo casu Sacerdos celebrans missam officio matutinali non dicto excusaretur à mortali, secundùm Doctores.

Ad celebrationem missæ saltem diebus festis omnes curam animarum habentes tenentur, nisi per alium populo satisfaciant: Sacerdotes verò, qui non habent populum, neque ex obedientia tenentur celebrare, vt religiosi, ex sententia doctissimorum virorum, vt refert D. Thomas 4. sentent. distinct. 13. & 3.

& 3. part. quæst. 82. omittentes celebrationem non peccant: ipse tamen dicit, quòd Sacerdos non vtens sibi data nobilissima potestate, reus erit negligentiae, iuxta illud 1. Pet. cap. 4. Vnusquisq; sicut accepit gratiam, in alterutrum illam administrantes, sicut boni dispensatores multiformis gratiae Dei, vnde etsi nulli hominum, inquit, teneatur, nihilominus celebrare debet, vt Deo sacrificium reddat: quia Sacerdotibus præceptum est Luc. 22. Hoc facite in meam commemorationem: ex quo videtur, quòd Sacerdoti non liceat, omninò à celebratione missae cessare: sed ad illam saltem teneri in summis solennitatibus, vt in die Natiuitatis, Resurrectionis, & Pêtecostes, quibus diebus Sacerdos, qui sine rationabili causa nō celebrat, ex sententia D. Thom. loco citato, non excusatur à mortali: nullus enim gratiam Dei in vacuum recipere debet. Quid si institutio beneficii habeat, quod Sacerdos quotidie celebrare teneatur? Respondetur, quòd talis institutio, nisi sano modo intelligatur, est illicita, & dās materiam peccandi: vnde eo casu beneficiatus debet accipere interpretationem huiusmodi institutionis à fundatore, vt scilicet in  
telli-

telligatur, quod debeat & teneatur celebrare, quantò frequentius potest, salua conscientia sua, debita reuerentia, & deuotione ad Sacramentum; secùs fundatoris intentio fuisset corrupta, ac deprauata.

Circa celebrationem missæ, nouem præcipuè veniunt attendenda, & obseruanda. primò, in missa solenni secundùm iura, tres ad minus cum celebrante debent adesse, sed nunc per contrariam consuetudinem abrogatum est: In missis verò priuatis, sufficit vnum habere, qui Sacerdoti nomine totius Ecclesiæ Christi respondeat, & ministret, & hoc generalis consuetudo Ecclesiæ approbat: mulier tamen ab hoc angelico munere in iure repellitur. secundò, missa celebrari debet cum debitis vestimentis benedictis. tertio, cū lumine. quartò, cum calice & patena. quintò, cum altari lapideo. sextò, cum corporali & tribus mappis, secundùm autem D. Antonium, ad minus debent esse duæ: quia duo fuere linteamina, quibus fuit inuolutum corpus Iesu, vt habetur Luc. 24. & Ioann. 20. septimò, cum missali, hostia, vino, & aqua. octauò, capite discooperto, nisi hoc aliqua rationabili causa fieret, & quando Euāgelium

gelium legitur, omnes debent stare. non, in celebratione missæ nihil debet omitti de his, quæ ordinariè dicuntur: unde si Sacerdos omittit aliquid notabile scienter, vel ex magna negligentia, puta Evangelium, Epistolam, Canones, & huiusmodi, peccat mortaliter, secus si omittit aliquod solum verbum, quod non est de consecratione. Quod si Sacerdos celebret sine lumine, aqua, vel pane fermentato in Ecclesia Latina, sine Altari consecrato, missali, calice, & patena, vel sine manipulo, stola, casula, cingulo, alba, vel amictu, peccat mortaliter: non tamen efficitur irregularis, quia hoc non est expressum in iure.

Omnes Christi fideles ex præcepto Ecclesiæ, nedum diebus Dominicis, sed etiam alijs diebus festis, missam integram audire tenentur, nisi tales essent excommunicati, interdicti, vel legitime impediti.

Legitima autem impedimenta sunt, ut custodia infirmorum, qui sine periculo notabili relinqui non possunt, infirmitas, ob quam homo sine periculo exire non valet, custodiam puerorum à quibus sine periculo, qui eorum curam habent, abesse nequeunt.

At-



Arduum negotium, quod esset relin-  
quendum propter auditionem missæ,  
secus ubi audito Sacro, tractari adhuc  
posset, Puellæ nobiles, quando prohi-  
bentur à parentibus, similiter viduæ,  
quæ per aliquod dies ob mortem mari-  
ti, secundum laudabilem consuetudi-  
nem, domi manent, item miserabiles  
personæ, quæ ob carentiam vestium,  
salua honestate in cōspectu hominum  
apparere nequeunt.

Sacramentum Eucharistiæ, quod est  
principale in missa, in quantum Sacra-  
mentum, habet effectum, ad quem est  
institutum, scilicet spiritualem nutri-  
tionem per unionem Christi ad mem-  
bra eius, & cōcomitanter remissionē,  
non solum culpæ, sed etiam pænæ secun-  
dum modum deuotionis, ac feruoris;  
quia dicta vnitas fit per charitatem, ex  
cuius feruore quis consequitur remis-  
sionem non tantum culpæ, sed etiam pœ-  
næ. In quantum verò sacrificiū, Sacramē-  
tū Eucharistiæ, habet vim satisfactiuā,  
& licet secundum se sit virtutis infinitæ:  
tamen in missa, ut docet D. Tho. 3. p. quæst.  
79. art. 5. & in 3. dist. 45. artic. ult. quæst.  
ult. ad ultim. argument. operatur fini-  
tè, & limitatè, seu ad finitum effe-  
ctum: nam ista virtus infinita sacrificij  
missæ,

missæ, limitatur ad effectum finitum ex dispositione offerentis. Quare & si hæc oblatio sancta ex sui virtute, ac quantitate sufficiat ad satisfaciendum pro omni pœna; tamen fit satisfactoria illis, pro quibus offertur, & etiam offerentibus secundum quantitatem suæ deuotionis, & licet omnes missæ tam boni, quàm mali Sacerdotis sint æquales, quoad Sacramentum; tamen quantum ad effectum Sacramenti, non omnes missæ sunt æquales: quia sic comparantur, atque commensurantur dispositioni offerentis, vel eorum, pro quibus offertur, vel rogantium, quæ quidem dispositio, & deuotio non semper est æqualis. Ex his ergo patet, quòd missa, dicta pro pluribus, tantum valeat, ac si pro singulo eorum sigillatim diceretur quia Sacramentum Eucharistiæ ex vi Sacramenti, & in quatum sacrificium, est virtutis infinitæ, ideò valet pro omnibus, secundum dispositionem, & deuotionem offerentium, siue eorum, pro quibus offertur: malè tamen facit Sacerdos promittens alicui specialiter, quòd tali die pro eo velit celebrare missam, deinde celebrat pro tribus; item promittens celebrare in vno loco, vel de Spiritu sancto, & non facit, quia

quia infideliter agit, & non satisfacit: verum talis secundum D. Antonium; excusatur in tribus casibus. primò, propter impossibilitatem celebrandi. secundo, propter consuetudinem, de qua populo constat. tertio, excusatur, si alijs suffragijs satisfacit: itē quia missa quoad sacrificium, cum sit virtutis infinitæ, tantum valet si dicatur pro omnibus, quantum si pro vno solo dicetur: quilibet enim accipit quod suum est, iuxta quantitatem suæ deuotionis.

## DE MONACHO.

**M**onachus vox græca, latinè singularis, id est separatus à conuersatione seculari, utpote soli Deo militans. Conuersi sunt qui se & sua Monasterio obtulerunt mutando habitum, seculares tamen dicuntur, quia ad sacros ordines tales promoueri non solent: Oblati verò sunt qui se & sua Monasterio obtulerunt, habitu non mutato. Monachi nedum possunt promoueri ad sacros Ordines, sed etiam præfici alicui Ecclesiæ curatæ de licentia sui Abbatis adiuncto sibi socio, non tamen possunt fieri canonici alicuius Ecclesiæ secularis, minus eligi in Prælatum

latum alterius religionis, quod si eligerentur, electio ipso iure esset nulla, ac per consequens non valeret. At in Episcopum monachus secundum iura eligi potest, susceptoque munere Episcopali à iurisdictione sui Abbatis ex toto eximitur. Item absoluitur ab omnibus illis præceptis Regulæ, quam alias est professus, quæ exercitium Officij Pontificalis impedire quouis modo possunt, sicut sunt ieiunia, orationes, silentiû, & similia, ad quæ dum in claustro viueret, tenebatur. Quod si in his aliqua dispensatione opus esset, sedes Apostolica immediatè est consulenda. Nota hic qd appellatione monachorû in materia religionis veniunt etiam alij religiosi.

Monachis in iure quædam præcipiuntur, & quædam prohibentur. primò, vt integrum habitum sui Ordinis, & tonsuram monachalem semper palam gestent. secundò, vt silentium continuum in Dormitorio, Refectorio, & Oratorio, in Claustro verò certis horis seruent: tertio, vt nouitij, & professi, sacris què initiati, vsque ad sacerdotium exclusiue singulis mensibus, si non sæpius confiteantur, & communicent. quartò, vt illorum capitula de triennio in tri-

ennium celebrentur. quintò, vt indu-  
fij laneis, & non ex tela vtantur. sextò,  
vt ille qui præest Regulam in capitulo  
vulgariter exponat, vel ab alio exponi  
faciat. septimò, vt aucupationes, & ve-  
nationes euitent, vtpote sibi interdi-  
ctas. octauò, vt se non subijciant obse-  
quio alicuius Prælati, seu Principis, vel  
Vniuersitatis, vel communitatis sine  
licentia sui superioris sicut decernit sy-  
nodus Trid. sess. 25. de reform. capit. 4.  
nonò, vt arma intra sæpta monasterij  
non teneant, neque habeant. decimò,  
vt carnes extra articulum necessitatis  
non comedant. Hæc & alia multa mo-  
nachis, & alijs Religiosis iuxta Regu-  
lam, & sanctiones suorum Ordinum  
sunt prohibita. Nota, quod monachi  
qui comedunt carnes in illis monaste-  
rijs in quibus memoria non extat, qđ  
non comederint, impune possunt co-  
medere; quia in tali casu debet præsu-  
mi tale quid ex causa legitima fuisse,  
& esse introductum; secus si ex corru-  
ptela, tunc non eucusarentur propter  
consuetudinem.

Monasterium ex facto monachi non  
obligatur nisi in duobus casibus. pri-  
mus si illud in vtilitatem ipsius mona-  
sterij versum sit. secundus si admini-  
stra-

stratio ei à conuentu sit commissa, & tunc monasterium in tantum obligatur, in quātum vtilitas, vel administratio se extendit, & non vltra. Bona ingredientis ordinem illorum Religiosorum qui in communi habēt propria, pertinent ad ipsum monasterium iure traditionis, seu donationis inter viuos: secundum aliquos verò iure successionis. De bonis autem illorum, qui ingrediuntur ordinem capucinatorū, vel aliorum religiosorum, qui nihil proprii habent, quatuor sunt opiniones, quarum prima est, quod huiusmodi bona habeantur pro derelictis. secunda, quod pertineant, ad illos, qui succederent ab intestato. tertia, quod iudicio & dispositioni Episcopi in cuius diœcesi sunt, subijciantur. quarta, quod acquirātur, & cedant Ecclesiæ Romanæ cui subsunt; & inde alantur, & hæc videtur verior, & securior opinio.

Acquisita ex industria per Monachum expulsū, vel fugitiuū efficiūtur monasterij, intellige si voluit eum recipere, sed recusauit: secus autem si monasterium noluit eum cupientem redire, recipere, vel non curauit illius redditum, quo casu erunt secundi monasterij si quod est ingressus, vel Episcopi

Dicē.

Dioecesani . Quod si Monachus fortè est translatus ad aliud monasterium ad peragendum ibi pœnitentiam propter delictum commissum, tunc bona illa quæ proprio monasterio attulerat quo ad vsum fructum erunt secundi monasterij, & post eius obitum redibunt ad primum. Si verò transijt ad secundum monasterium licitè, sic quicquid ex industria postea acquirerit erit secundi monasterij, & alia primi.

## DE MORTE.

**M**ors, secundum Philosophus, est priuatio vitæ, & communiter à sacris Doctoribus ponitur triplex, corporalis, spiritualis, & gehennalis: sicut etiam triplex est vita, corporalis, gratiæ, & beatitudinis. Mors corporalis duplex est, naturalis qua quis priuatur vita substantiali, omnique operatione vitali; & ciuilis, qua quis priuatur aliqua operatione vitali, puta propria voluntate, aut ciuium & amicorum fruitione, sicut fit per religionem, vel relegationem. Mors corporalis adhuc duplex est, violenta & naturalis; mors violenta etiam pro criminibus illata, auferit totam pœnam peccati, vel partem, secun-



secundum quantitatem culpæ, patientiæ, & contritionis: non autem mors naturalis, quia per naturalia, neque meremur, neque demeremur.

Exponere se morti corporali pro salutæ animæ proximi certa, est præceptum, alias est consilium: mors corporalis naturaliter est horribilis: tamen, propter æternam beatitudinem consequendam est appetibilis, sicut legitur de David, Psalm. 119 & de D. Paulo ad Philip. 1. qui optabant dissolui, seu mori corporaliter, ut cum Deo, quo ad spiritum, & animam, quæ per se est beatificabilis, perpetuò essent: unde per se quilibet diligit vitam, mortem verò per accidens, nempe vel propter aliquid acquirendum, vel propter aliquod malum euitandum.

De morte amici dolendum est moderatè, & ordinatè, ut docet Apostolus ad Thessal. 4. Nolumus autem vos, inquit ignorare, fratres, de dormientibus, ut non contristemini, sicut & cæteri, qui spem non habent, & Eccl. 12. Modicum plora super mortuum: quia nos credimus huiusmodi defectus non esse perpetuos, ad Philipp. 3. Salvatorem expectamus Dominum nostrum Iesum Christum, qui reformabit corpus hu-

mili.

militatis nostræ, configuratum corpori claritatis suæ; concedit tamen Apostolus, dolendum esse de morte amici, quod est pietatis: nam propter quatuor debemus tristari de mortuis. primò, propter defectum corporis, quod propter animam venit diligendum, Eccle. 41. O mors, quàm amara est memoria homini pacem habenti. secundò, propter discessum, ac separationem, quæ dolorosa est amicis, 1. Reg. 15. Sic ne separat amara mors? tertio, quia per mortem fit commemoratio peccati, Romanor. 6. Stipendia peccati mors, quartò, quia per mortem amici, fit commemoratio mortis nostræ, Eccles. 7. In illa enim finis cunctorum hominum admonetur, & viuēs cogitat quid futurum sit.

In articulo, siue periculo mortis, qui libet Sacerdos habet plenitudinem potestatis, & quo ad peccata, & quo ad censuras: dicitur autem esse in periculo mortis infirmus, qui quotidiana febris laborat, obsessus ab hostibus voleantibus illum occidere, nauigaturus per loca insidiosa, ætate confectus, generaliter verò regula sumitur ex arbitrio boni viri, vt consideratis omnibus

bus circumstantijs, ille dicatur esse in  
periculo mortis, qui proba-  
biliter indicatur  
esse in  
ta-  
li pericu-  
lo.





D E

## NEGOTIATIONE.



**N**egotiatio, quæ ex ipsa nominis significatione priuationem, seu negationem otij importat, est commutatio, siue permutatio ad lucrum ordinata: vnde in specie negotiator dicitur is, qui rem comparat, vt integram, & immutatam vendendo, lucratur: in genere autem, & in communi negotiator dicitur, qui vacat alicui exercitio, & sicut negotiator, & mercator sæpè apud Doctores pro eodem vsurpantur: ita etiam negotiatio & mercantia, siue mercatura idem significat.

Negotiatio ratione materiæ, circa quam est communiter ponitur triplex. prima est pecuniæ ad pecuniam, quæ proprio nomine dicitur cambium. secunda est pecuniæ ad rem, quæ dicitur, Emptio. tertia est rei ad rem, quæ dicitur Permutatio: ratione Verò finis, in quem ordinatur, ex sententia D. Tho-

mae 2 2. quaest. 77. artic. 4. negotiatio est duplex, vna quae ordinatur ad necessitatem vitae, quae propriè non ad mercatores, sed ad oeconomicos, & politicos pertinet, qui habent prouidere familiae, aut ciuitati de necessarijs, cum permutatione rerum ad res, vel rerum ad pecunias. Altera, quae ordinatur ad lucrum consequendum, & ista propriè dicitur negotiatio. prima de se est laudabilis: quia habet honestum finem, ex quo necessitati vitae talis negotiatio deseruit, licet in ea possint diuersa peccata committi, quae in tali casu erunt hominum vitia, & non artis in se; secunda verò secundum se. habet quandam turpitudinem: quia de sui ratione deseruit cupiditati lucri, quae terminum nescit, sed tendit in infinitum: potest tamen esse licita, si negotiator ordinet lucrum ad aliquem finem necessarium; vel honestum, puta ad sustentationem decentem sui, & familiae, aut subuentionem pauperum, aut publicam utilitatem.

Negotiatio, siue mercatura septem modis redditur illicita. primò, ex fine, ut quando fit propter auaritiam, vel alium inale finem. secundò, ex persona, puta si sit Clericus, vel religiosus, quibus in iure exercere mercaturam pro;

prohibetur, iuxta illud 2. ad Timoth. 2. Nemo militans Deo, inquit Apostolus, implicat se negotijs secularibus, ut ei placeat, cui se probavit. tertio, ex tempore, puta si fiat diebus festis: quia est opus servile, quo Dei Sabbathum violatur; fallit tamen secundum Petr. de Pal. in nundinis scitis, & toleratis, si diuina non omittantur. quarto, ex loco, ut si fiat in loco sacro, siue in Ecclesia: quia scriptum est Matth. 21. Domus mea, domus orationis vocabitur; excusantur tamen vendentes candelas in cœmeterio, vel etiam in Ecclesia intentione satisfaciendi principaliter honori diuino, ac fidelium deuotioni; secundario autem accipiendi inde aliquod lucrum. quinto, ex modo, puta quia exercetur dolose, vel cum mendacijs, ac periurijs: sexto, ex commercio, puta quando illud esset Reipublicæ damnosum, sic ut, cum quis totum granum, aut omnes merces emit, ut coactis alijs à se emere, vendat suo modo, vel quando queritur lucrum immoderatum, vel quando omnes conueniunt, ut certo pretio vendat, vel ut vnus solus vëdat tale quid, nisi pretium esset conueniens, cuius taxatio p rector

res ciuitas fieri debet. septimò, negotia-  
tio redditur illicita ex consortio, puta  
quando quis habet societatem cum ne-  
gotiatore, quem scit esse malę consciē-  
tię, talis, vt notat D. Antoninus, tene-  
tur soluere societatem, si commodè fie-  
ri potest, vel si non potest protestari, &  
de illicitis lucris participare nolit, in  
his enim casibus mercatura est illicita,  
& cum peccato.

## DE NOVITIO.

**N**ouitius religionis approbatę,  
quolibet rationis capax, & pubes  
esse potest, masculus vbi decimū quar-  
tum annum compleuerit, femina verò  
vbi duodecimum annum absoluerit,  
& si filius, vel filia à parentibus, siue tu-  
toribus ante prædictum tempus offera-  
tur, ipsique consentiant, eo casu tales  
exire nequeunt, priusquàm ad legiti-  
mam ætatem veniant, sicut in matri-  
monio carnali, vbi autem ad perfectā  
ætatem peruenerint, pro arbitrio egre-  
di poterunt, quod si non consenserunt  
oblationi, ac susceptioni habitus, in  
tali casu possunt egredi, quando volue-  
rint. Si impubes propria auctoritate  
religionem increditur, extrahi potest à



parentibus, vel tutoribus vsque ad annum, & diem pubertatis: si verò adolescens, siue adolescentula in annis pubertatis seruire Deo in aliqua religione elegerit, eo casu neque parentes, neque tutores prohibere possunt, ramentales, quandiu sunt nouitij, possunt exire absque alia pœna, nisi essent professi tacitè, nouitius autem tribus modis efficitur professus tacitè. primò, quando se ingerit actibus, qui solum professis de iure, vel de consuetudine conueniunt, intellige scienter, & non ex metu. secundò, ex delatione habitus professorum, sciens, quod ex tali delatione de iure, vel de consuetudine inducitur professio. tertio, nouitius efficitur professus tacitè, per delationem habitus religionis approbatæ ultra annum, intellige vbi non sit distinctio manifesta habitus nouitiorum, & professorum, sicut cõtingit in ordine Prædicatorum, vbi verò sit distinctio manifesta in forma, vel colore, vel scissura, nunquam per delationem habitus nouitiorum, etiã si per viginti annos portaretur professio inducitur. Professio tacita facta infra annum probationis, non obligat tacitè professum illi religioni præcisè, sed benè obligat illam religionē sibi, quia

eum expellere non poterit, illa autem professio, quæ sit per delationem habitus ultra annum, obligat illi religioni in specie, quo ad forum exterius, in foro verò animæ, & coram Deo, si talis nullo modo habuit animum obligandi se, non tenetur religioni, & si tales nempè tacitè professi contrahant matrimonium, tenet, licet grauitè peccent: nam professio tacita ita se habet ad professionem expressam, sicut se habent votum simplex, & votum solenne continentie illud impedit, sed non dirimit, istud impedit, & dirimit.

Tempus nouitiatus regulariter est annus à susceptione habitus, & hoc tempus datur in fauorem nouitij, & monasterij: nouitij vt experiatur regulam, disciplinam, modum viuendi, & huiusmodi; monasterij vt probent mores, ac vitam illius, vtrum sit pro eis, nec ne. Professio tamen in quacunque religione tam virorum: quàm mulierum, iuxta decretum sacri Concil. Tridentini sess. 25. de regularibus, & monialibus, fieri nõ debet ante decimum sextum annum expletum, & ad eam nullus admitti debet, nisi per annum post susceptum habitum in probatione steterit, quod si fiat antè, vigore di-

cti decreti, est nulla, & per cōsequens, nullam obligationem ad alicuius regulæ, vel religionis, vel ordinis obseruationem, aut ad aliquos quoscunque effectus inducit.

Nouitij non obligantur ad præcepta regulæ, nisi eo modo, quo alij Christiani: debent tamen induci, vt eam seruent, ea nempe ratione, vt eius austeritatem probent, quam facta professione sustinere tenentur: verum illis aliquid est indulgendum, ne retrocedant, maxime quo ad pœnas, vbi delinquunt: quia nouitij, durante nouitiatu, liberè ad seculum redire possunt. Nouitius non potest eligi in Prælatum alicuius religionis, sed benè in Episcopum, neque potest ordinari, etiam ad primam tonsuram, quod si habuit beneficium, per ingressum religionis, non vacat, ideò alteri infra annum probationis conferri non potest, nisi de eius consensu, sed eo casu per alium deferuiat assignata illi eiusdem beneficii congrua portione, & reliqui fructus reseruabuntur, vel in Ecclesiæ utilitatem exponentur, similiter si est Canonicus per ingressum religionis canonicatus ei' durante nouitiatu, non vacat: tamen talis infra annum probationis ad electionē

Episcopi, vel alterius vocari non debet, intellige si electio ad eum pertineat iure collegij in communi, secus esset de patrono, siue de eo, ad quem electio pertinet, non iure collegij, sed iure singulari, nam eo casu nouitius ad electionem vocari deberet.





D E

## OBEDIENTIA.



Obediētia, vt docet D. Thomas 2. 2. quæst. 104. artic. 2. est virtus moralis, & pars iustitiæ, licet diuersimodè considerata sub diuersis virtutibus contineatur; nam obedientia si consideretur in quantum procedit ex reuerentia Superiorum, continetur sub obseruantia; si consideretur quatenus procedit ex reuerentia parentum, continetur sub pietate, si consideretur in quantum, procedit ex reuerentia Dei, continetur sub religione, & pertinet ad deuotionē, quæ est principalis pars religionis: huius speciale obiectum est præceptum tacitum, vel expressum cuiuscunque Superioris: voluntas enim Prælati, quocunque modo innotescat, est quoddam præceptum tacitum: dicitur autem obedientia maior, & minor, secundum quod propria:

bus circumstantijs, ille dicatur esse in  
periculo mortis, qui proba-  
biliter indicatur  
esse in  
ra-  
li pericu-  
lo.





D E

## NEGOTIATIONE.



**N**egotiatio, quæ ex ipsa nominis significatione priuationem, seu negationem otij importat, est commutatio, siue permutatio ad lucrum ordinata: vnde in specie negotiator dicitur is, qui rem comparat, vt integram, & immutatam vendendo, lucratur: in genere autem, & in communi negotiator dicitur, qui vacat alicui exercitio, & sicut negotiator, & mercator sæpè apud Doctores pro eodem vsurpantur: ita etiam negotiatio & mercantia, siue mercatura idem significât.

Negotiatio ratione materiæ, circa quam est communiter ponitur triplex. primâ est pecuniæ ad pecuniam, quæ proprio nomine dicitur cambium. secunda est pecuniæ ad rem, quæ dicitur Emptio. tertia est rei ad rem, quæ dicitur Permutatio: ratione Verò finis, in quem ordinatur, ex sententia D. Tho-



mae 2. 2. quæst. 77. artic. 4. negotiatio est duplex, vna quæ ordinatur ad necessitatem vitæ, quæ propriè non ad mercatores, sed ad œconomos, & politicos pertinet, qui habent prouidere familiæ, aut ciuitati de necessarijs, cum permutatione rerum ad res, vel rerum ad pecunias. Altera, quæ ordinatur ad lucrû consequendum, & ista propriè dicitur negotiatio. prima de se est laudabilis: quia habet honestum finem, ex quo necessitati vitæ talis negotiatio deseruit, licet in ea possint diuersa peccata committi, quæ in tali casu erunt hominum vitia, & non artis in se; secunda verò secundum se. habet quandam turpitudinem: quia de sui ratione deseruit cupiditati lucri, quæ terminum nescit, sed tendit in infinitum: potest tamen esse licita, si negotiator ordinet lucrum ad aliquem finem necessarium; vel honestum, puta ad sustentationem decentem sui, & familiæ, aut subuentionem pauperum, aut publicam vtilitatem.

Negotiatio, siue mercatura septem modis redditur illicita. primò, ex fine, vt quando fit propter auaritiam, vel alium malum finem. secundò, ex persona, puta si sit Clericus, vel religiosus, quibus in iure exercere mercaturam

pro;

prohibetur, iuxta illud 2. ad Timoth. 2. Nemo militans Deo, inquit Apostolus, implicat se negotijs secularibus, ut ei placeat, cui se probauit. tertio, ex tempore, puta si fiat diebus festis: quia est opus seruale, quo Dei Sabbathum violatur; fallit tamen secundum Petr. de Pal. in nundinis scitis, & toleratis, si diuina non omittantur. quarto, ex loco, ut si fiat in loco sacro, siue in Ecclesia: quia scriptum est Matth. 21. Domus mea, domus orationis vocabitur; excusantur tamen vendentes candelas in cœmeterio, vel etiam in Ecclesia intentione satisfaciendi principaliter honori diuino, ac fidelium deuotioni; secundario autem accipiendi inde aliquod lucrum. quinto, ex modo, puta quia exercetur dolose, vel cum mendacijs, ac periurijs: sexto, ex commercio, puta quando illud esset Reipublicæ damnosum, sic ut, cum quis totum granum, aut omnes merces emit, ut coactis alijs à se emere, vendat suo modo, vel quando queritur lucrum immoderatum, vel quando omnes conueniunt, ut certo pretio vendat, vel ut vnus solus vëdat tale quid, nisi pretium esset conueniens, cuius taxatio p rector

res ciuitas fieri debet. septimò, negotia-  
tio redditur illicita ex consortio, puta  
quando quis habet societatem cum ne-  
gotiatore, quem scit esse malę consciē-  
tię, talis, vt notat D. Antoninus, tene-  
tur soluere societatem, si commodè fie-  
ri potest, vel si non potest protestari, q̃  
de illicitis lucris participare nolit, in  
his enim casibus mercatura est illicita,  
& cum peccato.

## DE NOVITIO.

**N**ouitius religionis approbatę,  
quilibet rationis capax, & pubes  
esse potest, masculus vbi decimū quar-  
tum annum compleuerit, fēmina verò  
vbi duodecimum annum absoluerit,  
q̃ si filius, vel filia à parentibus, siue tu-  
toribus ante prædictum tempus offera-  
tur, ipsi q̃ue consentiant, eo casu tales  
exire nequeunt, priusquàm ad legiti-  
mam ætatem veniant, sicut in matri-  
monio carnali, vbi autem ad perfectā  
ætatem peruenerint, pro arbitrio egre-  
di poterunt, quod si non consenserunt  
oblationi, ac susceptioni habitus, in  
tali casu possunt egredi, quando volue-  
rint. Si impubes propria authoritate  
religionem increditur, extrahi potest à

parentibus, vel tutoribus vsque ad annum, & diem pubertatis: si verò adolescens, siue adolescentula in annis pubertatis seruire Deo in aliqua religione elegerit, eo casu neque parentes, neque tutores prohibere possunt, ramentales, quandiu sunt nouitij, possunt exire absque alia pœna, nisi essent professi tacitè, nouitius autem tribus modis efficitur professus tacitè. primò, quando se ingerit actibus, qui solum professis de iure, vel de consuetudine conueniunt, intellige scienter, & non ex metu. secundò, ex delatione habitus professorum, sciens, quod ex tali delatione de iure, vel de consuetudine inducitur professio. tertio, nouitius efficitur professus tacitè, per delationem habitus religionis approbatæ ultra annum, intellige vbi non sit distinctio manifesta habitus nouitiorum, & professorum, sicut cõtingit in ordine Prædicatorum, vbi verò sit distinctio manifesta in forma, vel colore, vel scissura, nunquam per delationem habitus nouitiorum, etiã si per viginti annos portaretur professio inducitur. Professio tacita facta infra annum probationis, non obligat tacitè professum illi religioni præcisè, sed benè obligat illam religionē sibi, quia

eum expellere non poterit, illa autem professio, quæ sit per delationem habitus ultra annum, obligat illi religioni in specie, quo ad forum exterius, in foro verò animæ, & coram Deo, si talis nullo modo habuit animum obligandi se, non tenetur religioni, & si tales nempè tacitè professi contrahant matrimonium, tenet, licet grauer peccent: nam professio tacita ita se habet ad professionem expressam, sicut se habent votum simplex, & votum solenne continentix illud impedit, sed non dirimit, istud impedit, & dirimit.

Tempus nouitiatus regulariter est annus à susceptione habitus, & hoc tempus datur in fauorem nouitij, & monasterij: nouitij vt experiatur regulam, disciplinam, modum viuendi, & huiusmodi; monasterij vt probent mores, ac vitam illius, vtrum sit pro eis, nec ne. Professio tamen in quacunque religione tam virorum: quàm mulierum, iuxta decretum sacri Concil. Tridentini sess. 25. de regularibus, & monialibus, fieri nõ debet ante decimum sextum annum expletum, & ad eam nullus admitti debet, nisi per annum post susceptum habitum in probatione steterit, quod si fiat antè, vigore di-

cti

Et decreti, est nulla, & per cōsequens, nullam obligationem ad alicuius regulæ, vel religionis, vel ordinis obseruationem, aut ad aliquos quoscunque effectus inducit.

Nouitij non obligantur ad præcepta regulæ, nisi eo modo, quo alij Christiani: debent tamen induci, vt eam seruent, ea nempe ratione, vt eius austeritatem probent, quam facta professione sustinere tenentur: verum illis aliquid est indulgendum, ne retrocedant, maxime quo ad pœnas, vbi delinquunt: quia nouitij, durante nouitiatu, liberè ad seculum redire possunt. Nouitius non potest eligi in Prælatum alicuius religionis, sed benè in Episcopum, neque potest ordinari, etiam ad primam tonsuram, quod si habuit beneficium, per ingressum religionis, non vacat, ideò alteri infra annum probationis conferri non potest, nisi de eius consensu, sed eo casu per alium deferuiat assignata illi eiusdem beneficij congrua portione, & reliqui fructus reseruabuntur, vel in Ecclesiæ vtilitatem exponentur, similiter si est Canonicus per ingressum religionis canonicatus ei' durante nouitiatu, non vacat: tamen talis infra annum probationis ad electionē

Episcopi, vel alterius vocari non debet, intellige si electio ad eum pertineat iure collegij in communi, secus esset de patrono, siue de eo, ad quem electio pertinet, non iure collegij, sed iure singulari, nam eo casu nouitius ad electionem vocari deberet.







D E

## OBEDIENTIA.



Bediētia, vt docet D. Thomas 2. 2. quæst. 104. artic. 2. est virtus moralis, & pars iustitiæ, licet diuersimodè considerata sub diuersis virtutibus contineatur; nam obedientia si consideretur in quantum procedit ex reuerentia Superiorum, continetur sub obseruantia; si consideretur quatenus procedit ex reuerentia parentum, continetur sub pietate, si consideretur in quantum, procedit ex reuerentia Dei, continetur sub religione, & pertinet ad deuotionē, quæ est principalis pars religionis: huius speciale obiectum est præceptum tacitum, vel expressum cuiuscunque Superioris: voluntas enim Prælati, quocunque modo innotescat, est quoddam præceptum tacitum: dicitur autem obedientia maior, & minor, secundum quod propria:

voluntas obedientis magis, vel minus promptè, ac deuotè tendit ad impletionem præcepti sui Superioris.

Virtutes sunt in duplici differentia, quædam theologales, vt fides, spes, & charitas, omnibus alijs virtutibus longè potiores: quia Deo per se inhærent, quædam morales, inter quas, omnium maxima est obedientia: homo enim in alijs virtutibus moralibus contemnit bona externa, vel bona corporis propter Deum: virtute verò obedientiæ homo contemnit, vt Deo inhæreat, bona animæ, scilicet voluntatem propriam, quæ inter bona animæ est præcipua, inquantum homo per voluntatem omnibus alijs bonis vtitur: vnde per se loquendo inter virtutes morales laudabilior est obedientia, quæ propter Deum propriam voluntatem contemnit, quinimò in sacris literis obedientia præfertur victimis, 1. Reg. 15. Nunquid, inquit Samuel, vult Dominus holocausta, & victimas, & non potius, vt obediatur voci eius? melior est enim obedientia, quam victimæ, & iure, quia per victimas aliena caro, per obedientiam propria voluntas mactatur.

Inobedientia, quæ charitati contrariatur, secundum se est peccatum mortale,

tale, 2. 2. quæstion. 105. articul. 1. non solum illa, quæ est in Deum, sed etiam quæ est in Superiores, iuxta illud Hebræor. 13. Obedite præpositis vestris, & Romanor. 13. Qui potestati resistit, Dei ordinationi resistit, & damnationi sibi acquirit: obedientia tamen, quæ respicit Deum, semper est præferenda obedientiæ, quæ respicit hominem, Act. 5. Obedire oportet magis Deo, quàm hominibus: homo tenetur obedire Deo quantum ad interiora: Superioribus verò solum quantum ad exteriora, quòd si Prælati multiplicarent tot præcepta, quod subditi ea implere non possent, eo casu exeusarentur: quia ad impossibile nemo tenetur, & licet omnis inobedientia sit peccatum, ubi quod præcipitur est iustum, honestum, & possibile, tamen vna potest esse grauior altera dupliciter, vno modo ex parte præcipientis, & sic grauius est, esse inobedientem Deo, quàm homini: alio modo ex parte præceptorum, & sic inobedientia circa præceptum de meliori bono est grauior, vnde qui est inobediens præcepto de dilectione Dei, grauius peccat, quàm

quàm qui est inobediens præcepto de dilectione proximi.

## DE ORATIONE.

**O** Ratio actus religionis, quo reuerentia Deo exhibetur, est eleuatio mentis in Deum, cum quadam decentium petitione, & communiter à sacris Doctõribus ponitur duplex, vocalis & mentalis. De vocali. Psalm. 5. & Matth. 6. De mentali, Psalm. 26. & 1. Corinth. 15. potior tamen, ac principalior est mentalis, iuxta illud Matth. 15. Hic populus labijs me honorat, cor autem eorum longè est à me, sine causa autem colunt me. Quòd oratio sit Deo grata, hominiquè salutaris contra Pelagium, ac eius sequaces, multis modis comprobari potest. primò, quia Christus docuit orare, Matth. 6. secundò, quia Dominus præcepit orare, Luc. 11. tertio, quia ipsemet orauit, Luc. 22. quarto, quia Apostolus omnes ad orandum hortatur, 1. ad Timoth. 2. quintò, quia Apostoli in ea se exercuerunt, vt habetur 1. ad Thessal. cap. 1. Orare non conuenit diuinis personis: quia oratio fit ad Superiorem, quem personæ diuinæ non habent, licet filius orauerit secundum

dùm humanitatem, qua est Patre, imò se ipso minor, & nunc etiam oret pro nobis, iuxta illud Romano. 8. Christus Iesus, qui mortuus est, imò qui & resurrexit, qui est ad dexteram Dei, qui etiã interpellat pro nobis, tamen non dicimus, Christe ora pro nobis, sed Misere re nobis, quia supponit suppositum æternum: conuenit verò orare Sanctis, & Angelis beatis in patria, non pro se, quia omnia succedunt eis ad votum, sed pro nobis. secundò, orare conuenit peccatoribus, quos orantes ex bono desiderio naturæ, Deus non quasi ex iustitia, sed ex pura misericordia exaudit, quatuor conditionibus obseruatis. primò, vt petant pro se. secundò, quòd petant necessaria ad salutem. tertio, piè & humiliter. quartò, perseveranter.

Oratio aliquem contingit dupliciter, scilicet sicut exauditorem, seu impleto rem nostræ orationis, & sicut impetratorem, siue intercessorem. primò modo solum Deum oramus, quia omnes præces nostræ ordinari debent ad gratiam, & gloriam consequendam, quæ à solo Deo datur, Psalm. 83. Gratiam & gloriam, inquit Propheta, dabit Dominus. secundò modo oramus Sanctos, quam distinctionem diuersi-

tatemque, modus orandi Ecclesiæ ostendit, nam à Sanctissima Trinitate petimus, ut misereatur, ab alijs autem postulamus, ut orent pro nobis. Sancti existentes in patria licet naturaliter ignorent ea, quæ in hoc sæculo fiunt, maximè cogitationes cordis, tamen in verbo, & in intuitu diuinæ essentiæ manifestatur eis id, quod eos decet cognoscere de his, quæ circa nos aguntur, etiam quantum ad interiores motus cordis, huiusmodi maximè sunt petitiones nostræ ad eos directæ, voce vel corde, quas Deo manifestante cognoscunt. Quare oratio nostra tanquam deprecatoribus, & intercessoribus porrigenda est ad Sanctos, & ad Angelos beatos, tanquam datori, largitori, ac impletori, oratio nostra ad solum Deum est dirigenda, orandum autem nobis est pro peccatoribus, qui sunt in via, pro excommunicatis, pro infidelibus, & pro existentibus in purgatorio, pro damnatis verò non est orandum.

Orandum nobis est pro obtinendis spiritualibus, ac temporalibus; pro temporalibus, Proverb. 20. & Matth. 6. Panem nostrum quotidianum da nobis; pro spiritualibus, ibidem, Adueniat regnum tuum. Verùm ut rectè Deum,  
&

& Sanctos eius oremus, primò & principaliter spiritualia postulare debemus, secundariò temporalia ipsa, iuxta illud Matthæi 6. Quærite primum regnum Dei, & iustitiam eius, & hæc omnia adiicientur vobis. Vt autem oratio nostra exaudiat, quatuor conditionibus debet esse prædita, primò, si sit publica, seu communis debet esse vocalis: quia talis fit in persona totius populi, cui debet innotescere, vt inde ad deuotionem cum orantibus populus excitetur, si verò sit priuata, seu singularis, non est quidem necessarium, quòd sit vocalis, tamen vox illi adiungitur, vt orans seipsum ad deuotionem excitet. secundò, vt intentionem suam custodiat, ne vagetur. tertio, vt debitum reddatur seruiendo Deo, nedum mente, sed etiam corpore. secundò, requiritur attentio, vt oratio sit meritoria, & impetratiua, 1. Corinth. 14. Orabo spiritu, orabo & mente. Triplex autem est attentio: quæ orationi vocali adhiberi potest vna ad verba, quibus petimus: altera ad sensum verborum, id est, ad petitionem ipsam, & tertia ad finem orationis, id est, ad gratiam, & gloriam consequendam modò quæcūque harum adsit, oratio attenta dici



potest. tertio, debet esse diuturna, & continua, non quidem secundum se; quia oportet nos etiam in alijs operibus occupare, sed secundum desiderium charitatis, quod actu, vel virtute in nobis debet esse continuum; quoniam virtus huius desiderij manet in omnibus, quæ ex charitate facimus. quarto, requiritur, quod sit de re honesta, hoc est, de his, quæ faciunt ad æternam salutem consequendam, oratio enim nostra, si has quatuor condiciones habuerit, semper audietur, Matth. 21. Quæcunque petieritis in oratione, credentes, accipietis.

Oratio non tantum mentalis, sed et vocalis cadit sub præcepto diuino; nam ex Christi doctrina, Matth. 6. debemus dicere, Pater noster, qui es in cælis, &c. Hanc orationem omnibus alijs præferendam, omnes Christiani scire, & orare tenentur, quæ in se septem petitiones continet. in prima petimus, quod nomen Dei ab omnibus, ut sanctum, habeatur. in secunda postulamus, ad gloriam regni Dei peruenire. in tertia petimus, ut ita ei ab hominibus obediatur in terra, sicut ab Angelis in cælo. quarto, postulamus necessaria in hac vita, nobis tribui. in quinta petimus

veniam, & remissionem peccatorum: in sexta postulamus à Deo; ne permittat nos tentationibus carnis, mundi, ac dæmonis succumbere, & superari. in septima petimus protectionem diuinā aduersus omnia mala præsentis & futuræ vitæ; scriptum est enim Psalm. 26. Deus protector vitæ meæ, à quo trepidabo? & Roman. 8. Si Deus pro nobis, quis contra nos?

## DE ORDINE.

**O**Rdo Ecclesiasticus de quo hic intendimus est signaculum quoddā in anima diuinitus impressum, in quo spiritualis potestas, & officium traditur ordinato. Et communiter ponuntur septem. 4. sentent. distinc. 24. cap. 1. scilicet, Ostiariatus, Lectoratus, Exorcistatus, Accolytatus, Subdiaconatus, Diaconatus, & Præbyteratus. In hoc concordant omnes Theologi: Canonistæ verò tenent, quod sint nouem ordines ecclesiastici: prædictis. n. addunt primam tonsuram, & Ordinem Episcopalem. In quolibet ordine imprimitur character indelebilis, ideò absque sacrilegio, iterari non possunt. In Ordine Ostiarij imprimitur character in-

traditione clauium, & expressione verbi. Lectoris in traditione Codicis lectionum diuinarum. Exorcistæ in traditione libri exorcismorum. Accolyti in traditione Candelabri, & Vrceoli. Subdiaconi in traditione patenæ, & calicis vacui. Diaconi in traditione libri Euangeliorum, & secundum aliquos in manus Episcopi impositione. Sacerdotis in traditione Calicis, & patenæ cum hostia, & vino, ac verbis, Accipe potestatem offerre sacrificiū, &c. & in impositione manuum Episcopi super caput cum illis verbis, Accipe Spiritum sanctum, &c. sic enim Episcopus concotditer agit summo Episcopo Christo, qui prius contulit potestatem Apostolis conficiendi, quàm absoluedi: vnde sunt duæ formæ partiales ordinis sacerdotalis, in quarum vna conferatur potestas conficiendi Eucharistiam, in altera potestas absoluedi à peccatis. In ordine Episcopali imprimitur character ex impositione manuum Episcoporum super caput, cum illis verbis, Accipe Spiritum sanctum, & cap. Episc. iuncta glo. 23. dist. Nec obstat. c. ult. de sac. vnc. non iter: quia loquitur de impositione quæ fit Diacono, & Sacerdoti, quæ non est de essentia istorum ordi-

ordinum. Aliqui tamen dicunt, quod imprimatur character in vñctione capitis ex chrismate, & in prima tonsura quando capilli abscinduntur.

In collatione ordinum quædã sunt de necessitate, & substantia ordinis, vt tactus corporalis instrumenti in cuius traditione imprimitur character, D. Thom. in 4. sentent. distinct. 24. Gof. & Host. Vnitas ministri, vnde si Episcopus exprimit verba, & alius facit actus vel è contra nihil fit: quia sacramenta sunt vnitatis, quæ diuidi non possunt, de consecr. dist. 2. Missa in maioribus ordinibus, & huiusmodi. Quædam sunt dubia, vt manus impositio Episcopi in ordine Diac. & Præsb. Ieiunium ordinatis, & ordinari, & alia id genus. Quædam verò non sunt de necessitate, & substantia ordinis, vt genuflexio, tempus, ætas, Episcopus, proprius, Missa in minoribus ordinibus, & his similia.

Quare si omissum in Collatione ordinum est de substantia debet iterari. Si dubium debet suppleri vt notant. Inn. Host. & Goff. si verò certò constat, quod omissum non erat de substantia, tunc illud iterari, vel suppleri non est opus.

Abbas qui ex Priuilegio habet vsum mitræ, & baculi pastoralis, potest conferre

ferre ordines minores suis subditis tantum, alijs verò non, vt habetur in Concil. Trid. sess. 23. de reform. cap. 10. Episcopus autem potest conferre omnes ordines omnibus de sua diœcesi oriundis, aut qui in sua diœcesi habent domicilium, vel beneficium, etiam peregrinis de licentia suorum Ordinariorum, vel Capituli sede vacante ultra annum.

In iure prohibentur ordinari non habentes debitam ætatem, illiterati, criminosi, bigami, solenniter pœnitentes, Neophiti hoc est noui in fide, vel religione, tales nec ad minores ordines promoueri possunt. Ratiocinijs obligati, serui, corpore vitiiati, vxorati, illegitime nati, peregrini, & ignoti, infames, suspensi, interdicti, vel excommunicati, & hermaphroditus qui nisi præualeat sexus virilis, non suscipit characterem: Episcopus enim huiusmodi ordinando secundum D. Thom. peccat mortaliter, nisi in casibus in quibus potest dispensari, prius cum illis dispensetur.

Prima tōsura potest dari omni tempore. Quatuor minores ordines iuxta factorum Canonum dispositionem, extra ordinationem generalem, Dominicis

nicis, & alijs festiuis diebus per annum  
conferri possunt: alij verò ordines, nē-  
pe maiores & sacri tantum in sex tem-  
porib. Anni, & manē, videlicet in Sab-  
bathis Quatuor temporum, Sabbatho  
ante Dominicam de Passione, & Sab-  
batho sancto conferri debent: Ordo  
verò Episcopalis die Dominico hora  
tertiarum, & sic vti legitur in canoni-  
bus Apostolorum receptis, & approba-  
tis in sexta Synodo generali Constant.  
Episco. a duobus, aut tribus Episcopis  
ordinetur, Præsbyter, Diaconus, & reli-  
qui Clerici ab vno Episcopo ordinen-  
tur, Can. 1. & 2.

Circa collationem ordinū quatuor  
potissimum obseruari debent. primò,  
quod præcedat examen ita vt constet  
nullum impedimentum ex prædictis  
esse inordinando. secūdò, debet missa  
celebrari ab eo qui vult ordinare, quod  
si missa o mittatur secundum Raij. ni-  
hil fit, sed totum est iterandum: quia  
missa in sacris ordinibus conferendis  
est de substantia. Quod si vnus dicat  
missam, & alius consecret Ordo tenet  
vt dicit Hugo de Sanct. Viç. licet fieri  
non debeat: Aliqui tamen limitant, &  
dicunt illud verum esse in minoribus,  
sed non in sacris: vnde securius est, vt  
qui

qui ordinat semper celebret, iuxta vniuersalem consuetudinem Ecclesiæ, hoc in se continet Pontificale, & quia vnus debet esse minister sacramenti, sic .n. plures viderentur esse ministri partiales, cum Missa sit de substantia sacrorum ordinum. secus in minoribus. tertio, ordinandi debent habere indumenta pertinentia ad ordinem quem suscipere volunt. quarto, quod ordinans nihil omittat de ordinatis in Pastoralibus: nam Doctores communiter tenent, quod excepto loco, tempore, ætate, vñctione, impositione manuum (intellige in ordine Diaconatus, & Præbyteratus) ieiunio, missa in minoribus, orationibus quibusdam, quæ non dicuntur in traditione Instrumentorum, & quod sit proprius Episcopus, omnia alia sint de necessitate, sic quod si aliquid omittatur, nihil fiat, totumque sit reiterandum: ex Theologis autem multi dicunt, si in Collatione Ordinum omitterentur illa in quibus imprimitur character, tunc totum esset reiterandum, & ordo sic collatus non teneret, secus si alia omitterentur, eo casu inquit omissa solum esset supplenda; at prior opinio est securior.

Ordo Ecclesiasticus de quo hic agitur



ur est verè, & propriè sacramentum à Christo Domino nostro institutum, vt testatur sacri Concilij Tridentini sess. 23. de Sacramento Ordinis Can. 3. & licet plures sint Ordines, vt suprà dictum est, & vt habetur loco citato can. 2. tamen sunt vnũ sacramentum, non vnitate indiuisibilitatis vt pũctus, neque vnitate continuitatis vt linea, neque perfectione vnius formæ, vt corpus animatum, sed perfectione vnius finis, omnes enim ordines ad vnum finem, nempe ad Eucharistiam ordinantur; nam quilibet ordo habet propriũ actum in ordine ad sacramentum Eucharistiæ, Ostiarij est dignos admittere, & indignos à sumptione eius repellere. Lectoris est homines instruere ad huiuscemodi sumptionem. Exorcistæ est homines disponere ad receptionẽ Eucharistiæ. Accolyti est præparare materiam sacri calicis. Subdiaconi est præparare materiam Eucharistiæ in sacris vasis. Diaconi est sanguinem ex calice ministrare, & Sacramentum Eucharistiæ in pixide gestare. Præsbyteri est corpus & sanguinem Christi in Altari conficere. Episcopi etiam habent proprium actum in ordine ad sacramentum Eucharistiæ à cæteris distinctum,

nempè creandi Præsbyteros, qui hoc ipsum Sacramentum Eucharistiæ conficiunt, proinde Episcopatus est verè, & propriè Ordo in Ecclesia Christi à cæteris distinctus, qui iterari non potest, D. August. Epist. ad Crispinum Donatistam, & D. Dion. Areop. lib. eccles. hierarc. cap. 5.

Quilibet ordo præsupponit characterem baptismi de necessitate: characterem verò Confirmationis solum de congruo, similiter character vnus ordinis characterem alterius, proinde recipiens posteriorem ordinem, priori omisso, non reordinatur in posteriori, fallit tamen secundum omnes Theologos de non sacerdote consecrato in Episcopum, nam si quis non sacerdos consecraretur in Episcopum, ordinatio esset nulla, ac per consequens talis non reciperet potestatem, & characterem Episcopalem, secus autem si esset sacerdos, quocunque alio ordine deficiente, eo casu ordinatio, & consecratio teneret, & posset omnes ordines cōferre, eo excepto, quem non haberet.

In susceptione Ordinum ecclesiasticorum requiritur debita ætas, nempe ad Primam tonsuram, & tres priores ordines minores, ætas septem annorū,

& ad

& ad Accolytatum ætas duodecim annorum desideratur, ætas verò requisita ad maiores, & sacros ordines suscipiendos exprimitur in Conc. Trid. sess. 23. de reform. cap. 12. vbi legitur; Nullus in posterum ad Subdiaconatus ordinem ante vigesimum secundum, ad diaconatus ante vigesimum tertium, ad Presbyteratus ante vigesimum quintum ætatis sue annum promoueatur. Regulares quoque nec in minori ætate, nec sine diligenti Episcop. examine ordinentur, Priuilegijs quibuscunque quo ad hoc pœnitus exclusis: Ad Episcopatum verò ætas triginta annorum iuxta Canones sanctiones in promouendo desideratur.





D E

P A P A .



Apa quasi pater patrum, successor D. Petri, est Vicarius Christi, & Dei in terris: nam principale caput Ecclesię, in quod tendit fides nostra, est Christus, ad Ephes. 1. Ipsum, inquit Apostolus loquens de Christo, dedit caput super omnem Ecclesiã, & Coloss. 1. Ipse est caput corporis Ecclesię: secundarium verò, & ministeriale caput, est Papa, in quod non credimus, sed illi veluti Vicario Christi in terris obedimus; vtpotè quia ei cura vniuersalis Ecclesię, diuinitus est demandata, quando à Domino dictum est Petro, Ioann. 21. Pasce agnos meos, pasce oues meas; tunc Christus Petro, & per consequens eius successoribus, omnes credentes in ipsam subiecit. Quare ex hoc loco rectè à nobis inferri potest, ergò qui non sunt sub cura, & obe-

obedientia Papæ, tales non sunt oues Christi: sed hædi Satane sunt. Papa debet eligi à duabus partibus Cardinalium, aliter qui gereret se pro Papa, est excommunicatus.

Primatum D. Petri, & eius successorum in Ecclesia Christi, ex multis testimonijs, atque prærogatiuis ex sacris literis desumptis, accipimus primò, quia Matth. 16. legitur, quod Christus illi soli nominatim clauēs regni cœlorum, promisit. secundò, quia Dominus alijs Apostolis dedit clauēs cœli, vt habetũr Matthæi 18. Petro verò dedit clauēs cœlorum, Matth. 16. quæ diuersæ dicendi formulæ, maiorem authoritatem fuisse à Christo collatam Petro, quàm alijs ostendunt. tertio, quia onus confirmandi in fide reliquos Apostolos soli Petro Christus iniunxit, ac demandauit, Lucæ 22. quarto, quia Dominus curam suarum ouium soli Petro nominatim commisit, Ioann. 21. quinto, quia Christus vbi resurrexit, singulariter Petro, & primò præ cœteris apparuit, eiusque resurrectio iussu Angeli, soli Petro nominatim annunciata fuit, Marc. vltim. sexto, quia quotiescunque catalogus Apostolorum texitur, semper Petrus primo loco recēsetur, vti legitur Matt.

10. Luc. 6. & Act. 1. Hæc igitur, & alia multa testimonia, atque prærogatiuæ satis pio Christiano, Petri primatum ostendunt, quem Dominus illi, eius gloriosa confessione audita, alijs præsentibus promisit, Matth. 16. quando dixit. Tu es Petrus, & super hanc Petram ædificabo Ecclesiam meam, & portæ inferi non præualebunt aduersus eam, & tibi dabo clauēs regni cœlorum, & quodcunque ligaueris super terram, erit ligatum & in cœlis, & quodcunque solueris super terram, erit solutum & in cœlis. Hunc post Resurrectionem Dominus effectualiter illi contulit, quando dixit Ioann. 21. Pasce agnos meos, pasce oues meas, quem primatum ubi Christus cœlos ascendit, Petrus in Ecclesia exercuit, Primò, dirigendo ordinationem Matthiæ in Apostolorum, Act. cap. 1. secundò, defendendo publicè omnes Apostolos, Act. 2. testiò, sanando claudum præsentē Ioanne, Act. 3. quartò, pronuntiando sententiam mortis in Ananiam, & Saphiram, Act. 5. quintò, dum præfuit in Concilio Hierosolymis celebrato, & eius sententiæ omnes consenserunt, Act. 15. & accedit, q̃ Christus Petrum vocauit Cœpham, id est. Caput.

Papa summum gradum potestatis in spiritualibus, & temporalibus æqualiter Petro Apostolo, habet, ideò iudicem non habet in terra; à nullo enim potest iudicari, à nullo potest deponi, nisi desinat esse caput, vt in casu hæresis manifestæ, aut spontè se subiiciat, vel Papatui renunciaret: sicut legimus de Clemente, Cyriaco, Marcellino, & Celestino, quos Ecclesia canonizauit: licet per Concilium generale possit declarari depositus, vbi à fide deuiasset: quia tunc ipso iure Papa est præcisus ab Ecclesia, est depositus, & desinit esse caput Ecclesiæ; pro alijs autem criminibus notorijs, excepto crimine hæresis, à membris iudicari non potest, quoniam eo casu Papa non esset caput præcisum, sed languidū, & per consequens non desinit esse caput Ecclesiæ: si tamē suis prauis moribus Ecclesiam Christi destrueret, vel bona Ecclesiæ alienaret, ditando suos consanguineos eo casu ei esset resistendum per honestam reprehensionem, exemplo Pauli, qui restitit Petro in faciem, ad Galat. 2. & orandū esset, vt à Deo corrigeretur: vtrum autem Papa vtendo sua potestate in iudicando, ac statuendo errare possit, habes suprà in titulis de Canonizatione.



fol. 63. & Concilio, fol. 89.

Potestas Papæ in genere, ex quo gerit vices Christi in terris, licet ad omnes se extendat: tamen in specie. primò se extendit ad illos quæ sunt in Purgatorio, mediante thesauro indulgentiarum. secundò, ad Paganos, si quid faciunt in sua superstitione, quod vergat in irreuerentiam fidei. tertio, ad Iudæos, ut seruent Canones, qui eos respiciunt, & licet tales non possit punire pœna spirituali, quia sunt extra Ecclesiam; tamen potest eos punire pœna pecuniaria, vel corporali. quartò, ad hæreticos, & schismaticos, eos excommunicando, deponendo, & auferendo bona temporalia, nisi ad gremium sanctæ matris Ecclesiæ redeant. quintò, ad Imperatorem, quem habet confirmare, consecrare, & coronare; quinimò & illum ex rationabili causa deponere, sicut Innocentius III. Ottonem, & Innocentius IV. Federicum deposuit, à fortiori potestas Papæ se extendit ad reges, & alios Principes Christianos. sextò, ad leges ciuiles, quas potest tollere, & abrogare, si vergunt in detrimentum animæ, vel sacris Canonibus sint contrariæ. septimò, ad legem naturalem, & diuinam, eas declarando, & interpretan-

tando. octauò, ad omnes gradus consanguinitatis, & affinitatis, prohibitos, vt Matrimonium contrahatur, dispensando in illis, præterquàm in primo gradu consanguinitatis, & affinitatis in linea ascendentium, & descendentium, & in primo gradu consanguinitatis, & affinitatis in linea transversali; quia est contra ius diuinum, & naturale, vt filius ducat matrem, & uxorem patris. item quòd frater ducat sororẽ, vel frater uxorem sui fratris, licet in lege Mosaica ex Dei dispensatione ad suscitandum semen fratris mortui, & ad multiplicandum genus humanum permissum, atque concessum sit, ducere uxorem fratres defuncti, & habere plures uxores: multiplicato autem genere humano, creditur quòd, & iudæi in veteri lege ab huiusmodi abstinuerint.

Summus Romanus Pontifex in suprema militantis Ecclesiæ specula constitutus, iuxta canonicas sanctiones, præsertim sacri Conc. Trident. decreta, ex iniuncto sibi Apostolicæ seruitutis officio, habet animaduertere in Pastores absentes à suis Ecclesijs, & diocesi, legitimo impedimento, seu iustis, & rationabilis causis cessantibus, & accedente illorum contumacia, suæ supre

mæ sedis auctoritate, Ecclesijs ipsis de  
 Pastoribus vtilioribus providere, sicut  
 in Domino nouerit salubriter expedi-  
 re, sess. 6. decreto de reform. cap. 1. Item  
 pro suprema potestate, sibi in Ecclesia  
 vniuersa tradita, Romanus Pontifex  
 causas aliquas criminum grauiores,  
 suo potest peculiari iudicio reservare,  
 cuius etiam est, causas criminales gra-  
 uiores contra Episcopos cognoscere, &  
 terminare, sess. 14. capit. 7. & infra sess.  
 24. capit. 5. Ad quem pariter processus  
 formatus de promouendis ad Cathe-  
 drales Ecclesias est trāsmittendus, qui  
 plena totius negotij, ac personarum no-  
 titia habita, pro gregis Domini com-  
 mōdo de illis, si idonei per examen, seu  
 per inquisitionem factam reperti fue-  
 rint, Ecclesijs poterit vtilius provide-  
 re, ibidem cap. 1. nam Papæ Pont. max.  
 cura Vniuersalis Ecclesiæ diuinitus est  
 demandata: propterea ei per omnia  
 tanquā Beati Petri Apostolorū Prin-  
 cipis successori, ac Iesu Christi Vica-  
 rio, vera obedientia ab omnibus de-  
 tur, ita vt ipso inconsulto nihil nouum,  
 aut in Ecclesia hactenus inusitatum de-  
 cerni possit, sicut eadem sacrosancta sy-  
 nodus sess. 25. de inuocat. & veneratio.  
 Sanctorum sentit, & mandat.

## DE PECCATO.

**P**eccatum prima sua diuisione communiter à sacris Doctoribus diuiditur in originale, & actuale. de originali, Psal. 50. & Rom. 5. quod nil aliud est, quam carentia iustitiæ originalis, & deletur per Baptismum. Actuale pariter duplex est, scilicet, mortale, & veniale, vt habetur 1. Ioann. cap. 5. Peccatum mortale est dictum, factum vel concupitum contra legem Dei: peccatum verò veniale est dictum, factum, vel concupitum præter legem Dei. Peccatum originale ab actuali differt in tribus. primò, quòd originale contrahitur voluntate aliena: actuale voluntate propria. secundò, quòd originale omnibus est commune, actuale solùm adultis. tertio, quòd originale reiterari non potest, actuale verò est reiterabile. Peccatum mortale similiter à veniali in quatuor differt. primò, quòd mortale excludit gratiam gratum faciētem, veniale stat cum ipsa gratia. secundò: quòd mortale non deletur, nisi in hoc seculo: veniale etiam in futuro. tertio, quòd mortale commissum post Baptismum non tollitur, nisi per Sacramen-

tum pœnitentiæ, vel in re, vel in voto veniale multis alijs modis, ac medijs, vt per asperſionem aquæ benedi-ctæ, per abſolutionem Sacerdotis factam in Miſſa, & per alia multa. quartò, q̃ peccata mortalia genere ſunt ſeptem, ad quæ omnia alia reducuntur, ſcilicet ſuperbia, auaritia, luxuria, inuidia, accidia, ira, & gula: venialia ſunt infinita

Omnia peccata contra præcepta diuinæ, naturalis, vel humanæ legis, ſecū-  
dum omnes Doctores, regulariter ſunt mortalia, fallit tamen hæc doctrina ex ſententia D. Thomæ, 2. 2. quæſt. 35. & 59. in quatuor caſibus. primò, ex imperfectione actus, qui ex primo motu ſenſualitatis erumpit, & non pertingit, vſque ad conſenſum rationis. ſecundò, ex imperfectione obiecti, vt ſi fiat contra iuſtitiam in aliquo minimo. tertio, ex interuentu diſpenſationis factæ per Superiorem. quartò; ex interuentu cauſæ rationabilis excuſantis, quo ad præcepta humana.

Cauſa peccati communiter duplex ponitur, interior & exterior; cauſa peccati interior triplex eſt, ſcilicet, voluntas, intellectus, & appetitus ſenſitiuus, iſta enim ſunt principia humanorum actuum, principalis tamen, immedia-

ta &

ta & sufficiens causa peccati, est voluntas; causa verò exterior peccati est homo, dæmon, & sensibilia externa, in quantum mouent rationem, voluntatem, & appetitum sensitium ad aliquid faciendum, quod ex genere suo peccatum est, non quidem necessitando, sed disponendo, inclinando, & persuadendo, nam causa sufficiens, & complens peccatum, est sola voluntas nostra, Oseæ 13. Ex te perditio tua Israel; Deus autem mali culpæ nullo modo est causa effectiue, Proverb. 14. Odio est Deo impius, & impietas eius, sed bene permissiue; mali verò pœnæ, Deus dicitur causa etiam effectiue, Amos 3. Non est malum in ciuitate, quod non fecerit Dominus.

Peccati mortalis à sacris Theologis, triplex ponitur effectus, videlicet; diminutio boni naturalis, priuatio gratiæ, & reatus pœnæ æternæ. primus effectus lethalis criminis est diminutio boni naturalis, Luc. 10. Homo incidit in latrones, qui dispoliauerunt eum, & plagis impositis abierunt, semiuivo relicto. secundus effectus est priuatio gratiæ, Esa. 59. Iniquitates vestræ diuiserunt inter vos, & Deum vestrum. tertius effectus peccati mortalis, est reatus

tus æternæ pœnæ, Matth. 25. Ibunt ij in supplicium æternum. Peccatum mortale triplici ratione pœna æterna, & infinita extensiuè punitur. primò, ex parte obiecti: quia offenditur Deus, qui est virtutis infinitæ. secundò, ex parte voluntatis peccantis: quia qui peccat propter delectationem, quam inde habet, semper vellet adhærere peccato, nisi per accidens retraheretur timore pœnæ, iuxta illud D. Greg. 24. Moral. iniqui, inquit, vellent sine fine viuere, vt possent sine fine peccare. tertio, ex parte peccantis: quia per peccatum mortale homo priuatur gratia Dei, quæ est principium remissionis culpæ: vnde decedens in peccato mortali, non est susceptiuus gratiæ, quia in eo semper manet culpa, ergo & pœna: meritò igitur lethale crimen, has ob causas pœna æterna punitur.

Decem communiter secundum Doctores, excusant hominem à peccato mortali. primò Alienatio mētis, exemplo Loth, quando voluit filias suas prostituere, vt liberaret quos hospitio susceperat, vnde infania, furor, & his similia quandoque excusant à peccato. secundò, coactio absoluta, quia peccatum non est peccatum, nisi sit voluntarium.



rium. tertio, ignorantia inuincibilis. quarto consuetudo, quæ tollit legem humanam contrariam, Superiore sciente & tollerante. quinto, necessitas, quæ uti dicitur non habet legem. sexto iocatio seu ludus, dummodo non sit noxius. septimo diligentia debita, si fuerit adhibita. octauo indeliberatio mentis. nono obedientia, intellige quando præcepta non sunt contra legem maioris. decimo pietas siue zelus, exemplo Mathathia, qui accensus furore secundum iudicium legis, infiliens trucidauit eum super aram, qui in omnium oculis sacrificauit Idolis, 1. Mac. cap. 2.

## DE PŒNA.

**P**Œna in genere duplex est, damni & sensus, siue priuatiua, & positiua. Pœna damni propriæ est, qua pro culpa aufertur perfectio, & infertur priuatio, cuiusmodi est carentia diuinæ visionis, qua damnati, & pueri decedentes sine Baptismo, perpetuo puniuntur, pœna verò sensus propriè est, qua aufertur perfectio, & infertur priuatio afflictiva appetitus semper, ut subtractio peculij, verbera, ignis, & huiusmodi. Pœna sensus secundum se, in genere

triplex est, spiritualis, corporalis, & pecuniaria, spiritualis, vt increpatio, excommunicatio, interdictum, suspensio, & alia id genus. corporalis, vt ieiunium, peregrinatio, exilium, & his similia. pecuniaria, quæ quandoque infertur pro iniuria illata personæ, vel loco, quandoque pro satisfactione illati damni, & quandoque ad punitionem criminis, quod in nullius vertitur iniuriam, nisi Dei, vt propter peccatum blasphemix saltem per modum eleemosynæ, secundum verò causas, pœna sensus ponitur triplex. prima est à iure canonico, vel ciuili. secunda est à consuetudine, & tertia est ab homine, quæ triplex est iudicialis, arbitraria, & conuentionalis.

Pœna, secundum propriam rationem pœnæ, non infertur à Deo sine culpa: quatenus verò habet rationem medicinæ, quia scilicet est sanatiua peccati præteriti, præseruatiua respectu futuri, & promotiua in aliud bonum; quandoque infertur sine culpa, non quidem in bonis spiritualibus, sed in bonis temporalibus: in iudicio autem humano, nullus potest puniri pœna sensus, puta vt occidatur, aut mutiletur, vel flagelletur sine sua culpa, licet pœna damni aliquis

quis sine sua culpa, non tamen sine causa puniatur, & hoc tripliciter. primò, propter ineptitudinem ad aliquod bonum assequendum: sicut propter leprâ, bigamiam, & iudicium sanguinis, homo repellitur à sacris Ordinibus. secundò, quia bonum, in quo talis damnificatur, non est proprium, sed commune: sicut propter interfectionem Antistitis tota ciuitas punitur pœna damni, in quantum priuatur titulo ciuitatis, & populus cum Clero, vt careat Episcopo. tertio, quia bonum vnius dependet ex bono alterius: sicut in crimine læsæ maiestatis, filius hereditate priuatur, pro peccato parentis.

Pœna spirituali, quæ propriè respicit animam, & æterna, vnus non punitur peccato alterius, iuxta illud ad Gal. 6. Vnusquisque portabit onus suum: pœna tamen temporalis vnus punitur peccato alterius, etiam in iudicio diuino, Genes 20. Ego sum Deus zelotes, visitans iniquitatem patrum in filios in tertiam, & quartam generationem, & Matth. 23. Vt veniat super vos omnis sanguis iustus, & hoc triplici ratione. quia vnus temporaliter & corporaliter est res alterius, vt filius secundum corpus est aliquid patris, & seruus est aliquid

quid domini: propterea filius, & seruus quandoque in pœnam patris, & domini puniuntur. secundò, per modum meriti, vt cum Deus permittit malum prelatum, ac tyrannum, non solum super malis, sed etiam bonis regnare. tertio, ad commendandam vnitatem societatis humanæ, vt inde omnis sollicitus sit ad detestationem peccati, cum scilicet pœna vnius redundat in omnes, quasi omnes sint vnum corpus, tamen semel punitus pro aliquo crimine, non debet alia pœna affligi, quia scriptum est, Deus nō iudicabit bis in idipsum, intellige in eodē genere iudicij, etiam si minor pœna fuerit iniuncta, maior non debet imponi, secus autem si iudicia sunt diuersa, puta ecclesiasticum & seculare, tunc aliquis pro eodem crimine, videlicet, blasphemix, adulterij, in vtroque foro puniri potest pœnis diuersi generum.

## DE POENITENTIA.

**P**OEnitentia est conuersio hominis ad Deum, siue dolor, & displicentia de peccato commisso, & communiter ponitur duplex, interior, & exterior, siue vna, quæ est virtus, & alte-

altera, quæ est Sacramentum. Pēnitentia quæ est virtus, est præterita mala plangere, & plangenda iterum non cōmittere, pēnitentia verò, quæ est Sacramentum, est dolor de peccatis proprijs cum proposito subiijciendi se clauibus Ecclesiæ per confessionem, & satisfactionem, sub spe veniæ consequendæ, vnde ad veram pēnitentiam quatuor necessariò requiruntur. primò, dolor de peccatis propter Deum. secundò, propositum non peccandi de cætero. tertio, pēna voluntaria, Luc. 3. Facite fructum dignum pēnitentiæ. quarto, spes veniæ consequendæ, nam verè pēnitens non debet dubitare, quando Sacerdos dicit, Absoluo te à peccatis tuis de absolutione, & remissione peccatorum, sed firmiter credere, se absolutum esse, sicut David, quando dictum est ei à propheta, 2. Reg. capit. 12. Transtulit Dominus peccatum tuum. & Maria Magdalena, cū audiuit, Luc. 7. Remittuntur tibi peccata tua.

Pēnitentia, de qua nūc intendimus, est Sacramentum nouæ legis, tum quia confert remissionem peccatorum, vt habetur Lucæ 24. tum quia in ipsa illa tria cadunt, & quæ in ceteris Sacramētis, nempe Sacramentum, res, res & Sa

eramentum simul. in pœnitentia, Sacramentum sunt actus exterius exerciti, tam per pœnitentem, quàm per absoluentem, res tantùm, est remissio peccati, res & Sacramentum simul, est dolor interior peccatoris. Accidit hic definitio Concilij Florentini, decreto 5. & Trident. sess. 14. item doctrina sanctorum patrum, Ioannis Chrysostomi in suo lib. de lapsis, Epistol. 5. ad Theodorum lapsum, Ambrosij in suo lib. de pœnit. August. in suo libr. de vera, & falsa pœnit. cap. 5. Pœnitentia ergo est Sacramentum, quod iterari potest, Matt. 18.

Materia Sacramenti pœnitentiæ remota, sunt peccata, iuxta illud Ioann. 20. Quorum remiseritis peccata. verùm cum peccatum actuale sit duplex, mortale scilicet & veniale, vtrumque sub materia Sacramenti pœnitentiæ cadit: diuersimodè tamen, veniale ad bene esse, mortale de necessitate, & eius circumstantiæ aggrauantes in infinitum, hoc est, mutantes speciem peccati: Materia verò propinqua Sacramenti pœnitentiæ, sunt actus pœnitentis, quibus conteritur, confitetur, & satisfacit: ex his enim, & Sacerdotis absolutione, Sacramentum pœnitentiæ perficitur, atque integratur.

Forma Sacramenti pēnitentiæ essentialis est ista: Ego absoluo te à peccatis tuis, vt habetur in Concil. Triden. sess. 14. de pēnitent. capit. 3. quæ quidem forma elicitur ex illo, Matth. 16. quodcunque solueris super terram, solutum erit, & in cēlis. Circa absolutionem Sacramentalem quædam requiruntur ad ornatum, & de congruentia. primò, vt Misereatur tui. Absolutionem, &c. secundò, inuocatio sanctissimæ Trinitatis, quæ in Baptismo, vt legitur Matth. ult. est de necessitate Sacramenti. Tertiò, manus impositio, quæ in Confirmatione, & Ordine, vt habetur Act. 8. & 1. ad Timoth. 4. est de integritate Sacramenti: nam Dominus, quando dixit Petro: Quodcunque solueris, &c. nullam mentionem fecit de inuocatione sanctissimæ Trinitatis, sicut in Baptismo, neque de manuum impositione, sicut in Confirmatione & Ordine; quædam verò requiruntur ad formam absolutionis vti de necessitate, & integritate ipsius Sacramenti, & sunt hæc verba: Absoluo te à peccatis tuis: dictio illa, Ego, ex vi verbi habetur, propterea non est de essentia formæ Sacramenti pēnitentiæ: Verùm omittens absque rationabili causa præcedentia, &



sequentia predictam formam, peccat mortaliter.

Partes integrales Sacramenti pœnitentię sunt tres, Contritio, Confessio, & Satisfactio: nam tribus modis Deus à nobis ostenditur, scilicet, corde, ore, & opere; Contritio tamen primum locum sibi vindicat, utpote salutis humanę magis necessaria: Contritio enim absque Confessione, & Satisfactione in re, aliquo casu potest sufficere ad salutem consequendam: Confessio verò, & Satisfactio sine Contritione in re, nequaquam. Contritio est dolor animi de peccato commisso, cum proposito non peccandi de cetero. Quare duo ad perfectam Contritionem requiruntur, odium vite malę actę, & propositum in posterum non peccandi. Contritio est dolor de peccato commisso propria voluntate, est de peccato nedum mortali, sed etiam veniali; est de pręteritis, & non de futuris: est de proprijs, & non de alienis. Contritio non habet locum in cęlo, neque in inferno, neque in purgatorio, sed solum in hoc seculo: quia Contritio est dolor de peccato gratia informatus, & meritorius: defectu primi, non est in cęlo; quia ibi nullus est dolor, Apoc. 21. defectu secundi, non est

est in inferno ; quia ibi licet sit dolor , non tamen est gratia informatum , Iob. cap. 7. Qui descendet ad inferos , non ascendet. defectu tertij , Contritio non est in purgatorio : quia ibi existentes , licet habeant dolorem de peccatis gratia informatum , tamen non est meritorius , Ioann. 9. Venit nox , quando nemo potest operari , De Confessione vide supra suo loco , pariter de satisfactione infra.

Sacramenti Pēnitentię duplex est effectus , vnus est collatio gratię , qui omnibus Sacramentis nouę legis est communis , Matth. 4. pēnitentiam agite , & appropinquabit regnum cęlorum , alter est remissio peccatorum , Lucę 24. Oportet prędicare pēnitentiam in remissionem peccatorum. Remissio peccati originalis , est effectus pręcipuus Baptismi ; remissio peccati mortalis obliuiscitur effectus Eucharistię ; remissio peccati venialis , est effectus Extreme Vnctionis : remissio peccati mortalis commissi post Baptisimum , de quo homo conscientiam habet , est effectus Sacramenti pēnitentię , cuius minister est solus Sacerdos legitimę ordinat<sup>us</sup> : Christus enim hanc potestatem dimittendi peccata contulit Apostolis post Resur-

rectionem, quos antè Sacerdotes creauerat, quando dixit, Ioann. 20. Accipite Spiritum sanctum, quorum remiseritis peccata, remittuntur eis, & quorum retinueritis, retenta sunt. Vide, si placet, circa hanc materiam meum Enchiridion.

## DE POSTVLATIONE.

**P**ostulatio, secundùm quod est vnus ex modis prouidendi Ecclesiæ vacanti, de qua nunc intendimus, est alicuius personæ concors, & certa Capituli petitio, ad prouidendum Ecclesiæ, & communiter duplex ponitur, vna scilicet non solennis, per cuius admissionem non acquiritur postulatio ius prælaturæ, sedabilitas, vt eligi possit, sicut si Canonici postulent ab Abbate, vt eis concedat monachum eligendum in Episcopum, altera verò solennis, per cuius admissionem acquiritur postulatio ius prælaturæ.

Vt postulatio solennis sit canonica, quinque desiderantur. primò, vt fiat ab his, qui postulare possunt. secundò, vt porrigatur illi, à quo admitti potest. tertio, vt fiat de eo, qui promoueri possit ab illo qui eam admittere debet. quarto,

tò, quòd sit concors, id est, ab omnibus, vel à duabus, & si aliqui teneant, quòd maior pars Capituli sufficiat. quintò, quòd seruetur forma, videlicet vt procedatur per formam scrutinij, & cum alijs requisitis. In prælatum, seu Superiorem, secundùm iura, criminofus, puta periurus per sententiam, nō in communi sermone, homicida, & inobediēs contumaciter, epilepticus, mutilatus, & alij corpore viciati, bigamus, irregularis, excommunicatus, non professus in prælatum regularem, nisi necessitate instante, postulari nequeunt.

Admissio postulationis, si quis postulatur in Episcopum, ordinariè ad Papam pertinet, si ad inferiores dignitates, vel Ecclesias postulatur, eo casu admissio postulationis spectat ad immediatum Superiorem, modò duo concurrant, vnum est, quòd talis dispensare valeat super defectu postulati in ordine ad huiuscemodi dignitatem, siue Ecclesiam: Vnde si quis viginti annorum postuletur ad dignitatem sine cura, Episcopus postulationem admittere potest, si verò cum cura, spectat ad Papam; similiter si Canonici postulent in Archidiaconum aliquem, habentem viginti octo annos, quia super isto de-

fectu Episcopus dispensare nequit, alterum est, quod ille, ad quem confirmatio spectat, sit Episcopus, quia inferiores praelati dispensare nequeunt, nisi in casibus eis specificè permissis, effectus autem postulationis sollemnis est, quod illa admissa, postulatus consequitur ius ac si fuisset electus, & confirmatus, ita ut opus non sit alia confirmatione, vel electione, effectus verò postulationis non sollemnis, est, quod postulatus eligi possit, vel electus confirmari, nullum tamen inde consequitur ius.

Postulatio si concorditer non est facta, saltem à duabus partibus Capituli, seu Collegij, per eam nullum ius acquiritur postulato, vel alteri, & illam Superior sine cuiusquam præiudicio rejicere potest, neque per hoc alicui iniuriam facit, quod si postulatio vnanimiter fit, vel saltem à duabus partibus Capituli, propter necessitatem, seu utilitatem Ecclesiæ, rejici non potest sine iniuria postulantium, & Ecclesiæ, ad quam facta est, & per eam acquiritur ius postulantibus, non tamen postulato, nisi fuerit Superiori præsentata.

Postulantes à postulatione resilire nequeunt, postquam Superiori, qui eam admittere potest, præsentata fuerit: an-

te ve-

te verò præsentationem, etiam post publicationem scrutini, variare possunt, etiam inuito postulato, ac reuocare nūcium, antequam præsentet, secus in electione; verum postulantes, scienter indignum, ipso facto potestate eligendi, & postulandi, etiam si illam habeant ex iure communi, siue ex priuilegio, sunt priuati.

Aliqui sunt, qui eligi nequeunt, postulari tamen minimè prohibentur: exempli gratia, constat quòd minor triginta annis, non potest eligi in Episcopum, neque illegitimè natus ad aliquam prælaturam: postulari tamen possunt. Episcopus, & electus, ex quo propriæ Ecclesiæ sunt alligati, ideo ad aliam Ecclesiam non eligendi, sed postulandi erunt: at non idem iuris est in Abbatibus, & cæteris prælatis, infra Episcopalem dignitatem constitutis: isti licet propriæ Ecclesiæ videantur alligati: nihilominus tamen eligi possunt, sed in tali casu proprium monasterium non deferunt, nisi licentia legitimè impetrata.

Si vnus sit postulatus, & alius electus, in confirmatione concedenda, semper præferatur electus æquè idoneus, nisi postulantium numerus sit eli-

gentium duplo maior: quia in tali casu postulatio esset admittenda, & electioni præferenda: verùm si postulantes scienter indignum postulassent, tunc electio venit confirmanda, & postulatio reiicienda.

Postulatus, sicut & electus infra tres menses post consensum præstitum, vel notitiam habitam, cessante iusto impedimento, tenetur confirmationem à Superiore petere: secùs iure, quod ei per postulationem acquisitum est priuatur, ita vt postulantes ad aliam postulationem, seu electionem liberè procedere possint. Postulato sicut & electo interdicitur administratio Ecclesiæ, neque ei obediendum est, nisi literis Confirmationis ostensis. Quod si talis ante confirmationem se negotijs Ecclesiæ ingesserit, eo casu omni iure, quod ei per postulationem acquisitum est priuatur.

## DE PRÆLATO.

**P**rælatus sic dictus: quia alijs est ante latus, siue positus, & dicitur tripliciter, scilicet communiter, propriè, & proprijsimè. primò, communiter dicitur Prælatus, quilibet Clericus curā

ani-



animarum habens, vt Parochi. secundò, propriè nomine Prælati veniunt habentes prærogatiuam maiorem; sine tamen iurisdictione, vt Decanus, Archipresbyter, & huiusmodi. tertio, propriissimè dicuntur Prælati, habentes iurisdictionem in personas ecclesiasticas in foro exteriori; vnde ad hoc, quod aliquis tertio modo Prælatus, quatuor requiruntur. primò, quod talis eligatur à Capitulo, siue Collegio, & Confirmationem à Superiori obtineat. secundò, quod vniuersitas, seu collegium, quod illum eligit, sit Clericorum, vel Religiosorum, secus iurisdictionem in personas ecclesiasticas dare non potest. tertio, quod electus sit Clericus: nam in laico iurdictio spiritualis non cadit. quartò requiruntur, quod habeat iurisdictionem ordinariam in foro contentioso excommunicandi, &c.

Prælatus, sicut dignitate, ita iustitia, sanctitate, & innocentia alios præcedere debet: vnde in Prælato, vt officio suo, in quod Deus illum posuit, satisfaciatur, sex potissimum desiderantur. primò, ab improborum commercijs abstinere debet: malorum enim consortia bonos corrumpunt, Psalm. 17. Cum electo electus eris, & cum peruerso peruer-

teris. secundò, debet orationi, & prædicationi præcipuè insistere. Malach. 2. Labia Sacerdotis custodiunt scientiã, & legem requirunt ex ore eius, item Act. 6. Non est æquum, nos relinquere verbum Dei, & ministrare mensæ. tertio, debet esse hospitalis, atque liberalis, non quidem erga histriones, adulatores, & lenones: sed erga Christi pauperes, Hebr. 13. Charitas fraternitatis maneat in vobis, & hospitalitatem nolite obliuisci. quartò, debet esse iustus, & sanctus, ad Tit. cap. 1. Oportet Episcopum sine crimine esse, sicut Dei dispensatorem. quintò, debet esse alienus à negotijs secularibus, 2. ad Timoth. 2. Nemo militans Deo, implicet se negotijs secularibus, vt ei placeat, cui se probauit. sextò, debet esse pudicus, & castus, 2. Cor. 6. Exhibeamus, inquit Apostolus, nosmetipsos sicut Dei ministros in multa patientia, in tribulationibus, vigilijs, ieiunijs, & castitate.

## DE PRÆSCRIPTIONE.

**P**ræscriptio est acquisitio domini per continuam possessionem temporis à lege definiti: vnde ad præscriptionem, secundum iura canonica, qua

tuor requiruntur. primò, possessio rei præscribendæ continua sine interruptione, vsque ad finem præscriptionis. secundò, requiritur bona fide præscribentis, ita vt possidens rem præscribendam, credat reuera esse suam, licet de facto erret. tertio, requiritur titulus iustus, videlicet vt neque ius commune, neque præscriptio sit contra possessorem, vel vt allegetur præscriptio tanti temporis, cuius contrarij non sit memoria. quartò requiritur, quòd res sit præscriptibilis: nam quædam sunt, quæ nullo tempore præscribuntur, vt decimæ, primitiæ, oblationes. & spiritualia iura: hæc enim nullo iure à laicis præscribi, vel possideri possunt, item res publicæ, vt viæ, plateæ, pontes, & his similia, reseruata Principi in signum subiectionis, vt tributum.

Præscriptio duplex est, vna, quæ dicitur longissimi temporis: in præscriptione primi generis requiritur tempus decem annorum, aut viginti, in præscriptione verò secundi generis, requiritur triginta, vel quadraginta annorū: verum contra Ecclesiam nullus præscribit, nisi spatio quadraginta annorum, imò contra Ecclesiam Romanam, nisi spatio centum annorum. Vt autem hæc

doctrina Lectori clarior reddatur, quibusdam diuisionibus procedetur: nam aut sumus in actionibus personalibus, & sic ut præscriptio currat, requiritur spatium triginta annorum; aut sumus in rebus corporalibus immobilibus, & sic requiritur spatium decem annorum continuè inter præsentēs, & viginti inter absentes: aut sumus in corporalibus, sicut sunt iura, & sic requiritur vsus decem annorum inter præsentēs, viginti inter absentes: aut sumus in debitis, legatis, siue stipulationibus, & sic requiritur spatium triginta annorum: aut sumus in obligationibus, & exceptionibus, & sic requiritur ad præscriptionem spatium decem, vel viginti annorum: aut sumus in rebus mobilibus, & sic requiritur spatium trium annorum, intellige semper supposita bona fide possessoris: quia qui est in mala fide, nullo tempore præscribit, sed semper iniquus possessor erit.

Tempora, siue casus, in quibus præscriptio non currit, & si non interrompatur, sunt decem primò, tempore hostilitatis, belli, siue pestis, quando ius non redditur, vel accedente omni alia causa impediēte, ne quis rem suam petat. secundò, quando est defectus Prælati,

lati, puta qui Eccl. caret Prælato, vel est captiuus, vel est dilapidator, & malè alienans, eo casu præscriptio non currit. tertio, quando quis de iure impeditur agere, sicut filius familias, vxor viuente marito, pupillus durante ætate pupillari; nam præscriptio non currit, nisi contra maiorem triginta annis. quarto quando est schisma, quò ad Ecclesiam Romanam. quinto, tempore conditionis: quia res sub conditione non præscribitur, cum in tali casu nulla currat mora. sexto, tempore feriarum repentinarum, quæ præcaueri nequeunt. septimo, quando quis abest reipublicæ causa octauo, tempore prodigalitatis. nono, tempore iacentis hæreditatis, si non stat per hæredem, qui eam capiat, sed impeditur aliquo modo. decimo, præscriptio non currit quantumcunque tempus defluerit, quando quis indebitè soluit.

Præscriptio in genere duobus modis interruptitur, scilicet naturaliter, vt quando deficit vnum de substantialibus ipsius præscriptionis, & ciuilitè quod contingit multis modis. primo, per libellum Principi oblatum. secundo; per litis contestationem coram suo iudice. tertio, quando quis aliqua

iusta causa impeditus, rem suam petere non potest. quartò, per secundā cautionem factam à debitore. quintò, per citationem factam colono de parendo iuri coram iudice super re, quam possidet nomine alieno: in conscientia tamen præscriptio interruptitur, & fit inualida, quoties quis reuera scienter est in mala fide, licet ab alijs ignoretur.

## DE PRIVILEGIO.

**P**riuilegium quasi priuata lex, est indultum alicui datum à Principe contra ius commune: & regulariter tres ponuntur species priuilegiorum, quoddam dicitur reale, quoddam corporale purè, & quoddam personale. Reale, quod conceditur personæ, Ecclesiæ, dignitati, ciuitati, vel alicui loco. Corporale purè, quod vniuersitati, vel collegio, & non singularibus personis conceditur. Personale duplex ponitur, scilicet, personale merè, quod alicui, vel aliquibus personis expressis proprijs nominibus conceditur, vt priuilegium vsus Pallij; & personale communiter, quod personis conceditur, non expressis proprijs nominibus, vt priuilegium minorum viginti annis: priuilegia au-  
tem

tem dare possunt, qui legem facere valent, vt Papa, Imperator, Episcopus, &c.

Circa priuilegiorum interpretacionem, ne error contingat, quasdam conclusiones pono, quarum prima est ista. Interpretatio priuilegiorum regulariter fit strictissimè. Secunda conclusio. Vbi priuilegium tollit legem priuatā, & non communem, debet latè interpretari. Tertia conclusio. Priuilegium non debet adeò strictè interpretari, vt nihil operetur. quarta conclusio, Priuilegium, quod sapit solùm beneficium, latissimè interpretatur. Quinta conclusio. Verba priuilegij Papæ sunt interpretanda secundum Canones, non secundum leges. Sexta conclusio. Priuilegium concessum generaliter, non includit casum contra rem publicam, quod si includeret, non valeret. Septima conclusio. Priuilegia veniunt interpretanda secundum qualitatem personæ. Octaua conclusio. Priuilegium concessum patri ratione dignitatis innatæ, transit in filios, vt priuilegium nobilitatis. Nonna conclusio. Priuilegium concessum patri, vel marito ratione officij, siue professionis, transit in filios legitimos, & ad uxorem viuente patre, & viuente



marito. Decima conclusio, Priuilegiū concessum patri, vel marito respectu necessitatis, non transit in filios, neque in vxorem, etiam patre, vel marito uiuente.

Priuilegium euacuatur, & fit inualidum decem modis. primò, si illud fuerit subreptitiè, hoc est, per falsa narrata concessum. secundò, si sit contra constitutionem, vel consuetudinem, vel sententiam, & de ea non fiat mentio. tertio, si priuilegiatus faciat contra id, qđ in priuilegio exprimitur concessum. quartò, euacuatur priuilegium cessante eius causa. quinto, cū incipit esse alicui iniquum, siue in dispendium eius, cui est concessum. sexto, persequens priuilegium faciens expressam mentionem de priori, secūs non tollit illud. septimò, per concedentis reuocationem. octauò, per propriam, & expressam renunciationem, intellige quantum ad ius tangens nunciantem tantū, secūs si alium tangit. nonò, per legitimam professionem. decimò, euacuatur priuilegium per abusum, idest, per nō vsum, vel per contrarium vsum.

## DE PROFESSIONE.

**P**rofessio Religionis approbatæ, seu regularis vitæ, de qua nunc intendimus, est duplex, tacita, scilicet, & expressa. Ad cuius evidentiam quatuor ponuntur conclusiones. Quarum prima est ista: Professio tacita incurritur per delationem habitus Religionis approbatæ ultra annum, vbi is Nouitijs & professis communis & indistinctus est; sicut in ordine fratrum Prædicatorum, vel per susceptionem habitus professorum, vbi his distinctus habetur. Secunda conclusio est ista; Professio tacita non obligat professum, tacitè illi Religioni præcisè, cuius habitum per annum continuum gestauit, sed potius è contrà Religionem illi obligat, ita vt eum expellere non possit, nisi ex causa legitima. Tertia conclusio est ista: Professio tacita, quæ per delationem habitus religionis approbatæ, ultra annum incurritur, obligat professum tacitè ad religionem in specie, quo ad forum exterius, secùs in foro animæ, & coram Deo, si talis nullo modo per huiusmodi habitus delationem habuit animum obligandi se. Quarta conclusio

est ista. Professus professione tacita, si Matrimonium contrahat, tenet, licet grauiter peccet; nam professio tacita ita se habet ad professionem expressam, sicut votum simplex castitatis, ad votum solenne; sed votum simplex castitatis impedit quidem Matrimonium contrahendum, tamen contractum non dirimit; ergo à simili professio tacita in religione approbata.

Professio expressa in quacunque religione approbata, tam virorum, quam mulierum, ante decimum sextum annum expletum fieri non debet, & ad eam, iuxta sacri Concilij Trident. decretum, sess. 25. de Regul. & Mon. cap. 15. nullus, qui minori tempore, quam per annum, post susceptum habitum, in probatione steterit, admitti debet.

Quod si fiat ante, vigore dicti decreti, est nulla, nullamque inducit obligationem ad alicuius Regulæ, vel Religionis, vel Ordinis obseruationem, aut ad alios quoscunque effectus, neque vlla renunciatio, aut obligatio antea facta, etiam cum iuramento, vel in fauorem cuiuscunque causæ piæ valet: sed vt teneat, fieri debet cum licentia Episcopi, siue eius Vicarij, intra duos menses proximos ante professionem, quæ tamen

men effectum suum non sortiatur, nisi secuta professione. Quinimò si beneficiatus religionem approbatam ingrediatur, beneficium ante professionem non vacabit, nisi accedat illius consensus.

Religiosum, qui regularem ordinem ante non fuerit expressè professus, in Abbatem, vel ad aliam regularium prælaturam eligi non potest; quanquam talis ad Episcopalem dignitatem in secularibus, vel regularibus ecclesijs eligi minimè prohibeatur. Professio autem expressa ut sit valida, quinque de necessitate concurrere debent. primò, quòd profitens compleverit decimum sextum annum. secundò, quòd professio fiat in manibus Superioris, qui potest religioni incorporare, vel alterius de eius licentia, seu nomine. tertio, quòd fiat in religione approbata. quarto, quòd accedat consensus Capituli pro maiori parte, quem Prælatus requirere debet. quinto, quòd fiat de tribus votis, Obedientiæ, scilicet, Castitatis, & paupertatis, quæ sunt de substantia, ut docet D. Thom. regularis ordinis, & status monachalis. Vnde si quis in professione exprimat, quòd non intendat se de aliquo vno voto, puta continentie obligare,

gare, licet de alijs talis non esset professus: quia huiusmodi intentio repugnat essentiæ Religionis, nec est opus, quòd profitens Religionem approbatam tria vota voce exprimat, sed sufficit, ut promittat seruare seruanda, iuxta instituta, & regulam Religionis, quam profitetur: quia obligatio ad tria vota, est de essentiâ Religionis, unde profitendo quis Religionem, obligat se ad tria vota.

Professio expressa in Religione approbata, obligat ad horas canonicas persoluendas. Nam ex eo, quòd Monasterium professis expressè tenetur quòd ad victum, amictum, aliaque omnia necessaria, dici potest, quòd beneficium simplex habeant, & per consequens illos ad horas canonicas, pensum seruitutis Clericorum, sicut piè Basilii Magni in suo libro de Institutione Vitæ religiosorum, cap. 2. docet, teneri. Item impedit Matrimonium contrahendū, & dirimit contractum de facto, illa nõ obstante, utpotè, quia votum continentia, quæ est de essentiâ religionis, & status Monachalis includit. Vnde si religiosus professus professione expressa in Religione approbata, quamuis sacris nondum esset initiatus, Matrimonium

nium contrahere tentaret, grauissimè peccaret, & Matrimonium sic contractum, non teneret; secus si esset professus tantùm professione tacita, eo casu Matrimonium teneret quidem, sed sic contrahens grauiter peccaret.

Votum Religionis summa libertate gaudet, propterea sancta Synodus Tridentina loco supra citato, cap. 17. & 18. statuit, quòd puella, quæ voluerit habitum regularem suscipere, maior duo decim annis sit, & quod ei profiteri nō liceat, nisi prius fuerit cognita eius pia ac libera voluntas, ita vt non sit coacta, aut seducta, & sciat quid agat. Vnde cogentes aliquam virginem, vel viduam, aut aliam quamcunque mulierem ad suscipiendum habitum Religionis, vel ad emittendam professionē quocunque modo, consilio, auxilio, fauore, consensu, vel authoritate interposita, prædicta Sancta Synodus anathemati subiicit, similiter eos, qui sanctam Virginum, vel aliarum mulierum voluntatē accipiendi, vel voti emittendi quoquo modo sine iusta causa impederint. Et vt omnis friuola excusatio, & pretensio tollatur, sessione citata, capit. 19. Synodus Tridentina decernit, quod, quicumque regularis prætende-

rit

rit vim siue metum, aut aliam causam, propter quam putet se non obligari religioni, seu ordini regulari, quem est professus, audiri non debeat, nisi intra quinquennium tantum à die professionis causas prætenfas deduxerit coram Superiore suo, & ordinario. Quod si ante habitum spontè dimiserit, siue discesserit, talis, vigore dicti decreti non venit audiendus, neque admittendus ad allegandum quamcunque causam, sed cogendus, ut redeat ad Monasterium, & tanquam apostata est puniendus.

## DE PURGATIONE

### Canonica.

**P**urgatio est demonstratio innocentiae super obiecto crimine, cuius duæ sunt species. Vulgaris scilicet, & Canonica. Vulgaris purgatio est, quæ vulgus inuenit, vel sequitur, ut cum quis cadentis ferri, vel singularis certaminis subit iudicium, quæ prohibetur sub poena peccati mortalis: quia sic est tentare Deum. Et licet sacra historia prodat quosdam in testimonium suæ innocentiae singulare certamen iniuisse; tamen nunquam ut id pro lege teneatur.



neatur, diuina sanxit authoritas. Canonica verò purgatio, quæ à sacris Canonibus comprobatur, & de qua nunc intendimus est, quando quis de crimine infamatus, iurat coram legitimo iudice, se non esse tali crimine, seu macula inquinatum cum iuramento testium, compurgantium, qui eundem à crimine immunem, & verum credere illum iurasse, iureiurando affirmant. Erunt autem compurgatores tot, quod enormitas criminis requirit, bonæ famæ, ut verisimile sit, eos amore, vel odio, vel obtentu pecuniæ, non periurare, & qui mores, & vitam eius, quem purgare intendunt, perspectam habeant.

Deficientes in canonica purgatione, perinde puniendi sunt, ac si de crimine, de quo diffamati fuerint, legitime conuicti, vel confessi fuissent, nisi aliud æquitas iudicantis statuendum duxerit: At super notorio, nulli indicenda erit purgatorio, sed tantum sententia condemnationis promulgari debet, cum patrati sceleris euidencia, neque accusatoris clamore indigeat. Quare ubi crimen est notorium, vel apparet accusator, non debet reus ad purgationem recipi, etiam si se offerat ad illam præstandam.

Suspicio temeraria repellitur in iure; Suspicio verisimilis sufficit ad inducendam dictam purgationem, quando tamen quis sit infamatus, aut semiconuictus, aut accusatus, secus nō, quia sic iudicibus, & praelatis aperiretur via ad vindictā; Violenta autem suspicio sufficit ad sententiam; Verūm quando iudex ex præsumptione procedit, debet multum temperare sententiam; maximè quando agitur ad condemnationem, qua in re probationes debent esse luce meridiana clariores.

Si quis crimen aliquod commisit, propter quod iudex iustè inquit, & procedit contra eum, non propterea sequitur, vt notat Caietan. 2. 2. quæst. 69. art. 1 & 2. quòd iudex de alijs criminibus, etiam si sint sibi occulta, possit licitè inquirere, nam de occultis non habemus iudicem, nisi Deum, Psalm. 18. Ab occultis meis munda me domine, Ideò caueant iudices, maximè ecclesiastici ab huiusmodi inquisitione, quia peccant ipsi præcipiendo, & subditi in tali casu non tenentur eis obedire, vtpote quia tales volunt scire, quæ tamen humanitus sciri nequeunt.

## DE PURGATORIO.

**P**urgatorium est locus medius inter cœlum, & infernū, in quo post mortem suffragia viuorum fidelium defunctis profunt, & in quo quædam culpæ relaxantur, nam cum anima nostra sit immortalis, Sap. 3. Matth. 70 & Apoc. 6. necessariò fatendum est, post mortē corporalem dari quædam loca, seu receptacula, ad quæ animæ ipse recipiantur, & communiter à sacris Doctōrib. ponuntur quatuor, scilicet cœlum, infernus, limbus puerorum, & purgatorium, ratio autem huius assertionis est, quia anima quatuor modis decedit à corpore, vel sine omni reatu culpæ, & pœnæ, & tunc receptaculum eius est cœlum, vel decedit cum actuali, & mortali culpa, & tunc locus eius est infernus. Vel decedit cum originali culpa, & tunc eius receptaculum est limbus puerorum, vel decedit cum culpa veniali, siue reatu pœne peccati actualis remissi, & tunc locus eius est purgatorium, D. Thomas 4. sentent. distinct. 31.

Quod hic locus, quem Ecclesia Catholica purgatorium vocat, dicitur, sacræ

sacræ literæ testantur, Iob 19. Misere-  
mini mei, miseremini mei, saltem vos  
amici mei, quia manus Domini teti-  
git me 2. Mach. 12. Sancta, & salubris  
est cogitatio pro defunctis exorare, vt  
à peccatis soluantur, Matth. 5. In carce-  
rem mitteris, nō egredieris, donec red-  
das nouissimum quadrantem. Rursus,  
cap. 12. Quicumque dixerit verbum in  
Spiritu sanctum, non remittetur ei,  
neque in hoc seculo, neque in futuro,  
1. Corint. 3. Vniuscuiusque opus mani-  
festum erit, & quale sit, ignis probabit,  
si cuius arserit opus, detrimentum pa-  
tietur, ipse autem saluus erit, quasi per  
ignem: item Apocal 5. Omnem creatu-  
ram, quæ in cœlo est, & super terram,  
& subtus terram, omnes audiui dicen-  
tes, Benedictio sedenti in throno, &  
agno, benedictio, & honor, & gloria in  
secula seculorum. Ex his enim, & alijs  
locis sacræ Scripturæ patet, post hanc  
vitam dari aliquem locum, in quo quæ-  
dam culpæ relaxantur, & suffragia vi-  
uorum illic existentibus prosunt, &  
iste locus est Purgatorium. Accedunt  
testimonia sanctorum Patrum, Cypria-  
ni, libr. suo, 4. Epist. 2. ad Antonianum,  
Hieronymi Epistol. 14. Augustin. libr.  
confess. 9. cap. 13. & lib. 20. de Ciuitate  
Dei,

Dei, capit. 9. item definitiones Conciliorum, Florentini, celebrati sub Eugenio IV. & Trid. sess. 25. de cr. de Purg.

Ad Purgatorium tria genera animarum deducuntur. primò, quæ tantum habent reatum pœnæ alicuius peccati mortalis remissi. secundò, quæ solum culpam venialem habent. tertio, quæ decedunt cum culpa veniali, & reatu pœnæ peccatorum mortalium remissorum, vnde in purgatorio remittitur culpa venialis, & omnis reatus pœnæ, veniali, ac mortali peccato remisso, debita. In Purgatorio duplex est pœna, vna damni, in quantum ibi existentes retardantur à diuina visione, & altera sensus, secundum quod ab igne corporali puniuntur: ab his autem pœnis animæ duobus modis liberari possunt, vno modo per satisfactionem: vbi enim pœnam temporalem, per diuinam iustitiam eis indictam sustinuerunt, ad cœlum euolant: alio modo etiam ante tempus determinatum, animæ liberantur à pœnis purgatorij, per suffragia viuorum Christi fidelium, vt docet D. Gregorius in 4. suo Dialog. videlicet oblationibus Sacerdotum, precibus Sanctorum, elemosynis amicorum, & ieiunijs bonorum virorum.



D E

# QVADRAGESIMA.



Vadragesima vt habetur in cap. Quadrag. de consecr. dist. 5. à Christo fuit instituta, vt Deo decimā annorum reddamus, proinde summa obseruatione, atque deuotione à Christi fidelibus est celebranda, & incipit à feria quarta, quæ primā Dominicam Quadragesimæ præcedit, vsque ad diem Paschatis exclusiue: unde in Quadragesima quotidie, exceptis Dominicis diebus, de præcepto ieiunandum est: propterea quot dies homo omittit, (nisi sub sit rationabili causa) tot peccata mortalia committit.

Inter alia ieiunia, quadragesimale ieiunium est strictius, & solennius, in quo & in alijs per Eccl. indictis, solus Papa dispensat, ex causa verò in ieiunijs Episcopus potest dispensare, & huiusmodi ieiunia in aliud pium opus

com.

commutare, & causa satis sufficiens est debilitas personæ, siue ex defectu naturæ, siue exercitio exteriori proueniat, vt in messoribus, & alijs artificijs, qui ex diurno, & longo labore ita debilitantur, quod ieiunium tollerare non possunt: propterea cum istis, & alijs licite fit commutatio, propria tamen auctoritate nullus sibi hoc ieiunium commutare potest. In ieiunijs ad quæ quis se obligauit ex voto, Episcopus potest dispensare etiam sine causa existente in vouente, dummodo fiat in melius. In ieiunijs verò impositis per pœnitentiam potest fieri commutatio per superiorem, vel per parem, seu æqualem Confessorem. Et nota, quod quando causa rationabilis est manifesta, & aperta, tunc non indiget dispensatione, secus si est dubia, quia in tali casu per Episcopum, vel proprium Parochum, vel per proprium Confessorem siue alium, qui notitiam iuris habeat, declarari potest. ieiunium factum in peccato mortali, non valet quidem ad vitam æternam; valet tamen ad obedientiam præcepti, sic enim satisfacit præcepto, vt non peccet de nouo, siue talis teneatur ieiunare ex mandato Ecclesiæ, siue Confessoris. Item valet quia disponit ad Casti-



tem, & ad alia bona. Quod si quis dicat vtrum ieiunium possit transferri de vno die in alium: respondetur secū- dum Pa. & Innoc. quod sic existente causa, sicut experientia docet: nam si festum sit die lunæ. non ieiunatur die Dominico, sed die Sabbatho præcedente. Item si vigilia contingit in aliquo festo solenni, tunc propter venerationem festi auctoritate Episcopi transferri potest ad alium diem.

In ieiunio Quadragesimæ communiter abstinendum est à carnibus, ouis, & lacticinijs: in alijs verò ieiunijs ab Ecclesia constitutis, carnes semper interdiciuntur: oua verò, & lacticinia secundum consuetudinem Patriæ, quæ est seruanda. Quare autem prædicta tempore ieiunorum sint interdicta, est quia ieiunium ordinatur ad reprimendas concupiscentias carnis, ideo huiusmodi interdicunt, quæ hominem ad venerea maximè prouocant, vt sunt carnes, oua, & lacticinia. Quare in quolibet ieiunio interdicitur esus carnum: in ieiunio autem quadragesimali etiā oua, & lacticinia interdiciuntur, circa quorum abstinentiam in alijs ieiunijs diuersæ consuetudines apud diuersos existunt, quas quisque obseruare potest

secundum morem eorum inter quos  
conuersatur, & habitat.

## DE QVÆSTORE.

**Q**uæstores siue Quæstuarij dicun-  
tur, qui discurrent pro eleemo-  
sinis colligendis, & tales non  
debent admitti nisi habeant, literas A-  
postolicas, vel Diœcesani, intellige quā-  
do non pro seipsis, sed nomine Hospi-  
taliū, aut Monasteriorum, seu Eccle-  
siarum eleæmosinas petunt. Quæstores  
si habēt literas Apostolicas, non debēt  
admitti ad quæstum faciendum, siue  
eleæmosinas colligendo, nisi prius per  
Episcopum loci Ordinarium tales fue-  
runt examinati, & admissi, neque pos-  
sunt prædicare minus indulgentias po-  
pulo publicare, sed solūm se dirigere se-  
cundum tenorem literarum illis con-  
cessarum, secus per Diœcesanū possunt  
puniri, & iam multis malis, & abusibus  
in hoc genere per sacrum Concilium  
Tridentinum prouisum fuit sess. 21. ca.  
9. sub his verbis.

Cum multa à diuersis antea Conci-  
lijs, tam Lateranensi, ac Lugdunensi,  
quàm Viennensi aduersus prauos eleæ-  
mosinarum Quæstorum abusus reme-

dia tunc adhibita, posterioribus temporibus reddita fuerint inutilia, potiusque eorum malitia ita quotidie magno fidelium omnium scandalo, & quærela excrefcere depræhendatur, vt de eorum emendatione nulla spes amplius relicta videatur, statuit vt posthac in quibuscunque Christianæ Religionis locis eorum nomen, atque vsus penitus aboleatur, nec ad officium huiusmodi exercendum vllatenus admittantur, non obstantibus priuilegijs Ecclesijs, Monasterijs, Hospitalibus, pijs locis & quibuscunque cuiuscunque gradus, status, & dignitatis personis concessis, aut cõsuetudinibus etiam immemorabilib. Vide etiam infra sess. vltim. in decreto de Indulgentijs, vbi eadem sacrosancta Tridentina Synodus statuit prauos quæstus omnes pro Indulgentijs consequendis, synde plurima in Christiano populo abusu causa fluxit, omnino abolendos esse, quâ in re Episcopi diligenter animaduertere debent, & huiusmodi abusus Ecclesiæ suæ colligere, eosque in prima Synodo Prouinciali referre, vt aliorum quoque Episcoporum sententiæ cognitæ, ad summum Romanum Pontificem deferantur, cuius Auctoritate, & prudentia, quod vniuersali

Ecclesiæ expediet, statuatur, vt ita sanctarum Indulgentiarum munus, piè, sanctè, & incorruptè omnibus fidelibus dispensetur.

## DE QVARTA FVN- ralium.

**Q**uarta quæ funèralium dicitur, alio nomine Canonica portio, est duplex, vna quæ debetur Ecclesiæ Cathedrali, & altera Ecclesiæ Parochiali, & de vtraque sacrosancta Tridentina Synodus, sess. 25. decreto de reformat. cap. 13. ita decernit: vt quibuscunque in locis iam ante annos quadraginta. Quarta quæ funèralium dicitur Cathedrali, aut Parochiali Ecclesiæ solita esset persolui, ac postea fuerit ex quocunque Priuilegio, alijs Monasterijs, hospitalibus, aut quibuscunque locis pijs concessa, eadem posthac integro iure, & eadem portione, quæ antea solebat Cathedrali, seu Parochiali Ecclesiæ persoluatur, non obstantibus concessionibus, gratijs, priuilegijs, etiam Mari magno nuncupatus, aut alijs quibuscunque. & Canonica portio Parochialis debetur Ecclesiæ, vbi quis audit diuina, & percipit ecclesiastica sacramenta: si ve-

rò transtulit domicilium aliò, & moritur antequàm nouum domicilium acquisierit, tunc debetur Ecclesię Parochiali in qua moritur secundum D. Ant. Vgo. Raij. & alios nonnullos: quia tales tenent quod ibi debeat sepeliri, si sepulturam sibi non elegisset dum adhuc viueret: Innoc. vero dicit, & tenet quod deberet sepeliri in Ecclesia Cathedrali, & per consequens quod illi, & non parochiali Canonica portio deberetur. Quod si habet domicilium in diuersis locis, tunc moriens, Canonica portio est diuidenda, eodem modo si in vna audit diuina, & in altera recipit sacramenta, & hoc est verum, quando ytraque est curata, & habet Cœmeterium.

Canonica portio parochialis debet dari de omnibus, quę veniunt ratione funeris, & de omnibus legatis factis Ecclesię apud quam elegit sepulturam: fallit tamen hoc in decem casibus. primò quando per consuetudinem, vel prescriptionem nihil soluitur. secundò quando legatur ad vsus priuilegiatos. tertio quando Ecclesię donatur donatione inter viuos. quarto quando post electionem sepulture in aliquo Monasterio, sanus existens illud intrat, & in

eo antequam moriatur, profitetur: quia  
sic definit esse parochianus alterius Ec-  
clesiæ: quinto quando quis legat Eccle-  
siæ in qua non elegit sibi sepulturam,  
nec ibidem sepelitur: vnde secundum  
communem opinionem, si quis fuit se-  
pultus in Ecclesia parochiali, aliæ Ec-  
clesiæ legatariæ nihil ei soluere debe-  
rent: ex quo apud eas testator non fuit  
sepultus. sexto quando de facto sepeli-  
tur, vtpote quia Ciuitas, vel Ecclesia  
ibi erat interdicta, nam Quarta debe-  
tur Ecclesiæ parochiali ratione iniuriæ  
sibi factæ, sed tempore interdicti nulla  
iniuria fit Ecclesiæ parochiali, si alibi  
sepeliatur, ex quo ibi sepeliri non pote-  
rat. septimò fallit quando Ecclesia pa-  
rochialis erat interdicta ex culpa sua,  
& non parochiani. octauò quando te-  
stator reuocat electionem quam fecit  
legando, & alibi eligit sepulturam, &  
sepelitur, quia videtur tenere, quod re-  
uocata electione sepulture, reuocetur,  
& legatum. nonò quando testator licet  
elegerit, tamen non ibi sepelitur: puta  
quia moritur nimis procul, & heredes  
nolunt ad Ecclesiam electam deferri,  
quia verba sunt intelligenda cum effe-  
ctu: ergo cessabit Canonica portio, ex  
qua ibi non sepelitur. decimò quando

per Priuilegium Pape eximitur à solutione, vt contingit de religiosis Dominicanis, & Franciscanis, qui iuxta Priuilegium Benedicti XI. non tenentur exhibere Canonicam portionem de rebus ipsis relictis in communi, vel speciali.

Circa autem quantitatem Canonice portionis exhibende Cathedrali, aut parochiali Ecclesie, maximè standum est consuetudini locorum, quæ quantum fieri poterit seruari debet, quod si non constet de consuetudine, tunc dari debet solum Quarta, & in dubijs ob varietatem, & diuersitatem sententiarum Doctorum, & Summistarum, cum aliqui dicant mediam, aliqui tertiam, & aliqui quartam esse dandam, eo casu debet accipi minor quota: quia in dubijs debemus sequi minimum.







D E

## RAPINA.



Apina est iniusta, & violenta acceptio rei alienæ. Ex genere suo est peccatum mortale, & grauius furto: quia per eam non solum

inferitur damnum proximo in bonis externis, sed etiam personæ fit iniuria. Nota pro maiori intelligentia huius doctrinæ, quod quicumque per violentiam aliquid alteri aufert, si sit priuata persona, non vrens publica potestate, illicitè agit, & rapinam committit, sicut patet de latronibus: secus autem de Principibus, & Iudicibus, quibus potestas publica committitur ad hoc, quod sint iustitiæ custodes, & Executores, ideo eis licet secundum iustitiæ tenorem violentia vti, vel contra hostes pugnando, vel contra subditos malefactores puniendo, & quod per talem violentiam aufertur, non habet rationem rapinæ, cum non sit contra iustitiam,

eadem modo dic de bello si est iustum, tales ad restitutionem non tenentur; quod si contra iustitiam aliquis etiam utens publica potestate res alienas abstulerit, vel in bello, quod non est iustum, tales peccant, & tenentur ad restitutionem, D. Thomas 22. quæstio. 66. art. 8.

Raptor secundum Canones multipliciter punitur, nempe excommunicatur ab Episcopo in cuius Episcopatu rapinam committit. Item denegatur ei pœnitentia nisi ablata restituat, vel plenam securitatem de reddendo faciat, intellige si habeat unde possit restituere. Quid si differat satisfacere, usque ad mortem? respondetur quod in tali casu si non potest satisfacere, petenti non denegabitur pœnitentia, neque viaticum: si verò impœnitens decedit tunc ei etiam sepultura Ecclesiastica denegabitur, & præsbyteri contra facientes debent iuxta sacrorum canonum dispositionem ab officio, & beneficio deponi, intellige de manifestis, & publicis raptoribus: de occultis verò secundum Innoc. tales rigores servari non debent, idem & alij sentiunt.

Rapina & raptus inter se differunt, quia rapina respicit rem, & raptus per-

sonam; Proinde raptus est grauius peccatum, quàm sit rapina. Raptor igitur est duplex, rerum scilicet & personarum. Poena raptoris personarum secundum Ius Ciuile si ingenuam rapuit, capite punitur, & eius substantia raptæ applicatur; quod si ancillam rapuit, punitur quidem capite, tamen substantiam non perdit, intellige si honestam mulierem seu Virginem rapuit, secus si meretricem: secundum autem Ius Canonicum sanciuit sexta Synodus generalis Constantinop. Cano. 92. vt raptores mulierum, & conscij, si Clerici deponantur, si laici anathematizentur, & Concil. Trident. sess. 24. decreto de reform. matrimonij, cap. 6. sic habet contra raptores mulierum, seu Virginum: Decernit sancta Synodus, inter raptorem, & raptam, quamdiu ipse in potestate raptoris manserit, nullum posse consistere matrimonium, Quod si rapta à rapto-  
re separata, & in loco tuto, & libero constituta, illum in Virum habere consenserit, eam raptor in vxorem habeat, & nihilominus raptor ipse, ac omnes illi consensum, auxilium, & fauorem præbentes sint ipso iure excommunicati, ac perpetuo infames, omniumque di-

gnitatum incapaces, & si Clerici fuerint, de proprio gradu decident. Teneatur præterea raptor mulierem raptam, siue eam vxorem duxerit, siue nõ duxerit, decenter arbitrio iudicis dotare.

## DE RELIGIONE.

**R**eligio, de qua nunc intendimus, quadrupliciter sumitur. primò, p cultu veri Dei, quò ad fidem, & sic cõpræhendit totam Christianitatem. secundò pro cultu veri Dei, per fidem, & bona opera, & sic compræhendit vniuersitatem bonorum Christianorum. tertio, pro statu clericali, Deo magis dedito. quartò, Religio sumitur strictissime, pro illo statu, qui professione triũ votorum, scilicet obedientiæ, paupertatis, & castitatis, se Prælati imperio subiicit, & se totum Deo dedicat. Similiter religiosus sumitur quatuor modis. primò, pro Christiano. secundò, pro Christiano bono. tertio, pro Clerico. quartò, pro eo, qui est professus alicui religioni approbatæ. Religiones autem approbatæ sunt quatuor; prima diui Basilij, secunda diui Benedicti, tertia diui Augustini, quarta beati Fran-

Francisci, quia quatuor sunt regulæ approbatæ, sub regula diui Basilij, quæ fuit prima, militant omnes monachi Orientalis Ecclesiæ, seu Græci: sub regula diui Benedicti, militant monachi nigri, Cistercienses, Camaldulenses, Cestini, & ordo Montis Oliueti. Sub regula diui Augustini, militant Canonici regulares, ordo Prædicatorum, Eremitani, Seruitæ, ordo Sanctæ Brigidæ, ordo Sancti Hieronymi, Scopetini, ordo sancti Ioannis Hierosolymitani, ordo Sancti Antonij, & ordo Cruciferorum. Sub regula beati Francisci, militant solum Minores.

Circa religionis ingressum, ut doctrina clarior reddatur, ponuntur aliquot conclusiones, quarum prima est ista, Religionem approbatam intrare, cuilibet Prælato, citra Episcopum, dimissa Prælatura, in iure permittitur: Episcopi verò, & Superiores, sine licentia Papæ, ad Religionem transire nequeunt. secunda conclusio, Qui duxit uxorem per verba de præsentì, & non consummauit Matrimonium, potest Religionem intrare, secutaq; professione, alter coniugum manens in seculo, potest cum alio contrahere: qui autem consummauit, non potest altero viuente,

te, & remanente in seculo, Religionem ingredi. tertia conclusio, Puberes inuitis, ac prohibentibus parentibus, possunt intrare Religionem: impuberes Verò, si ingrediantur, possunt à parentibus, vel tutoribus extrahi. quarta conclusio, Puberibus licet se voto obligare ad religionis ingressum, ante Verò annos pubertatis, vota filiorum sunt in potestate parentis, qui potest acceptare, vel irritare. quinta conclusio, Qui vouit intrare Religionem in genere, si nō potest vnā ingredi, tenetur aliam intrare, quòd si talis nullam inueniret, quæ vellet illum recipere, & fecisset qd in se est, eo casu posset esse in seculo, & nubere; qui autem vouit Religionem in specie, & in ea absolutè recipi non potest, aliam ingredi non tenetur, sed eo casu etiam talis potest manere in seculo, & nubere: quia in voto Religionis subintelliguntur istæ conditiones, videlicet, si ponam, & si voluerim recipere, quibus non stantibus, & votum non stat. sexta conclusio, Qui habet votum Religionis, si eligatur in Episcopum, prius tenetur Religionem intrare, cui se voto astringit. septima conclusio, Qui vouit, non intrare Religionem, non tenetur illud seruare, quia

quia huiusmodi votum, est contra bonum consilium, Matth. 19. Octaua conclusio, Qui ingrediuntur Religionem approbatam, secundum Iura, se & sua Deo dedicant, nisi ipsi ante professionem aliter disposuerint, quod nequeunt præstare post expressam, vel tacitam professionem. nona conclusio, Religiosus si ad dignitatem Episcopalem assumatur, tenetur nihilominus ad tria vota Religionis, ad habitum deferendum, & ad omnes obseruantias regulares, officium pontificale, non impredientes.

Professio Religionis duplex, tacita, & expressa. Professio tacita fit sine voce, & scriptura, tribus modis. primò inducitur, quādo quis se ingerit actibus, qui solū professis de iure, vel de consuetudine conueniunt, scienter ac propria voluntate. secundò, ex delatione habitus professorum scienter. tertio, professio tacita Religionis inducitur ex delatione habitus nouitiorum per annum. Professio verò expressa Religionis fit voce, aut scriptura, & vt teneat, atque obliget, sex necessariò requiruntur. Primò, quòd profitens compleuerit decimum sextum annum: vigore Concilij Tridentini, sess. 25. cap. 15. de regul. & monial. secundò, quòd  
fiat.



fiat ei, qui potest Religioni approbatæ incorporare, vel de eius licentia. tertio, quod fiat alicui vni Religioni approbatæ. quarto, quod Prælatus, in cuius manibus professio fit, requirat consilium, vel consensum Capituli, prout regula, seu statutum talis Religionis mandat. quinto, quod fiat simpliciter de tribus votis, obedientia, paupertate, & castitate, explicitè, vel implicitè: nã professioni Religionis, hæc tria vota sunt substantialia. sexto, ad professionem expressam Religionis, requiritur continuïtas anni probationis, cum delatione habitus.

Circa transitum de vna Religione ad aliam nullus religiosus ad laxiorem transire potest, vt habetur in Concilio Trident. sess. 25. cap. 19. de regul. & monialibus: ad strictiorem verò religionē potest esse transitus, duobus concurrentibus. primò, quod non fiat leuitate, aut temeritate, aut odio Prælati: sed zelo vitæ melioris. secundò, quod religio, ad quam transitur, non solùm sit strictior de iure, id est, secundùm se, sed etiam de facto, quia scilicet actu seruetur: his enim concurrentibus, transitus de vna religione ad aliam, est licitus: verba autem præfatæ sacrosanctæ Synodi,

nodi, sunt hæc, Nemo etiam regularis cuiuscunque facultatis vigore transferratur ad laxiorem Religionem, nec datur licentia cuiquam regulari occultè ferendi habitum suæ religionis.

## DE RENVNCIATIONE.

**R**enunciatio, de qua nunc intendimus, est iuris proprij spontanea refutatio, quæ tribus modis dicitur illegitima, & inualida. primò, ratione personæ renunciantis, puta quia est minor, vel aliàs non potens renunciare. secundò, ratione personę, in cuius manibus fit renunciatio; vt si non fiat ei, cui debet. tertiò, ratione rei, quæ renunciari non potest: sicut iuri naturali, agnationis, & sanguinis, nemo potest renunciare. Renunciatio regulariter, & in genere facienda est in manibus eius, à quo institutio, vel confirmatio habetur: in specie autem Episcopatus debet renunciari in manibus Papæ, vel Legati, etiam si Episcopus non sit consecratus, modò sit electus, & confirmatus: idem dic de Abbate, qui immediatè Sedi Apostolicæ est subiectus: inferiorum verò beneficiorum, ac dignitatũ renunciatio, in manibus proprij ordinarij

narij fieri debet.

Renunciatio beneficij, vel rei spiri-  
tualis debet fieri purè, & absolutè: vn-  
de si quis renunciaret beneficio, vel resi-  
gnet aliquid spirituale, aliquo dato,  
seu promisso, simonia est: quòd si non  
præcedat datio, siue promissio, sed sola  
intentio, vt scilicet renunciet benefi-  
cio hac intèrione, vt detur sibi aliquid  
temporale, secus non renunciaturus,  
simonia mentalis est, quæ per solam  
pœnitentiam in foro animæ aboletur,  
neque ab Ecclesia punitur, verũ si quis  
renunciat beneficio ea intentione, vt  
detur nepoti, vel alteri, nullo pacto in-  
terueniente, labem simoniæ non incur-  
rit. secus si illud in pactum deducatur.

Quod si quærat, vtrum quis possit  
cedere liti, aut renunciare iuri, quod  
habet super beneficio, siue re spiri-  
tuali, aliquo temporali dato absque simo-  
nia? dico quod non, si fiat auctoritate  
partium, secus si fiat auctoritate Supe-  
rioris, per modum compositionis, &  
pro bono pacis, maximè, quando ipse  
dās est certus se habere ius, quia sic est  
redimere vexationem.

Causæ propter quas Episcopus, &  
alij Prælati possunt renunciare, & cede-  
re, sunt sex, conscientia criminis, debi-  
litas

litas corporis, magnus defectus scientiæ, malitia plebis, graue scandalum, & irregularitas personæ. Hæc enim sunt, propter quæ potest quis petere cessionem. primò, propter conscientiam criminis, non cuiuslibet, sed duntaxat illius, propter quod ipsius officij executio post peractam pœnitentiam impeditur. secundò, debilitas corporis, non quælibet, sed solùm illa, legitimam causam renunciandi præstat, per quã quis ad exequendum officium pastorale, redditur impotens. tertio, propter magnum defectum scientiæ, nam si scientia in pastore mediocris sit, tolerari potest, quia imperfectionem scientiæ potest supplere, perfectio charitatis, & bonitas vitæ. quartò, malitia plebis iustam tribuit causam renunciandi, vt quando plebs tam duræ ceruicis existit: vt apud ipsam Prælatus amplius proficere non possit. quintò, pro graui scandalo vitando, cum aliter sedari nõ potest, nam eo casu licet Episcopo petere cessionem, ne plus temporalem honorem, quam æternam videatur affectare salutem. sextò, propter irregularitatem, quæ oritur ex bigamia. Cæterum ob alias causas renunciationem affectantes, audiendi non sunt.

## DE RESIDENTIA.

**R**esidentia est proprii officij personalis solutio, in proprio beneficio, seu Ecclesiæ: vnde residentia duo includit, præsentiam, cum cura: nam parùm esset præsentiam exhibere, & propriæ Ecclesiæ, siue beneficii curam negligere. Ad residentiam tenentur omnes habentes beneficium curatum; vel quodcunque aliud, si hoc ei competat ex statuto, vel priuilegio, aut consuetudine approbata. quinimò, in iure omne beneficium residentiam requirit, nisi constet de contrario: verùm non residens rationabili de causa, in conscientia excusatur à peccato, vbi intereà suis impensis prouidet, quòd Ecclesia decenter, & populus benè regatur, aliàs non est tutus in conscientia. Quare Clericus beneficiatus, salua conscientia, per aliquod tempus non potest se absentare à suo beneficio, seu Ecclesia, nisi duo simul concurrant, scilicet causa rationabilis, & licentia Superioris: qui verò non residet in beneficio, nec implet in eo sua officia: sed potius voluptatibus vacat, talis in rebus ecclesiasticis nihil iuris habet, & per consequens fructus  
 sic ex

fic ex suo beneficio perceptos restituere tenetur.

Clericus non residens ex causa legitima probabiliter, tribus publicis editis venit citandus, & expectatus per sex menses, si non respondet, minùs cõparet, priuabitur suo beneficio, intellige de Ecclesijs, & beneficijs, quæ residentiam exigunt ex statuto, priuilegio, vel consuetudine, Clericus autem si sit absens, non ex causa legitima, si hoc est certum absque citatione, & expectatione potest priuari suo beneficio, secùs debet citari, & sex mensibus expectari.

Clericus non residens, ex multis causis suo beneficio priuari non potest, & licitè fructus recipere valet. primò, si sit absens pro negotijs Ecclesiæ, & generaliter ex iusta causa. secundò, si sit in seruitio Papæ, seruiendo, & assistendo, vt Capellani, alijque omnes, qui in curia summi Pontificis ex præcepto eius, & non propria voluntate morantur. tertio, si sit in studio Theologiæ per quinque annos, & studet, aut docet, secùs de alijs studijs, seu scientijs; tales tamen quotidianas distributiones non recipient. quarto, si sit infirmus, & talis etiam quotidianas distributiones

tributiones accipit, intellige quando infirmitas est proxima, & immediata causa, quod non interfit diuinis. Vide circa hanc materiam de residentia Concil. Trident. sess. 6. de reform. cap. 1. sess. 23. cap. 1. & 2. sess. 24. cap. 12. & sess. 20. de reform. cap. 3.

## DE RESTITVTIONE.

**R**estitutio est actus iustitię commutatiuę, per consequens de necessitate salutis, quia sicut auferre alienum est peccatum mortale, vtpotè contra præceptum Decalogi, Exod. 20. Non furtum facies, ita retinere alienum. Quarè si res ablata potest restitui, peccatum non remittitur, neque est vera pœnitentia, nisi fiat restitutio, quæ tria bona ablata respicit, scilicet animæ, corporis, & fortunæ, vnde qui damnū intulit proximo, quò ad animam, vel corpus, vel bona fortunæ, tenetur, quā citius poterit, restituere, & restitutio in omni casu ab homine fieri debet, qualis possibilis est, arbitrio boni viri reseruata semper magna necessitate debitoris, hoc est, vsque ad mendicantem; ad id tamen quod potest, statim tenetur; impotentia enim ad restituendum



dum de facto absoluta, debitorem in conscientia excusat.

Restituere tenetur, quicumque fuit causa iniustæ acceptionis. primò, executor iniustæ acceptionis scienter, vti minister vsurarij. secūdò, iubens actionem iniustam, quia talis est principalis causa mouens, ideò tenetur restituere, si ex sua iussione secuta est iniusta acceptio. tertio, consulens efficaciter, ita vt ex tali consilio moueatur quis ad accipiendum iniuste rem alienam, & effectualiter sequatur effectus, secus si non sequitur effectus. quartò, consentiens taliter, quod sine tali consensu nō fuisset secutus effectus. quintò, receptor talium, quia est causa maleficij, præbendo eis securitatem, & custodiam prædæ, ideò restituere tenetur. sextò, mediator, associando, vel participando in crimine iniustæ acceptionis, debet satisfacere, & restituere. septimò, non obstand, id est, non impediens acceptionem iniustam, quam potest, & debet impedire, sicut iudices, & domini temporales, quibus ex officio incumbit tueri iustitiam, & non faciunt: isti enim sunt, qui secuta damnificatione restituere tenentur: quia qui causam dedit damni, damnum resarcire debet.

Quod

Quod si effectus non sequatur, licet tales ad restitutionem non teneantur: tamen non excusantur à peccato mortali, utpotè dando operam ei, quod ex genere suo peccatum mortale est.

Restitutio regulariter est facienda spoliatis principalibus, vel eorum hæredibus, si inueniantur, aliàs pauperibus, quod si facta restitutione in pauperes, & in pias causas appareat dominus rei, vel hæres, debitor eo casu, si debitor inquisiuit, amplius non tenetur: verum in sex potissimum casibus restitutio de bonis fortunæ verò domino nō est facienda. primò, si res ablata sit in iusto bello. secundò, si illa edicto imperiali, vel ecclesiastico sit interdicta. tertio, si dominus est pupillus, minor, aut furiosus, & eo casu res restituetur tutori, vel curatori. quartò, si verus dominus mortuus sit, & tunc restituetur hæredi legitimo. quintò, si res restituenda accepta sit à Prælato ecclesiastico, & in tali casu restitutio fiet Ecclesiæ, seu monasterio. sextò, quando res restituenda de certa, sit incerta, & tunc expectatur cognitio, & decisio causæ.

Quærenti autem, quid agendum sit, ubi is cui restituendum esset, ignoratur, aut est mortuus, aut multum distat?

Re-

**R**espondeo, quod si talis, cui facienda  
esset restitutio, sit omninò ignotus, eo  
casu debitor restituet eo modo, quo  
potest, scilicet dando in eleemosynas  
pro salute illius, siue mortuus sit, siue  
vivi, intellige præmissa diligenti in-  
quisitione de persona veri domini. si  
verò est mortuus, restitutio hæredi est  
facienda; demùm si dominus rei mul-  
tùm distet, & res sit magni valoris, sup-  
posita quæ commoditate debet ei tran-  
smitti, vel deponi in aliquo loco tuto,  
& dominum certiolem facere; se-  
cùs autem si res esset omni-  
nò egigui momenti,  
nam eo casu  
posset  
dare in eleemosynam  
pro anima veri  
domini.





# DE SACRAMENTO.



Sacramentum nouæ legis, de quo intendimus, est signum rei sacræ sanctificantis nos, & consistit in duobus, scilicet in verbis, & in re, iuxta illud diui Augustini: Accedit verbum ad elementum, & fit Sacramentum: tria tamen sunt de eius substantia, debita materia, debita forma verborum, & intentio ministri copulantis formam materiæ: bonitas autem Sacerdotis non est de essentia Sacramenti, non enim refert, à quo conficiatur, siue à bono, siue malo, licet peccent, qui indignè conficiunt, & qui ea ab hæreticis, schismaticis, simoniacis, degradatis, excommunicatis, aut notorijs fornicatoribus scienter recipiunt.

Sacramenta veteris legis numero quodammodò fuerunt infinita; præcipua tamen fuerunt tria, Circumcisio,

figu-

figura Baptismi; Agnus Paschalis, figura Eucharistiæ; Vnctio Sacerdotum, figura Ordinis, quæ fuerunt tantum signa gratiæ, & iustificationis nostræ, & non causa, propterea Apostolus ad Galath 4 illa infirma, & egena appellat: Sacramenta verò nouæ legis ponuntur septem, Baptismus, Confirmatio, Eucharistia, Pœnitentia, Extrema Vnctio, Ordo, & Matrimonium, quæ conferunt gratiam in genere causæ efficientis, & ex opere operato: quia sunt instrumenta passionis Christi, à quo est omnis nostra sanctificatio. In quolibet Sacramento nouæ legis dantur tria, Sacramentum tantum, signum ipsum exterius sumptum sub sua forma: res tantum, id est, ipse effectus interior ultimus, puta ipsa gratia collata: res simul, & Sacramentum, id est, interior causa gratiæ, vt in Baptismo, Confirmatione, & Ordine character, & in Eucharistia corpus Christi verum.

Sacramenta nouæ legis salutis humanæ omnia sunt necessaria, vel ratione personæ, vel ratione communitatis, vt Ordo, & Matrimonium: item omnia sunt necessaria, vel simpliciter, vel secundum quid. simpliciter omnino ratione personæ est Baptismus necessa-

rius: ratione verò communitalis simpliciter, & absolute Ordo est necessarius: Sacramentum Confirmationis, & Ordinis à solo Episcopo, cui plena administratio Sacramentorum competit, conferri possunt: alia verò præter Baptismum in necessitate, à solo Sacerdote legitime ordinato, administrari possunt: Verum inter Sacramenta nouæ legis, quædam imprimunt characterem in suscipiētib; ea, vt Baptismus, Confirmatio, & Ordo; in istis enim traditur suscipientibus quædam potestas spiritualis passiuæ, vt in Baptismo, & Confirmatione, recipiendi alia Sacramenta, vel actiuæ, vt in Ordine, conficiendi Eucharistiam, & alia diuina instituta administrandi: reliqua verò non imprimunt characterem; propterea absque sacrilegio iterari possunt.

Omnia Sacramenta nouæ legis à Christo Domino fuerunt immediate instituta, Baptismum Christus instituit, quando in Iordane à Ioanne Baptismum suscepit, Matth. 3. tunc tactu suæ mundissimæ carnis, vim regeneratiuam contulit aquis. Confirmationem instituit, quando posuit manus super capita puerorum, & Apostolis prohibentibus dixit, Sinite paruulos venire  
ad

ad me, Matth. 19. Vel secundum aliquos, in die Pentecostes, quando misit spiritum sanctum visibiliter super Apostolos, Actor. 2. Eucharistiam instituit in die cœnæ, quando panem, & vinum in suum corpus, & sanguinem suum ineffabili potestate conuertit dicens, Accipite, & manducate, hoc est corpus meum, & sumptò calice dicens: Accipite, & bibite ex hoc omnes, hic est calix sanguinis mei, Matth. 26. Marc. 14. & Luc. 22. Pœnitentiam Christus instituit, quando ab ea exordium suæ saluberrimæ prædicationis assumpsit, dicens: Pœnitentiam agite, appropinquet enim regnum cœlorum, Matth. 4. Extremam Vnctionem instituit, quando Apostolos misit ungere, & sanare infirmos, Luc. 10. Ordinem in die Cœnæ, quando Apostolis dixit: Hoc facite in meam commemorationem, Matth. 26. Matrimonium, quatenus Sacramentum, Christus instituit, quando in utero Virginis Mariæ voluit naturam humanam diuinæ naturæ in vnitatem personæ vnire, Luc. 1. quam vnione Matrimonium signat, sicut enim in actu matrimoniali vir & vxor sūt duo in vna carne, Genes. 2. sic duæ naturæ, scilicet humana, & diuina, mysterio



diuinæ incarnationis sunt in vna persona.

## DE SATISFACTIONE.

**S**atisfactio actus iustitiæ, est voluntaria recompensatio pro illata iniuria secundum æqualitatem iustitiæ, cū proposito non committendi nouam iniuriam, & licet homo nequeat Deo satisfacere pro peccato, reddendo æquiualens secundum æqualitatem quantitatis: tamen potest satisfacere reddendo sufficiens, secundum quantitatem proportionis: nam sicut offensa habet quandam infinitatem, ex infinitate diuinæ maiestatis, ita satisfactio nostra prout est gratia informata, quadam infinitatem, ex infinitate diuinæ misericordiæ, accipit; Verum homo non potest satisfacere pro vno peccato, & non pro alio: quia satisfactio offensam tollit, & per consequens amicitiam restituit; sed omne peccatum mortale impedit amicitiam ad Deum; ergo satisfactio non potest esse pro vno peccato, & non pro alio.

¶ **U**nus homo pro alio satisfacere non potest, in quantum satisfactio præseruat, & cauet à culpa futura, quia ieiunium

nium vnius non mortificat corpus alterius, nec ei prodest, vt castè viuat, nisi prouocatiuè, & per accidens, in quantum verò satisfactio recompensat iniuriam præteritam; vnus pro alio nē dum homini, sed etiam Deo (modò is, qui ostendit sic contritus) satisfacere potest, satisfactio tamen facta in peccato mortali, seu per opera extra charitatem, non valet, quoniam satisfactio est amotio offensæ, & amicitia Dei restitutio, quod sine grātia, & charitate non fit; vnde, quia homo nescit se habere charitatem, Ecclesi. 5 propterea de propitiatur peccatorum non debet esse sine metu, tamen quòd ad hoc certitudo probabilis coniecturæ sufficit. Quid si satisfactio sacramentalis solvatur, & expleatur in peccato mortali, siue extra charitatem? Respondeo, quod eo casu per eam homo satisfacit quidem Sacerdoti, qui non ligauit peccatorem, ad complendam pœnitentiam iniunctam in charitate, tamen non satisfacit Deo, qui non acceptat, quod sine charitate exhibetur, propterea talis remanet Deo obligatus, vt prius, quia licet in specie non teneatur reiterare, qđ Sacerdos iniunxit, tamen tenetur facere æquiualens, hinc Supp. consultit, vt

Sacerdos exiguam pœnitentiam iniungat, verisimiliter in charitate statim explendam, clarius autem ad quęsitum dico, quòd satisfactio duplex, sacramentalis, quę fit ex injunctione Sacerdotis, & virtuosa. prima potest fieri etiam in peccato mortali, secus de secunda.

Satisfactio tam sacramentalis, quã virtuosa, habet fieri per opera pœnalia, quę præcipua sunt tria, oratio, eleemosyna, & ieiunium, Tob. 12. Bona est oratio cum ieiunio, & eleemosyna. horum tamen trium melior est eleemosyna, deinde oratio, vltimò ieiunium: eleemosyna dicitur melior, quia ipsa alia duo aliquo modo includit, & non è cõtra, qui enim accipit eleemosynam, tenetur orare, & ieiunare pro eo, qui dedit. Ad eleemosynam reducuntur omnia opera misericordię corporalia: Ad orationem omnia opera misericordię spiritualia, & ad ieiunium reducuntur omnia afflictiva, vt vigilię, peregrinationes, & alia id genus: flagella autem quę à Deo nobis pro peccatis infliguntur, si eis vtimur patienter, rationem satisfactionis accipiunt: si vero eis per impatientiam dissentimus, non habent rationem satisfactionis, sed tantum vindicationis.

## DE SCANDALO.

**S** Candalum vox Græca, Latine offensio, siue ruina, sicque conuenienter à sacris Doctoribus definitur, scandalum est dictum, vel factum minus rectum, id est, secundum se malum, siue habens speciem mali, præbens alteri occasionem ruinæ, & vt docet D. Thom. 2. 2. quæst. 44. artic. 1. duplex est, actiuum scilicet & passiuum. Scandalum actiuum est, quando dictum vel factum alterius, est alicui causa peccandi per se: puta quia intendit per hoc alium ad peccandum inducere, vel quia factum est tale, quod de sui ratione habet, vt sit inductiuum ad peccandum. Scandalum vero passiuum est, quando dictum vel factum vnius, est alteri causa peccandi merè per accidens: puta quando præter intentionem operantis, & operis conditionem, aliquis malè dispositus, ex huiusmodi cære inducitur ad peccandum, & eo casu operans quantum in se est, nō dat occasionem ruinæ, sed alius eam sumit. Quare scandalum passiuum potest esse sine actiuo: sicut quandoque actiuum est sine passiuo.

Scandalum passiuum semper est pec-

Z S catur

eatum in scandalizato: quoniam talis spiritualiter ruit, Matth. 17. Beatus est, qui non fuerit scandalizatus in me.

Item Ioann. 16. Hæc locutus sum vobis, vt non scandalizemini; similiter scandalum actiuum semper est peccatum in scandalizante, Matth. 18. Qui scandalizauerit vnum de pusillis, qui in me credunt, expedit ei, vt suspendatur mola asinaria in collo eius, & demergatur in profundum maris. Rom. 14. Ne ponatis, inquit Apostolus, offendiculum fratri, vel scandalum. Verum scandalū actiuum quandoque est peccatum mortale, vt quando scandalizās intendit, proximum inducere ad mortale per veniale, vel ad veniale per mortale: quandoque verò est peccatum veniale, vt quando scandalizans intendit, alium inducere ad veniale per veniale. idem dico de scandalo passiuo, est veniale in scandalizato, si procedatur ad veniale, mortale si moueatur ad mortale.

Bona spiritualia, quæ sunt de necessitate salutis, propter scandalum, quod inde ab aliquibus sumitur, non sunt dimittenda: quia nullus debet peccare mortaliter, imò nec venialiter, vt peccatum alterius impediat: bona verò

spiritualia, quæ non sunt de necessitate salutis, si periculum immineat ex infirmitate, vel ignorantia, eo casu sunt occultanda, & interdum etiam differenda, quousque reddita ratione, scandalum cesset, quæ reddita si scandalum daret, tunc est contemnendum; hoc est propter illud spiritualia bona non sunt dimittenda. Matth. 15. Vbi legis, quod cum Dominus satisfacisset Phariseis, de non lotionem manuum, & audiret eos inde esse scandalizatos, dixit suis Apostolis: Sinite illos, quia cæci sunt. Quare bona spiritualia non sunt dimittenda propter scandalum Phariseorum, quod procedit ex malitia, ut Christus Matth. 15. docet: propter verò scandalum pusillorum, quod procedit ex infirmitate, vel ignorantia, bona spiritualia, quæ non sunt de necessitate salutis, veniunt occultanda, & ad tempus differenda, similiter poenarum afflictio, seu punitio, & correctio fraterna.

## DE SENTENTIA.

**S**ententia est applicatio iuris ad particulare factum, vel est iudicialis definitio, quæ controversiis finem imponit pronuntiatione competentis iudicis,

condemnationem, vel absolutionem continens, & communiter ponitur duplex, interlocutoria, & diffinitiva. Interlocutoria est, quæ fertur quasi loquendo inter partes sine aliqua solennitate, & scriptura, non super principali, sed super incidentibus quæstionibus inter principium, & finem causæ, quam qui eam tulit, siue sit delegatus, siue sit ordinarius Iudex, potest reuocare, etiã post appellationem: Sententia verò diffinitiva fertur in scriptis, super principali, & lata, non potest aliquid addi, nec minui, nec detrahi, aut reuocari p eundem Iudicem: fallit tamen hæc doctrina in sex casibus, in quibus ordinarius suam sententiam diffinitiuam latam retractare potest. primò, si sit nulla, vel annullanda propter errorem facti. secundò, in multa, quæ ptopter inopiam est remittenda. tertio in fructibus, expensis, & alijs accessoribus. quarto, si aliquis cõdemnatus, absens, veniat adhuc Iudice pro tribunali sedente. quinto, ratione publicæ utilitatis. sexto, vbiunque vertitur periculum animæ, stante sententia diffinitiva lata: in his enim casibus iudex ordinarius eam retractare potest.

Sententia diffinita, vt sit canonica,

& va.



& valida, quinque necessariò requiruntur: primò, quòd sit lata ordine substantiali iuris seruato. secundò, debet esse absolutoria, vel condemnatoria. tertio, debet esse certa. quartò, debet esse absolutà. quintò, super omnia requiritur, quòd sit iusta, secus est nulla, & in ipsa ferenda, quinque potissimum à iudice obseruanda veniunt. primò, debet dari sedendo, non stando. secundò, præsentibus partibus, vel contumacibus citatis, eam in scripto recitando. tertio, legente siue recitante sententiam illo, qui eam fert: nisi sit Episcopus, vel alius illustris. quartò, in loco publico, & honesto. quintò, debet dari die, non in tenebris, nec quolibet die, sed die non feriato, die enim feriato, maximè festiuo, & solenni sententia non est ferenda. Quid si duo sint Iudices, & sententias diuersas ferant? Respondeo, quod si processerunt ex iurisdictione ordinaria, tenet illa, quæ est pro reo, non quæ pro actore, intellige in materia odiosa; in causa verò fauorabili, puta Matrimonio, dote, siue libertate, tenet illa, quæ est pro actore, non quæ est pro reo.

Sententia lata cum cognitione causæ perpetuò durat, secus si est lata sine cognitione causæ. A sententia lata,

post.

postquam transiit in rem iudicatam, appellari non potest, sed executioni venit mandanda: in actionibus enim personalibus sententia lata post quatuor menses à die pronuntiationis, executioni mandari debet: in actionibus vero realibus, & criminalibus, statim post decem dies concessos ad appellandum, intellige si res sit in præsentia? fallit tamen hæc doctrina in quatuor casibus. primò, quando princeps ex vindicta seuerius fert sententiam, & eo casu differtur eius executio ad minus per triginta dies. secundò, quando sententia lata est in mulierem prægnantem, & eo casu eius executio differtur vsque ad partum. tertio, quando quis est confessus de crimine, & deinde negat. quarto, quando sententia capitalis lata est in seruum, tunc differtur eius executio, vsque ad redditam rationem administrationis.

## DE SEPULTURA.

**S**epultura apud Doctores tripliciter sumitur, quandoque pro iure sepeliendi, siue sepulchri: quandoque pro ipso officio, quod impeditur corporibus funerandis: quandoque pro loco,

in

in quo aliquis est sepultus, vel sepeliendus, siue sit terra, siue arca lapidea, siue aliud, qui locus auctoritate pontificali, tali vsui est deputatus: iuxta quam tertiam acceptionem, nunc de sepultura principaliter intendimus: in qua quidem sepultura quantum ad solennitates, mos cuiuscunque prouinciæ approbatus seruari debet, & quæ ad ornatum sepulturæ adhibentur, prosunt uiuis, quatenus sunt uiuorum solatia, prosunt defunctis, quatenus per huiusmodi homines excitantur ad compatendum, ac per consequens ad orandum pro illis, vel in quantum ex sumptibus sepulturæ pauperes fructum capiunt, vel Ecclesia decoratur: vnde meritò sepultura Sapient. 4. inter eleemosynas computatur. Ius sepulturæ generaliter competit Ecclesijs parochialibus, & illis quibus à iure, vel priuilegio concessum est, vt Ecclesijs Predicatorum, & Minorum: verùm in Ecclesia, secundum iura antiqua, non debent sepeliri nisi Prælati, cæteri autem apud Ecclesiam in cœmiterio, qui locus debet esse consecratus ab Episcopo.

Sepulturæ per fideles, non nisi in sacris, & religiosis locis ideò constituntur, quia minus ibi spiritibus immundis

dis vexantur, & quia sanctorū illorum commendantur patrocinijs, quorum nomini Ecclesia, in qua corpora con- quiescunt, est consecrata. Accedit quod defunctorum proximi ad sacra loca venientes, sepulturamque conspicientes, suorum recordantur, & pro eis preces fundunt: vnde mortuorum sepultura, & cœmiteria, apud illas Ecclesias, & monasteria antiquitus disposita esse comperiuntur, in quibus religiosorum Conuentus sunt constituti, vbi orationes, & Missarum solennia, tam pro viuis, quàm pro defunctis, frequentius celebrantur.

Sepulturam eligere potest omnis fidelis constitutus in legitima ætate, hoc est, qui sit pubes, etiam sine consensu patris, seu domini, impubes verò, qui non est compos mentis, & religiosus professus, secundum iura, sepulturam sibi eligere nequeunt: sed in tali casu pater eligit filio, dominus seruo, & religiosus debet sepeliri in suo monasterio, extra quod si moreretur, & commodè ad illud deferri non posset, eo casu posset sibi eligere sepulturam pro voluntate. Quod si quis non electa sepultura decedat, talis sepeliendus est in Ecclesia, vbi sunt eius maiores, scilicet

pater, auus, & alij, quod si non constet de sepultura maiorum, eo casu sepelietur in Ecclesia, vbi audiuit diuina, & accepit ecclesiastica Sacramenta: peregrini verò, & aduenæ sunt sepeliendi in Ecclesia Cathedrali, vel Parochiali; vbi moriuntur, si ipsi aliter non dispo- fuerint, neque commodè ad sepulchra suorum maiorum ferri possint, quòd si Ecclesia sepulchri maiorum sit interdicta, eo casu sepelientur in Ecclesia Cathedrali, vel Parochiali. Vxor secundùm iura, venit sepelienda in sepulchro viri, quod si vna habuit plures, sequetur vltimum: quia vna caro est cum eo.

Sepultura ecclesiastica in iure, duodecim conditionibus personarum interdicitur. primò, excommunicatis, & minori notoriè. secundò, manifestis usurarijs. tertio, morientibus in torneamentis, siue duello. quartò raptoribus publicis, qui non satisfaciunt in vita, & si possint. quintò, manifestis blasphematoribus Dei, & Sanctorum. sexto, ijs, qui non communicant semel in anno, nec confitentur, nisi signa contritionis ostendant, & sit notorium, quod non sint confessi: quia semper bonum debemus præsumere, vbi de contrario non constat, septimò, morientibus in

peccato mortali notoriè octauò, interdictis nominatim. nonò, ijs, quibus ingressus Ecclesiæ est interdictus. decimò, illi, qui Sacerdotem tutorem, filiis suis instituit, tamen glossa contrarium tenet. vndecimò, Iudæis, Paganis, Hæreticis, & eorum fautoribus. duodecimò, ijs, qui se occidunt ex desperatione, vel iracūdia, secūs si ex furore morbi, siue à casu, verū etiam illis, qui se occidunt ex desperatione, si ante spiritus emissionem, signa penitentiæ ostendunt, sepultura ecclesiastica, non est de neganda.

## DE SIMONIA.

**S**imonia à Simone mago dicta est, qui potestatem dandi Spiritum sanctum, pecunia comparare voluit, Act. 8. sicque à doctoribus definitur, Simonia est studiosa voluntas emendi, aut vendendi aliquid spirituale, vel spirituali annexum, & communiter ponitur duplex, mentalis, quæ sola intentione committitur, & extrinseca, opere accedente. Simonia mentalis, quæ sola voluntate, hoc est, intentione deliberata contrahitur, soli iudicio diuino subest, & à solo Deo punitur: Simonia

verò extrinseca, quæ intentione emendi, vel vendendi spiritualia opere subsecuto contrahitur, etiam iudicio Ecclesiæ, quæ non iudicat de occultis, nisi quatenus procedunt ad extra, subest, & ab ea punitur: verum ad simoniam extrinsecam, ut quis eam incurrat tria debent accedere, studiosa voluntas emendi, vel vendendi spiritualia: conventio de precio explicita, & executio dando, & accipiendo precium per modum precij: secus si reuera alia ratione detur, & accipiat aliquod temporale, pro re spirituali.

Spirituale, ut docet D. Thomas 2. 2. quæst. 100. dicitur tripliciter, scilicet essentialiter, ut gratia, virtutes, & omnia supernaturalia dona. causaliter, ut Sacramenta. & effectivè, ut actus ex spirituali gratia, sacroque officio procedentes, ut baptizare, ordinare, divinum officium celebrare: annexum autem spirituali dicitur dupliciter. primò, sicut ad spirituale ordinatum, ut ius patronatus, quod ordinatur ad præsentandum Clericos ad beneficia, vasa sacra, quæ ordinantur ad usum Sacramentorum, & vestes sacræ, campanæ, & alia id genus, quæ ad divina officia peragenda ordinantur. secundò, sicut ex spiri-  
tua-



tualibus dependens, vt habere ecclesia-  
stica beneficia, ius accipiendi decimas,  
primitias, oblationes, & habere ius se-  
pulturæ, quæ non competunt nisi Cle-  
ricis. His ergo stantibus spirituale ef-  
fentialiter, siue causaliter, siue effecti-  
uè, sine simonia emi, & vendi nequeunt:  
inquantum tamen spirituale causali-  
ter, & effectiuè sunt corporalia, habent  
quandam speciem, quæ vendi, & emi  
potest: item annexum spirituali ea par-  
te, qua spirituale est, non potest vendi  
absq; labe simoniæ: ea parte verò, qua  
corporale est, vendi & emi potest absq;  
simonia, vt calices in necessitate, &  
campanæ, & alia id genus, ratione ma-  
teriæ, si vendantur, non incurritur si-  
monia.

Simonia committitur quadruplici-  
ter: quandoque solùm ex parte confe-  
rentis spirituale, vt quando ipse confe-  
rens recipit temporale, ignorante eo,  
cui confert spirituale; quandoque so-  
lùm ex parte recipientis spirituale, vt  
quando ipse recipiens dat aliquid ami-  
co, vel consiliario conferentis; eo in-  
scio: quandoque ex parte vtriusque,  
vt quando recipiens dat aliquid tem-  
porale conferenti spirituale: quando-  
que ex parte neutrius, vt quando ami-  
cus

cus recipientis dat aliquid amico conferentis spirituale, illis ignorantibus, his enim modis simonia externa incurritur, seu committitur.

Simonia quantum ad forum iudiciale, sola voluntate non contrahitur, sed requiritur quod opus subsequatur; quantum verò ad Deum, & conscientiam peccatum simoniæ, sola voluntate emendi, aut vendendi spiritualia, contrahitur, intellige semper de intentione primaria, sine qua non fieret actio, & non de intentione secundaria, sine qua actio fieret, intentio enim secundaria accipiendi, vel dandi aliquid pro actu spirituali, secundum omnes, non est simonia etiam coram DEO, quia eo casu, non datur temporale pro spirituali, vel è contra; quoniam remoto temporali, nihilominus spirituale daretur, siue è contra, clarius tamen dico quod dare, vel accipere aliquid temporale pro spirituali, si ubi pro, dicat appretiationem, vel commutationem, vel causam principaliter mouentem, est simonia, si verò propositio illa pro, dicat causam finalem, seu adminiculatiuam, vt si aliquid detur, & accipiatur, non

non ut precium, cessanteque omni patione, atque conventionem, sed ob reverentiam sacramentorum, aut ad servandum piam consuetudinem, vel ad sustentationem ministrorum Christi, non est simonia.

Ut autem præsens materia facilius intelligatur, quædam conclusiones ponuntur, quarum prima est ista, Sacramenta cum gratiam contineant, licite vendi, aut emi non possunt, id est, accipere aliquid pro eorum gratia, simonia est, secus accipere aliquid pro sacramentis ad sustentationem ministrorum, secundum ordinationem Ecclesiæ, vel consuetudinem approbatam, quia tunc quod accipitur, non tanquam precium mercedis, sed tanquam stipendium necessitatis sumitur. secunda conclusio, Pro benedictione nuptiarum aliquid exigere, simonia est, tamen sponte oblatum pro omni officio ecclesiastico exercendo, licite & absque peccato recipi potest. tertia conclusio, Pro Baptismo, & pro alijs Sacramentis, quæ necessitate materiæ licite vendi, aut emi possunt, non est danda, neque exigenda pecunia, nisi de Baptismo, quod ad infantem, si præter Sacerdotem nullus alius esset, qui sciret, vel posset ipsum

infantem baptizare, quia eo casu non  
esset emere spirituale, sed redimere ve-  
xationem, secus quò ad adultum, qui  
ex quo habet Baptismum in voto, ha-  
betur pro baptizato, & saluatur. quar-  
ta conclusio. Pro sacramentalibus, vt  
pro benedictione Abbatum, Abbatif-  
farum, velatione virginum, pro bene-  
dictione calicum, & vestium, nihil re-  
cipere licet, nisi spontè detur, aliàs est  
simonia. quinta conclusio: Pro celebra-  
tione Missæ, diuinis officijs, sacrisque  
concionibus, exigere aliquid non li-  
cet: sacerdos tamen qui non habet suf-  
ficiētes sumptus pro his potest aliquid  
accipere, non tanquam precium mer-  
cedis, sed tanquam stipendium necessi-  
tatis, imò talis absque simonia, operas  
suas potest locare, siue ad diem, siue ad  
annum; sacerdos verò, qui habet sum-  
ptus, & ad ista non tenetur, aut debet  
facere gratis, aut cessare, aliàs videtur  
facere ex auaritia. sexta conclusio: Ge-  
neraliter aliquid accipere pro vsu spiri-  
tualis potestatis, seu prælaturæ, vt do-  
cet D. Thom. 2. 2. est simonia, secus pro  
temporali iurisdictione. septima con-  
clusio. Pro sepultura ecclesiastica, & fu-  
neralibus nihil exigi debet, sed in hoc  
pie consuetudines obseruari debent.

octaua conclusio, Si dentur diuersa cœmiteria, & taxetur pro quanta pecunia, quis ponatur in tali cœmiterio, simonia est: idem dico si crux specialis porteretur ad funus pro pecunia. non 2.  
 conclusio, Vasa sacra ratione consecrationis vendi, & emi nequeunt absque simonia, hoc est, non licet pro consecratione eorum, aliquid plus exigere; tamen in necessitate Ecclesiæ huiusmodi vendi possunt ex parte eius, quod in eis non est spirituale, scilicet materia auri & argenti, idem teneas de vestib. sacris. decima conclusio, Ius patronatus per se vendi non potest, nec dari in feudum, licet transeat cum omnibus bonis si vendantur, vel dentur in feudum. vndecima cōclusio, Si in electione prælati aliquid detur, aut accipiat, vt talis eligatur, vel non eligatur, simonia est, & electus per pecuniam, teneretur resignare. duodecima conclusio, Pro inuestitura beneficij, seu Ecclesiæ tam iuris, quàm facti, aliquid accipere, simonia est. decimatertia conclusio, Statutum quod nouiter receptus in canonicum, vel monachum, certum quid soluat, pro receptione, simoniacū est, intellige si tale solutum cedat in utilitatem priuatam, aut canonicorum, se  
 cus

eus si cedat ad fabricam Ecclesiæ, & ad cultum diuinum. decimaquarta conclusio. Generaliter aliquid dare, vel accipere pro beneficij, seu dignitatibus ecclesiasticis, simonia est.

Simoniacorum pœna in iure vbi constiterit in iudicio, multiplex est, communiter tamen triplex ponitur. prima est suspensio ab executione ordinum, & beneficiorum administratione. secunda est depositio, & infamia. tertia est excommunicatio Papalis, quam homo propter peccatum simoniæ incurrit, cuius peccati grauitatē, D. Petrus ostendit, Aët. 8. quando Simoni mago, potestatem dandi spiritū sanctum, pecunia comparate volenti, dixit, Pecunia tua tecum sit in perditionem quoniam donum DEI existimasti pecunia possideri: non est tibi pars, neque sors in sermone isto, cor enim tuum non est rectum corā Deo, pœnitentiam itaque age ab hac nequitia tua, & roga Deum, si fortè remittatur tibi hæc cogitatio cordis tui.

### DE SPOLIO.

**S**poliatus dicitur qui possessione bonorum, seu iurium suorum indebi-

tè priuatur, talis enim si fuerit de super conquestus ab aduersario suo reconueniri non poterit, quia restitutionis petitio in hoc priuilegiata esse noscitur, ut spoliatus ipsam intentans, non cogatur ante restitutionem spoliatoribus respondere, sed ante omnia, & quo ad omnia est restituendus. Hoc omnes leges tam ecclesiasticæ, quàm seculares præcipiunt, nempe ante omnia cuncta spoliatis reintegranda, & damna resarcienda esse. Quinimò fructus quoque non tantum à violento possore percepti, sed etiam qui verisimiliter percipi potuissent, restituendi erunt.

In tribus Casibus priuatus à Iudice dicitur spoliatus. primò si non seruauit Iuris ordinem. secundò si Iudex erat incompetens. tertio etsi competens, tamen circa priuationem, nulliter pronunciauit. Et in his Casibus ante omnia, spoliatus semper plenariè, ac integrè venit restituendus, nec admittenda est renunciatio post spolium, neque testes super spontanea renunciatione admittendi sunt ante restitutionem. Quare renunciatio facta post spolium non impedit spoliati restitutionem, secus si ante, quia tunc ei perpetuum silentium imponitur.

Sunt



Sunt & alij casus, quibus Iure dene-  
gabitur spoliatis restitutio, exempli  
gratia, quando agendi per modum ex-  
emptionis de alia spoliacione opponi-  
tur, aut quando ipse spoliatus tam su-  
per proprietate, quàm super spolio, eo-  
dem tempore disceptari consenserit,  
aut si assertus spoliator sit absens, non  
per contumaciam vel dolum, quâquâ  
temporis lapsus immineat, & Actor  
suam possessionem, & deiectionem pro-  
bare paratus sit, nihilominus restitu-  
endus nō erit, sed in tali casu: Reus prius  
expectandus, & audiendus venit, aut si  
Reus excipit super possessione præten-  
sa, tunc tam diu subsistenda erit restitu-  
tio, donec super tali exceptione cogni-  
tum fuerit, aut quando pro spoliatore  
asserto militat Iuris præsumptio, eo ca-  
su spoliatus non est ante omnia resti-  
tuendus, sed ipsa restitutio est differen-  
da quousque appareat eum qui restitui  
postulat puta ad decimas quas posse-  
disse asserit, indebitè spoliatum. Idem  
sentit Lancellotus in suis Instit. Iuris  
Canonici.

## DE SPONSALIBVS.

**S**Ponsalia sunt futurarum nuptiarū promissio, quæ quocunque modo fiant, nunquam Matrimonium efficiunt, neque sunt de substantia, seu necessitate matrimonij contrahendi, sed solum de decencia, atque congruitate. primò ad fouendam, augendamque amicitiam inter parentes, cognatos, ac affines spò si & sponsæ. secundò ad detegenda impedimenta, si quæ sunt inter volentes contrahere. tertio ne alicui fiat iniuria, & secundum iura, sponsalia contrahi possunt, utroque contrahentium existente in fine primi septennij, vel post, vel parum ante, in celebratione autem Matrimonij, in mare ætas quatuordecim annorum, in foemina verò ætas duodecim annorum, desideratur. Qui legitima celebrauit sponsalia tenetur, nisi subsit rationabilis causa in iure admissa sub reatu lethalis criminis procedere ad solennizationem matrimonij in facie Ecclesiæ seruatis seruandis, & ex eis oritur iustitia publicæ honestatis, quæ iam vigore Conc. Trident. sess. 24. de reform. matrim. cap. 3. impedit & dirimit Matrimonium contractum

Etum solùm in primo gradu inter con-  
sanguineas sponsæ & sponsum, & inter  
consanguineos sponsi, & sponsam, vbi  
sponsalia fuerint valida, vbi autem spõ  
salia quacunque ratione, valida non  
erunt, sancta Synodus Tridentina, ius-  
titia publicæ honestatis impedimen-  
tum, prorsus tollit.

Sponsalia quatuor modis contrahū-  
tur. primò simplici, ac nuda promissio-  
ne, vt dicendo, Ego accipiam te in me-  
am, & c. contrà. secundò per fidei da-  
tionem, siue iuramentum. tertio per an-  
nuli subarrationem, seu immissionem.  
quarto per arrarum donationem, arræ  
autem dicuntur, anulus, pecunia, &  
his similia, quæ non secuto Matrimo-  
nio debent restitui hoc modo, si Ma-  
trimonium non fuerit secutum absque  
alterius culpa, puta propter interuen-  
tum mortis, vel religionis ingressum,  
debet restitui simpliciter; si propter cul-  
pam dantis, ipse perdit arras; si verò  
Matrimonium non fuerit secutum pro-  
pter culpam recipientis, ipse restituet  
in duplo, intellige in foro contentioso,  
& quando recipiens est maior vigesi-  
mo quinto anno.

Sponsalia multis modis soluuntur.  
primò per ingressum religionis appro-

patres apertissimè docent, suffragia vi-  
uorum Christi fidelium prodesse defū-  
ctis, non tamen existentibus in infer-  
no, neque in limbo, neque beatis, sed  
solum existentibus in purgatorio, & si  
superfluunt ei pro quo fiunt, eo casu à  
D E O indigenti applicantur, & mo-  
riens quàm citò disponit aliqua suffra-  
gia sibi fieri, præmium suffragiorum,  
etiam antequam fiant, plenè consequi-  
tur, intellige quantum ad efficaciam  
suffragiorum, quæ est ex opere operan-  
te principalis agentis, quantum verò  
ad efficaciam suffragiorum, quæ est ex  
opere operato, vel ex opere operante  
exequentis, non consequitur fructum  
antequam suffragia fiant, vnde qui illa  
differunt, pios mortuos defraudant.

Opus suffragij quatenus est expiati-  
uum pœnæ per modum cuiusdam re-  
compensationis, prodest defunctis, pro  
quibus fit, quatenus autem est merito-  
rium vitæ æternæ, quod habet, inquan-  
tum ex charitate procedit, non solum  
prodest ei, pro quo fit, sed etiam facien-  
ti, iuxta illud Prophetæ, Psalm. 34. Ora-  
tio mea, in sinu meo cōuertetur. Quid  
si suffragia pro defunctis, seu viuis, per  
malos ministros fiant? Respondeo,  
quod in suffragijs factis per malos, duo  
pos-

possunt considerari. primò ipsum opus operatum, sicut sacrificium Altaris, & quantum ad hoc suffragia facta per malos, prosunt defunctis decedentibus cū charitate, & viuis ea præditis: quia nostra Sacramenta ex seipsis, absque opere operantis efficaciam habent, quam æqualiter explent, per quoscunque fiāt. secundò in suffragijs potest attendi ipsum opus operans, & tunc distinguendum venit, aut consideratur opus operans peccatoris, vt est eius, & sic suffragia facta per malum, nullo modo sunt meritoria: aut vt est alterius, & hoc contingit dupliciter. primò inquantū gerit personam totius Ecclesiæ, sicut Sacerdos dum dicit in Ecclesia exequias mortuorum, vel diuinum officium, vel peragit sacrum, & sic suffragia facta per malum prosunt, quia ille intelligitur facere, cuius nomine, aut vice fit. secundò inquantum agit vt instrumentum alterius, quo casu opus ministri est magis principalis agentis, sicut sit seruus in peccato existens faciat opus misericordiæ ex mandato sui domini habentis charitatem, sic etiam suffragia facta per malum, prosunt ei, pro quo fiunt: Clarius tamen ad quæsitum responderi potest, quod suffragium ali-

cui defuncto, seu viuo exhibitum, est duplex, vnum habens efficaciam ex opere operato, id est, ex se, vt Sacramenta nouæ legis, inter quæ tamen, sola Eucharistia potest exhiberi defuncto: alterum habens efficaciam ex opere operante tantum, id est, ex dispositione exhibentis, vel eleemosyna, oratio, & ieiunium. Primum per quemcunq; fiat, semper habet efficaciam competentem ei ex se, sicut Baptismus est bonus, ac verus, etiam exhibitus per malum; Secundum vero quia habet solum efficaciam ex dispositione facientis, nihil valet, nisi fiat per bonum, aut in persona boni, id est Ecclesiæ, aut per instrumentum boni, id est domini, vel imperantis charitatem habentis.

Suffragium Missæ continet in se duo orationem, & sacrificium: ex parte sacrificij, Missa de quocunq; dicatur, æqualiter prodest defuncto, intellige cæteris paribus, hoc est, accedente eadem dispositione Sacerdotis, & aliorum offerentium: ex parte verò orationum magis prodest illa missa, in qua sunt orationes omnes ad hoc determinatæ, puta Missa pro defunctis, magis eis prodest, quam alia: iste tamen profectus recompensari potest per maiorem

de;

deuotionem vel eius qui dicit Missam, vel eius pro quo dicitur, vel per intercessionem Sancti, cuius suffragium imploratur in Missa. Suffragia quæ sunt virtutis finitæ, vel eleemosyna, oratio, ieiuniū, & alia id genus, facta pro multis, nō æqualiter valent, sicut si pro singulis fierent: Suffragium verò virtutis infinitæ, vt sacrificium Missæ, factum pro multis æqualiter valet, sicut si pro singulis fieret, quia licet eo casu diuidatur, tamen quilibet capit secundum proportionem deuotionis, & dispositionis suæ, ac si pro solo fieret.

## DE SUPERSTITIONE.

**S**uperstitio, vt docet D. Thom. 2. 2. Quæst. 92. est vitium religioni oppositum secundum excessum, cuius duæ sunt species subalternæ, seu principales, vna qua exhibetur diuinus cultus, ei cui non debetur, ad quam reducitur idololatria, altera qua cultus Deo verò indebitè exhibetur, de qua nunc præcipuè intendimus, Cultus ergo exterior verò Deo exhibitus, quem superstitio propriè respicit, potest esse perniciosus. atq; illicitus dupliciter. primò, ex



tium verò secundum se non est malū, licet in hoc quatuor modis possit incidere peccatum. primò, si absque necessitate ad sortes recurratur: quoniam videtur pertinere ad DEI tentationem. secundò, si quis eis vtatur in necessitate quidem, sed sine DEI reuerentia. tertio, si diuina oracula ad terrena negotia, hoc est, ad temporalia lucra, & non ad damna vitanda conuertantur. quartò, si quis iam sortibus vtatur in electionis ecclesiasticis, quæ inspiratione spiritus sancti fieri debent, secus autem in tēporalibus dignitatibus. Quare Apostoli, Act. i. sortibus consuluerunt absque peccato: nam ibi fuit necessitas, quia implendus erat numerus Apostolorum propter præuaricationē Iudæ. secundò, ibi fuit reuerentia: quia precibus ad Deum fuis, sortes miserunt. tertio, fuit de re spirituali: quia de electione Matthiæ ad Apostolatam. quartò, fuit licita: quia ante Pentecosten factum est, quo tempore plenitudo Spiritus sancti, nondum in Ecclesia erat effusa: propterea Apostoli nō damnantur, quod in electione sortibus consuluerint.

Superstitiosorum poena, secundum leges ciuiles est, quod huiusmodi diui-

## Suspensio.

natores, & malefeci capite pectoreque  
vel cremantur, si ad damnationem aliter  
accedant, & eorum bona publicentur  
secundum verò Canones, peccatum in  
eorum est oculum, impeditur  
penitentia quadraginta diebus, & in  
torium Eucharistiae eis negatur, & sunt  
infames, etiam qui ad eos accedunt  
& si reus est clericus, debet deponi, &  
in monasterium deponi, quod si est sa-  
cus, debet excommunicari, & huius-  
di omnes, si peccatum eorum est in  
rium, sunt irregulares, licet cum eis  
piscopus dispensare valeat.

## DE SUSPENSIONE

**S**uspensio est censure Ecclesiastica  
qua executio & usus Sacramentorum  
vel officiorum, aut eorum, seu in  
ditionis ad tempus vel sine  
slicæ interdicitur. Suspensio differt ab  
excommunicatione, præcipue in  
bus. primò excommunicatus privatur  
reum communione Ecclesie, & per  
ua participatione Sacramentorum  
spensio verò non cum privatur  
dò, excommunicatus impeditur  
tionem à peccatis. Suspensio autem  
Item differt ab interdictione, quia

tè priuatur, talis enim si fuerit de super conquestus ab aduersario suo, reconueniri non poterit, quia restitutionis petitio in hoc priuilegiata esse noscitur, ut spoliatus ipsam intentans, non cogatur ante restitutionem spoliatoribus respondere, sed ante omnia, & quo ad omnia est restituendus. Hoc omnes leges tam ecclesiasticæ, quàm seculares præcipiunt, nempe ante omnia cuncta spoliatis reintegranda, & damna resarcienda esse. Quinimò fructus quoque non tantum à violento possore percepti, sed etiam qui verisimiliter percipi potuissent, restituendi erunt.

In tribus Casibus priuatus à Iudice dicitur spoliatus. primò si non seruauit Iuris ordinem. secundò si Iudex erat incompetens. tertio etsi competens, tamen circa priuationem, nulliter pronunciauit. Et in his Casibus ante omnia, spoliatus semper plenariè, ac integrè venit restituendus, nec admittenda est renunciatio post spolium, neque testes super spontanea renunciatione admittendi sunt ante restitutionem. Quare renunciatio facta post spolium non impedit spoliati restitutionem, secus si ante, quia tunc ei perpetuum silentium imponitur.

Sunt

Sunt & alij casus, quibus Iure dene-  
gabitur spoliatis restitutio, exempli  
gratia, quando agendi per modum ex-  
emptionis de alia spoliacione opponi-  
tur, aut quando ipse spoliatus tam su-  
per proprietate, quàm super spolio, eo-  
dem tempore disceptari consenserit,  
aut si assertus spoliator sit absens, non  
per contumaciam vel dolum, quâquâ  
temporis lapsus immineat, & Actor  
suam possessionem, & deiectionem pro-  
bare paratus sit, nihilominus restituen-  
dus nō erit, sed in tali casu. Reus prius  
expectandus, & audiendus venit, aut si  
Reus excipit super possessione præten-  
sa, tunc tam diu subsistenda erit restitu-  
tio, donec super tali exceptione cogni-  
tum fuerit, aut quando pro spoliatore  
asserto militat Iuris præsumptio, eo ca-  
su spoliatus non est ante omnia resti-  
tuendus, sed ipsa restitutio est differen-  
da quousque appareat eum qui restitui  
postulat puta ad decimas quas posse-  
disse asserit, indebitè spoliatum. Idem  
sentit Lancellotus in suis Instit. Iuris  
Canonici.

## DE SPONSALIBVS.

**S**Ponsalia sunt futurarum nuptiarū promissio, quæ quocunque modo fiant, nunquam Matrimonium efficiunt, neque sunt de substantia, seu necessitate matrimonij contrahendi, sed solum de decencia, atque congruitate. primò ad fouendam, augendamque amicitiam inter parentes, cognatos, ac affines spò si & sponsæ. secundò ad detegenda impedimenta, si quæ sunt inter volentes contrahere. tertio ne alicui fiat iniuria, & secundum iura, sponsalia contrahi possunt, utroque contrahentium existente in fine primi septennij, vel post, vel parum ante, in celebratione autem Matrimonij, in mare ætas quatuordecim annorum, in foemina verò ætas duodecim annorum, desideratur. Qui legitima celebrauit sponsalia tenetur, nisi subsit rationabilis causa in iure admissa sub reatu lethalis criminis procedere ad solennizationem matrimonij in facie Ecclesiæ seruatis seruandis, & ex eis oritur iustitia publicæ honestatis, quæ iam vigore Conc. Trident. sess. 24. de reform. matrim. cap. 3. impedit & dirimit Matrimonium contrahitum

Etum solum in primo gradu inter consanguineas sponsæ & sponsum, & inter consanguineos sponsi, & sponsam, ubi sponsalia fuerint valida, ubi autem sponsalia quacunque ratione, valida non erunt, sancta Synodus Tridentina, iustitiæ publicæ honestatis impedimentum, prorsus tollit.

Sponsalia quatuor modis contrahuntur. primò simplici, ac nuda promissione, ut dicendo, Ego accipiam te in meam, & è contrà. secundò per fidei dationem, siue iuramentum. tertio per anuli subarrationem, seu immiessionem. quarto per arrarum donationem, arræ autem dicuntur, anulus, pecunia, & his similia, quæ non secuto Matrimonio debent restitui hoc modo, si Matrimonium non fuerit secutum absque alterius culpa, puta propter interuentum mortis, vel religionis ingressum, debet restitui simpliciter; si propter culpam dantis, ipse perdit arras; si verò Matrimonium non fuerit secutum propter culpam recipientis, ipse restituet in duplo, intellige in foro contentioso, & quando recipiens est maior vigesimo quinto anno.

Sponsalia multis modis soluuntur. primò per ingressum religionis appro-

bata, etiam ante professionem. secundo, per absentiam alterius sponsi ad biennium, vel triennium, quod tempus iudex propter periculum incontinentiæ poterit breuiare. tertio, per interuentum morbi, puta lepræ, paralyfis, vel deformitatis, vt abscisio nasi, cæcitas, & alia id genus. quarto, per interuentum cognationis carnalis, vel spiritualis. quinto, per mutuum consensum, seu mutuam absolutionem. sexto, per fornicationem, ita quod ille, qui non est in culpa potest petere solutionem. septimo, per contractum cum alia per verba de præsentis: quia talis contractus est fortior priori, ideo tenet. octauo, quando impubes, qui contraxit sponsalia venit ad annos nubiles, & petit absolutionem à vinculo sponsalium, similiter si ante septennium contraxerunt, sponsalia sunt nulla. nono per susceptionem sacri ordinis. decimo, per quodcunque crimen, quo alter redditur infamis. vndecimo, propter sæuitiam sponsi. duodecimo solvuntur sponsalia conditione honesta, vel vtili non existente, vt si parentibus meis placuerit, aut si dederit tantum pro dote: verum in prædictis casibus sponsalia legitimè celebrata, non sol-



uuntur ipso iure, sed requiritur authoritas Iudicis ecclesiastici: quia coram tali Iudice debet probari causa, secus facientes grauiter peccāt: fallit tamen hæc doctrina in quatuor casibus. primò, quando alter intrat religionem. secundò, quando contrahit de facto cum alia per verba de præsentī. tertio, quando alteri fornicatur & sit notorium; in his tribus casibus sponsalia contracta, ipso iure soluuntur. quartò, in dissoluendis sponsalibus non requiritur authoritas Iudicis, quando sponsalia sunt secreta: secreta enim iudicio Ecclesiæ non subsunt.

## DE SVFFRAGIIS.

**C**onsuetudo suffragiorum Ecclesiæ pro mortuis, quæ vt docet D. Greg. lib. 4. Dial. cap. 55. sunt quatuor, oblatio Sacerdotum, intercessio Sanctorum, ieiunium, & eleemosyna amicorū, incepit ab Apostolis, diuus Dionysius in lib. cœlest. hierarch. cap. vlt. Damascenus in quodam suo sermone de suffragijs mortuorum, Augustinus in lib. de cura pro mortuis agenda, & S. Thom. 4. sentent. distinct. 45. artic. 1. isti enim, & alij sanctis, & antiquissimis

patres apertissimè docent, suffragia vi-  
uorum Christi fidelium prodesse defū-  
ctis, non tamen existentibus in infer-  
no, neque in limbo, neque beatis, sed  
solum existentibus in purgatorio, & si  
superfluunt ei pro quo fiunt, eo casu à  
D E O indigenti applicantur, & mo-  
riens quàm citò disponit aliqua suffra-  
gia sibi fieri, præmium suffragiorum,  
etiam antequam fiant, plenè consequi-  
tur, intellige quantum ad efficaciam  
suffragiorum, quæ est ex opere operan-  
te principalis agentis, quantum verò  
ad efficaciam suffragiorum, quæ est ex  
opere operato, vel ex opere operante  
exequentis, non consequitur fructum  
antequam suffragia fiant, vnde qui illa  
differunt, pios mortuos defraudant.

Opus suffragij quatenus est expiati-  
uum poenæ per modum cuiusdam re-  
compensationis, prodest defunctis, pro  
quibus fit, quatenus autem est merito-  
rium vitæ æternæ, quod habet, inquan-  
tum ex charitate procedit, non solum  
prodest ei, pro quo fit, sed etiam facien-  
ti, iuxta illud Prophetæ, Psalm. 34. Ora-  
tio mea, in sinu meo cōuertetur. Quid  
si suffragia pro defunctis, seu viuis, per  
malos ministros fiant? Respondeo,  
quod in suffragijs factis per malos, duò  
pos-

possunt considerari. primò ipsum opus operatum, sicut sacrificium Altaris, & quantum ad hoc suffragia facta per malos, prosunt defunctis decedentibus cū charitate, & viuis ea præditis: quia nostra Sacramenta ex seipsis, absque opere operantis efficaciam habent, quam æqualiter explent, per quoscunque fiāt. secundò in suffragijs potest attendi ipsum opus operans, & tunc distinguendum venit, aut consideratur opus operans peccatoris, vt est eius, & sic suffragia facta per malum, nullo modo sunt meritoria: aut vt est alterius, & hoc contingit dupliciter. primò inquantū gerit personam totius Ecclesiæ, sicut Sacerdos dum dicit in Ecclesia exequias mortuorum, vel diuinum officium, vel peragit sacrum, & sic suffragia facta per malum prosunt, quia ille intelligitur facere, cuius nomine, aut vice fit. secundò inquantum agit vt instrumentum alterius, quo casu opus ministri est magis principalis agentis, sicut sit seruus in peccato existens faciat opus misericordiæ ex mandato sui domini habentis charitatem, sic etiam suffragia facta per malum, prosunt ei, pro quo fiunt: Clarius tamen ad quæsitum responderi potest, quod suffragium ali-

cui defuncto, seu viuo exhibitum, est duplex, vnum habens efficaciam ex opere operato, id est, ex se, vt Sacramenta nouæ legis, inter quæ tamen, sola Eucharistia potest exhiberi defuncto: alterum habens efficaciam ex opere operante tantum, id est, ex dispositione exhibentis, vel eleemosyna, oratio, & ieiunium. Primum per quemcunq; fiat, semper habet efficaciam competentem ei ex se, sicut Baptismus est bonus, ac verus, etiam exhibitus per malum; Secundum vero quia habet solum efficaciam ex dispositione facientis, nihil valet, nisi fiat per bonum, aut in persona boni, id est Ecclesiæ, aut per instrumentum boni, id est domini, vel imperantis charitatem habentis.

Suffragium Missæ continet in se duo orationem, & sacrificium: ex parte sacrificij, Missa de quocunq; dicatur, æqualiter prodest defuncto, intellige cæteris paribus, hoc est, accedente eadem dispositione Sacerdotis, & aliorum offerentium: ex parte verò orationum magis prodest illa missa, in qua sunt orationes omnes ad hoc determinatæ, puta Missa pro defunctis, magis eis prodest, quam alia: iste tamen profectus recompensari potest per maiorem de;

deuotionem vel eius qui dicit Missam, vel eius pro quo dicitur, vel per intercessionem Sancti, cuius suffragium imploratur in Missa. Suffragia quæ sunt virtutis finitæ, vel eleemosyna, oratio, ieiuniū, & alia id genus, facta pro multis, nō æqualiter valent, sicut si pro singulis fierent: Suffragium verò virtutis infinitæ, vt sacrificium Missæ, factum pro multis æqualiter valet, sicut si pro singulis fieret, quia licet eo casu diuidatur, tamen quilibet capit secundum proportionem deuotionis, & dispositionis suæ, ac si pro solo fieret.

## DE SUPERSTITIONE.

**S**uperstitio, vt docet D. Thom. 2. 2. Quæst. 92. est vitium religioni oppositum secundum excessum, cuius duæ sunt species subalternæ, seu principales, vna qua exhibetur diuinus cultus, ei cui non debetur, ad quam reducitur idololatria, altera qua cultus Deo verò indebitè exhibetur, de qua nunc præcipuè intendimus, Cultus ergo exterior verò Deo exhibitus, quem superstitio propriè respicit, potest esse perniciosus atq; illicitus dupliciter. primò, ex

parte rei significatæ, à qua significatio cultus discordat, ut iam uti caerimonijs veteris legis, quibus Christi mysteria figurabantur futura, esset perniciosus, ac indebitus cultus. secundò, ex parte colentis, ut si quis exhibeat cultum Deo vero, contra modum ab Ecclesia institutum, & in Ecclesia consuetum, verùm diuersæ consuetudines Ecclesiæ circa cultum diuinum exteriorem, in nullo veritati præiudicant, ideo seruandæ veniunt, easque præterire illicitum est.

Superstitio quædam dicitur diuinatiua, & quædam obseruatiua. Diuinitio, seu superstitio diuinatiua, est usurpatio prænunciationis futurorum, ad vtrumlibet, vel rarò euenientium, quæ semper est peccatū: quia usurpat quod est Dei, proprium, & semper ex opere dæmonum provenit, secus si quis prænunciet, quæ ex necessitate, vel ut in pluribus eueniunt, huiusmodi enim humana ratione per certitudinem, vel coniecturam prænosci possunt. Superstitionis diuinatiuæ multæ sunt species distinctæ, secundum propria obiecta, prout scilicet in diuersis rebus occultorum cognitio, ex dæmonum operatione consideratur. prima species diuina-

natio-

nationis dicitur præstigium, quæ est per præstigiosas apparitiones dæmonum. secunda somniorum, quæ Deute. 18. prohibetur. tertia dicitur necromantia, quæ est per mortuorum alloquutionem. quarta dicitur pythonomia, quæ fit per homines viuos. quinta dicitur geomantia, quæ fit per figuras, seu signa apparentia in corpore terrestri. sexta dicitur hydromantia, quæ fit in aqua. septima dicitur aerenomantia, si in aere. octaua dicitur pyromantia, quæ fit in igne. nona dicitur aruspicium, quæ fit in visceribus animalium immolatorum in aris dæmonum: quæ omnia sunt illicita, & diabolica, per consequens exercentes se in huiusmodi diuinationibus, sunt in peccato mortali, utpote quia talia procedunt ex societate, & inuocatione dæmonum, ideo nobis prohibita, Deuter. 18. Esaia 28. & 1. Corinth. 10. similiter diuination obseruatiua in sacris literis, ad Galath. 4. Vti diabolica, damnatur.

Diuination sortium ponitur triplex, diuiforia, consultoria, & diuinatoria, quarum euentus quo ad actus humanos à triplici causa expectari potest, scilicet à Cælo, à Fortuna, & à D E O, Primum & secundum sunt mala: tertium



tium verò secundum se non est malū, licet in hoc quatuor modis possit incidere peccatum. primò, si absque necessitate ad sortes recurratur: quoniam videtur pertinere ad DEI tentationem. secundò, si quis eis vtatur in necessitate quidem, sed sine DEI reuerentia. tertio, si diuina oracula ad terrena negotia, hoc est, ad temporalia lucra, & non ad damna vitanda conuertantur. quartò, si quis iam sortibus vtatur in electionis ecclesiasticis, quæ inspiratio ne spiritus sancti fieri debent, secus autem in tēporalibus dignitatibus. Quare Apostoli, Act. i. sortibus consuluerunt absque peccato: nam ibi fuit necessitas, quia implendus erat numerus Apostolorum propter præuaricationē Iudæ. secundò, ibi fuit reuerentia: quia precibus ad Deum fuis, sortes miserunt. tertio, fuit de re spirituali: quia de electione Matthiæ ad Apostolatam. quartò, fuit licita: quia ante Pentecosten factum est, quo tempore plenitudo Spiritus sancti, nondum in Ecclesia erat effusa: propterea Apostoli nō clamantur, quod in electione sortibus consuluerint.

Superstitiosorum poena, secundum leges ciuiles est, quod huiusmodi diuina.

natores, & malefici capite plectantur, vel cremantur, si ad damnum alterius accedant, & eorum bona publicentur: secundum verò Canones, tales si peccatum eorum est occultum, imponitur pœnitentia quadraginta dierum, si notorium Eucharistia eis negatur, & sunt infames, etiam qui ad eos concurrunt. & si reus est clericus, debet deponi, & in monasterium detrudi: quod si est laicus, debet excommunicari, & huiusmodi omnes, si peccatum eorum est notorium, sunt irregulares, licet cum eis Episcopus dispensare valeat.

## DE SVSPENSIONE.

**S**Vpensio est censura Ecclesiastica: qua executio, & usus beneficiorum, vel officiorum, aut ordinum, seu iurisdictionis ad tempus personæ ecclesiasticæ interdicitur. Suspensio differt ab excommunicatione, præcipuè in duobus. primò excommunicatio privat reum communionem fidelium, & passiva participatione Sacramentorum: Suspensio verò neutrum præstat. secundò, excommunicatio impedit absolutionem à peccatis: Suspensio autē non. Item differt ab interdicto pariter in

duobus. primò, interdictum etiam propter alienam culpam incurritur: Suspensio verò, solum per propriam culpam, secundò, interdictum se extendit ad clerum, & ad populum. Suspensio autem propriè clericos tantum respicit. Tertiò, differt ab irregularitate in tribus. primò, irregularitas importat priuationem executionis, & susceptionis ordinum: Suspensio verò importat priuationem executionis ordinum tantum. secundò, irregularitas respicit clericos, & laicos: Suspensio autem ad clericos solum se extendit. tertiò, irregularitas sexum virilem duntaxat respicit: Suspensio verum utrumque sexum, quia Abbatisa, & Priorisa possunt quidem suspendi à suis officijs, non tamen possunt fieri irregulares, cum non sint capaces ordinum Ecclesiasticorum.

Suspensio minor dicitur duplex, scilicet minor, quæ improprie, duobus modis incurritur, videlicet propter quodcunque peccatum, quo homo existens, participat in Sacramentis, propter participationem in quibus contrahitur: ma-

maior verò, quæ propriè dicitur Suspensio, duplex est, scilicet à iure, & ab homine. Suspensio à iure, in multis casibus incurritur. primò, Episcopi, qui ordinant solenniter pœnitentem bigamum, illegitimum absque dispensatione, inuitum, aut monachum, sine licentia sui superioris, ipso facto sunt suspensi. secundò Episcopi, & maiores concedentes domos vsurarijs manifestis alienigenis ad fœnus exercendum. tertio, Episcopi, qui contra conscientiam, & iustitiam omittunt procedere in crimine hæresis contra aliquem, vbi esset procedendum. quartò, clerici concubinarij notorij, intellige notorietate, tam facti, quàm iuris. quintò, clerici eligentes indignum, & confirmantes talem. sextò, clerici consentientes electioni de se factæ, per potestatis secularis abusum, & tales sunt ineligibiles: vnde negligentes talem prima vice sunt suspensi. septimò, clerici aggrauantes Ecclesias sibi commissas, pro debitis alienis. octauò, Clerici qui suscipiunt, vel offerunt duellum. nonò, non seruantes interdictum. decimò, Iudices Ecclesiastici ferentes sententiam excommunicationis, ordine iuris non seruato. vndecimò, Prælati, & Clerici qui

qui submitunt bona, seu iura Eccle-  
siarum laicis sine consensu capituli, &  
licentia sedis Apostolicæ. duodecimò,  
Visitatores qui exigunt pecuniam, vel  
munera. decimotertiò, Clerici celebrā-  
tis in locis interdictis, vel præsentibus  
publicè excommunicatis, siue interdi-  
ctis, & recipientes eos ad Sacramenta,  
vel sepulturam Ecclesiasticam. decimo  
quartò, Clerici excommunicati, degra-  
dati, & non seruantes interdictum. de-  
cimoquintò, Clerici, qui recipiunt ad  
communione, vel ad oblationem al-  
taris vsurarios manifestos. decimosex-  
to, qui ordinant, & ordinantur simo-  
niacè. decimoseptimò, religiosi, qui ac-  
cedunt venationes. decimo octauò, ha-  
bentes beneficium, si infra annum nō  
suscipiunt ordinem, illi annexum, cum  
prædictis, ipso facto sunt suspensi: Ve-  
rùm Episcopi omnem suspensionem à  
iure, quam Canon alteri non reseruat,  
relaxare possunt: quinimò iam vigore  
sacri Conc. Trident. sess. 24. de reform.  
cap. 6. Episcopi in omnibus irregulari-  
tatibus, ac suspensionibus ex delicto  
occulto prouenientibus, excepta ea  
quæ oritur ex homicidio voluntario,  
& etiam in hac, si casu vel defensionis  
gratia commissum fuerit homicidiū,  
supra

supra sess. 14. de reform. cap. 7. non solum in minoribus, sed etiam in maioribus ordinibus, dispensare possunt: seruatis tamen contentis in decreto.

Suspensio ab homine vt teneat, debet fieri in scriptis, & monitione premissa, maxime quando est propter contumaciam, & non propter delictum principaliter: nullus tamen Episcopus, vel superior sententiam interdicti, seu suspensionibus impositam à iure, vel à iudice incurrit, nisi de eis fiat specialis, & expressa mentio. Suspensio si imponatur à iure, vel ab homine, sic donec satisfeceris, vel poenitueris, facta satisfactione, siue poenitentia, ipso facto relaxatur, si verò imponatur simpliciter, tunc necessaria est absolutio, quæ solo verbo, sub ista forma fiet; Ego absoluo te à vinculo suspensionis, quàm incurristi, propter talem causam, & restituo te executioni ordinum, vel officiorum tuorum, in nomine Patris, & Filij, & Spiritus sancti. Suspensio si est à iure facta, ab ea Episcopus absoluet, nisi conditor canonis sibi, vel alteri hoc reseruauit, si autem est ab homine facta, tunc absoluet qui tulit, vel eius superior, tres tamen ponuntur casus, in quibus suspensus non potest restitui à  
su.

suspensore, sed solùm à Papa. Primò, Clerici, vel regulares qui exhibuerunt Sacramenta hæreticis, aut eos receperunt ad oblationem, vel sepulturam Ecclesiasticam. secundò, prælati, & superiores, qui beneficia Ecclesiastica indignis post primam, & secundam monitionem contulerunt. tertiò, Clerici, qui ob aliquod graue crimen fuerunt degradati; in his enim tribus casibus, cum suspensis solus Papa dispensat.







D E

## TESTAMENTO.

**T**estamentum est voluntatis nostræ iusta sententia, de eo, quod quis post mortem suam fieri vult, cum hæredis institutione. dicitur iusta sententia; quoniam si est iniusta, puta quia vult exhæredare filium sine causa, vel præcipit corpus suum iactari in mare, aut est contra bonos mores, pietatem, seu verecundiam, non tenet. dicitur cum institutione hæredis; quia Testamentum sine hæredis institutione, nullum est. Testamentum communiter ponitur duplex, quoddam dicitur nuncupatium, quod potest fieri sine scriptis, alijsque solennitatibus Iuris positivi, & tale testamentum tenet, dummodo coram legitimis testibus, ipse testator explicet nomen hæredis, legata, aliasque institutiones, etiam sine præsen-

sentia notarij; quoddam verò dicitur Testamentum solenne, & in scriptis, quod quis facere potest, quando non vult aliquem scire suam dispositionē.

In Testamento secundum iura ciuilia, vt valeat, septem testes legitimi, & rogati requiruntur, fallit tamen hæc doctrina in quatuor casibus. primò, in Testamento cæci, in quo octo testes sunt necessarij. secundò, in Testamento rustici, ruri facto, in quo quinque testes sufficiunt, vbi plures inueniri nequeunt. tertio, in dispositis ad pias causas, in quibus duo testes sufficiunt. quarto, in Testamento facto in præsentia Imperatoris, in quo vnus testis sufficit. Verùm hæc solennitas legis ciuilis circa Testamentum condendum, quo ad septenarium numerum testium, est correctæ per Ecclesiam, quæ statuit, quod Testamentum factum coram duobus testibus, & præbytero parochiali, aut coram quatuor testibus sine præsentia parochi, etiam ad non pias causas, roboris obtineat firmitatem, nedum in foro animæ, sed etiam in foro iudiciali. In testamento secundum iura multi non possunt esse testes. primò, in genere, à Testimonio repellitur quilibet à iure reprobatus. secundò, mulier non

potest esse testis in Testamento, secus in codicilo. tertio hermaphroditus, in quo praevalent muliebria. quarto, servus, nisi communi opinione reputabatur liber. quinto omnis qui non est Testamenti capax: sicut spurius, haereticus, & damnatus de crimine famoso. sexto, is, cui hoc est interdictum per statutum, vel per iudicem. septimo, in Testamento non admittuntur in testes, ipsi executores Testamentorum, neque legatarij.

Testari quatuordecim genera personarum in iure prohibentur. primo, furiosus, seu mente captus non habens lucida intervalla. secundo, mutus & surdus à natiuitate, secus à casu. tertio non valens articulatè loqui: ita ut nomen haeredis, nec exprimere, nec scribere possit. quarto impubes, servus, & filius familias, nisi de peculio castrensi. quinto prodigus, cui administratio à magistratu est interdicta. sexto damnatus ad mortem, vel ad perpetuum carcerem, ex quo bona eius sunt publicata. septimo, manifesti usurarij. octavo, publicè excommunicati, & haeretici, quorum omnia bona ipso iure sunt confiscata. nono, religiosus, qui tria vota substantialia religionis profitetur, etiam si fiat Epi-

Episcopus, nisi ex concessione Papæ. decimò, reus criminis læsæ maiestatis. vndecimò, captivus apud hostes. duodecimò, obses. decimotertiò, damnatus ob crimen famosum, seu libellum in alterius iniuriam: ex alia verò causa infames, testari non prohibentur. decimoquartò, priuatus utroque lumine, tamen nunc si talis testetur, tenet, nisi aliud subsit Canonicum impedimentum.

Testamentum ex multis causis irritatur, rumpitur, vel dicitur nullum. primò, si testator non erat habilis ad testandum. secundò, si non instituit hæredem, vel si instituit non capacem. tertio, si non adsit legitimus numerus testium legitimorum, & rogatorum. quarto, si per secundum reuocetur: Vltimū enim Testamentum semper valet, etsi de primo nulla fiat mentio: fallit tamē in duobus casibus. primò in Testamento facto inter liberos. secundò, quando testator sibi legem induxit, videlicet si fecero aliud Testamentum, nō valeat, nisi de primo fecero mentionem. quintò, Testamentum regulariter est nullū, quando non seruatur solennitas, quò ad eius substantialia, licet in spectantibus ad pias causas Testamentum fa-

ctum

ctum coram duobus testib. legitimis, etiamsi essent mulieres, vel aliàs esset nullum, valeat, atque teneat in omni foro, tam conscientiæ: quàm iudiciali.

Testamenti executores possunt esse plures, & potest esse vnus solus. item, possunt esse laici, clerici separatim, vel mixtim, & religiosi, modò non abstrahantur à seruitio diuinorum, fratribus tamen minoribus hoc prohibetur. itē seruus, surdus, mutus, prodigus, furiosus, & pupillus, secundum iura non possunt esse executores Testamentorum. Deputatus executor Testamenti, si acceptauit tacitè, vel expressè, potest cōpelli per ordinarium diœcesanum, vt officium susceptum exequatur, vel per subtractionem emolumenti relictæ à testatore, vel per censuram Ecclesiasticā, vel alia pœna arbitraria; officium tamen executoris Testamenti, non transit in suum hæredem, nisi testator expresserit.

Testamenti executio ad Episcopum deuoluitur, executore non exequente, vbi duplex monitio præcessit, post negligentiam debentis exequi: regulariter tamen executio Testamenti deuoluitur ad Episcopum, post annum à die mortis, nisi subsit legitimum impedi-

mentum, quo hæredes, seu executores Testamenti, super negligentia executionis, excusari valeant, quorum negligentia circa suffragia; nocet testatori: circa verò restitutionem negligentia executoris, aut hæredis, non nocet testatori, quia non ordinatur ad expiandam pœnam, sicut suffragia, vnde anima defuncti, etiam ante factam restitutionem, vbi illud nō obstat, nisi ob meram negligentiam executoris Testamenti, seu ultimæ voluntatis defuncti, intrat cœlum Hæredis negligentia circa executionem Testamenti, quandoque punitur pœna imposita ab ipso testatore, nisi ipse testator præcepisset turpè, vel inhonestum in Testamento exequi: quandoque punitur à iure, pœna autem, qua secundum iura hæres, propter negligentiam executionis Testamenti punitur, est quod in relictis ad non pias causas si intra annum, à die monitionis factæ per iudicem, non impleuerit voluntatem defuncti, priuari potest tota hæreditate: in relictis verò ad pias causas, sufficit lapsus sex mensium à publicatione Testamenti, praestamen habet contra hæredem negligentem in relictis ad pias causas, vt primò interdicantur omnes redditus,

& ex

& ex illis satisfiat, si fieri potest, quod si contumacia perseveret, priuabitur tota hæreditate, etiam si sit filius, in relictis verò non ad pias causas, sic pariter procedendum est, sed salua legitima, si hæres sit filius.

## DE TESTIBVS.

**I**N teste, vt nulla legitima exceptione repelli possit, septem desiderantur, scilicet conditio, sexus, ætas, discretio, fama, fortuna, & fides. primò, dicitur conditio, quia seruus non admittitur in testem pro domino, vel contra dominum. secundo, dicitur sexus: quia mulier in criminalibus criminaliter, ac in Testamentis à testimonio repellitur. tertio, dicitur ætas, quia in causa ciuili requiritur pubertas in teste, in criminalibus vero, ætas viginti annorum. quarto, dicitur discretio: quia furiosus, mente caprus, nisi habeant lucida interualla, non possunt esse testes. quinto dicitur fama: quia infames præcipuè in criminalibus, à Testimonio repelluntur. sexto, dicitur fortuna: quia magis diuiti, quàm pauperi, propter periculum corruptionis, creduntur. septimo, dicitur fides, quia infidelis contra



fidelem, non admittitur in testem. Adduntur etiam alij qui exceptionem patiuntur, ne possint esse testes in Iudicio. primo, sunt consanguinei, seu affines. secundo, inimici rei, & amici actoris. tertio, laicus contra clericum in causa criminali criminaliter. quarto, socius criminis, nisi in crimine læsæ maiestatis, & simoniæ. quinto, criminosis perseverans in crimine, qui si se emendauerit, potest esse testis in causa ciuili. sexto, obscuro & ignoto, nisi cum tormentis, aut verberibus. septimo, exutores negotiorum, qui in ipsa causa fuerunt actores, vel responsales: imo qui fuit procurator, vel aduocatus in priori Iudicio non recipitur in testem in causa appellationis.

In qualibet causa regulariter vnus testis non sufficit: quia vox vnus, vox nullius, sed duo ad minus sunt necessarij, licet vnus testis, faciat præsumptionem, & quandoque probationem, sicut Papa, & Cardinalis in dictis, seu factis coram eo. idem vnus testis potest facere probationem in his, in quibus nõ fit alteri præiudicium, puta an Ecclesia sit consecrata, an aliquis sit baptizatus, an ægrotus petierit confessarium, & huiusmodi, vel vbi agitur ad peccatum

impediendum, puta ne matrimonium contrahatur inter certas personas, v- nus testis potest impedire. In Testamē- tis requiruntur septem Testes, in pur- gatione Canonica, numerus Testium trahitur arbitrio boni Iudicis, secun- dum quod infamia, vel crimen sunt magis, aut minus gravia. Ad condem- nationem Cardinalis Episcopi, requi- runtur septuaginta duo Testes. ad con- demnationem Præsbyteri Cardinalis, quinquaginta quatuor. Diac. Cardina- lis, viginti quatuor. contra vero alios quoscunque, ad condemnationem Te- stimonium duorum sufficit, qui debēt concordare in omnibus circumstā- tijs contentis, in hoc versu Res, perso- na, locus, gradus, hæc sint consona tem- pus, secūs sint singulares, & per conse- quens non probant, quod si Testes sint numero, atque dignitate pares, eo casu sententia datur pro reo, nisi in matri- monio, in causa libertatis, in testamen- to, & pro dote.

Testis requisitus autoritate superio- ris ad testificandum: tenetur ferre Te- stimonium, solum, in his quæ exigun- tur ab eo, seruatō ordine iuris, & eo ca- su, non testificando, peccaret mortali- ter, vtpote agens contra obedientiam,

& charitatem, non iuuando proximu,  
 vel commune bonum cum debet. Qui  
 nimo etiam non requisitus ad euitan-  
 dum iniustum damnum, tenetur face-  
 re quod in se est, denunciando verita-  
 tem ei, qui potest prodesse, quæ doctri-  
 na etiam in sacerdotibus, & religiosis  
 habet locum, præterquam in causa, in  
 qua non licet, eis ferre testimonium, vt  
 in causa sanguinis. Falsum testimoniu  
 quoniam habet deformitatem periu-  
 rij, violationis iustitiæ, & mendacij,  
 ideo ex genere suo est peccatum mor-  
 tale, contra præceptum Decalogi octa-  
 uum in ordine, & secundum iura Te-  
 stis falsus, qui iuratus, & examinatus  
 deponit falsum, punitur pœna talionis,  
 nec eum excusat merus authoritatis,  
 sed talis in conscientia tenetur de toto  
 damno scienter, vel ex ignorantia in-  
 debita, proximo illato: vnde Testis le-  
 gitimè requisitus ad testificandum, vt  
 propriæ conscientiæ satisfaciat, debet  
 dubium sub dubio, & certum sub cer-  
 titudine proferre.

## DE TUTELA.

**T**utela est potestas à iure data, &  
 permissa in capite libero ad tuen-  
 dum

dum eum, qui propter ætatem suam, spontè se tueri nequit: vnde tutor dicitur, qui pupillum, vel pupillam, morte patris, vel emancipationem iuris factum, vel factam tuetur: Curator vero dicitur, qui datus legi intè, res adolescentis administrat: vnde tutor & curator in tribus potissimum differunt. primo, tutor principaliter datur personæ, & secundario rebus, siue patrimonio: curator vero primario datur rebus, & secundario personæ. secundo, Tutor datur impuberi: curator autem datur adulto, scilicet furioso, prodigo, surdo, muto, & huiusmodi, qui rebus suis præesse nequeunt. tertio, Tutor datur quandoque à Iudice, quandoque à testatore, & etiam inuito datur, secùs in curatore.

Tutela est triplex. prima dicitur testamentaria, vt quando pater dat filio tutorem in Testamento. secunda dicitur legitima, quæ defertur à Lege, quando nullus tutor datus est filio à patre per Testamentum, quam tutelam, ille qui primo loco deberet ab intestato huic succedere, tenetur accipere. tertia dicitur datiuæ, quæ scilicet à Iudice datur, quando nullus tutor est datus in Testamento, & nullus extat consanguini.

neus, idoneus ad Tutelam, & huiusmodi Tutela durat, vsque ad decimum quartum annum completum pupilli, & duodecimum pupillæ, & inde incipit cura, quæ durat vsque ad viginti quinque annum pupillorum completum, similiter & Tutor triplex est scilicet testamentarius, legitimus, & datiuus.

In iure à Tutoris officio aliqui repelluntur, vt pupillus, furiosus, laborans perpetuò morbo, & mulier nisi speciali beneficio Iudicis fuerit suffulta, verum mater potest esse tutrix suorum filiorum, & præfertur legitimis, seu datiuis Tutoribus, si duo ab ea obseruentur. primò, vt continenter viuat. secundò, vt renunciet secundis nuptiis, vnde mater perdit Tutelam filij, si incontinenter viuat; aut ad secundas nuptias transeat.

Clerici, minus Monachi, non possunt cogi ad recipiendum aliquam Tutelam, & hoc est eorum priuilegium, nempe, vt possint alicui succedere ab intestato, tamen Tutelam recipere non teneantur. Clerici si volunt, possunt legitimam recipere, non autem testamentariam, neque datiuam: Episcopus verò, & Monachus, nec legitimam recipere

pere possunt, nisi agatur de miserabilibus personis, quarum Tutelam religiosi, Clerici & Episcopi recipere tenentur, intellige cum ista moderatione, Episcopum non per seipsum, sed per archipræbiterum, vel Archidiaconum, religiosi verò de licentia, & consensu suorum Prælatorum, Tutelam miserabilium personarum, recipere possunt.

Ad officium Tutorum, tria potissimum pertinent. primò, ut pupillos à criminibus intactos conseruent. secundò, ut res eorum ab iniuria præseruent: nam dicti sunt Tutores, quasi tutores. tertio, ut ex eorum bonis fructus possibiles, deductis expensis, & periculis diligenter percipiant, & in utilitatem ipsorum pupillorum conuertant, secus tutor tenetur de negligentia, & de damno. Insuper Tutores tenentur facere inuentarium de rebus pupilli in præsentia publicarum personarum, vel saltem vnius notarij, (præsentia enim iudicis in confectione inuentarij, non est necessaria) statim vbi Tutelam susceperunt, nisi causa iustissima, puta vel infirmitas, vel quia non adsunt bona, impediantur.



D E

## VENATIONE.

**V**enatio est exercitium ordinatum ad captionem animalium terrestrium. aucupium ad captionem avium & piscatio piscium, quæ omnia, ut inquit D. Thom. secundum se, & à natura sunt licita, etiam festiuis diebus, eo modo, quo & aliæ recreationes si causa recreationis fiant, secus si causa lucri fiant, vel diuina omittantur.

Venatio clamorosa Clericis interdictur: ponere autem laqueum, vel rete, sine strepitu & clamore illis etiam licet. Quinimo Prælati, & alij Ecclesiastici causa necessitatis, puta si in hoc habent redditus, & recreationis, cum retribus, laqueis, & canibus secundum Patrum norm. venari possunt aliquando, dummodo inde munia sua non negligant, tempore autem prohibito dominus volentibus venari, serui non tenentur obedire,



dire, metus tamen quandoque illos excusat, vt si dominus soleat non obtemperantes mandatis suis tyrannicè tractare.

Venatores conculcantes agros, vineas, & segetes, & quorum canes occidunt pauperum animalia, puta gallinas, tenentur ad restitutionem ad æstimationem bonorum virorum, secus mortaliter peccant, nisi damnum sit adeò modicum, quod pro certo habeatur, illos quibus damnum est illatum non curare.

Domini qui propter lepores, & alia animalia syluestria capta, pœnam mortis, aut mutilationis infligunt, & hoc faciunt liuore vindictæ, vel amore huiusmodi animalium, aut venandi, peccant mortaliter, si verò ob loci consuetudinem, vel ratione statuti id fiat, vix tales adhuc à mortali excusantur; nam pro vno actu venandi tantam pœnam infligere, seueritatem, ne dicam iniustitiam sapit. Concilium Tridentinum, sess. 24. de reformat. cap. 12. de Clericis maximè Canonicis Ecclesiarum Cathedralium ita in hac materia decernit & præcipit, Vestitu decenti tam in Ecclesia, quàm extrà assidue vtantur, ab illicitis venationibus, aucupijs, cho-

reis, tabernis, lufibusque abftineant, atque ea morum integritate polleant, vt merito Ecclefiae Senatus dici poffint.

## DE VICARIO.

**V**icarius Ecclefiafticus, de quo nūc intendimus, duplex eft, fcilicet perpetuus, & temporalis. Vicarius perpetuus Ecclefiae parochialis, qui habet curam animarum, authoritate Epifcopi eft institutus, certam percipit portionem, & non poteft per rectorem Ecclefiae remoueri, ac fi Ecclefiam fibi intulata haberet, licet fit amouibilis ex iufta caufa per Epifcopum, patrono, feu rectore Ecclefiae super hoc admonito: nam ficut in constitutione vicarij perpetui fecundum iura consensus rectoris, & patroni Ecclefiae requiritur: ita etiam in eiusdem reuocatione, cum agatur de praeiudicio vtriusque: verum in hoc cafu tales funt vocandi, & citandi, non vt cum Epifcopo iudicent, fed vt defendant vicarium, feu fua iura fi velint: quod fi admoniti non comparent, aut ius suum non defendunt, tunc videntur confentire: vicarium tamen temporalem, folus Epifcopus dare poteft,

testi, quinimò ex causa etiam perpetuū inuito rectore, & patrono potest instituere, & ius vnius Ecclesiæ dare alteri. Vicarius perpetuus habet curam animarum indistinctè, propterea debet agere, viginti quinque annum, ac promoueri ad sacerdotium intra annum, aliàs, ipso facto est priuatus, neq; duas vicarias habere potest, & si perceptio prouentuum spectet ad vicarium, & certa portio assignetur rectori Ecclesiæ, tunc cura animarum, & vendicatio fructuum in foro contentioso pertinent, ad ipsum Vicarium: si verò perceptio prouentuum spectet ad principalem, certa portione relicta Vicario, eo casu cura animarum in foro animæ, incumbit quidem Vicario, sed in foro contentioso cura animarum, & vendicatio fructuum, pertinet ad ipsum rectorem Ecclesiæ.

Vicarij temporales etiam sunt in duplici differentia quidam dicuntur vicarij simpliciter, seu generales, id est ad omnia loca, & negotia consueta: quidam verò dicuntur vicarij secundum quid, hoc est, quo ad aliquem locum, & quo ad aliquem actum determinatum, quorum authoritatem ex cōmissione mensuramus, & tales sunt vicarij,

carij, vel Papæ, vel Episcopi, seu aliorum prælatorum, aut rectorum Ecclesiarum parochialium. Vicarius Papæ eo absente in vrbe, habet plenam iurisdictionem, quo ad causarum cognitionem: ultra autem urbem, eius iurisdic-tio non extenditur, neque potest in vrbe conferre beneficia spectantia ad collationem Papæ, seu inferiorum. itē non potest ordinare, nec literas commendatitias, seu dimissoriales ad ordines recipiendos, aut conferendos dare, nisi specialiter ei concessum sit. Vicarius Episcopi duplex est, generalis, & foraneus, sic dictus, quia foris in diocesi constituitur. Vicarius generalis Episcopi, habet iurisdictionem ordinariam, & facit idem consistorium, atque tribunal cum Episcopo: Vicarius verò foraneus, non habet iurisdictionem ordinariam, sed delegatam, & non facit idem tribunal cum Episcopo, qui potest constituere sibi Vicarium, ampliare, restringere eius potestatem, imò & amouere sine cōsensu sui capituli: mortuo autem, vel excommunicato Episcopo, iurisdic-tio Vicarij cessat, cum vnū sit tribunal Episcopi, & sui Vicarij.

Prelati, habentes curam animarum, & beneficiati licet regulariter tenean-

tur residere in proprijs Ecclesijs, seu beneficijs: tamen in octo casibus possunt residere per Vicarium. primò, ratione iustæ occupationis, sicut excusatur Episcopus, qui degit in curia Romana, ex præcepto Papæ, pro maiori seruitio Ecclesiæ Dei. secundò, ratione statuti, vel consuetudinis, quam superiores sciunt, & tolerant. tertio, ratione privilegij, siue dispensationis. quarto, ratione diversorum rituum, & linguarum existentium sub eodem Episcopo. quinto, ratione defectus, seu debilitatis superuenientis. sexto, ratione necessariæ professionis, puta quia est cruce signatus. septimò, ratione professionis utilis, ac honestæ: ut causa studiorum, deuotæ peregrinationis, & similium cum licentia Prælati. octauò, quando quis habet præbendam in Ecclesia cathedrali, cui annexa est parochia: tunc in annexa seruiet per Vicarium. Additur quod ultra prædictos casus, Vicarius potest etiam dari ratione religionis, siue diuini cultus augmentandi, maximè quando Ecclesia redditibus abundat.

## DE VNCTIONE Extrema.

**V**Nctio vt docet Petr. de Pal. in 4. sentent. distin. 43. est triplex. vna, quæ nec Sacramentum, nec Sacramentalis est, vt Vnctio regum: talis enim non est Sacramentum, quia per se gratiam non causat, nō est sacramentalis: quia non ordinatur ad aliquod Sacramentum perficiendum, vel suscipiendum. Secunda, quæ est sacramentalis, & non Sacramentū, vt vnctio catechumenorum, & vnctio baptizati in vertice; nam huiusmodi vnctiones per se non causant gratiam, sed illa ordinatur ad Sacramentum Baptismi suscipiendum, ista ad perficiendum. tertia, quæ est Sacramentum per se, & est duplex scilicet chrismatis in fronte per Episcopum, & olei sancti per Sacerdotem in extremis, de qua nunc intendimus. Quod vnctio extrema sit Sacramentum nouæ legis patet, quia per ipsam, vt habetur Iacobi 5. condonantur peccata. Accedunt definitiones Conciliorum, Florentini celebrati sub Eugenio IV. decret. 5. & Trident. sess 14. de Extr. Vnct. cap. 1. item testimonia sanctorum

etorum patrum Chrysostom. lib. 3. de sacerdotio, Cyrilli lib. 2. in Leuit. Aug. lib. 2. de visitatione infirmorum. Hoc Sacramentum, Christus instituit, Luc. 10. quando misit discipulos curare infirmos Hoc Apostoli sunt vsi, Marc. 6. & D. Iacobus, vt habetur in sua Epist. cap: 5. fuit eius promulgator.

Materia huius Sacramenti, secundum omnes Doctores, est oleum oliuarum consecratum ab Episcopo, vti accipitur ex promulgatione D. Iacobi 5. & ex vsu Apostolorum, Mar. 6. Quare si vnctio extrema in alio oleo, quam oliuarum administretur, vel ipsum misceatur, ita quod propter mixturam species eius mutetur, non tenet: secus si misceatur, aut componatur ex diuersis, salua eius specie; quia compositum ex diuersis assumit naturam simplicis dignioris, & magis dignum trahit ad se minus dignum.

Forma autem Sacramenti extremæ vnctionis est deprecatiua, iuxta illud Iacobi 5. Oratio fidei sanabit infirmum, & est ista: Per istam sanctam vnctionem, & suam pijsimam misericordiam, indulgeat tibi Deus quicquid deliquisti per visum, per auditum, odoratum, gu-



gustum, tactum, gressum; repetendo tamen semper, Per istam sanctam Vnctionem, &c. quam formam ex usu Ecclesiæ, & ex verbis D. Iacobi accipimus; inquit in sua Epist. cap. 5. Infirmitur quis in vobis inducat præsbyteros Ecclesiæ, & orent super eum, vngentes eum oleo in nomine Domini, & oratio fidei saluabit infirmum, & alleuiabit eum Dominus, & si in peccatis sit, remittentur ei; ex quibus verbis habemus materiam, formam, causam principalem, ministerium, & effectum huius Sacramenti. materiam ibi, vngentes eum oleo; formam ibi, orent super eum; ministerium ibi, inducat præsbyteros; causam principalem ibi, in nomine Domini. effectum ibi, & si in peccatis sit, remittentur ei.

Effectus huius Sacramenti principalis, vt docet D. Thom. 4. sentent. est remissio peccati venialis, & mortalis, quo ad culpam, nisi ponatur obex, & roboratio spiritus contra debilitatem relictam ex peccato actuali, vel originali, quem effectum Iacobi 5. accipimus, secundarius verò effectus vntionis extremæ, est sanatio corporis, secundum quod expedit principali fini, id est, sanationi Spiritus, quem effectum.

Mar.

**Mar. 6.** habemus, & licet in administratione huius Sacramenti plures vnctiones fiant, tamen in vltima vnctione, quæ est formalis respectu priorum, gratia, & effectus Sacramenti confertur.

Minister extremæ Vnctionis, vt habetur Iacobi 5 est proprius Sacerdos, vel alius de eius licentia, verum proprius Sacerdos non est de necessitate Sacramenti, sed solum de necessitate præcepti, propterea si ab alio Sacerdote conferatur, tenet, sed ipse peccat, & pœnam Canonis incurrit, conferri autem debet Sacramentum extremæ Vnctionis adultis infirmis in periculo mortis, ex ipsa infirmitate, vel senectute constitutis duntaxat, ijs ergo quibus mors imminet, non ex defectu naturæ, sed euentu fortunæ, hoc Sacramentum extremæ vnctionis administrari non debet, vt nauigantibus, euntibus ad bellum, siue ad mortem condemnatis.

Sacramentum extremæ Vnctionis septem partibus corporis exhiberi debet, debent enim inungi instrumenta, seu organa quinque sensuum, scilicet oculi, aures, nares, labia, & manus, propter vim cognoscitiuam, cum omnis nostra cognitio ortum habeat à sensu; item iniungi debent pedes, propter vim

motiuam, & renes propter vim appetitiuam : in carentibus autem prædictis membris, vnguntur loca propiora, nam sicut vis cognoscitiua, appetitiua, & motiua sunt in nobis principia agendi, ita & peccandi, propterea dictæ partes corporis, & non aliæ vnguntur, verum vinctio locorum quinque sensuum secundum omnes, est de necessitate Sacramenti, vinctio verò pedum, ac renū, non sunt de necessitate Sacramenti, ideò aliqui ab eis abstinent, maxime ab vinctioe renum cum mulieribus, propter quandam decentiam.

## DE VOTO.

**V**otum à voluntate tanquam à primo mouente rationem ad vouendum, dictum est, sicque a sacris doctoribus definiri solet. Votum est deliberata, spontanea, discreta, & possibilis promissio, Deo facta ab existente in libertate de bono consilij vel præcepti, cum intentione obseruandi: vnde ad votum quinque necessario requiruntur. primo, materia, quæ est bonum consilij, vel præcepti, licet propria eius materia sit bonum consilij. secundo, requiritur discretio cum deliberatione. tertio, liber-

bertas intrinseca, & extrinseca, id est, mentis & corporis. quãtò, requiritur possibilitas. quintò, intentio obseruandi, & obligandi se. defectu primi, Votum factum de re turpi, seu illicita, non tenet, quinimò sic vouens peccat. defectu secundi, votum factum ex primo motu absque præmeditatione, nõ obligat. defectu tertij, votum factum ab his, qui sunt in potestate aliena, vt filius, seruus, vxor, & religiosus, est nullum, nisi de licentia maioris fuerit emissum. defectu quãrti, possibilitate non existente, obligatio voti tollitur, neque tenetur Vouens per alium illud implere, nisi in voto expressisset. defectu quinti. votum factum fictè, & simulatè, non tenet cum desit intentio, licet sic vouens peccet, & talis in foro contentioso potest cogi ad implendum votum, quia fraus & dolus nulli debent patrocinari.

Votum in genere communiter duplex ponitur, scilicet simplex, & solenne, quæ æqualiter obligant quò ad Deum, non tamen quò ad Ecclesiam, quæ non iudicat de occultis, nisi quatenus procedunt ad extra. Votum simplex est spontanea promissio, Deo facta de bono consilij, seu præcepti, absque solen-

lennitate exterius exhibita, & persona publica acceptante, Votum vltro solenne, est spontanea promissio Deo facta publicè, de bono consilij, aut præcepti, solennitate exterius exhibita, coram persona publica præcipiente, & acceptante, solennizatur autem votum tripliciter, videlicet per susceptionem Baptismi, per susceptionem Ordinis sacri, & per professionem religionis approbatæ, verùm in specie præcipua vota sunt tria, obedientiæ, paupertatis, & castitatis, quæ in sacris literis fundamentum suum habent: votum obedientiæ, Matth. 16. Si quis vult venire post me (inquit Christus) abneget semetipsum, collat crucem suam, & sequatur me. votum paupertatis, Matth. 19. Si vis perfectus esse, vade, & vende omnia, quæ habes, & da pauperibus, & sequere me. votum castitatis ibidem, Sunt eunuchi, qui se castrauerunt propter regnum Dei.

Votum debite factum, obligat voventem ad eius observantiam duplici iure, naturali scilicet, & diuino. Iure naturæ, quia non stare promissis est vitiū contra virtutem veritatis, & fidelitatis, item quia natura singulis dicit, Quæcunque vultis ut faciant vobis homi-

nes,

nes, facite & vos illis. Iure diuino, Nu.  
30. Si quis votum Domino vouerit,  
aut se constrinxerit iuramento, non fa-  
ciet irritum verbum suum, sed omne,  
quod promissit, implebit. Deuteron. 23.  
Cum votū voueris Domino Deo tuo,  
non tardabis reddere Eccles. 5. Si quid  
vouisti Deo, ne moreris reddere, displicet enim ei, infidelis & stulta promissio. Psalm. 75. Vouete, & reddite Domino. & rursus Psalm. 95. Redde altissimo vota tua Quare vouere est voluntatis, reddere autem est necessitatis, verū ob hanc rationem homo non debet se alienare, vel subtrahere ab hoc actu religionis externo, sed potius circa illū, & in illo se exercere, quoniam opus factum ex voto, est magis meritorium, opere facto absque voto, triplici ratione. primò, quia opus bonum factum ex voto, est actus virtutis, & latriæ, opus verò bonum factum sine voto, est actus virtutis tantum. secundò, quia homo per opus factū ex voto, se subijcit Deo quantum ad actum, & quantum ad potestatem, sed per opus factum absque voto, se subijcit Deo solū, quantum ad actum. tertio, quia homo per opus factum ex voto, implet præceptum, & consilium, per opus verò factum absq;  
voto,

Voto, consilium tantum implet, ergo ex his rationibus patet, quod opus factum ex voto, sit magis meritum, quam sit opus factum sine voto.

Circa irritationem votorum, ut præsens doctrina facilius intelligatur, quædam conclusiones, ponuntur, quarum prima est ista, Pater Vota filiorum, & filiarum irritare potest, tutor vota pupillorum, curator vota minorum, vir vota uxoris, dominus vota serui, & Prælati vota subditi: intellige tamen quod ad vota, quæ nominati sine consensu prædictorum emittere nequeunt. Secunda conclusio, Omne votum impuberis personale & reale, pater siue tutor irritare possunt. Tertia conclusio, Votum reale, id est, factum de rebus dâdis, minoris annorum viginti quinque, pater siue curator irritare possunt: quia in votis talium subintelligitur cōditio, si placuerit meis superioribus, qua non existente, obligatio voti tollitur. Quarta conclusio, Votum puberis religionis approbatæ, pater siue curator irritare nequeunt: sed ipsis inuitis, potest illa ingredi, & profiteri. Quinta conclusio, Obligatio voti semel legitimè extincta, non reuiuiscit, vnde mortuo irritante, vel eius potestate expirante



re impubes, vxor, filius, seruus, siue subditus, non tenetur implere, nisi deinde tali voto cōsentiāt, seu iterum voueat. Sexta conclusio, Prædicti tenentur omnia sua vota complere, expirante potestate superioris, si non fuerunt legitimè irritata. Septima conclusio, Superiores irritando prædictorum vota, nō peccant quia vtuntur iure suo, nisi malitiosè irritent, quo tamen casu subditi eis obedire debent, quia inferior non habet iudicare de intentione superioris præcipientis, aut de eius præcepto, in quibus potest præcipere.

Circa dispensationem votorum pariter, vt res clarior appareat, quædam conclusiones ponuntur. Prima est, In votis dispensari potest, in quantum in aliquo casu, illud quod cadit sub voto, est simpliciter malum, vel inutile, vel impedimentum maioris boni, quod est contra id. quod cadit sub voto. Secunda conclusio, Quicumque potest in voto dispensare, potest etiam illud commutare, licet hæc duo inter se differāt, quia dispensatio tollit votum ex toto, id est, quò ad materiam, & quò ad vinculum, commutatio verò tollit votum, tantum ex parte, id est, quò ad materiā, & non quò ad vinculum. Tertia conclusio,

Cc

clusio, Papa licet non possit tollere, vel mutare ius diuinum, aut naturale, tamen vtriusque declaratio, determinatio, & decisio pertinet ad ius positiuū, ac per consequens ad Papam. Quarta conclusio, Papa potest ex causa rationabili dispensare in omni voto, etiam continentiae. Quinta conclusio, Solus Papa dispensat in votis perpetuis, scilicet, continentiae, & religionis. Sexta conclusio, Solus Papa dispensat in quatuor votis, sibi secundum morem curiae reseruatis, nempe continentiae, peregrinationis terrae sanctae, Apostolorum Petri, & Pauli, & in voto peregrinationis Sancti Iacobi in Compostella, in alijs verò votis, Episcopi & Superiores, puta Archiepiscopi, & Patriarchae dispensare possunt. Septima conclusio, Papa, secundum omnes, potest dispensare in voto continentiae solennificato susceptione Sacri Ordinis, in voto autem continentiae solennizato professione religionis approbatæ, secundum aliquos, inter quos est D. Th. 2.2. quæst. 88 art. 1. dispensare non potest, licet maior pars Doctorum oppositum teneat, D. tamen Thomas innitur illis verbis, quæ habentur Leu. cap. ultimo, vbi legitur: Animal quod im-

mo-

molari potest Domino, si quis vouerit, sanctificatum erit, & mutari non poterit. Octaua conclusio. Summus Poenitentiarius potest dispensare in voto religionis, commutando vnam Religionem in aliam. Nona conclusio: Episcopus potest dispensare in voto temporalis, & simplici continentie, seu Religionis. Decima conclusio: Omnia vota auctoritate iuris, etiam sine dispensatione commutantur in votum Religionis, quia tanquam perfectum alia includit; item quia est melius, & Deo acceptius. Vndecima conclusio, In dispensatione, & commutatione votorum, regulariter requiritur authoritas Superioris, vnde nullus propria auctoritate votum suum in melius commutare potest, nisi commutetur in votum religionis approbatæ. Duodecima conclusio, Si quis vouit intrare Religionem, vel adire terram sanctam, non potest aliud supponere loco sui, sine licentia Papæ. Decimatertia conclusio. Dispensatio uotorum ut teneat, salua, ac tuta conscientia dispensantis, ac uouentis, duo requirit, auctoritatem in dispensante, & causam legitimam in uouente. Decimaquarta conclusio, Causæ legitimæ, & rationabiles dispensandi, uel com-

mutandi uota, ſunt tres, ſcilicet ſi id, quod cadit ſub uoto, ſit malum, uel inutile, uel maioris boni impeditiuum.

## DE VSVRA.

**V**ſura, ſecundum etymologiam uocabuli, dicitur quaſi æris uſus, & à D. Thom. 2. 2. quæſt. 78. art. 1. ſic diffinitur: Vſura eſt lucrum ex mutuo, pacto, uel intentione principali, id eſt, ſine qua actio non fieret, proueniens, & communiter à ſacris Doctoribus ponitur duplex, ſcilicet mentalis, & extrinſeca, ſeu formalis. Vſura mentalis eſt lucrum ex mutuo ſperatum: Vſura uerò formalis, & extrinſeca, eſt lucrum ex mutuo, pacto interueniente inter dantem & accipientem, utraque in ſacris literis prohibetur, & ex genere ſuo peccatum mortale eſt. mentalis Luc. 6. Mutuum date, nihil inde ſperantes: externa Leuit. 25. Si attenuatus fuerit frater tuus, non accipies ab eo uſuram, Deut. 23. Fratri tuo abſque uſura, id quod indiget, accommodabis, ut benedicat tibi Dominus in omni tempore tuo. Itē Pſalm. 14. Quis habitabit in Tabernaculo tuo, aut quis requieſcet in monte ſancto tuo? Qui pecuniam ſuam non  
dedit

dedit ad uſuram. Verùm in tribus caſibus aliquid ex mutuo; ultra ſortem abſque peccato accipi poteſt. primò, ratione damni emergentis. ſecundò, ratione lucri ceſſantis. tertio, ratione gratitudinis, nam homo ita tenetur iuuare proximum ſuum, ut tamen ſe indemnem ſeruet: propterea in prioribus duobus caſibus, ex mutuo aliquid recipi poteſt. item homo ex eo quod mutuo dedit, non eſt factus deterioris conditionis, quàm eſſet ante mutuum daſũ, ideo ſicut antea gratitudinis, atque beneuolentiæ gratia, poterat aliquid accipere, ita poſt.

Vt hæc materia de uſuris ſatis obſcura, utilis tamen, melius, atque facilius intelligatur, reducetur ad octo breues, & principales concluſiones, quarum prima eſt iſta, Vbicunq; concurrunt hæc tria: mutuum, lucrum principaliter intentum, & pactum, eſt uſura extrinſeca. Secunda concluſio, Vbi ſunt mutuum, & lucrum principaliter intentum, pactum verò ceſſat, eſt uſura mentalis. Tertia concluſio, Vbi non eſt mutuum expreſſum, neque tacitum, vel deſicit intentio lucri, & pactum ſimul, nullo modo eſt uſura. Quarta concluſio, Spes lucri ex mutuo ſecundaria,

id eſt, qua mutuans ſperat quidem lucrum, tamen etiam ſi illud non ſperaret, nihilominus mutua- ret ex debito charitatis, ſiue amicitia, non eſt vſura.

Quinta conſuſio, Spes lucri ex mutuo principalis, id eſt, qua mutuans ſperat lucrum, & ſi non ſperaret, non mutua- ret, facit vſuram. Sexta conſuſio, Si quis mutuet cum ſpe, vel pacto, quod aliquid detur pauperibus, vel patri ſuo indigenti, ſiue pro redimendo captiuo, eſt vſura. Septima conſuſio, Ex mutuo aliquam commoditatem, conſolationem, vel obſequium, quod pecunia æſtimari poteſt, ſeu obligationem ciuilem inducit, ſperare ex intentione principali, vel pacto, eſt vſura. Octaua conſuſio, Qui mutuat centum florenos, quinquaginta in numeris, & quinquaginta in debitis, quæ difficile exigi poſſunt, aut in rebus, quæ cum difficultate diſtrahantur, puta panno, corio, & huiusmodi, recepturo centum in numeratis, & inde debitor ratione mutui grauetur, vſura eſt.

Vſura quandoque eſt in cambijs, propterea, & circa hanc materiam, quæ ſubtilitate, atque aſtutia mercatorum noſtri temporis, eſt difficilis, & intricata, quaſdam conſuſiones pari-

ter pono, quarum prima est ; **Negotiatio** naturalis, & necessaria, scilicet rerum ad res, vel ad pecunias propter necessitatem vitæ, de se est laudabilis. **Secunda conclusio** : **Negotiatio** denariorum ad denarios, siue ad res, non ad necessitatem vitæ, sed ad lucrum consequendum, secundum se habet quandam turpitudinem: licet ex bono fine, honestari possit. **Tertia conclusio**: **Pecunia** materialiter accepta, puta ut est aurum, argentum, vel æs, potest locari, & vendi absque peccato, & vfura. **Quarta conclusio**. **Pecunia** formaliter sumpta ut pecunia, id est, in quantum moneta est, non potest locari, neque vendi absque peccato, & vfura: quia sic non habet usum à proprietate distinctum. **Quinta conclusio**: **Homo** potest uti pecunia tripliciter. primò, ut mensura venalium, & est principalis usus ipsius, quo casu non est venalis. secundò, ut pecunia permutando eam cum alia pecunia, prout fit in cambijs, quo casu est venalis per accidens, id est, gratia materiæ. tertio, homo potest uti pecunia ut re quadam, quo casu est venalis per se, ratione argenti, & ponderis. **Sexta conclusio**, **Numisma** materialiter potest vendi, vel emi precio maiori, aut mi-



nori, quam ſit illud, quod habet ex ſtatu Principis, propter eius qualitatē: puta quia eſt ex auro, quod eſt melius ad deaurandum, vel quia moneta eſt commodior ad portandum, abſq; peccato, & ſine vſura. Septima conſuſio, Pecunia materialiter ratione diſtantię localis, poteſt vendi & emi maiori, & minori pretio, quā ſit legale, ſine peccato, & vſura, quia res conſiderata ſub tali diſtantiā, minus valet, quā præſens. Octava conſuſio, Tria ſunt genera cambiorum, ad quę omnia reducuntur primum dicitur ad minutum, ſecundum per literas. tertium dicitur ſiccū. Nona conſuſio, Cambium ad minutum, contractus permutationis monetę, vt quando datur vna moneta pro alia diſſimili in ſubſtantiā, puta argentea pro ærea, vel in quantitate, vt attonſa pro completa, aut in qualitate, puta nummi veteres pro noui, hoc cambiū ſi deſt fraus, non eſt vſurarium, ſed eſt licitum. Decima conſuſio, Cambium per literas, vt quando campſor Petro danti ſibi Salisburgi centum aureos, dat literas, vt Romę accipiat nonagintaquinque, & reliquum campſor lucratur pro ſuo labore, & hoc genus cambiorum ceſſante fraude, non eſt vſu-

vsurarium, quia non est contractus mutui, ex quo hic campfor primò recipit, postea dat, & Petrus primò dat, deinde recipit: è cōtrario autem fit in mutuo.

Vndecima conclusio, Cambium sic- cum, quod est quando campfor primò dat, deinde accipit; puta quando Petrus recipit Tridenti centum taleos à campfore, vt in capite vnus mensis, tantum teneatur dare campfori Salis- burgi, vbi aliquando plus, aliquando minus valent, hoc genus cambiorum est illicitum: quia propriè non habet naturam cambij, sed mutui, ex quo aliquid accipere, vel principaliter sperare, est vfura. Duodecima conclusio, Generaliter de vsuris solus Iudex eccle- siasticus habet iudicare.

Vsurarius manifestus primò est is, qui est notorius notorietate iuris: puta quia conuictus vel condemnatus de vsuris, vel spontè confessus coram Iudice: secùs si extrà judicialiter. secundò, est is, qui est notorius notorietate facti: puta quia tenet mensam paratam, vel domi omnibus volentibus dat pecuniam, vel alia ad vsuram. tertio, is dicitur vsurarius publicus, qui publicè vendit rem ad tempus plus, quàm ad numeratum vendi potest pretio rigido.

ac ſummo, & tales licet in vita non fuerint declarati vſurarij : nihilominus poſt mortem poſſunt fieri probationes ad declarandum, quod erant manifeſti vſurarij dum viuerent.

Pœna vſurariorum manifeſtorum ſecūdum iura, eſt multiplex: prima eſt, quòd tales ſunt infames infamia iuris. ſecunda eſt, quòd ad communionem ſacram, id eſt, ad ſuſceptionem corporis Chriſti non ſunt admittenda. tertia eſt, quòd ad oblationem Altaris non admittuntur, & Sacerdos, qui eos ad huiuſcemodi recipit, ipſo iure eſt ſuſpenſus ab officio. quarta eſt, quòd niſi ſatisfecerint, priuantur ſepultura eccleſiaſtica, & hodie ſepelientes tales, ſunt excommunicati, quas pœnas vſurarij manifeſti ipſo iure incurrunt, nec requiritur hominis ſententia. quinta eſt, quòd non recipiuntur ad beneficium abſolutionis à ſuis peccatis donec de vſuris fuerit ſecundū facultatem eorum plenius ſatisfactum. ſexta eſt, q̃ nullus debet intereſſe eorum teſtamenti, niſi ſatisfaciant. ſeptima eſt, quod eorum teſtamenta ſunt nulla ipſo iure, niſi ſatisfecerint. Octaua eſt, quòd ſi vſurarius alteri ſoluit vſuras, repetere nō poteſt, niſi prius ipſe reſtituat, quas

extor-

extorsit, vel ille, cuius hæres est. nona pœna vsurariorum manifestorum, secundum omnes Doctores, est, quod ad modum raptorum, & furum tenentur restituere, non solum receptam rem pro vsuris, sed & fructus perceptos, & qui percipi potuerunt à vero domino.

## DE VSVFRVCTV.

**V**Sufructus communiter à Doctolibus sic definitur, est ius vtendi & fruendi rebus alienis, salua illarum substantia, proinde Vsufructuariis ab Emphyteota in hoc differt, quod ille utile dominium, iste autem solum ius vtendi, & fruendi habet. Vsufructus propriè est de rebus quæ vsu non consumuntur, licet vtilitatis causa receptum sit, vt etiam in rebus quæ vsu consumuntur, puta in pecunia, vino, frumento, & similibus constituatur, sicut passim fit, & obseruatur.

Vsufructuarius generaliter, nisi Testator aliter expressè disposuerit, tenetur præstare cautionem, quod reb. quæ vsu non consumuntur sibi relictis vteatur, salua illarum substantia arbitrio boni viri, hoc est, sicut quilibet vir bonus re propria vtitur, ac fruitur, in re-

bus verò quæ usu consumuntur potest  
exigi cautio de his exhibendis in ea-  
dem qualitate, vel ad æstimationem  
bonorum virorum, quæ quidem æsti-  
matio ad ea quæ usu minuuntur, non  
se extendit, quia esset præiudicium usu  
fructuario, sed duntaxat ad ea quæ usu  
consumuntur, extenditur.

Cautio non est de substantia usus-  
fructus respectu rerum, quæ usu consu-  
muntur, quia in multis casibus usus fru-  
ctus sine cautione consistit, sed respec-  
tu rerum, quæ usu non consumuntur,  
cautio est de substantia usufructus: Vn-  
de Vsufructuarius si cautionem non  
præstitit malitiosè cum sciret se obli-  
gatum, tenetur fructus restituere tan-  
quàm indebitè perceptos: At si cautio  
non fuit petita. fructusque sciente, &  
tollerante proprietario accepit, eo ca-  
su ad restitutionem fructuum sit perce-  
ptorum non tenetur: secus si propieta-  
rio ignorante, tunc non esset tutus in  
conscientia. Nota quod secundum Do-  
ctores Testator potest remittere ne cau-  
tio præstetur in rebus quæ usu consu-  
muntur, in alijs verò non, quia sic ma-  
teria delinquendi, uti asserunt daretur.

Vsufructuarius omnium bonorum  
ad multa tenetur, & in specie. primo te-  
netur

netur ad omnes expensas in re vsufu-  
ctuarie reficienda necessarias. secundo:  
tenetur collectas, & alia onera soluere,  
quæ debentur pro fructibus percipien-  
dis, tertio Vsfufructuarius omnium bo-  
norum secundum Direc. de mente  
Host. tenetur æs alienum soluere, & le-  
gata adimplere de ipsis bonis, vel re-  
nunciare legato vsufufructus si inde se  
grauatum sentiret, intellige si Testator  
reliquit ei verum, & plenum vsumfru-  
ctum omnium bonorum suorum: se-  
cus autem si certatum rerum sit ipsi re-  
lictus vsufufructus.

Vsfufructus multis modis amitti-  
tur. primò propter mortem vsufufructua-  
rij: verum si vsufufructus legatus fuerit  
Vniuersitati, siue Ciuitati, tunc dura-  
bit spatio centum annorum, nisi alia  
clausula sit in contrarium, testamento  
siue codicillo, inserta. secundò per ma-  
ximam, & mediam capitalis diminu-  
tionem, non autem per minimam, &  
quando hoc modo perditur, si vsufu-  
ctuarius erat filius reuertitur ad patrē,  
si seruus, ad dominum, si pater, vel alius  
ad filium, aut hæredem eius, & non ad  
proprietaryum transit. intellige quam-  
diu viuet ille, cui vsufufructus fuerat le-  
gatus. tertio si res perierit in qua vsufu-  
fructus.

fructus erat constitutus. quarto amittitur vsusfructus per non vsum, eo modo quo etiam dominium rei perditur: vt per præscriptionem, nempe spatio decem annorum inter præfentes, & spatio viginti annorum inter abfentes: fufficit tamen quod Vsfuctuarius re fibi relicta per alium utatur.

Si Testator reliquit uxori fuæ uerū, & plenum uſumfructum omnium bonorū fuorum quamdiu uidualem uitam duxerit, uel fine hac clauſula, eo caſu etiam frumenta, & alia uſu conſumptibilia ei cedunt: quinimo, & laudemium recipere poterit, nec per hoc uidetur, quod conditio hæredis deterior fiat, ſicut nec Eccleſiæ, ſi Prælatuſ beneficia uacantia conferat, uel electoſ confirmet, cum talia ad manuſ ſuaſ retinere nequeat. Quid ſi Teſtator dicat relinquo uxorem meam dominam, & uſufuctuariam omnium bonorū meorum? Reſpondeo, quod illud uerbum domina, ad euitandum repugnantiam ipſorum terminorum, non importat dominium bonorum, ſed præeminentiam quandam in domo, ſicut erat ante mortem Viri: comuni enim uſu loquendi uxoreſ dicuntur dominæ domuſ: Quod ſi habeatur in legato uſuſ-

fru-



fructus, relinquo uxorem meam usufructuariam omnium bonorum existantibus filiis, si filij præmorianantur, habebit usumfructum, nihilominus omnium bonorum, imo tunc sicut multi tenent, erit & est proprietaria. Verum in hac materia tenori ipsius legati usufructus, nec non dispositioni Testatoris iuribus consonæ, standum est, & iuxta eam per omnia se dirigere oportet, nisi sacris legibus, aut rationi repugnet.

## DE VXORE.

**N**Omne uxoris in fauorabilibus uenit mulier, quæ contraxit per uerba de præsentibus, licet Matrimonium nondum consummatum sit: in odiosis uerò uenit illa sola, quæ Matrimonium consummauit, & de iure uxor est sub potestate uiri, ad Ephes. 5. Mulieres uiris suis subditæ sint. Verum ut notat Panormitanus, maritus non habet in uxorem potestatem ordinariam, potest tamen eam castigare, & uerberare moderatè, uel ut inquit Hostien. ex magna causa, & uerberatione leui: Vnde uir sine causa, uel grauiter uerberans uxorem, punitur ad dandum ei tertiam partem donationis propter nuptias.

Vir

Vir si inuenit vxorem in actu adulterij, & occidit illam, secundum ius ciuile, nullam incurrit poenam: secus secundum legem diuinam, quæ dicit Exo. 20. Non occides, ideo non licet. Vtrum vxor teneatur laborare pro viro? Respondeo si habet sufficientem dotem pro oneribus supportandis, non tenetur, & vir in tali casu non potest eam compellere ad laborandum subtrahendo alimenta: vnde sequitur, & sibi poterit laborare, deductis tamen obsequijs communibus pertinentibus ad gubernationem domus, ex quo vxor, secundum communem opinionem Doctorum, tenetur ad omnia obsequia mariti, puta custodiendo bona eius, parando cibos, lauando, & his similia. Quod si dotem sufficientem non habet, eo casu debet laborare viro pro oneribus supportandis, & si nollet, eo casu vir potest illi alimenta denegare.

Vxor tenetur sequi virum, si transferat domicilium, nisi præcessisset pactum de non transferendo domicilio. Quinimò etiam pacto non obstante, si aliqua necessitas aduenerit, puta infirmitas, vel capitalis inimicitia, eo casu vxor tenetur sequi virum: Si vero domicilium non transfertur, non tenetur eum  
se-

sequi. Similiter non tenetur, si maritus est vagabundus, nisi cum eo contraxerit, sciens ipsum esse vagabundum, hoc tamen totum, ut notant Doctores, limitandum est, tenetur eum sequi, quando ex causa honesta transfert domicilium, secus si ex causa inhonesta, vel si vellet eam trahere ad peccatum, vel immineret sibi periculum vitæ, eo casu non tenetur eum sequi, minus quò ad hoc, illi obedire.

Vxor potest agere ad restitutionem dotis viuentis marito, ut quando vir eius incipit malè, uti substantia sua, vel quando propter maleficia, & crimina propria exulat à patria sua, præsertim cum ad distractionem, & dilapidationem bonorum peruenitur. Quinimo eo casu secundum aliquos posset etiam petere donationem factam propter nuptias, at multi quo ad prædictam donationem contrarium tenent.

Item in causa diuortij, hoc est quando matrimonium venit separandum, quo ad thorum, tunc vxor potest agere ad restitutionem dotis, & etiam donationem factam propter nuptias, petere: multæ autem ponuntur causæ, quibus vxor à viro quo ad thorum, iudicio Ecclesiæ separari potest, puta si est fur,

fur, uel latro, si adulterium commisit, & alijs de causis in iure expressis, quas omnes hic recensere, non est opus.

Quare quilibet iuxta Apostoli admonitionem, cognoscat uas suū quod possidet, in sanctificationem, curentq; coniuges perpetuo indissolubiliq; matrimonij nexu uincti, ut se inuicem diligant, sicut Christus dilexit Ecclesiam, qui seipsum tradidit pro ea: Sacramentum enim hoc magnum est, sicut docet idem Apost. ad Ephes. 5. in Christo, & in Ecclesia.



Ec sunt pie lector, quæ nobis circa hanc doctrinam de Casibus conscientiae dictam, ordine alphabetico dispositam, sentienda, tenenda, & obseruanda censuimus, ac censemus: saluis per omnia iudicio, & Censura sanctæ Matris Ecclesiæ, cui nos semper subijcimus. Perlege igitur, candido atque Christiano animo contenta in hoc opusculo, & si rem uotis parem fecimus, omnipotenti Deo, à quo omne bonum, gratiæ referantur; sin autem, da ueniam: quod enim pro nostra mediocritate præstare potuimus, præstitimus, & quod longo studio, uigilijs, atque

que labore comparauimus, alijs synce-  
 re, & charitatiuè communicare uolui-  
 mus. Bene uale, & si hanc materiam fu-  
 sus habere cupis, uideas D. Thomam  
 Aquin. 2.2. item 3. part. & in Quolib.  
 pro rerum qualitate de quibus agitur.  
 Insuper summas iam pridem publicæ  
 utilitatis causa in lucem datas, nempe  
 Pisanel. Anton. Angel. Rosel. Syluest.  
 Tabien. Supplen. Didac. Couarruias à  
 leyua. Martin Nauarr. & Io. Bernard.  
 Diaz in sua pract. crim. can. quos Au-  
 thores, & alios multos in editione  
 istius nostræ Summule perle-  
 gimus, communiori-  
 sententiæ adhaesi-  
 mus, illamq;  
 diuinæ  
 gratia adiutrice assecuti su-  
 mus, proinde Deo sit  
 laus, honor, &  
 gloria.

**FINIS.**





# I N D E X

EORVM OMNIVM QVAE  
in hoc opere, ordine Alpha-  
betico continentur.



## A

De Abbate. f.	13	Altari.	49
Abortu.	17	Appellatione.	51
Absolutione.	19	Apostasia.	54
Abstinencia.	24	Aqua benedic.	56
Accept. person.	25	Archidiacono.	58
Accidia.	27	Archiepiscopo.	59
Accusatione.	29	Archipræsbyt.	64
Adiuratione.	32	Auaritia.	65
Adoptione.	34		
Adulatione.	36	B	
Adulterio.	37	De Baptismo.	67
Affinitate.	40	Bello.	73
Alchimia.	42	Benedictione.	76
Alienatione.	44	Beneficio.	78
Alimentis.	47	Bigamia.	81
		Blasphemia.	83

De

# I N D E X.

## C

De Calice. fol. 87  
 Cambijs. 89  
 Canonizatiõe. 94  
 Capitulo. 95  
 Charactere. 99  
 Charitate. 101  
 Casu. 103  
 Censu. 109  
 Cœmeterio. 112  
 Circûcisiõe. 114  
 circumstantia. 116  
 clauibus Eccl. 117  
 clerico. 119  
 cognatione. 122  
 cõmunione. 124  
 concilio. 128  
 confess. iudic. 131  
 cõfess. sacram. 132  
 confessore. 137  
 cõfirmatione 141  
 cõfirm. Cano. 144  
 cõsecratione. 147  
 constitutione. 151  
 consuetudine. 155  
 contritione. 157  
 choreis. 160  
 correc. frater. 163  
 corp. vitiat. 165

crimine. 163  
 chrismate. 169

## D

De Deb. coni. 173  
 Decimis. 176  
 Defensione. 179  
 Degradatione. 181  
 Delegato. 184  
 Denûciatione. 186  
 Dignitate. 190  
 Diuortio. 195  
 Dominica. 199  
 Donatione. 202  
 Dote. 204  
 Duello. 206

## E

De Ebrietate. 208  
 Ecclesia. 209  
 Electione. 213  
 Eleemosyna. 218  
 Episcopo. 221  
 Etate. 232  
 Eucharistia. 235  
 Excõicatione 242  
 Executore. 246  
 Exemplis. 250

De



# I N D E X.

## F

De Festis.	253
Feudo.	258
Fide.	262
Filio.	265
Furto.	269
Futuris.	271

## G

De Gabellis.	275
Gula.	277

## H

De Hæredita.	279
Hæresi.	282
Homicidio.	285
Honore.	287
Horis Canon.	289

## I

De Idolatria.	293
Ieiunio.	295
Ignorantia.	299
Immunitate.	300
Impedimēto.	303
Incendiaro.	307

Incœstu.	309
Indulgentijs.	310
Infamia.	316
Inferno.	318
Infidelitate.	321
Inquisitione.	324
Interdicto.	326
Interrogatiōe.	329
Inuidia.	336
Innoc. Dœm.	339
Ira.	340
Irregularitate.	343
Iudæis.	348
Iudice.	350
Iudicio.	353
Inramento.	355
Iure Patron.	359
Iustificatiōe.	364

## L

De Lege.	368
Locatione.	374
Ludo.	378
Luxuria.	382

## M

De Maleficio.	388
Martyrio.	394

Ma

# I N D E X.

Matrimonio.	396	Purgat. Cano.	498
Medicina.	404	Purgatorio.	501
Mendacio.	408		
Metu.	412		
Missa.	414		
Monacho.	427		
Morte.	431		

## N

De Negotiat.	435
Nouitio.	438

## O

De Obedient.	443
Oratione.	446
Ordine.	451

## P

De Papa.	460
Peccato.	467
Pœna.	471
Pœnitentia.	474
Postulatione.	480
Prælato.	484
Præscriptiõe.	486
Privilegio.	490
Professione.	493

## Q

De Quadrag.	504
Quæstore.	507
Quarta funer.	509

## R

De Rapina.	513
Religione.	516
Renüciatione	521
Residentia.	524
Restitutione.	526

## S

De Sacramētis in genere.	530
Satisfactione.	534
Scandalo.	537
Sententia.	539
Sepultura.	542
Simonia.	546
Spolio.	553
Sponsalibus.	556
Suffragijs.	559
Superstitione.	563
Su.	

# I N D E X.

Suspensione.	567	Vicario.	588
T	<u>567</u>	Vnct. extrem.	<u>592</u>
De Testamēt.	573	Voto.	596
Testibus.	<u>579</u>	Vsura.	604
Tutela.	<u>582</u>	Vsufuctu.	<u>611</u>
V	<u>582</u>	Vxore.	615
De Venatiōe.	586		

Indicis Finis.



